


i

15





$\frac{1}{15}$

Գ Ի Բ Ք

243

Ս Ա Ղ Մ Ո Ս Ա Յ

Դ Ա Ի Թ Ի

Տ Պ Ա Գ Բ Ե Ա Լ

Ի Հ Ա Յ Բ Ա Պ Ե Տ Ո Ւ Թ Ե Ա Ն

Տ . Տ . Մ Ա Կ Ա Բ Ա Յ

Վ Ե Հ . Կ Ա Թ Ո Ւ Ղ Ի Կ Ո Ս Ի Ա Մ Ե Ն Ա Յ Ն Հ Ա Յ Ո Յ

Ե Ի

Ի Պ Ա Տ Բ Ի Ա Բ Բ Ո Ւ Թ Ե Ա Ն Ս Բ Բ Ո Յ Ե Բ Ո Ւ Ս Ա Ղ Ի Մ Ա Յ

Տ . Ե Ս Ա Յ Ե Ա Յ

Հ Ա Ն Գ Ո Ւ Յ Ե Ա Լ Ս . Ա Բ Բ Ե Պ Ի Ս Կ Ո Պ Ո Ս Ի

Ե Ի

Ի Պ Ա Տ Բ Ի Ա Բ Բ Ո Ւ Թ Ե Ա Ն Կ Ո Ս Ա Ն Դ Ն Ո Ւ Պ Օ Լ Ս Ո Յ

Տ . Յ Ա Բ Ո Ւ Թ Ի Ի Ն

Ս Բ Բ Ա Չ Ա Ն Ա Բ Բ Ե Պ Ի Ս Կ Ո Պ Ո Ս Ի

Կ . Պ Օ Լ Ի Ս


Տ Ե Բ Ե Ի Տ Պ Ա Գ Բ Ի Զ Ս . Ղ . Պ Ա Բ Տ Ի Զ Պ Ա Ն Ե Ա Ն

1888

ՏՊԱԳՐՈՒԹԻՒՆ Ս. Ղ. ՊԱՐՏԻԶՊԱՆԵԱՆ
Կ. ՊՕՒԽ ԲԻԳԱ-ՓԻԱՂԱ ԽԱՆԻ, ԹԻՒՅ



1-15աԿ






Զեոք իմ արարին գաղձոսարան ,
Եւ մատուցք իմ կազմեցին
զգործի օրհնութեան :



Գ Ի Ր Ք

Ս Ա Ղ Մ Ո Ս Ա Ց

Դ Ա Ի Թ Ի



Ս Ա Ղ Մ Ո Ս Ա

ԵՐԱՆԵԱԼ է այր՝ որ ոչ գնաց ՚ի
խորհուրդս ամբարշտաց, ՚ի ճա-
նապարհի մեղաւորաց նա ոչ եկաց,
և յաթոռս ժանտից ոչ նստաւ :
Այլ յօրէնս տեսառն են կամք նորա,
և յօրէնս նորա խորհեցցի նա ՚ի տուէ
և ՚ի գիշերի, և եղիցի նա որպէս ծառ,
որ անկեալ է ՚ի գնացս ջուրց :
Որ զպտուղ իւր ՚ի ժամու տացէ, և
տերեւ նորա միթափեցցի, և զամե-

նայն զոր ինչ արասցէ, յաջողեսցի նմա:
 Ոչ այսպէս են ամբարիշտք, և ոչ այն-
 պէս. այլ որպէս զփռչի, զոր հոսէ
 հողմ ՚ի վերայ երեսաց երկրի:

Վասն այսորիկ ո՛չ յարիցեն ամբա-
 րիշտք ՚ի դատաստան, և ո՛չ մեղաւորք
 ՚ի խորհուրդս արդարոց:

Քանզի ճանաչէ տէր զճանապարհս
 արդարոց, ճանապարհք ամբարշտաց
 կորիցեն:

Տունք զ.



Ս Ա Ղ Մ Ո Ս Բ

Անվերնագիր ՚ի յեբրայեացոցն. երկորին սորս
 բնդ մի համար են:

Ընդ էր խռովեցան հեթանոսք, և ժո-
 ղովուրդք խորհեցան ՚ի սնտախ:

Յանդ իման եղեն թագաւորք երկրի, և
 իշխանք ժողովեցան ՚ի միասին՝ վասն
 տեառն և վասն օծելոյ նորա:

Խղեսցո՛ւք զկապանս նոցա, և ընկես-
 ցուք ՚ի մէնջ զլուծ նոցա:

Բնակեալն յերկինս ծիծաղեսցի զնո-

բօք, և տէր արհամարհեսցէ զնոսա :
 Յայնժամ խօսեսցի ընդ նոսա բար-
 կու թեամբ իւրով, և սրտամտութեամբ
 իւրով խռովեցուսցէ զնոսա :

Ես կացի թաղաւոր 'ի նմանէ, 'ի վերայ
 լերին սիօնի սրբոյ նորա՝ 'ի պատմել
 զհրամանս տեառն :

Տէր ասացցիս՝ որդի իմ ես դու, և ես
 այսօր ծնայ զքեզ :

Խնդրեա յինէն, և տացքեզ զհեթա-
 նոսս 'ի ժառանգութիւն, և իշխանու-
 թիւնքեզ ընդ ամենայն ծագս երկրի :
 Հովուեսցես զնոսա դաւազանաւ եր-
 կաթեաւ, և որպէս զանօթ բրտի
 փշրեսցես զնոսա :

Արդ թաղաւորք՝ զայս 'ի միտ առէք,
 և խրատեցարուք ամենեքեան, ոյք
 դատէք զերկիր :

Ծառայեցէք տեառն երկիւղիւ և ցըն-
 ծացէք առաջի նորա դողութեամբ :
 Ընկալարուք զխրատնորա, զի մի բար-
 կասցի տէր, և կորնչիցիմք 'ի ճանա-
 պարհացն արդարութեան :

Ի ժամանակի՝ յորժամ բորբոքեսցի

բարկու թիւն նորա ։
 Երանխամենեցուն՝ ոյք յուսացեալ են
 ՚ի տէր ։
 Տունք ժդ .

ՍԱՂԾՈՍ Գ.

Սաղմոս Գարի. ՚ի ժամանակի՝ զի փախուցեալ էր
 նա յերեսաց Աբիսողոմայ որդւոյ իւրոյ .

Տէր՝ զի բազում եղեն նեղիչք իմ, և
 բազումք յարեան ՚ի վերայ իմ ։
 Բազումք ասէին զանձնէ իմմէ, թէ
 չէք փրկու թիւն սորա առ Աստուած
 իւր ։

Այլ դու տէր՝ օգնական իմ ես, փառք
 իմ և բարձրացուցիչ գլխոյ իմոյ ։
 Չայնիւ իմով ես առ տէր կարգացի, և
 լուաւ ինձ ՚ի լեռնէ սրբոյ իւրմէ ։
 Ես ննջեցի և ՚իքուն եղէ, զարթեայ՝
 և տէր ընդունելի իմ է ։

Ոչ երկեայց ես ՚ի բիւրաւոր զօրաց
 նոցա, ոյք շուրջանակի պատեալ
 պաշարեալ պահէին զիս ։

Արի տէր՝ և փրկեա զիս աստուած իմ .

զի դու հարեր զամենեւեան, ոյք էին
 ընդ իա թշնամու թեամբ ՚ի տարա-
 պարտուց, և զատամուճս մեղաւո-
 րաց փշրեսցես:

Տեառնդ է փրկու թիւն. ՚ի վերայ ժո-
 ղովրդեան քո օրհնու թիւն քո:

Տունք ը: Գորղայս իը:

ՍԱՂՄՈՍ Դ.

Ի կատարած օրհնութեան. Սաղմոսերգութիւն

Դարի:

Ի կարգալ իմու մլուար ինձ աստուած
 ըստ արդարու թեան. ՚ի նեղու թե՛նէ
 ինձ անդ որր արարեր, ողորմեա ինձ և
 լուր աղօթից իմոց:

Որդիք մարդկան մինչև յերբ էք խըս-
 տասիրտք. ընդ է՞ր սիրէք զնանրու-
 թիւն, և խնդրէք զստու թիւն:

Ծաներուք զի սքանչելիս արար տէր
 սրբոյ իւրում, և տէր լուիցէ ինձ ՚ի
 կարգալ իմում առ նա:

Բարկանայք՝ և մի՛ մեղանչէք, զոր ինչ

ասէք ՚ի սիրտս ձեր, յանկողինս ձեր
զըջացարուք :

Մատուցէք պատարադս արդարու
թեան, և յուսացարուք ՚ի տէր :

Բազումք ասէին թէ, ո՞ ցուցցէ մեզ
զբարութիւն տեառն, նշանեցաւ առ
մեզ լոյս երեսացքոց, և ետուր ու
բախու թիւն սրտից մերոց :

Ի պաղոյ ցորենոյ դինւոյ և ձիթոյ
իւրեանց լցուցեր զնոսա :

Խաղաղութեամբ յայս և ՚ի սոյն նըն
ջեսցուք և զարթիցուք. զի դու տէր
միայն առանձին յուսով քո բնակե
ցուցեր զմեզ :

Տունք ր.



ՍԱՂՄՈՍ Ե.

Ի կատարած վասն վիճակելոցն . Մաղմոս Դարբի :

Բանից իմոց ունկն դիր տէր, և ՚ի միտ
առ զաղազակ իմ :

Նայեա ՚ի ձայն աղօթից իմոց, թա
ղաւոր իմ և աստուած իմ :

Նսզքեզ աղաչեմ տէր ընդ առաւօտս

լուսիցես ձայնի իմում, բնդ առաւօտս
պատրաստ եղէց յանդիման լինելառ
քեզ :

Ոչ թէ դու աստուած կամիս զանօրէ-
նու թիւն, և ոչ բնակին առ քեզ չարք,
և անօրէնք մի՛ բնակեացին առաջի ա-
չաց քոց :

Ատեցեր զայնոսիկ ոյք գործեն զանօ-
րէնու թիւն . կորուսանես զամենես-
եան ոյք խօսին զսուտ :

Ջայր արիւնահեղ և զնենգաւոր պիղծ
առնես դու տէր, այլես ըստ բազում
ողորմութեան քում մտից 'ի տունքո,
և երկիրսպազից 'ի տաճար սուրբ քո
երկիւղիւ քո :

Տէր՝ առաջնորդեա ինձ յարդարու-
թեան քում . վասն թշնամեաց իմոց
ուղիղ արա առաջի իմ զճանապարհս
քո :

Ձի ոչ գոյ 'ի բերանս նոցա ճշմարտու-
թիւն, և սիրտք նոցա նանրեալք են :
Որպէս գերեզմանք բաց են կոկորդք
նոցա, և լեզուօք իւրեանց նենգա-
ւորք եղեն :

Դատեա զնոսա աստուած՝ զի անկցին
 ՚ի խորհրդոց սրտից իւրեանց . ըստ
 բազումամբարչտութեաննոցա մեր-
 ժեա զնոսա, զի դառնացուցին զբեզ :
 Ուրախ լիցին ամենեքեան՝ ոյք յու-
 սացեալ են ՚ի բեզ . յաւիտեան ցըն-
 ծասցեն, և բնակեսցիա դու ՚ի նոսա :
 Պարծեսցին ՚ի բեզ սիրելիք անուան-
 քո, զի օրհնեսցես դու զարդարն, տէր
 որպէս զինու հաճու թեամբքո պսա-
 կեցեր զնոսա :

Տունք ժք .



Ս Ա Ղ Մ Ո Ս Զ .

Ի կատարած բնդ օրհնութեան վասն ուրբերդաց .
 Սաղմոս Դարբի :

Տէր , մի՛ սրտմտութեամբ քով յան-
 դիմաներ զիս , և մի՛ բարկութեամբ
 քով խրատեր զիս :

Ողորմեա ինձ տէր , զի հիւանդ եմ
 ես . բժշկեա զանձն իմ , զի խռովե-
 ցան ոսկերք իմ :

Անձն իմ յոյժ խռովեցաւ՝ և դու

տէր մինչև յերբ :

Գարձ տէր և փրկեա զանձն իմ. կեցո
զիս տէր ըսա ողորմու թեան բուժ :

Ձի ոչ ոք է որ ՚ի մահու յիշէ զքեզ .
կամ ՚ի դժոխս խոստովան առնիցի
առ քեզ :

Վաստակեցայ ես ՚ի հեծու թեան ՚ի
մուժ . լուացի զամենայն գիշեր զմա
հիճս իմ, և արտասու օք իմովք զան
կողինս իմ թացի :

Խռովեցաւ ՚ի սրտմտու թե՛նէ՛ ալկն իմ,
և մաշեցայ ես ՚ի վերայ ամենայն թըշ
նամեաց իմոց :

Ի բաց կացէք յինէ՛ն ամենեքեան, ոյք
գործէք զանօրէ՛նու թիւն :

Լուաւ տէր ձայնի լալոյ իմոյ . լուաւ
տէր աղօթից իմոց , և տէր զխնդրը
ուածս իմ ընկալաւ :

Սմաչեացեն և խռովեացին յոյժ ամե
նայն թշնամիք իմ . դարձցին յետս և
ամաչեացեն յոյժ վաղվաղակի և խռո
վեացին :

Տունք թ : Գորդայս զ :



ՍԱՂՄՈՍ Է.

Սաղմսս Գարի . գոր ասաց տեսուն վասն բանին
Քուսեայ որդոց յիմենայ :

Տէր աստուած իմ 'ի բերդ յուսացայ ,
փրկեա զիս , և ամենայն հալածչաց
իմոց ապրեցո զիս :

Գուցէ երբէք յափշտակիցէ որպէս
առիւծ զանձն իմ . ոչ ոք իցէ որ փրկ-
կիցէ , և ոչ այն՝ որ ապրեցուցանիցէ :

Տէր աստուած իմ թէ որարի զայս , և
թէ իցեն անօրէնու թիւնք 'ի ձեռս իմ
Թէ հատուցի երբէք այնոց իկոյք հա-
տուցին ինձ չար . անկեացց և ես 'ի
թշնամեաց իմոց ընդ ունայն :

Հալածեսցէ ապա թշնամին զանձն իմ,
հասցէ և կոխեսցէ յերկիր զկեանս իմ,
և զփառս իմ 'ի հող բնակեցուցէ :

Արի տէր բարկու թեամբ քով , և
բարձր լեր 'ի սպառիլ թշնամեաց ի-
մոց :

Չարթիր տէր աստուած իմ 'ի հրա-
մանս քո՝ զոր պատուիրեցեր , և ժո-
ղովք ժողովրդոց շուրջ զիցին զբեր :

Վասն այսորիկ ՚ի բարձունս դարձ
տէր, և տէր դատէ զժողովուրդս իւր:
Գատ արա ինձ տէր ըստ արդարու-
թեան իմում, և ըստ ամբժու թեան
իմում՝ որ յիս :

Կատարեսցին չարիք ՚ի վերայ մեղաւո-
րաց, և յաջողեսցես դու արդարոյ :
Որքննէ զսիրտս և զերիկամունս աստ-
ուած արդար . յիրաւի է ինձ օգնու-
թիւն յաստուծոյ՝ որ ապրեցուցանէ
զայնօսիկ, ոյք ուղիղ են սրտիւք :
Աստուած դատուոր արդար՝ հզօր և
երկայնամիտ, որ ոչ ածէ զբարկու-
թիւն իւր հանապազ :

Ապա թէ ոչ դառնայք առ նա, զսուր
իւր սրեալ է և զաղեղն իւր լարեալ,
և ՚ի նմա սրատրաստեալ է զանօթս
մահու, և զնետս իւր այրեցելովք
է գործեալ :

Ահաւասիկ երկնեաց զանօրէնու-
թիւն . յղացաւ զցաւս, և ճնաւ
զանիրաւու թիւն :

Գուքն՝ զոր փորեաց և պեղեաց, ՚ի
նոյն անկցի ՚ի խորխորատ՝ զոր և գոր-

Տեաք :

Դարձցին ցաւք 'ի գլուխ նորա , և 'ի վերայ դագաթան նորա անօրէնու թիւնք իւր իջցեն :

Խոստովան եղէց տեառն ըստ արդարութեան նորա , և սաղմոս ասացից անուան տեառն բարձրելոյ :

Տունք ժէ :

ՍԱՂՄՈՍ Ը .

Ի կատարած 'ի վերայ հեմանացն .
Սաղմոս Գարի :

Տէր տէր մեր , զի՞ սքանչելի է անունքո 'ի վերայ ամենայն երկրի :

Համբարձաւ մեծ վայելչութիւնքո 'ի վերոյ բան զերկինս . 'ի բերանոց մանկանց տղայոց , ստնդեայց հաստատեցեր զօրհնութիւն :

Վասն թշնամեացքոց տէր , զի եղծցի թշնամին զօրհնութիւն :

Տեսից զերկինս զգործս մատանցքոց , զլուսին և զաստեղս՝ զորս դու հաստատեցեր :

Ո՞վ է մարդ, զի յիշես դու զնա, կամ
որդի մարդոյ, թէ այց ինչ արասցես
դու նմա :

Փոքր ինչ խոնարհ արարեր զնա քան
զհրեշտակսքո. փառօք և պատուօք
պսակեցեր զնա, և կացուցեր զնա ՚ի
վերայ ամենայն ձեռակերտաց քոց :
Չամենայն ինչ հնազանդ արարեր ՚ի
ներքոյ ոտից նորա, զխաշն և զարջառ՝
և զամենայն ինչ :

Եւս և զերէվայրի, զթռչունս երկնից,
և զձկունս ծովու՝ որք շրջին ընդ շա-
ւիղս ծովու :

Տէր տէր մեր, զի սքանչելի է անուն
քո ՚ի վերայ ամենայն երկրի :

Տունք թ : Գորդայս իզ :

ՍԱՂՄՈՍ Թ.

ի կառարած վասն գաղտնեացն որդոյ
Սաղմոս Դաքի :

Գոհացայց զքե՛ն տէր բողորով սրտիւ
իմով. պատմեցից զամենայն սքանչե-



Ուրախ եղէց և ցնծացայց 'ի քեզ .
սաղմոս ասացից անուան տեառնդ
բարձրելոյ :

Ի դառնալ յետս թշնամեաց իմոց ,
տկարասցին և կորիցեն յերեսաց քոց :

Արարեր զգատաստանս իմ և զիրա-
ւունս . նստար յաթոռ՝ դատաւոր
արդարու թեան :

Սաստեցեր 'ի հեթանոսս , և կորեաւ
ամբարիշտն . զանուանս նոցա ջրն-
ջեցեր յաւիտեանս յաւիտենից , և
թշնամւոյն զէն պակասեաց մինչ
խապառ :

Զքաղաքս աւերեցեր , և կորեաւ յի-
շատակ նոցա աղաղակաւ :

Աստուած կայ՝ և մնայ յաւիտեան .
պատրաստ արար զաթոռ իւր 'ի դա-
տաստանի :

Ինքն դատէ զաշխարհս արդարու-
թեամբ , և զժողովուրդս իւր ուղ-
ղու թեամբ :

Եղև տէր ապաւէն տնանկի , օգնական
'ի նեղու թեան 'ի դէպ ժամանակի :
Յուսասցին 'ի քեզ ամենեքեան՝ ոյք

գիտեն զանուէն քո, զի ոչ թողցես
 զայնոսիկ, ոչք խնդրեն զքեզ տէր :
 Սաղմոսասացէք տեառն՝ որ բնակեալն
 է 'ի սիօն, պատմեցէք 'ի հեթանոսս
 զգործս նորա :

Ի խնդրել զարիւնն նոցա՝ յիշեաց, և ոչ
 մոռացաւ տէր զազազակս տնանկաց :
 Ողորմեա ինձ տէր՝ և տես զխոնարհ
 հուծիւն իմ 'ի թշնամեաց իմոց . ո՛ր
 բարձր արարեր զիս 'ի դրանց մահու :
 Որպէս պատմեցից զամենայն օրհնու
 թիւնս քո 'ի դրունս գոտեր սիօնի, և
 ցնծացայց 'ի փրկու թեան քում :

Ընկլան հեթանոսք յապականու թեան
 իւրեանց՝ զոր արարին, և որոգայթ՝
 զոր թագուցին, առցէ զոտս նոցա :
 Ճանաչի տէր յառնել զգատաստանս
 իւր, և 'ի գործս ձեռաց իւրեանց
 կապեսցին մեղաւորք :

Գարձցին մեղաւորք անդրէն 'ի դը-
 ժոխս, և ամենայն հեթանոսք մո-
 ռացան զաստուած :

Ոչ իսպառ մոռանայ տէր զազքատն,
 համբերու թիւն տնանկաց մի՛ կորի-

ցէ խապառ :

Արի տէր՝ և մի զօրասցի մարդ . դա-
տեսցին հեթանոսք առաջիքո :

Կացո տէր օրէնսդ իր ՚ի վերայ նոցա, և
ծանիցեն հեթանոսք՝ թէ մարդիկ են :
Ընդէր տէր՝ կացեր ՚ի հեռաստանէ .
անտես արարեր ՚ի դէպ նեղութեան
ժամանակի :

Յամբարտաւանիլ ամբարշտին , այրի
աղքատն . արդելցին ՚ի խորհուրդս
իւրեանց , զոր և խորհեցան :

Զի գովի մեղաւորն ՚ի ցանկութիւն
անձին իւրոյ . որ զրկէն , և նա գովի :
Իսկ ընդէր բարկացոյց մեղաւորն
զաստուած . ըստ բազում բարկու-
թեան իւրում , թէ ոչ խնդրի :

Ոչ է աստուած առաջի աչաց նորա .
պիղծ են ճանասպարհք նորա յամե-
նայն ժամ :

Բարձրեալ են իրաւունք յերեսաց
նորա , ՚ի վերայ ամենայն թշնամեաց
իւրոց տիրեսցէ :

Ասաց ՚ի սրտի իւրում , թէ ոչ սասա-
նեցայց ազգէ յազգ առանց չարի :

Անիծիւք և դառնու թեամբ և նենգ
 գու թեամբ լի է բերան նորա, և ՚ի
 ներքոյ լեզուի նորա ցաւք և վաս-
 տակք :

Նստի դարանեալ ընդ մեծամեծս ՚ի
 գաղտնիս՝ սպանանել զանբիծն :

Աչք նորա ՚ի տնանկս հային . դարանի
 ՚ի գաղտնիս, որպէս զառիւծ ՚ի մոր-
 ւոջ իւրում :

Գարանի յափշտակել զաղբատն, յա-
 փրշտակել զաղբատն, և ձգել զնա :
 Յորոգայթ իւր խոնարհեցուսցէ զնա,
 խոնարհեցի և անկցի ՚ի տիրել իւ-
 րում ՚ի վերայ տնանկաց :

Զի ասաց ՚ի սրտի իւրում՝ թէ մոռա-
 ցաւ աստուած, դարձոյց զերեսս
 իւր, զի մի՛ տեսցէ իսպառ :

Արի տէր աստուած իմ, բարձր եղիցի
 ձեռնքո, և մի՛ մոռանար զտնանկս :

Իսկ ընդէր բարկացոյց ամբարիշտն
 զաստուած . զի ասաց ՚ի սրտի իւ-
 րում թէ ոչ քննի :

Տեսանես դու զնա ՚ի ցաւս, և ՚ի սրտմը-
 տու թիւնս հայիս, ՚ի քեզ թողեալ է

աղքատն, և որբոյն դու ես օգնական :
 Խորտակեսցի բազուկ մեղաւորի և
 չարի . խնդրեսցին մեղք նորա, և նա
 մի գտցի :

Տէր Թագաւոր յաւիտեանս յաւիտե
 նից . կորիցեն հեթանոսք յերկրէ նորա :
 Զցանկու թիւն տնանկաց լուաւ տէր .
 'ի պատրաստու թիւն սրտից նոցա
 հայեցաւ ակն քո :

Դատ առնել որբոյն և տնանկի . զի մի
 եւս յաւելցի մարդ 'ի մեծաբանել
 իւրու՞մ 'ի վերայ երեսաց երկրի :

Տունք խ :



ՍԱՂՄՈՍ Ժ.

Ի կատարած Սաղմոս Դաւիթ .

Ի տէր յուսացայ . ո՞րպէս ասիցէք
 ցանձն իմ, փոփոխեաց 'ի լերինս որ
 պէս ճնճողուկ :

Զի ահա մեղաւորք լարեցին զաղե
 դունս իւրեանց . պատրաստ արարին
 զնետս 'ի կապարճս, ձգել ընդ խա

Լար այնոցիկ՝ ոյք ուղիղ են սրտիւք :
 Ձի զոր դու շինեցեր, նոքա աւերեցին .
 իսկ արդարն զի՛ արար :

Տէր ՚ի տաճար սուրբ իւրում, տէր
 յերկինս յաթոռ իւրում :

Աչք նորա ՚ի տնանկս հային, և արտեւանուէք
 նորա քննեն զորդիս մարդկան :

Տէր քննէ զարդարն և զամբարիշտն .
 որ սիրէ զմեղս, ատէ զանձն իւր :

Տեղասցի ՚ի վերայ մեղաւորաց որոգայթ՝
 հուր և ծծումբ . այս մըրիկ՝ բաժին
 բաժակի նոցա :

Արդար է տէր՝ և զարդարութիւն սիրէ,
 և զուղղութիւն տեսանեն երեսք նորա :

Տունք Ը :

ՍԱՂՄՈՍ ԺԱ.

Ի կառարած ի վերայ ուրերորդին .
 Սաղմոս Դաւթի :

Ապրեցօ զիս տէր, զի նուազեաց
 սուրբ . նուազեցան ճշմարտութիւնք

յորդուոց ՚ի մարդկանէ :

Ի նանիր խօսեցաւ այր ընդ ընկերի
իւրում. շրթամբք նենգաւ որօք սըր-
տէ ՚ի սիրտ խօսեցաւ :

Սատակէ տէր զամենայն շրթունս
նենգաւ որս և զլեզուս մեծաբանս :
Ոյք ասացին. զլեզուս մեր մեծս ա-
րասցուք, շրթունք մեր առ մեզ են,
և արդ մեր ո՞վ է տէր :

Վասն տառապանաց աղքատին և
հեծութեան տնանկին, այժմ յար-
եայց ասէ տէր. եղից զվրկութիւն
իմ, և համարձակեցայց ի նոսա :

Բանք տեառն են բանք սուրբ, որպէս
զարծաթ ընտրեալ և փորձեալ յերկ-
րէ, սրբեալ և պարզեալ եօթնպա-
տիկ ՚ի հողոց :

Գու տէր պահեցեր զմեզ, և ապ-
րեցուցեր զմեզ յազգէ յայսմանէ
մինչև յաւիտեան :

Շուրջանակի ամբարիշտք շիջին. ըստ
բարձրութեան քում մեծս արասցես
դու զորդիս մարդկան :

Տունք ը :

ՍԱՂՄՈՍ ԺԲ.

Ի կատարած Սաղմոս Գաւթի:

Մինչեւ յերբ տէր՝ մոռանաս զիս
իսպառ, մինչեւ յերբ դարձուցանես
զերեսս քո յինէն:

Մինչեւ յերբ դնեմ զխորհուրդս յան-
ձըն իմ, և ցաւք սրտի իմոյ զաւուրս:

Մինչեւ ցերբ բարձրանայ թշնամին
ի վերայ իմ, նայեա և լուր ինձ տէր
աստուած իմ:

Լոյս տուր տէր աչաց իմոց, զի մի
երբէք ննջեցից ՚ի մահ:

Մի ասացէ թշնամին՝ թէ յաղթեցի
նմա, կամ նեղիչք իմ ցնծացեն,
թէ ես սասանեցայց:

Ես յողորմու թիւնս քո տէր յուսա-
ցայ, ցնծացաւ սիրտ իմ ՚ի փրկու-
թեան քում. օրհնեցից զտէր զբա-
րերարդ իմ:

Տունք զ:



Ս Ա Ղ Մ Ո Ս Ժ Գ .

Ի կատարած Սաղմոս Դարի :

Ասաց անզգամն 'ի սրտի իւրում, թէ
ոչ գոյ աստուած :

Ապականեցան և պղծեցան յանօրէ-
նու թեան իւրեանց . և ոչ ոք է՝ որ
առնէ զքաղցրութիւն :

Տէր յերկնից նայեցաւ յամենայն որ-
գիս մարդկան, տեսանել թէ իցէ՞ որ
խմաստուն, որ խնդրիցէ զաստուած :

Ամենեքեան խոտորեցան 'ի միասին
և անպիտանացան :

Ոչ ոք է որ առնէ զբարի, և չէ որ
մինչեւ 'ի մի :

Որպէս ոչ ծանիցեն ամենեքեան, ոյք
գործեն զանօրէնու թիւն :

Ոյք ուտէին զժողովուրդ իմ որպէս
կերակուր հացի, և առ տէր ոչ կար-
գացին :

Անգ երկիցեն զերկիւղ՝ ուր ոչ իցէ
երկիւղ. զի տէր է յազգս արդարոց :
Զխորհուրդ աղքատին յամօթ արա-

բին, զի տէր է յոյս նորա :

Ո՞ տացէ 'ի սիօնէ զփրկու թիւն ի սրա-
յէլի. 'ի դարձուցանել տեառն զգե-
րու թիւն ժողովրդեան իւրոյ, ջըն-
ծասցէ Յակոբ՝ և ուրախ եղիցի ի ս-
րայէլ :

Տունք ժ : Գորդայս լք :

ՍԱՂՄՈՍ ԺԴ

Ի կատարած . Սաղմոս Դաւթի :

Տէր ո՞վ կացցէ 'ի խորանի քում, կամ
ո՞վ բնակեցուսցէ 'ի լեառն սուրբ քո :
Ար գնայ անբիծ՝ գործէ զարգարու-
թիւն, խօսի զճշմարտութիւն 'ի
սրտի իւրում :

Ար ոչ նենգաւ որեաց լեզուաւ իւրով,
և չար ընկերի իւրում ոչ արար :
Նախատինս 'ի մերձաւորաց նա ոչ
առնու, արհամարհեալ է առաջի նո-
րա չարագործն :

Չերկիւղածս տեառն փառաւոր առ-
նէ. որ երգնու ընդ ընկերի իւրում,
և ոչ ստէ :

Չարձաթ իւր 'ի վարձու ոչ տայ, եւ
կաշառս 'ի վերայ իրաւանց ոչ առնու:
որ զայս արասցէ, նա մի սասանեցցի
յաւխտեան:

Տունք զ.

ՍԱՂՄՈՍ ԺԵ.

Յարձանագիր · Սաղմոս Դարի

Պահեա զիս աստուած իմ զի ես 'ի
բեզ յուսացայ. ասացի տեառն, տէր
իմ ես դու, և բարիք իմ ինձ 'ի բէն են:
Սրբոց քոց՝ որք են յերկրի քում, ըս-
քան չելի արարեր զամենայն կամս
իմ 'ի նոսա:

Յաճախեցցին հիւանդ ութ իւնք նոցա,
յետ այսորիկ ասպա վաղվաղեցցին:
Ոչ ժողովեցայց 'ի ժողովս նոցա յար-
եանց, և ոչ յիշեցից զանուանս նո-
ցա 'ի շրթունս իմ:

Տէր բաժին ժառանգ ութեան իմոյ՝ և
բաժակի իմոյ դու ես, որ այսրէն դար-
ձուցանես զժառանգ ութ իւն իմ յիս:
Վիճակք ելին ինձ ընդ ընտիրս, և

Ժառանգու թիւն իմ հաճոյ եղև ինձ :
 Օրհնեցից զտէր՝ որ իմաստուն արար
 զիս , մինչ ՚ի գիշերի եւս խրատեցին
 զիս երիկամունք իմ :


Յառաջագոյն տեսանէի զտէր առաջի
 իմ յամենայն ժամ . զի է ընդ աջմէ
 իմմէ , զի մի սասանեցայց :

Վասն այսորիկ ուրախեղև սիրտ իմ ,
 և ցնծացաւ լեզու իմ , եւս և մարմին
 իմ բնակեացի յուսով :

Ձի ոչ թողցես զանձն իմ ՚ի դժոխս ,
 և ոչ տացես սրբոյ քում տեսանել
 զապականու թիւն :

Յուցեր ինձ զճանապարհս քո կենաց ,
 լցուցեր զիս ուրախու թեամբ երե-
 սաց քոց ՚ի քաղցրու թենէ վայելչու-
 թեան աջոյ քո մինչ իսպառ :

Տունք ժա .



ՍԱՂՄՈՍ ԺԶ .

Աղօրք . Մաղմու Դարբի :

Լուր տէր արդարու թեան , և նայեա
 ՚ի խնդրուածս իմ . ունկն գիր աղօթից

Իմոց, զի ոչ շրթամբք նենդաւորօք :
 Յերեսացքոց իրաւունք ինձ ելցեն ,
 և աչք իմ տեսցեն զուղղութիւն :
 Փորձեցեր զսիրտ իմ , և քննեցեր 'ի
 գիշերի . փորձեցեր զիս՝ և ոչ գտաւ
 յիս անիրաւութիւն :

Մի խօսեսցի բերան իմ զգործս որդւոց
 մարդկան , վասն բանից շրթանց քոց
 ես պահեցից զճանապարհս խիստս :
 Հաստատեա զշաւիղս իմ 'ի ճանապարհի
 քում , զի մի գայթակղեսցին
 գնացք իմ :

Ես առ քեզ տէր կարգացի՝ զի լուար
 ինձ աստուած . խոնարհեցո առ իս
 զունկն քո և լուր բանից իմոց :

Սքանչելի արարեր զողորմութիւնս
 քո . ո՛ր վրկես զայնոսիկ ոյք յուսաց
 եալ են 'ի քեզ , յայնցանէ ոյք հա
 կառակ կան աջոյ քոյ :

Պահեա զիս որպէս բիբ ական , ընդ
 հովանեալ թելոց քոց ծածկեսցես
 զիս յերեսաց ամբարշտաց , ոյք տա
 ռապեցուցին զիս :

Թշնամիք զանձն իմ պաշարեցին , և 'ի

Ճարպս իւրեանց արդելին, և բերանք
նոցա խօսեցան զամբարտաւանու-
թիւնն :

Մերժեցին զիս, և այժմ՝ դարձեալ
պատեցան զինեւ. ուշ եղին խո-
նարհեցուցանել զիս յերկիր :

Համարեցան ինձ որպէս առիւծ զի
պատրաստի յորս, և որպէս կորիւն
առիւծու զի նստի դարանեալ :

Արի տէր՝ ժամանեա նոցա և խափա-
նեա զնոսա. փրկեա զանձն իմ յամ-
բարշտաց ՚ի սրոյ՝ և ՚ի ձեռաց թըշ-
նամւոյն :

Տէր կորո զնոսա յերկրէ. բաժանեա
և խափանեա զնոսա ՚ի կեանս իւրեանց :
Քաղանեօք քովք լցան որովայնք նո-
ցա, յագեցան կերակրովք, և թողին
զմնացուածս տղայոց իւրեանց :

Ես արդարու թեամբ երեւեցայցե-
րեսաց քոց, և յագեցայց յերեւիլ
փառաց քոց :

Տունք ժէ : Գորղայս ԼԲ :



ՍԱՂՄՈՍ ԺԷ

Ի կատարած 'ի վերայ պատերազմող նահատակի ծառայի տեսուն Գարի . զոր խօսեցաւ ընդ տեսուն զքանս օրհնութեան , յառօր յորում փրկեաց զնա տեր 'ի մեռաց ամենայն բշտամեաց , եւ 'ի մեռաց Սաւուղայ . եւ ասէ

Սիրեցից զքեզ տէր զօրութիւն իմ ,
տէր հաստատիչ իմ , ապաւէն իմ , և
փրկիչ իմ :

Աստուած օգնական իմ և եսյուսամ
'ի նա . ապաւէն իմ , եղջիւր փրկու
թեան իմոյ ընդունելի իմ է :

Օրհնելոյ կարգացից առ տէր , և 'ի
թշնամեաց իմոյ ապրեցայց :

Շուրջ եղեն զինեւ երկունք մահու ,
և ուղիք անօրէնութեան խռովե
ցուցին զիս :

Վիշտք դժոխոց պաշարեցին զիս , և
ժամանեցին ինձ որոգայթ մահու :

Ինեղութեան իմում ես առ տէր կար
գացի , և առ աստուած իմ աղաղակեցի :
Լուաւ ինձ 'ի տաճարէ սրբոյ իւրմէ
ձայնի աղօթից իմոյ , և աղաղակ իմ

առաջի նորա , մտցէ յականջս նորա :
 Խռովեցաւ և դողաց երկիր , և հի-
 մունք լերանց սասանեցան և խռ-
 վեցան , զի բարկացաւ 'ի վերայ նոցա
 աստուած :

Եւ ծուխ 'ի բարկութենէ նորա , և
 հուր յերեսաց նորա բորբոքեցաւ ,
 և փայլատակունք հատան 'ի նմանէ :
 Խոնարհեցոյց զերկինս և էջ , և մեդ
 'ի ներքոյ ոտից նորա :

Եւ 'ի բրովբէս և թռեաւ . սլացաւ
 նա 'ի թեւս հողմոց :

Եդ զխաւար 'ի ծածկոյթ իւր , և շուրջ
 զնովաւ են յարկբ իւր , և խաւարա-
 յին ջուրք մինչեւ յամպս օդոց :

Ի փայլատակել նորա առաջի նոցա .
 ամպք անցուցին զկարկուտ , և ըզ-
 կայծակունս հուր :

Որոտաց տէր յերկնից , և բարձեալն
 ետ զձայն իւր 'ի կարկուտ և 'ի կայ-
 ծակունս հուր :

Առաքեաց զնետս իւր և ցրուեաց
 զնոսա , յաճախեաց զփայլատակունս
 իւր , և խռովեցոյց զնոսա :

Երեւեցան աղբերք ջուրց , և յայտնեցան հիմունք աշխարհի :

Ի սաստէ քու մմէ տէր , և 'ի շնչել հոգւոյ բարկու թեան քո :

Առաքեաց 'ի բարձանց և ընկալաւ զիս . ընկալաւ զիս 'ի ջուրց բազմաց : Փրկեսցէ զիս տէր 'ի թշնամեաց ի մոց հզօրաց , և յատելեաց ի մոց՝ զի հզօրք եղեն քան զիս :

Ժամանեցին ինձ աւուրք չարչարանաց ի մոց . եղեւ տէր հզօրիչ իմ , և եհան զիս յանդորր , և փրկեաց զիս տէր՝ զի կամեցաւ զիս :

Հատուսցէ ինձ տէր ըստ արդարու թեան իմում . ըստ անբժու թեան իմում հատուսցէ ինձ :

Ես պահեցից զճանապարհս տեառն , և ոչ ամբարշտեցայց յաստուծոյ իմմէ :

Ամենայն իրաւունք նորա առաջի իմ են . և զարդարու թիւն իւր ոչ 'ի բացեայ արար յինէն :

Եղէց և ես անբիծ ընդ նմա , և զգուշացայց յանօրէնու թե՛նէ իմմէ :

Հատուսցէ ինձ տէր ըստ արդարու .

Թեան իմում, ըստ սրբու թեան ձե-
ռաց իմոց առաջի աչաց իմոց :

Ընդ սրբոյն սուրբ եղիցիս, ընդ առն
անբժի անբիծ եղիցիս, ընդ ընտ-
րեալսն ընտրեալ եղիցիս, և զթիւրսն
կործանեսցես :

Դու զժողովուրդս խոնարհս կեցու-
ցանես, և զաչս ամբարտաւանից
դու խոնարհեցուցանես :

Դու լուսաւոր առնես զճրագ իմտէր,
աստուած իմ, լոյս արա ինձ ՚ի խաւարի :

Քեւ փրկեցայց ՚ի փորձու թենէ. աս-
տուծով իմով անցից ընդ պարիսպս :

Աստուած իմ, անբիծ են ճանապարհք
քո և բանք տեառն ընտրեալ են, և
ապաւէն ամենեցուն որք յուսան ՚ինա :

Վասն զի ո՞վ է աստուած բաց ՚ի
տեառնէ, կամ ո՞վ է աստուած բաց
յաստուծոյ մերմէ :

Աստուած, որ զգեցուցիր ինձ զօ-
րութիւն, և եղեր յանբժու թեան
զճանապարհս իմ :

Հաստատեցեր զոտս իմ որպէս զեղ-
ջերուի, և ՚ի վերայ բարձանց կացու-

ցեր զիս :

Ուսուցեր զձեռս իմ 'ի պատերազմ ,
և արարեր զբազուկ իմ որպէս զաղե-
ղըն հաստ , և ետուր ինձ զպաշտ-
պանու թիւնն փրկու թեան քոյ :

Աջ քո ընկալաւ զիս , և խրատ քո
կանգնեաց զիս իսպառ , և խրատ քո
ուսուսցէ զիս :

Ընդարձակեցէ բղղնացս իմ 'ի ստորէ
իմմէ , և ոչ տկարացան շաւիղք իմ :
Հալածեցից զթշնամիս իմ և հասից
նոցա , և ոչ դարձայց 'ի նոցանէ՝
մինչեւ սպառեցից զնոսա :

Նեղեցից զնոսա , և այլ մի կարասցեն
կեալ , և անկցին 'ի ներքոյ ոտից իմոց :
Զգեցուցեր ինձ զօրու թիւնն 'ի պատե-
րազմի , և զյարուցեալսն 'ի վերայ
իմ՝ ներքոյ իմ արարեր :

Զթշնամիս իմ հալածականս արա-
րեր , եւ զատելիս իմ սատակեցեր :

Ազազակեցին , եւ ոչ որ էր որ փրկէր
զնոսա , կարգացին առ տէր՝ եւ ոչ
լուաւ նոցա :

Մանրեցից զնոսա որպէս փոշի առաւ ,

Ղի հողմոյ, և որպէս կաւ գռեհաց
կոխեցից զնոսա :

Փրկեսցէ զիս տէր 'ի հակառակու-
թենէ ժողովրդոց, և կացուսցէ զիս
գլուխ հեթանոսաց :

Ժողովուրդ՝ զոր ոչ գիտէի, ծառայեաց
ինձ, և լուր ականջաց լուաւ ինձ :

Որդիք օտարաց ստեցին ինձ, որդիք
օտարաց մաշեցան, և կաղացան 'ի
շաւղաց իւրեանց :

Կենդանի է տէր և օրհնեալ է աստ-
ուած, և բարձր եղիցի աստուած
փրկութեան իմոյ :

Աստուած է որ խնդրէ զվրէժ իմ, և
հնազանդ առնէ զժողովուրդս ընդ
ինեւ :

Փրկիչ իմ 'ի թշնամեաց իմոց բարկա-
ցողաց . յայնցանէ որք յարուցեալ
են 'ի վերայ իմ՝ բարձր արարեր զիս,
և յառնէ անիրաւէ փրկեցեր զիս :

Վասն այսորիկ խոստովան եղէց քեզ
'ի հեթանոսս, և անուանքումսաղ-
մոս ասացից :

Մեծ արարեր զփրկութիւն թագա-

Լորինորա, առնել ողորմու թիւն ընդ
օծելոյ նորա ընդ Գաւ թի, և ընդ զա-
ւակի նորա ազգէ մինչեւ յազգ :

Տունք ծ.

Կանոնս Գորղայս է : Սաղմոս ժէ :

Տունք մլը .

ՕՐՀՆՈՒԹԻՒՆ ՄՈՎԱՍԻՍԻ ԵՒ ՈՐԳԻՈՅՆ ԻՍՐԱՅԷԼԻ

ելից ժե.

Օրհնեսցուք զտէր, զի փառօք է փա-
ռաւորեալ :

Զհեծեալս և զերիվարս ընկէց 'ի ծով,
օգնական ընդունելի իմ տէր, և ե-
ղեւ ինձ 'ի փրկու թիւն :

Սա է իմ աստուած, և փառաւոր
առնեմ զսա. աստուած հօր իմոյ,
և բարձր արարից զսա :

Տէր խորտակէ զպատերազմունս, և
տէր է անուն նորա :

Զընտիրս արանց և զընտիրս սպառա-
զինաց, զկառս և զերիվարս և զամե-
նայն զօրու թիւնս Փարաւոնի ընկէց

ի ծով:

Ծով ծածկեաց զնոսա . ընկլան յան
գունդ խորոց իբրեւ գլխս :

Աջքո տէր՝ փառաւորեալ է զօրու
թեամբ իւրով, և աջքո տէր՝ խոր
տակեաց զթշնամիս քո :

Եւ մեծու թեամբ փառաց քոց ման
րեցեր զհակառակորդսքո . առաքե
ցեր զբարկու թիւն սրտմտու թեան
քոյ, և եկեր զնոսա որպէս զեղէգն :
Հոգւով զօրու թեան սրտմտու թեան
քո պատանեցան ջուրք . դիզան՝ կա
ցին որպէս պարիսպ քարեայ ջուրք
ծովուն, և պաղեցան դիզան ալիք
ջուրցն ի մէջ ծովուն :

Ասաց թշնամին . առէ, հալածեցից՝
հասից՝ հարից, բաժանեցից զաւարն,
և լցուցից ի նոցանէ զանձն իմ :

Ի սուր իմ արկից զնոսա, աիրեսցէ և
բարձրասցի ի վերայ նոցա աջ իմ :

Առաքեցեր զհողմնքո, և ծածկեաց
զնոսա ծով . ընկզմեցան, և իջին որ
պէս կապար ի ջուրս սաստիկս :

Ո՞նմանի քեզ յաստուածս տէր, կամ

ո՞վ նմանիցի բեզ՝ փառաւորեալդ ՚ի
սուրբս :

Սքանչելի փառաւորեալ՝ որ առնես
զնշանս և զարուեստս, ճգեցեր զձեռն
քո, և եկուլ զնոսա երկիր :

Առաջնորդեցերարդ արուժեամբ ժողովրդեան քո այսմ, զոր և փրկեցեր :

Մխիթարեցեր զնոսա զօրուժեամբ
քով ՚ի բանակեալ սրբուժեան քո,
լուան ազգք և բարկացան, և երկունք
կալան զբնակիչսն փղշտացւոց :

Յայնժամ փուժացան դատաւորք
եզովմայ, և իշխանք մովաբացւոց :

Կալաւ զնոսա դողումն. հալեցան
ամենայն բնակիչք քանանացւոց :

Անկցի ՚ի վերայ նոցա ահ և դողումն,
և ՚ի զօրուժենէ բազկի քո քարասցին :

Մինչեւ անցցէ ժողովուրդ քո տէր,
մինչեւ անցցէ ժողովուրդ քո այս՝

զոր ստացար :

Տարեալ տնկեսցես զնոսա ՚ի լերին
ժառանգուժեան քոյ, ՚ի սլատրաս-
տուժիւն բնակուժեան ժառան-
գուժեան քոյ :

Չոր ստացար 'ի սկզբանէ տէր , ստացար սրբու թեամբ՝ զոր պատրաստեցին ձեռք քո . տէր թագաւոր յաւիտեանս յաւիտենից , և եւս :

Ձի եմուտ Փարաւոն կառօք և երիւվարօք և ընտիր սպառազինօք 'ի մէջ ծովուն :

Եւ էած 'ի վերայ նոցա տէր զջուրս ծովուն , և որդիքն իսրայէլի գնացին ընդ ցամաք 'ի մէջ ծովուն :

Փառք հօր և որդւոյ և :

Մ Ա Ղ Թ Ա Ն Ք

Քրիստոս է իմ աստուած , և փառաւոր առնեմ զսա . աստուած հօր իմոյ . և բարձր արարից զսա :

Մարդասէր տէր , վասն սրբու հւոյ անարատի մօր քոյ և կուսի , և վասն խաչի քոյ պատուականի , ընկալ զաղաչանս մեր , և կեցո զմեզ :

Քարոզ և ուրիշ երանեալ և իբրև հանձն :

Վասն 'ի վերուսա խաղաղութեան և վրկութեան անձանց մերոց զտէր աղաչեսցուք : Տէր ողորմեա :

Վասն լսելի լինելոյ տեառն աստուծոյ ձայնի ազաչանաց մերոց, զտէր ազաչեսցուք: Տէր ողորմի՛:
 Վասն քաւիչ և ներող լինելոյ աստուծոյ ՚ի վերայ մեղաց մերոց, զտէր ազաչեսցուք: Տէր ո՛մի:
 Վասն թողլոյ մեզ զամենայն յանցանս մեր զկամայ և զակամայ, զտէր ազաչեսցուք: Տէր ո՛մի:
 Վասն զի մի՛ ընդ խոտանն գտանիցիմք յաւուրն սպառասխանաստուութեան, զտէր ազաչեսցուք:
 Տէր ողորմեա:

Վասն հողւոցն հանգուցելոց՝ որք ճշմարիտ և ուղիղ հաւատով ՚ի քրիստոս ննջեցին, զտէր ազաչեսցուք: Տէր ողորմեա:

Եւ եւս՝ միաբան վասն ճշմարիտ և սուրբ հաւատոյս մերոյ, զտէր ազաչեսցուք: Տէր ո՛մի:
 Զանձինս մեր և զմիմեանս տեառն աստուծոյ ամենակալին յանձն արացուք:

Ողորմեաց մեզ տէր աստուած մեր ըստ մեծի ողորմութեան քում. ասացուք ամենեքեան միաբանութեամբ:

Տէր ողորմեա. տէր ողորմեա. տէր ողորմեա:

Ա Ղ Օ Թ Ք

Տէր տուրնջեան՝ և գոհացուցիչ գիշերոյ, որ արարեր զտիւ ՚ի զբօսանս բարեգործութեան ՚ի փրկութիւն անձանց մերոց, և զգիշեր ՚ի հան-

գիտա քնոյ տկարացեալ բնութեան մերոյ : Իսկ այժմ զարթուցեալ բացեր զբերանս մեր յօրհնաբանութիւն՝ ահաւոր և փառաւորեալ անուանդ քում սրբոյ : Ընկալ և այժմ զաղաչանս մեր, և յաջողեա մեզ ուղիղ հաւատով և առաքինասէր վարուք՝ ի նոյն պաշտօն քո կանխել միշտ, և նովին կանոնիւս անդադար փառաւորել զՀայր և զՍրբի և զսուրբ Հոգիդ այժմ և միշտ և յաւիտեանս յաւիտենից . ամէն :

Խաղաղութիւն ամենեցուն :

Աստուծոյ երկրպագեսցուք :

Զքեզ, որ յամենայնի զԹած և մարդասէր տէրդ ես, աղաչեմք հանապազ, զի զօրացուսցես զմեզ օր ըստ օրէ կալ ի կարգի կրօնաւորութեան մերում : Թեթեւացո տէր՝ զքաղցր լուծ քո՝ զոր եղեր ի վերայ մեր . զի կարացուք կալ ի պատուիրանի քում, և զհաճոյսն առնել առաջի քո յամենայն ժամ ի տուէ և ի գիշերի : Հրեշտակային երգակցութեամբ զքեզ օրհնել, զքեզ գովել, և քեզ գոհութիւն և փառս մատուցանել ամենազօր տէրութեանդ այժմ և միշտ և յաւիտեանս յաւիտենից . ամէն :

Մ Ա Ղ Թ Ա Ն Ք

Սաղմոսիւք և օրհնութեամբ և երգօք հոգեւո-

բօք անդադար փառաւորեմք զՀայր և զՈրդի և զսուրբ Հոգիդ այժմ և միշտ և յաւիտեանս յաւիտենից . ամէն :

Օրհնեալ տէր մեր Յիսուս Քրիստոս ամէն :

Հայր մեր որ յերկինս , սուրբ եղիցի անուն քո , եկեացէ արքայութիւն քո . եղիցին կամք քո որպէս յերկինս և յերկրի . զհաց մեր հանապազորդ՝ տուր մեզ այսօր . թող մեզ զպարտիս մեր՝ որպէս և մեք թողումք մերոց պարտապանաց , և մի՛ տանիր զմեզ ի փորձութիւն . այլ փրկեա՛ զմեզ ի չարէ . զի քո է արքայութիւն և զօրութիւն և փառք յաւիտեանս յաւիտենից , ամէն :



Յարեաւ, չէ աստ, անաւադիկ
տեղին ուր եղին զնա.



ՍԱՂՄՈՍ ԺԸ:

Ի կատարած . Սաղմոս Դասքի :

Երկինք սլատմեն զփառս աստուծոյ, և զարարածս ձեռաց նորա պատմէ հաստատութիւնն :

Օր աւուր բղխէ զբան, և գիշեր գիշերի ցուցանէ զգիտութիւնն :

Ոչ են բանք և ոչ են խօսք, որոց ոչ լինն ձայնք նոցա :

Ընդ ամենայն երկիր ել բարբառ նոցա, և մինչեւ 'ի ծագս աշխարհի են խօսք նոցա :

Յարեւու եհար զխորան իւր, և ինքն որպէս փետայ՝ զի ելանէ յառազաստ իւրմէ, և ցնծայ նա որպէս հըսկայ յընթանալ զճանապարհս իւր :

Ի ծագաց երկնից են ելք նորա, և հանգիստ նորա մինչեւ 'ի ծագս նո-

բուն . և ոչ որ իցէ , որ թագիցէ 'ի
տապոյ նորա :

Օրէնք տեառն անբիծ են , և դարձ
ճուցանեն զհոգիս . վկայութիւն
տեառն հաւատարիմ է , և իմաս
տուն առնէ զտղայս :

Արդարութիւն տեառն ուզիղ է , և
ուրախ առնէ զսիրտս . պատուիրանք
տեառն լոյս են , և լոյս տան աչաց .
երկիւղ տեառն սուրբ է , և մնայ
յաւիտեան :

Դատաստան տեառն ճշմարիտ է , և
արդար է 'ի նոյն :

Յանկալի է նաքան զոսկի և քան զա
կանս պատուականս բազումս . քաղ
ցրբ է նա քան զմեղու խորիսխ :

Քանզի ծառայքո պահեսցէ զայս .
'ի պահել նմա զհատուցումն բա
զում :

Զյանցուածս իւր ո՞վ կարէ առնուլ
'ի միտ . 'ի գաղտնեաց իմոց սուրբ ա
րա զիս տէր , և յօտարէն պահեա
զծառայս քո :

Ապա թէ ոչ տիրեսցեն ինձ , յայն

Ժամ անբիծ եղէց, և սուրբ եղէց 'ի
մեղաց մեծաց :

Եղիցին քեզ հաճոյ բանք բերանոյ
իմոյ, և խորհուրդք սրտի իմոյ առա-
ջի քո յամենայն ժամ. տէր օգնական
իմ և փրկիչ իմ :

Տունք ժդ .

ՍԱՂՄՈՍ ԺԹ.

Ի կատարած . Սաղմոս Դաւթի :

Լուիցէ քեզ տէր յաւուր անձկու-
թեան . օգնական եղիցի քեզ անունն
աստուծոյ յակոբայ :

Առաքեսցէ քեզ տէր օգնութիւն
'ի սրբութենէ իւրմէ, և 'ի սիօնէ
ընկալցի զքեզ :

Յիշեսցէ տէր զամենայն պատարագս
քո, և ուխտս քո ընդունելի արասցէ :

Տացէ քեզ ակեր ըստ սրտի քում, և
զամենայն խորհուրդս քո նա կատա-
րեսցէ :

Յնծասցուք մեք 'ի փրկութեան քում,
յանունն աստուծոյ մերոյ մեք մեծք

Եղիցուք :

Լցուսցէ տէր զամենայն խնդրուածս
քո . այժմ ծանեաք , զի կեցոյց տէր

զօծեալ իւր :

Լուաւ սմա յերկնից 'ի սրբու թե՛նէ
իւրմէ , 'ի զօրութիւն փրկութեան

աջոյ իւրոյ :

Սոքա կառօք և սոքա երիւլարօք . այլ
մեք զանուն տեառն աստուծոյ մե-

րոյ կարգասցուք :

Սոքա խափանեցան և անկան . մեք
յարեաք և ուղիղք եղաք :

Տէր կեցո զթագաւորն և լուր մեզ ,
յաւուր յօրում կարգասցուք առ

քեզ :

Տունք ժ .

ՍԱՂՄՈՍ Ի .

Իմաստօրիւն . Սաղմոս Գաբի :

Տէր 'ի զօրութեան քում ուրախ ե-
ղեցի թագաւորն . 'ի փրկութեան
քում ցնծասցէ յոյժ :

Զցանկութիւն սրտի նորա ետուր
նմա , և զկամս շրթանց նորա ոչ ար-

զեւլեր 'ի նմանէ :

Ժաման արարեր զնա յօրհնութիւն
քաղցրութեան քոյ, և եզեր 'ի գլուխ
նորա պսակ 'ի քարէ պատուականէ :
Կեանս խնդրեաց 'ի քէն, և ետուր
նմա ընդ երկայն աւուրս՝ յաւի-
տեանս յաւիտենից :

Մեծ են փառք նորա 'ի փրկութեան
քում. զփառս մեծ վայելչութեան
քո գիցես 'ի վերայ նորա :

Տացես զնա յօրհնութիւն յաւիտեա-
նքս յաւիտենից, և ուրախ արասցես
զնա յուրախութեան երեսաց քոյ :

Թագաւոր յուսացաւ 'ի տէր, յողոր-
մութենէ քարձրելոյն նա մի սասա-
նեսցի :

Գտցի ձեռն քո 'ի վերայ թշնամեաց
քոյ, և աջ քո գտցէ զամենայն ա-
տելիս քո :

Դիցես զնոսա որպէս հնոց 'ի հուր՝
'ի ժամանակի երեսաց քոյ :

Տէր քարկութեամբ իւրով խոռվե-
ցուսցէ զնոսա, և հուր կերիցէ զնոսա :
Պտուղ նոցա յերկրէ կորիցէ, և զա-

Լակ նոցա յորդուոց 'ի մարդկանէ :
 Խոտորեցան 'ի քէն չարու-թեամբ .
 Խորհեցան զխորհուրդ . զոր ոչ կա-
 րասցեն հաստատել :

Արասցես զնոսա հալածեալս , 'ի մը-
 նացուածս քո պատրաստեացես զե-
 րեսս քո :

Բարձր լեր տէր 'ի զօրութեան քում .
 օրհնեսցուք և սաղմոս ասացուք 'ի
 զօրութեան քում :

Տունք ժգ : Գորշայս ԼԸ :

ՍԱՂՄՈՍ ԻԱ.

Ի կատարած . վասն առաւօտին օգնականութեանց :
 Սաղմոս Գարի :

Աստուած աստուած իմ՝ նայեաց առ
 իս . ընդէր թողեր զիս . հեռի եղեր
 'ի փրկութենէ իմմէ վասն բանից
 յանցանաց իմոց :

Աստուած իմ , 'ի տուէ կարգացի առ
 քեզ , և ինձ ոչ լուար . 'ի գիշերի , և
 ինձ ոչ անսացեր :

Գու 'ի սուրբս բնակեալես , և գով-

Եալդ յիարայելի :

Ի քեզ յուսացան հարբն մեր . յուսացան 'ի քեզ , և փրկեցեր զնոսա :

Առ քեզ աղաղակեցին և կեցին , 'ի քեզ յուսացան . և ոչ ամաչեցին :

Այլ ես որդն եմ , և ոչ եմ մարդ . նախատինք մարդկան , և արհամարհանք ժողովրդոց :

Ամենեքեան որք տեսանելին զիս , արհամարհելին զինև . խօսելին շրթամբք և շարժելին գլուխս իւրեանց :

Յուսացաւ 'ի տէր , և փրկեսցէ զնա , կեցուցէ զնա , զի կամի զնա :

Դու ես՝ որ հաներ զիս յարգանդէ , յոյս իմ 'ի ստեանց մօր իմոյ :

Ի քեզ անկայ ես յարգանդէ , յորովայնէ մօր իմոյ , դու ես աստուած իմ :

Մի 'ի բացեայ առներ յինէն՝ զի նեղու թիւնք մերձեալ են , և ոչ ոք է՝ որ օգնէ ինձ :

Շուրջ եղեն զինեւ զուարակք բազումք , և ցուլք գէրք պաշարեցին զիս : Բացին 'ի վերայ իմ զլերանս իւրեանց , որպէս առ իւժ՝ զի մռնչէ և յափշտակէ :

Ես որպէս զջուր հեղայ, և ցրուեցան ամենայն ոսկերք իմ, և եղեւ սիրտ իմ որպէս մոմ հալեալ 'ի մէջ որովայնի իմոյ :

Չորացաւ որպէս խեցի զօրու թիւն իմ. լեզու իմ 'ի բիմս իմ կցեցաւ, և 'ի հող մահու իջուցին զիս :

Շուրջ եղեն զինեւ շունք բազումք, եւ ժողովք չարաց պաշարեցին զիս : Մակեցին զձեռս իմ եւ զոտս իմ, եւ թուեցին զամենայն ոսկերս իմ.

'նորա հայեցան եւ տեսին զիս :

Բաժանեցին զհանդերձս իմ 'ի մէջ իւրեանց, եւ 'ի վերայ պատմուճանի իմոյ վիճակս արկանելին :

Դու տէր մի հեռի առներ զօգնու թիւն քո յինէն, եւ տէր յօգնել ինձ 'նայեաց :

Փրկեա 'ի սրոյ զանձն իմ, եւ 'ի ձեռաց շանց զմիամօրու թիւն իմ :

Փրկեա զիս 'ի բերանոյ առիւծու, յեղջերէ միեղջերու ի զխոնարհու թիւնիմ Պատմեցից զանունքո եղբարց իմոց, և 'ի մէջ եկեղեցւոյ օրհնեցից զքեզ :

Երկիւղածք տեառն օրհնեցէք զտէր,
 եւ ամենայն զաւակն յակօրեան փա-
 ռաւոր արասցեն զնա :

Երկիցէ 'ի տեառնէ ամենայն զաւակն
 իսրայէլի, զի ոչ արհամարհեաց եւ ոչ
 անարգեաց տէր զազօթս ազքատի,
 եւ ոչ դարձոյց զերեսս իւր յինէն. այլ
 'ի կարգալ իմուժառ նա՝ լուաւ ինձ :
 Իքէնէ գովու թիւն իմ տէր, յեկե-
 ղեցիս մեծս օրհնեցից զքեզ :

Զուխտս իմ կատարեցից առաջի ա-
 մենայն երկիւղածաց նորա :

Կերիցեն տնանկք եւ յագեսցին. օրհ-
 նեացեն զտէր՝ ոյք խնդրեն զնա :

Կեցցեն սիրտք նոցա յաւիտեանս յա-
 ւիտենից. յիշեսցեն, և դարձցին առ
 տէր ամենայն ծագք երկրի :

Երկիրպագցեն նմա ամենայն տոհմք
 ազանց, զի տեառն է արքայու թիւն,
 եւ նա տիրէ 'ի վերայ ամենայն հե-
 թանոսաց :

Կերին եւ երկիրպագին նմա ամենայն
 պարարտք երկրի. առաջի նորա անկ-
 ցին ամենեքեան՝ ոոօ ե. ճ. Վ. Վ. Վ.

Անձն իմ նովաւ կեայ, եւ զաւակ
 իմ ծառայեսցէ նմա :

Պատմեցի տեսուն ազգ՝ որ դալոցն է.
 պատմեսցեն զարդարութիւն նորա
 ժողովրդեան, որ ծնանելոցն է՝ զոր
 արար տէր :

Տու. ք 1բ :

ՍԱՂՄՈՍ ԻԲ

Ի կատարած . Սաղմոս Դարի :

Տէր հովուեսցէ զիս, և ինձ ինչ ոչ
 պակասեսցի :

Ի վայրի դալարւոջ՝ անդ բնակեցոյց զիս
 և առ ջուրս հանգստեան սնոյց զիս :

Դարձոյց զանձն իմ առ իս, եւ առաջ
 նորդեաց ինձ ՚ի ճանապարհս արդա-
 րութեան վասն անուան իւրոյ :

Թէպէտ և գնացիցես ՚ի մէջ ստուե-
 րաց մահու, ոչ երկեսայց ՚ի չարէ,
 զի դու տէր ընդ իս ես :

Յուսքս և գաւազան՝ նորա մխիթա-
 րեսցեն զիս :

Պատրաստ արարեր առաջի իմ զսե-

զան՝ ակն յանդիման նեղչաց իմոց :
 Սձեր իւղով զգլուխ իմ . բաժակ քո
 որպէս անապակ արբեցոյց զիս :
 Ողորմութիւն քո տէր զհետ իմ ե-
 կեսցէ զամենայն աւուրս կենաց ի-
 մոց , բնակել ինձ ՚ի տան տեառն ընդ
 երկայն աւուրս :

Տունք Ը :

ՍԱՂՄՈՍ ԻԳ.

Սաղմոս Դաւթի . միաշաբաթուց :

Տեառն է երկիր լիւ իւրով աշխարհ
 և ամենայն բնակիչք նորա :
 Նա ինքն ՚ի վերայ ծովու հիմունս
 էարկ նմա . ՚ի վերայ գետոց պատ-
 րաստեաց զնա :
 Ո՞վ ելցէ ՚ի լեառն տեառն , կամ ո՞վ
 կացցէ ՚ի տեղ ոչ սրբութեան նորա :
 Որ սուրբ է ձեռօք և անբիծ սրտիւ
 որ ոչ էառ զնանրութիւն յանձն իւր ,
 և ոչ երգուաւ ընդ ընկերի իւրում
 նենդութեամբ :
 Պատուշէ զօգնութիւն ՚ի տեառնէ զո-

ղորմու թիւնյաստու ծոյ փրկչէ իւրմէ :

Այս ազգ է՝ որ խնդրէ զտէր, խնդրէ տեսանել զերեսս աստու ծոյ յակոբայ :

Համբարձէք իշխանք զգրունս ձեր ՚ի վեր, համբարձցին գրունք յաւիտեանից, և մտցէ թագաւոր փառաց :

Ո՞վ է սա թագաւոր փառաց, տէր հզօր զօրու թեամբ իւրով, տէր հըզօր ՚ի պատերազմի :

Համբարձէք իշխանք զգրունս ձեր ՚ի վեր, համբարձցին գրունք յաւիտեանից, և մտցէ թագաւոր փառաց :

Ո՞վ է սա թագաւոր փառաց, տէր զօրու թեանց, սա ինքն է թագաւոր փառաց :

Տունք ժ : Գորղայս ծ :

ՍԱՂՄՈՍ ԻԴ.

Ի կատարած . Սաղմոս Դասքի :

Առ քեզ տէր համբարձի զանձն իմ աստուած իմ ՚ի քեզ յուսացայ, մի ամաչէցից, և մի ծիծաղէցցին զինեւ թշնամիք իմ :

Ամենեքեան որք համբերենքեղ, մի
ամաչեսցեն, այլ ամաչեսցեն անօրէնք
յունայնու թեան իւրեանց :

Չճանապարհս քո տէր ցոյց ինձ, և
ղչաւիզս քո ուսո ինձ :

Առաջնորդեա ինձ՝ի ճշմարտու թեան
քում և ուսո զիս, զի դու ես աստ-
ուած փրկիչ իմ, և ես քեզ համբե-
րի զօրհանապաղ :

Յիշեա տէր զգ թու թիւնս քո և զողոր-
մու թիւնս քո, որք են յաւիտենից :

Չմեղս մանկու թեան իմոյ և զանգի-
տու թեան իմոյ մի յիշեր, այլ յիշեա
զիս տէր ըստ ողորմու թեան քում
վասն քաղցրու թեան քո, զի քաղցր
և ուղիղ ես :

Վասն այսորիկ օրէնագէտ առնես
զմեղաւորս ՚ի ճանապարհի, առաջ-
նորդես հեզոց ՚ի դատաստանի և ու-
սուցանես հեզոց զճանապարհս քո :

Ամենայն ճանապարհք տեառն ողոր-
մու թեամբ և ճշմարտու թեամբ են
այնոցիկ, ոյք խնդրեն զուխտ և ըզ-
վկայու թիւն նորա :

Վասն անուանքո տէր քաւեա զմեզս
 իմ, զի բազում եղեն. ո՞վ է մարդ որ
 երկնչի 'ի տեառնէ. օրէնսգէտ առնէ
 զնա 'ի ճանապարհի՝ յոր և հաճեցաւ :
 Անձն նորա 'ի բարու թեան հանդիցէ,
 և զաւակ նորա ժառանգեցցէ զերկիր :
 Զօրու թիւն է տէր երկիր զածաց իւ-
 րոց, և զկտակարանս իւր ուսուցա-
 նէ նոցա :

Աչք իմ յամենայն ժամ առ տէր են,
 և նա հանէ յորոգայթէ զոտս իմ :
 Նայեա առ իս և ողորմեա ինձ, զի
 միամօր և աղքատ եմ ես :

Նեղու թիւնք սրտի իմոյ բազում ե-
 ղեն յոյժ, և 'ի վշտաց իմոց հան զիս :
 Տես զխոնարհու թիւն իմ և զվաստակ
 իմ, և թող ինձ զամենայն զմեզս իմ :
 Տես զթշնամիսն իմ, զի բազում ե-
 ղեն ատելու թեամբ՝ որք 'ի նանիր
 ատեցին զիս :

Պահեա զանձն իմ և փրկեա զիս, և մի՛
 յամօթ եղէց, զի յուսացայց 'իքեզ :
 Անբիծք և ուղիղ կցորդք եղեն ինձ,
 և ես քեզ համբերի. փրկեա աստուած

Ղիսրայէլ յամենայն ներդու թեանց
նորա :

Տունք ժը:

ՍԱՂՄՈՍ ԻԵ.

(4)

Ի կատարած . Սաղմոս Գաւթի:

Դատ արա ինձ տէր՝ զի ես յանբժու
թեան իմում գնացի, ՚ի տէր յու
սացայ՝ զի մի եղէց հիւանդ:

Փրկեա զիս տէր և քննեա զիս . փոր
ձեա զերիկամունս իմ և զսիրտ իմ:
Ողորմութիւնքո տէր առաջի աչաց
իմոց և հաճոյ եղէց ճշմարտութեան
քում:

Ոչ նստայց ես յաթոռս նանրաց, և
ընդ անօրէնս ես ոչ մտից:

Ատեցի ես զժողովս չարաց, և ընդ
ամբարիշտս ես ոչ նստայց:

Լուացից սրբութեամբ զձեռս իմ, և
չուրջ եղէց զսեղանովքով տէր:

Լսել ինձ զձայն օրհնութեան քո և
պատմել զամենայն սքանչելիս քո:

Տէր սիրեցի զվայելչութիւն տանքո,

և զտեղի յարկի՛ լիառւաց քոց :
 Մի՛ կորուսաներ ընդ ամբարիշտս
 զանձն իմ, և մի՛ ընդ արս արիւնա-
 հեղս զկեանս իմ :

Որոց ձեռք իւրեանց յանօրէ՛նու թեան
 են, և աջ նոցա լի է կաշառօք :

Ես յանբժու թեան իմու՛մ դնացի,
 փրկեա զիս տէր և ողորմեա ինձ :

Ոտն իմ կացցէ յուղղու թեան, յե-
 կեղեցիս մեծս օրհնեցից զքեզ :

Տունք ժբ.



ՍԱՂՄՈՍ ԻԶ.

Սաղմոս Դաւթի . միեզեւ օծեալ էր .

Տէր լոյս իմ և կեանք իմ՝ ես յու՛մմէ՞
 երկեայց . տէր ապաւէն կենաց իմոց՝
 ես յու՛մմէ՞ դողացայց :

Ի մերձե՛նալ առ իս չարաց ուտել
 զմարմին իմ, նեղիչք իմ և թշնամիք
 իմ՝ նոքա տկարացան և անկան :

Թէ պատրաստեցի ՚ի վերայ իմ պա-
 տերազմ, ոչ երկիցէ սիրտ իմ, և թէ
 յարիցէ ՚ի վերայ իմ ճակատամարտ,

սակայն և այսուիկ ՚ի քեզ տէր յու-
սացայ :

Զմի խնդրեցի ՚ի տեառնէ՝ և զսոյն
աղաչեմ, բնակիլ ինձ ՚ի տան տեառն
զամենայն աւուրս կենաց իմոց :

Տեսանել ինձ զվայելչու թիւն տեառն,
և հրաման տալ ՚ի տաճարի նորա :

Ծածկեաց զիս ՚ի խորանի իւրում յա-
ւուր չարի. ընդ յարկաւ արար զիս
՚ի ծածկոյթ խորանի իւրում :

Ի վիմէ բարձր արարեր զիս, և այժմ
բարձր արա զգլուխ իմ ՚ի վերայ
թշնամեաց իմոց :

Շուրջ եղէց՝ և զատուցից ՚ի խորանի
նորա պատարագ օրհնու թեան. օրհ-
նեցից և սաղմոս ասացից տեառն :

Լուր տէր ձայնի իմում, զի կարդացի
առ քեզ. ողորմեա ինձ և լուր ինձ,
զի քեզ ասաց սիրտ իմ, և խնդրեցին
երեսք իմ, զերեսսքո տէր խնդրեցին :

Մի գարձուցաներ զերեսսքո յինէն,
և մի խոտորիբ բարկու թեամբ ՚ի ծա-
ռայէ քումմէ :

Օգնական իմ լեր տէր, մի անարգեր

զիս , և մի՛ թողուր զիս աստուած
փրկիչ իմ :

Հայր իմ և մայր իմ թողին զիս , և
տէր իմ ընկալաւ զիս :

Օրէնսդէտ արա զիս տէր 'ի ճանա-
պարհի քում , և առաջնորդեա ինձ
'ի շաւիղս քո ուղիղս :

Վասն թշնամեաց իմոց մի՛ մատնէր
զիս 'ի ձեռս նեղչաց իմոց :

Յարեան 'ի վերայ իմ վկայք մեղաց ,
և ստեցին ինձ յանօրէնութեան
իւրեանց :

Հաւատացի տեսանել զբարու թիւն
տեառն յերկրին կենդանեաց . համ-
բեր տեառն և քաջալերեաց . զօրաս-
ցի սիրտ քո և համբեր տեառն :

Տունք ժղ : Գորղայս խղ :

Ս Ս Ղ Մ Ո Ս Ի Է .

Սաղմոս Գաւթի :

Առ քեզ տէր կարգացի աստուած իմ ,
մի՛ լուեր յինէն , մի՛ երբէք լուսցես
յինէն . նմանիցիմ այնոցիկ՝ ոյք իջա-
նեն 'ի գուբ :

Լուր տէր ձայնի խնդրուածոց իմոց
 յաղաչել ինձ առ քեզ, 'ի համբառ-
 նալ ձեռաց իմոց 'ի տաճար սուրբքո :
 Մի համարիր ընդ ամբարիշտս զանձն
 իմ, և մի ընդ այնոսիկ՝ ոյք գործեն
 զանօրէնու թիւն, կորուսաներ զիս :
 Այք խօսէին զխաղաղութիւն ընդ
 ընկերս իւրեանց, և չարութիւն է
 'ի սիրտս նոցա :

Տուր նոցա տէր ըստ գործոց նոցա,
 և ըստ անօրէնութեան զնացից նո-
 ցա հատո նոցա :

Ըստ գործոց ձեռաց նոցա հատո նո-
 ցա՝ զհատուցումն նոցա նոցին :

Աչ իմացան նոքա զգործս տեառն, և ոչ
 'ի գործս ձեռաց նորա հայեցան. կոր-
 ծանեացես զնոսա, և այլ մի շինեացին :
 Օրհնեալ է տէր՝ զի լուաւ ձայնի ա-
 ղօթից իմոց, տէր օգնական իմ և
 պաշտպան իմ :

Ի նա յուսացաւ սիրտ իմ, օգտեցաւ
 և զուարճացաւ մարմին իմ, և ես
 կամօք իմովք խոստովան եղէց նմա :
 Տէր զօրութիւն ժողովրդեան իւրոյ,

ապաւէն փրկու թեան օծելոյ իւրոյ :
 Փրկեա զժողովուրդսքո , և օրհնեա
 զժառանգու թիւնսքո . հովուեա և
 բարձրացո զնոսա մինչև յաւիտեան :
 Տոնք ժա .

ՍԱՂՄՈՍ ԻԸ.

Սաղմոս Դարիի . Օրհնութեանց նառակատեաց
 տաճարին :

Մատուցէք տեառն որդիք աստուծոյ ,
 մատուցէք տեառն զորդիս խոյոյ :
 Մատուցէք տեառն զփառս և զպա-
 տիւ . մատուցէք տեառն զփառս ան-
 ուան նորա , և երկիրպագէք տեառն
 ՚ի սրահ սրբու թեան նորա :
 Չայն տեառն ՚ի վերայ ջուրց՝ և աստ-
 ուած փառաց որոտաց , և տէր ինքն
 ՚ի վերայ ջուրց բազմաց :
 Չայն տեառն զօրութեանց , և ճայն
 տեառն մեծ վայելչութեանց :
 Չայն տեառն փշրէ զմայրս , և մանրէ
 տէր զմայրսն լիբանանու :
 Մանրեսցէ զնոսա որպէս զմատաղա-

տուենկն լիբանանու . որ սիրելին է
որպէս զորդիս միեղջերուի :

Չայն տեառն հատանէ զբոց 'ի հրոյ ,
ձայն տեառն շարժէ զանապատն ,
և խռովեցուցանէ տէր զանապատն
կադէս ,

Չայն տեառն հաստատէ զեղջե-
րուս , և յայտնի առնէ զանտառս :
Ի տաճարի նորա ամենեքեան ասաս-
ցեն զփառս նորա ,

Տէր զջրհեղեղս նստուցանէ և ցա-
ծուցանէ . թագաւորեսցէ տէր յա-
ւիտեան :

Տէր զօրու թիւն ժողովրդեան իւրոյ
տացէ , և օրհնեսցէ զժողովուրդ
իւր 'ի խաղաղու թիւն :

Տունք ժա .



ՍԱՂՄՈՍԱ ԻԹ .

Սաղմոս Դաւթի . 'ի նոյն :

Բարձր առնեմ զքեզ տէր , զի ըն-
կալար զիս , և ոչ ուրախ արարեր
զթշնամին իմ յիս :

Տէր աստուած իմ՝ կարգացի առքեզ,
 և բժշկեցեր զիս. տէր հաներ ՚ի դժո-
 խոց զանձն իմ և փրկեցեր զիս յայն-
 ցանէ որք իջանեն ՚ի դուբ :

Սաղմոս ասացէք տեառն սուրբք
 նորա, և խոստովան եղերուք յիշա-
 տակի սրբութեան նորա :

Սրտմտութիւն է ՚ի բարկութեան
 նորա, և կեանք են ՚ի կամաց նորա :
 Ընդ երեկոյս հանդիցեն լալիք, առա-
 լօտու եղիցի ուրախութիւն :

Ես ասացի ՚ի բարեկենդանութեան իւ-
 մուժ. թէ ոչ սասանեցայց յաւիտեան :

Տէր ՚ի կամս քո ետուր գեղոյ իմոյ
 զօրութիւն. գարձուցեր զերեսս
 քո յինէն, և ես եղէ խռովեալ :

Առքեզ տէր կարգացի, և առ աստ-
 ուած իմ աղաղակեցի. զի՞նչ օգուտ
 է քեզ յարենէ իմմէ, թէ իջանեմ ես
 յապականութիւն :

Միթէ հող խոստովան առնիցի առ-
 քեզ, կամ պատմեցէ՞ զճշմարտու-
 թիւնս քո :

Լուաւ ինձ տէր եւ ողորմեցաւ, եւ

տէր եղեւ ինձ օղնական :

Գարձոյց զսուգ իմ յուրախու թիւն,
եղերձ յինէն զքուրձ, և ինձ զգե-
ցոյց զուրախու թիւն :

Որպէս սաղմոս ասասցեն քեզ փառք
իմ, և այլ մի եւս զզջացայց, տէր
աստուած իմ յաւիտեան խոստովան
եղէց քեզ :

Տունք ժբ : Գորշայս լգ :



ՍԱՂՄՈՍ Լ .

Ի կատարած . Նամատակոթիւն գովարեան
Սաղմոս Գարի :

Ի քեզ տէր յուսացայ, մի ամաչեցից
յաւիտեան . յարդարու թեան քում
փրկեա և ապրեցո զիս :

Խոնարհեցո առ իս զունկն քո, վաղ-
վաղեա կեցուցանել զիս :

Լեր իմ աստուած պաշտպան և տուն
ապաւինի ապրեցուցանել զիս . զի
հզօրիչ իմ և ապաւէն իմ ես դու :

Վասն անուան քո տէր առաջնորդե-
ցեր ինձ, և սնուցեր զիս, և հանցեա

զիս յորողայթէ յայսմանէ՝ որ թա-
զուցաւ ինձ :

Դու ես պաշտպան իմ տէր , և 'ի
ձեռս քո յանձն առնեմ զհողի իմ :

Փրկեցեր զիս տէր աստուած ճշմար-
տութեամբ քով . ատեցեր զայնոսիկ՝
ոյք պահէն զերկիւղ 'ի սնտոխս :

Ես 'ի տէր յուսացայ , ցնծացայց և
ուրախ եղէց 'ի փրկութեան քում :

Զի հայեցար 'ի խոնարհութիւն իմ , և
փրկեցեր 'ի վշտաց զանձն իմ , և ոչ
մատնեցեր զիս 'ի ձեռս նեղչաց իմոց .

և կացուցեր յանդորրու զոտս իմ :

Ողորմեա ինձ տէր , զինեղեալ եմ ես .
խռովեցաւ 'ի սրտմտութենէ ակն
իմ , անձն և փոր իմ :

Պակասեցան 'ի ցաւոյ կեանք իմ , և
ամբ իմ հոգւոյ ելանելոյ :

Աղքատացաւ 'ի տկարութենէ զօրու-
թիւն իմ , և ոսկերք իմ խռովեցան :

Քան զամենայն թշնամիս իմ եղէ ես
նախատ գրացեաց իմոց , յոյժ ահ և
երկիւղ ծանօթից իմոց :

Ամենեքեան ոյք տեսանէ ին զիս , ար-

տաքս միախօսէին յինէն :

Մոռացեալ եղէ ես որպէս մեռեալ
ի սրտէ, և եղէ ես որպէս զանօթ
կորուսեալ :

Ձի լուայ ես զբամբասանս բազմաց՝
որք շուրջէին զինեւ, ՚ի ժողովի նո-
ցա ՚ի միասին, առնուլ զանձն իմ խոր-
հեցան, այլ ես ՚ի քեզ տէր յուսացայ :
Ասացի՝ դու ես աստուած իմ, և ՚ի
ձեռս քո է ժառանգութիւն իմ :

Փրկեա զիս ՚ի ձեռաց թշնամեաց իւ-
մոց, և ՚ի հալածչաց իմոց :

Երեւեցո զերեսս քո ՚ի ծառայս քո,
ապրեցո զիս տէր ըստ ողորմութեան
քում. տէր՝ մի յամօթ եղէց, զի
կարգացի առ քեզ :

Ամաչեսցեն ամբարիշտք, և իջցեն ՚ի
դժոխս, համբ եղիցին շրթունք նեն-
գաւորք՝ ոյք խօսէին զարդարոյ զա-
նիրաւութիւն, յամբարտաւանիլ և
յանգոսնել իւրեանց :

Որպէս զի բազում է ողորմութիւն
քաղցրութեան քոյ տէր, զոր պա-
հեցեր երկիւղածաց քոց :

Արարերդու այնոցիկ՝ ոյք յուսացեալ
 են՝ ի քեզ, առաջի որդւոց մարդկան :
 Ամբացուցեր զնոսա ՚ի ծածկոյթ երե-
 սացքոց, ՚ի խռովու թենէ մարդկան :
 Ծածկեցեր զնոսա ՚ի խորանի քում,
 ՚ի հակառակու թենէ լեզուաց :

Օրհնեալ է տէր, զի սքանչելիս արար՝
 զողորմու թիւն իւր ՚ի քաղաք ամուր :
 Ես ասացի ՚ի զարմանալ իմում, թի-
 ընկեցայ ուրեմն յերեսաց աչացքոց :
 Վասն այսորիկ լուար ձայնի աղօթից
 իմոց, յազաղակել իմում առ քեզ :
 Սիրեցէք զտէր ամենայն սուրբ և ու-
 րա, զի ստուգու թիւն ինդրէ տէր, և
 հատուցանէ այնոցիկ՝ ոյք առաւել
 առնեն զամբարտաւանու թիւն :

Քաջալերացարուք, և զօրացլին սիրտք
 ձեր, ամենեքեան՝ ոյք յուսացեալ
 էք ՚ի տէր :

Տունք իւր :

ՍԱՂՄՈՍ ԼԱ.

Իմաստութիւն. Սաղմոս Գաբի :

Երանի, ում թողու թիւն եղև մեղաց,

Եւ ծածկեցան ամենայն յանցանք նորա :
 Երանի առն՝ որում ոչ համարի տէր
 զմեզս նորա , Ե ոչ գոյ նենգութիւն
 ՚ի բերան նորա :

Լուեցի ես՝ Ե մաշեցան ամենայն ոսկերք իմ , առ աղաղակելինձ առ տէր
 զօրհանապաղ ՚ի տուէ Ե ՚ի գիշերի :
 Մանրացաւ ձեռն քո ՚ի վերայ իմ ,
 դարձայ ՚ի թշուառութիւն՝ զի հա-
 րան յիս փուշք :

Զմեզս իմ ցուցից քեզ , Ե զանօրէն
 նութիւնս իմ ոչ ծածկեցից ՚ի քէն :

Ասացի՝ թէ սլատմեցից ինձէն զմեզս
 իմ , Ե դու թողցես զամենայն ամ-
 բարչտութիւնս մեզաց իմոց :

Վասն այսորիկ յաղօթս կացցեն առ
 քեզ ամենայն սուրբք ՚ի ժամ ըն-
 դունեքի :

Բայց միայն ՚ի ջուրցն հեղեղաց բազմաց ,
 որք առ նոսա ինչ ոչ մերձեսցին :
 Դու ես ապաւէն իմ ՚ի նեղութենէ
 յայսմանէ . որք շուրջ եղեն զինեւ :
 Յնծութիւն իմ , փրկեա զիս յայն-
 ցանէ՝ ոյք պաշարեցին զիս .

Իմաստուն արարից զքեզ և խելամուտ
 'ի ճանապարհ՝ յոր և գնասցես, և
 հաստատեցից 'ի վերայ քո զաչս իմ:
 Մի լինիք որպէս զձիա և զջորիա, զի
 ոչ գոյ 'ի նոսա իմաստու թիւն, 'ի սանձ
 ձրս և 'ի դանդանաւանդս ճմլեսցեն
 զկզակս նոցա՝ որք առ քեզ ինչ ոչ
 մերձեսցին:

Բազում տանջանք են մեզաւորաց,
 բայց ոյք յուսան 'ի տէր, ողորմու
 թիւն տեառն շուրջ եղիցի զնոքօք:
 Ուրախ եղերուք և ցնծացէք ար
 դարք. 'ի տէր պարծեցարուք ամե
 նեքեան՝ ոյք ուղիղ էք սրտիւք:

Տունք ժգ: Գորղայս խբ:

ՍԱՂՄՈՍ ԼԲ.

Սաղմոս Դաւթի:

Ցնծացէք արդարք 'ի տէր. ուղղոց
 վայելէ օրհնութիւն. խոստովանե
 ղերուք տեառն օրհնութեամբ.
 տասնազեաւ սաղմոսարանաւ սաղ
 մոս ասացէք նմա:

Օրհնեցէք զտէր յօրհնութիւն նոր ,
 զի բարի է . սաղմոս ասացէք նմա
 օրհնութեամբ :

Ուղիղ են պատգամք տեառն , և ամենայն գործք նորա հաւատովք են ,
 և սիրէ զողորմութիւն և զիրաւուն-
 նքս տէր :

Ողորմութեամբ տեառն լի եղև երկիր ,
 և բանիւ տեառն երկինք հաս-
 տատեցան , և հոգւով բերանոյ նո-
 րա ամենայն զօրութիւնք նոցա :

Ժողովեաց որպէս ՚ի տիկ զջուրս ծովու ,
 և զնէ ՚ի խորս զգանձս իւր :
 Երկիցէ ՚ի տեառնէ ամենայն երկիր ,
 և ՚ի նմանէ զողասցին ամենայն բնա-
 կիչք աշխարհի :

Զի նա՛ ասաց՝ և եղեն . ինքն հրամայեաց՝
 և հաստատեցան :

Տէր ցրուէ զխորհուրդս հեթանոսաց .
 անարգէ տէր զխորհուրդս ժողովրդոց ,
 և արհամարհէ տէր զխորհուրդս
 իշխանաց :

Խորհուրդ տեառն յաւիտեան մնայ ,
 և խորհուրդ սրտի նորա ազգէ մին :

չէւ յազգ :

Երանի ազգի՝ որոյ տէր աստուած
օգնական է նմա, ժողովուրդ զոր
ընտրեաց ՚ի ժառանգութիւն իւր :
Յերկնից նայեցաւ տէր յամենայն որ-
դիս մարդկան, ՚ի պատրաստ բնա-
կութենէ իւրմէ հայեցաւ յամենայն
բնակիչս աշխարհի :

Ո ստեղծ առանձին զսիրտս նոցա, ՚ի
միտ առնու զամենայն գործս նոցա :
Ոչ թէ ՚ի բազում զօրս իւր ապրեացի
թագաւոր, և ոչ հսկայ ՚ի բազում
զօրութեան իւրում :

Սուտ է ձի ՚ի փրկութեան իւրում :
՚ի բազում զօրութեան իւրում ոչ
ապրեցուցանէ զհեծեալն :

Աչք տեսուն ՚ի վերայ երկիւղածաց
իւրոց, և ոչք յուսան յողորմութիւն
նորս :

Փրկել ՚ի մահուանէ զանձինս նոցա,
և կերակրել զնոսա ՚ի սովու :

Անձինք մեր համբերեացեն տեսուն,
զի օգնական և պաշտպան մեր է :
Ինա ուրախ եղիցին սիրտք մեր, և

յանուէն սուրբ նորա յուսացուք :
 Եղիցի ողորմու թիւն քո տէր 'ի վե-
 րայ մեր , որպէս յուսացաք 'ի բեզ :

Տունք թթ .



ՍԱՂՄՈՍ ԼԳ.

Սաղմոս Դարի . 'ի ժամանակի զի այլագունեաց
 զերեսս իւր առաջի Աբիմէլեքայ . եւ ապա ար-
 ձակեաց զնա , եւ զնաց :

Օրհնեցից զտէր յամենայն ժամ , յա-
 մենայն ժամ օրհնու թիւն նորա 'ի
 բերան իմ :

Ի տէր պարծեսցի անձն իմ , լուիցեն
 հեզք , և ուրախ եղիցին :

Մեծ արարէք զտէր ինեւ , և բարձր
 արասցուք զանուէն նորա 'ի միասին :

Խնդրեցի 'ի տեառնէ և լուաւ ինձ .
 յամենայն նեղու թենէ իմմէ փրկեաց
 զիս :

Մատիք առ տէր՝ և առէք զլոյս , և
 երեսք ձեր մի՛ ամաչեսցեն :

Այս աղքատ կարգաց առ տէր , և
 տէր լուաւ սմա , յամենայն նեղու

Թե՛նէ սորա վրկեաց զսա :

Քանակք հրեշտակաց տեառն շուրջ
են զերկիր զածովք իւրովք , և պա-

հեն զնոսա :

Ճաշակեցէք և տեսէք՝ զիքաղցր է
տէր, երանեալ է այր՝ որ յուսայ ՚ի նա :
Երկերուք ՚ի տեառնէ ամենայն
սուրբք նորա , զի ոչինչ է պակասու-

Թիւն երկիր զածաց նորա :

Մեծամեծք աղքատացան և քաղցեան՝
բայց ոյք խնդրեն զտէր՝ մի պակասես-
ցի ՚ի նոցանէ ամենայն բարու Թիւն :

Եկայք որդեակք իմ լուարուք ինձ ,
և զերկիր զ տեառն ուսուցից ձեզ :
Ո՞վ է մարդ՝ որ կամի զկեանս , սիրէ
զաւուրս տեսանել ՚ի բարու Թեան :

Լուեցո զլեզու քո ՚ի չարու Թե՛նէ , և
չրթունք քովի խօսեսցի զնենդու Թիւն
Խոտորեա ՚ի չարէ և արա զբարի ,
խնդրեա զխաղաղու Թիւն և երթ
զհետ նորա :

Աչք տեառն ՚ի վերայ արդարոց , և ա-
կանջք նորա ՚ի վերայ աղօթից նոցա :
Երեսք տեառն ՚ի վերայ չարադործաց ,

սատակել յերկրէ զյիշատակ նոցա :
 Կարգացին արգարքն առ տէր, և տէր
 լուաւ նոցա . յամենայն նեղութենէ
 նոցա փրկեաց զնոսա :

Մերձ է տէր առ այնոսիկ՝ որք մաշ-
 եալ են սրտիւք, և զխոնարհս հոգ-
 ւով կեցուցանէ :

Բազում նեղութիւնք են արգարոց .
 յամենայնէ փրկէ զնոսա տէր, և
 պահէ զամենայն ոսկերս նոցա, և մի
 ՚ի նոցանէ մի՛ փշրեսցի :

Մահ մեղաւորին չար է . բայց որ ա-
 տէ զարգարն, զղջասցի :

Փրկէ տէր զանձինս ծառայից իւրոց,
 մի՛ զղջասցին ամենեքեան՝ ոյք յու-
 սացեալ են ՚ի նա :

Տունք իա : Գորշայս իս :

ՍԱՂՄՈՍ ԼԳ.

Ի կառարամ . Սաղմոս Գարի :

Դատեա տէր զայնոսիկ՝ ոյք դատեն
 զիա . մարտիր ընդ այնոսիկ՝ որք մար-
 տընչին ընդ իա :

Առ զգէն և զասպարքո, և արի յօգնել ինձ . հան զսուրքո ընդ գէմ հալածչաց իմոց, արդել զնոսա, և ասա դու ցանձն իմ՝ թէ փրկու թիւնքո ես եմ :

Ամաչեացեն և յամօթ լիցին՝ ոյք խնդրէին զանձն իմ . դարձցին յետս և ամաչեացեն, ոյք խորհէին ինձ չար : Եղիցին նոքա որպէս փոշի առաջի հողմոյ, և հրեշտակ տեառն նեղեացէ զնոսա :

Եղիցին ճանապարհք նոցա ՚ի խաւար և ՚ի դայթակղու թիւն, և հրեշտակ աստուծոյ հալածեացէ զնոսա :

Ի նանիր թագուցին ինձ որոգայթ յապականութեան իւրեանց, և ՚ի նանիր նախատեցին զանձն իմ :

Հասցէ ՚ի վերայ նոցա որոգայթ՝ զոր ոչ գիտացին, և որսն՝ զոր թագուցին, առցէ զոսա նոցա, և յորոգայթ ՚ի նոյն անկցին :

Այլ անձն իմ ցնծասցէ ՚ի տէր, ուրախ եղիցի ՚ի փրկու թեան նորա, և ամենայն ոսկերք իմ ասասցեն, տէր՝

Տ նման է քեզ :

Ձի փրկեաց զաղբատն 'ի ձեռաց հը-
զօրի , զաղբատն և զտնանկն յայն-
ցանէ՝ որք յափշտակեն զնա :

Յարեան 'ի վերայ իմ վկայք չարաց , և
զոր ինչ ոչ գիտէի՝ հարցանելին ցիս :
Հատուցին ինձ չար փոխանակ ընդ
բարւոյ . անժառանգել զանձն իմ
խորհեցան յորդւոց 'ի մարդկանէ :
Ես 'ի նեղել նոցա քուրձ զգե՛նուի ,
խոնարհ առնելի պահօք զանձն իմ , և
աղօթք իմ 'ի ծոց իմ գարձցին :

Որպէս զեղբայր և զընկեր՝ այսպէս
հաճոյ լինելի . որպէս զսգաւոր և ըզ-
տրտում , այնպէս խոնարհ առնելի :
Ի վերայ իմ ուրախ եղեն՝ և ժողովե-
ցան . ժողովեցան յիս տանջանք , և
ես ոչ ծանեայ . ցրուեցան , և ոչ
զղջացան :

Փորձեցին զիս՝ և արհամարհեցին ար-
համարհանօք . կրճտեցին 'ի վերայ
իմ զատամու՛նս իւրեանց . տէր ե՛րբ
տեսցես :

Ի բաց արա զանձն իմ 'ի խորաման-

կու թենէ նոցա, յառիւծուց զմիա-
մօրու թիւն իմ:

Խոստովան եղէց բեզ տէր՝ յեկե-
ղեցիս մեծս, և ՚ի ժողովս բազմաց
օրհնեցից զբեզ:

Մի ուրախ եղիցին յիս թշնամիք իմ
ոյք ատէին զիս ՚ի տարապարտուց,
ակնարկի առնէին յիս աչօք իւրեանց:
Ընդ իս զխաղաղութիւն խօսէին, և
ինքեանք բարկութեամբ զնենդու-
թիւն խորհէին:

Բացին ՚ի վերայ իմ զբերանս իւրեանց
և ասացին՝ այն այն տեսին աչք մեր:
Տեսեր տէր՝ և մի լուեր, տէր՝ մի ՚ի
բացեաց առնիր յինէն:

Զարթիր և հայեաց տէր յիրաւունս
իմ, աստուած իմ և տէր իմ ՚ի դա-
տաստանս իմ, և իրաւ արա ինձ ըստ
արդարութեանքում, տէր աստուած
իմ:

Մի ուրախ եղիցին յիս թշնամիք իմ,
և մի ասացեն ՚ի սիրտս իւրեանց՝ թե-
վան զանձանց մերոց, զի ընկլու-
զաք զնա:

Ամաչեացեն և յամօթ լիցին՝ ոյք խըն-
դան ընդ չար իմ, զգեցցին զամօթ և
զանարգանս՝ ոյք մեծաբանեն ՚ի մե-
րայ իմ :

Յնծասցեն և ուրախ լիցին ՚ի քեզա-
մենեքեան , ոյք կամին ընդ արդա-
րու թիւն իմ :

Ասասցեն յամենայն ժամ , մեծ է աստ-
ուած , և ոյք կամին զխաղաղութիւն
ճառայի քո :

Լեզու իմ խօսեսցի զարդարութիւնս
քո , զօրհանատազ զգովութիւնս քո :
Տունք ի է .



ՍԱՂՄՈՍ ԼԵ.

Ի կատարած , ճառայի տեառն . Սաղմոս Գարբի :

Ասէ անօրէնն ՚ի մեղանչել ընդ միտս
իւր , թէ չիք երկիւղ աստուծոյ ա-
ռաջի աչաց նորա :

Նենդեաց առաջինորա , դտանել զա-
նօրէնութիւն , և ատել զնա :

Բանք բերանոյ նորա անօրէնութիւն

Եւ նենդու թիւն ենս :

Ոչ կամեցաւ նա իմանալ զբարի. զանօրէնու թիւն խորհեցաւ յանկողնի իւրում :

Եկաց նա յամենայն ճանապարհ, որ ոչ է բարի, եւ ՚ի չարէ նա ոչ ճանճրացաւ :

Տէր՝ յերկինս է ողորմու թիւն քո. ճշմարտու թիւն քո մինչեւ յամպս :

Արդարու թիւն քո որպէս լերինք աստուած. իրաւունք քո որպէս խորք բազումք, զմարդիկ եւ զանասուն կեցուցանես դու տէր :

Որպէս զի բազում արարեր զողորմու թիւն քո աստուած, այլ որդիք մարդկան ՚ի հովանի թեւոց քոց յուսասցին :

Արբեսցին նորա ՚ի պարարտու թենէ տան քո, եւ զուղիս փափկու թեան քո տացես ըմպել նոցա :

Իբէն է տէր ազբիւր կենաց, եւ լուսով երեսաց քոց տեսանեմք զլոյս :

Փազեա զողորմու թիւնս քո՝ ոյք ճանաչեն զքեզ, զարդարու թիւնս քո՝ ոյք ուղիղ են սրտիւք :

Մի եկեացեն ՚ի վերայ մեր օտք ամբարտաւանից, և ձեռք մեղաւորաց մի դողացուցեն զմեզ:

Անդ անկցին ամենեքեան՝ ոյք գործեն զանօրէնու թիւն. մերժեցին և այլ մի կարասցեն հաստատիլ:

Տունք ժդ. Գորղայս խ:

Կանոնս Գորղայս է: Սաղմոս ժը: Տունք մզ:

ՕՐՀՆՈՒԹԻՒՆ ՄԵԾԻՆ ՄՈՎՄԻՄ ԱՍՏՈՒԱԾԱՏԵՍ
ՄԱՐԳԱՐԷԻ

Բ. Օրինաց ԼԲ:

Նայեցարուք երկինք և խօսեցայց լուսիցէ երկիր զպատգամս բերանոյ իմոյ:

Ընդունելի լիցի որպէս անձրեւ բարբառ իմ, և իջցեն որպէս ցօղ պատգամք իմ:

Որպէս անձրեւ ՚ի վերայ սիզոյ, որպէս տարալի ՚ի վերայ խոտոյ, զի զանուն տեառն կարգասցուք, և տուք օրհնու թիւն տեառն աստուծոյ մերոյ:

Աստուած՝ որոյ ճշմարտու թեամբ էն
գործք նորա, և ամենայն ճանա-
պարհք նորա իրաւամբք էն :

Աստուած հաւատարիմ է, և ոչ դոյ
ի նմա անիրաւութիւն. արդար և
ճշմարիտ է տէր :

Մեղան՝ և ոչ նմա՝ որդիք արատոյ .
ծնունդք խորտակեալք և թիւրեալք :

Ո՞չ այդ այն է՝ զոր տեառն հատու-
ցանէք դուք՝ ժողովուրդք յիմարք և
իմաստունք :

Ո՞չ սա ինքն է հայրքո՞ որ ստացաւ
դքեզ, արար դքեզ, և ստեղծ դքեզ :

Յուշ լիցին քեզ աւուրքն յաւիտե-
նից . իմացարուք զամս ազգաց մին-
չեւ յազգս :

Հարցջիր դու ցհարսքո, և պատմես-
ցենքեզ ցծերսքո, և ասասցեն քեզ :
Ի ժամանակի՞ յորժամ բաժանեաց
բարձրեալն զազգս ամենայն, որպէս
սփռեաց նա զորդիսն ադամայ :

Կացոյց սահմանս հեթանոսաց ըստ
թուոյ հրեշտակաց աստուծոյ :

Եղեւ բաժին տեառն ժողովուրդ իւր

յակորբ , և վիճակ ժառանգութեան
իւրոյ խորայել :

Քաւական եղեւ նմա յանապատի , 'ի
ծարաւ տօթոյ յանջրդւոջ սլաշտպա
նեաց զնա :

Խրատեաց զնա , և սլահեաց որպէս
բիբ ական . որպէս զարծուի 'ի թեւս
իւր ընկալաւ զնա , և որպէս 'ի վե
րայ ձագուց իւրոց զթացաւ :

Տարածեաց զթեւս իւր , և ընկալաւ
զնա , և բարձեալ բերէր զնա 'ի վե
րայ միջնողաց իւրոց :

Տէր միայն ամէր զնոսա , և ոչ գոյր
ընդ նոսա աստուած օտար :

Էած եհան զնոսա 'ի զօրութիւնս
երկրի , և կերակրեաց զնոսա արդ
եամբք անդաստանաց :

Ղիեցոյց նոցա մեղր 'ի վիմէ , և իւղ
յապառած վիմէ :

Իւղ կովուց և կաթն մաքեաց , ձար
սով հանդերձ խոյոց՝ որթուց՝ ցլուց
և նոխազաց :

Չպարարտութիւն երիկամանց ցորե
նոյ , և զարիւն խաղողոյ էարբ գինի :

Եկեր յակովբ և յագեցաւ, և ան-
գուշեաց զսիրելին :

Գիրացաւ ստուարացաւ լայնացաւ .
Եթող զտէր աստուած զարարիչ իւր,
և յետս եկաց յաստուծոյ փրկչէ-
իւրմէ :

Բարկացուցին զիս օտարոտիւք իւր-
եանց, և կռովք իւրեանց դառնա-
ցուցին զիս :

Զոհեցին դիւաց՝ և ոչ աստուծոյ .
դիցն՝ զորս ոչ գիտէին, նորք և առ-
ժամայնք, զորս բնաւ ոչ ճանաչէին
հարք նոցա :

Թողին զտէր՝ որ ծնաւ զնոսա . մոռա-
ցան զաստուած՝ որ կերակրեաց զնոսա
Ետես տէր և նախանձեցաւ, և սրբա-
մբտեցաւ ՚ի վերայ ուստերաց և դըս-
տերաց նոցա, և ասէ :

Գարձուցից զերեսս իմ ՚ի նոցանէ, և
ցուցից նոցա զինչ լինելոց իցէ յապա
ժամանակի :

Զի ազգ մի թիւր են նոքա՝ և որդիք
անհաւանք . նոքա նախանձեցուցին
զիս ՚ի չաստուածս իւրեանց, և դառ-

Նացուցին զիս 'ի կուռս իւրեանց :
 Արդ և ես նախանձեցուցից զնոսա
 յազգ անպիտան , և անմիտ ազգաւ
 զկճեցուցից զնոսա :
 Փառք հօր և որդւոյ և :

Մ Ա Ղ Թ Ա Ն Ք

Տուք փառս աստուծոյ , տուք օրհնութիւն մար-
 դասիրին թագաւորին յաւիտենից , որ փրկէ
 զժառայս իւր և կեցուցանէ :

Մարդասէր տէր , վասն սրբուհւոյ անարատի
 մօր քոյ և կուսի , և վասն խաչի քո պատուա-
 կանի , ընկալ զաղաչանս մեր և կեցո զմեզ :
 Գորու և ուրիշ . երկինք պատմեն և Տէր ապուէն
 կանոնցն :

Վասն 'ի գիշերի և 'ի տուրնջեան և յամենայն
 ժամու խօսիլ մեզ զբան տեառն , զտէր աղա-
 չեսցուք : Տէր ողորմեա :

Վասն չանկանելոյ մեզ 'ի փորձութիւն , որում
 ոչ կարեմք հանդուրժել , զտէր աղաչեսցուք :

Վասն անբիծ և անգատապարտ կալ մեզ առաջի
 ահեղ ատենին քրիստոսի , զտէր աղաչեսցուք :

Վասն առաջնորդելոյ մեզ 'ի նառահանգիստն
 կենաց անվախճանից , զտէր աղաչեսցուք :

Վասն արժանի լինելոյ մեզ վերին կոչմանն և
 երկնից արքայութեանն , զտէր աղաչեսցուք :

Վասն հոգւոցն հանդուցելոց : Եւ եւս միաբան :
Զանձինս մեր : Ողորմեաց մեզ :

Ա Ղ Օ Թ Ք

Ի գիշերի և 'ի տունջեան և յամենայն ժամու
դքեզ աղաչեմք , և 'ի քէն խնդրեմք մագասէր
տէր : Լուր մեզ աստուած փրկիչ մեր . խոնար-
հեսցի ունին քո 'ի խնդրուածս մեր , զի մի' ու-
նայն լիցին վաստակք ծառայից քոց . այլ հա-
մարեա զաշխատութիւնս մեր 'ի գործարդարու-
թեան և 'ի պտուղ աստուածպաշտութեան : Ըն-
կալ տէր՝ զաղօթս և զերկրպագութիւնս մեր ,
և հատո մեզ զողորմութիւն քո առատապէս .
ծածկեա զմեզ ընդ հովանեաւ ամենազօր աջոյ
քո . զօրացո զմեզ տէր՝ զօրութեամբ սուրբ հոգ-
ւոյդ . պահեա զմեզ որպէս բիր ախան , և արա
առ մեզ նշան բարի 'ի գովեստ և 'ի փառաբա-
նութիւն անուանդ քում սրբոյ : Զի 'ի քո փառս
կատարի ամենայն արարածոց մշտնջենաւոր փա-
ռաբանութիւն 'ի բարձունս , Հօր և Որդւոյ և
Հոգւոյն սրբոյ , այժմ' և միշտ և յաւիտեանս
յաւիտենից , ամէն :

Խաղաղութիւն ամենեցուն :

Աստուծոյ երկրպագեսցուք :

Հովիւ քաջ՝ Հովիւ բարի և յաւիտենական , նայ-
եաց և այց արա բանաւոր հօտի քո , զոր ժո-
ղովեցեր առ քեզ գթութեամբ քով : Զի քո

առաջի կամք տէր , և առ'ի քէն ողորմութեանցդ
 և դժութեանցդ ակն ունիմք : Զամենեսեան օրհ-
 նեա , զամենեսեան իմաստնացո , զամենեսեան
 լուսաւորեա , և ամենեցուն պարգեւեա զերկնից
 արքայութիւնդ : Վասն զի դու ես տէր կենաց
 և աստուած ողորմութեանց , և քեզ վայելէ
 փառք իշխանութիւն և պատիւ . այժմ և միշտ
 և յաւիտեանս յաւիտենից , ամէն :

Մ Ա Ղ Թ Ա Ն Ք

Ի գիշերի և 'ի տուընջեան և յամենայն ժամու
 անդադար փառաւորեմք զՀայր և զՈրդի և զսուրբ
 Հոգիդ , այժմ և միշտ և յաւիտեանս յաւիտե-
 նից . ամէն :

Օրհնեալ տէր մեր Յիսուս Քրիստոս ամէն :

Հայր մեր որ յերկինս , սուրբ եղիցի անուն քո .
 եկեսցէ արքայութիւն քո . եղիցին կամք քո որ-
 պէս յերկինս և յերկրի . զհաց մեր հանապա-
 զորդ՝ տուր մեզ այսօր . թող մեզ զպարտիս
 մեր՝ որպէս և մեք թողումք մերոց պարտապա-
 նաց , և մի՛ տանիր զմեզ 'ի փորձութիւն . այլ
 փրկեա՛ զմեզ 'ի չարէ . զի քո է արքայութիւն
 և զօրութիւն և փառք յաւիտեանս յաւիտենից ,
 ամէն :



Ծագեցի յառօր նորա արդարութիւն .
բազում խաղաղութիւն մինչեւ կատա-
րեցի յուսին :



ՍԱՂՄՈՍ ԼԶ.

Սաղմոս Գարի :

Մի՛ նախանձիր ընդ չարս , եւ մի՛
ընդ այնոսիկ՝ ոյք գործեն զա-
նօրէնու թիւն :

Ձի որպէս խոտ վաղվաղակի ցամա-
քեացին , որպէս զգալարի խոտոյ
վաղվաղակի անցցեն :

Յուսա՛ի տէր , եւ արա զքաղցրու-
թիւն . բնակեա յերկրի , եւ հովուես-
ցիս ՚ի մեծութեան նորա :

Ժտեա՛ի տեառնէ , եւ նա տացէ քեզ
զխնդրուածս սրտի քո . յայտնեա ա-
ռաջի տեառն զճանապարհս քո , եւ
յուսա՛ի նա :

Նա արացէ եւ հանցէ որպէս զլոյս
զարդարութիւնս քո , եւ զիրաւունս
քո որպէս զօրհասարակ :

Հնազանդ լեր տեառն՝ եւ ծառայեա

Նմա , և մի՛ նախանձիր ընդ այնոսիկ՝
որոց առակեալ իցեն ճանապարհս
իւրեանց ընդ մարդոյ՝ որ գործէ զա-
նօրէնու թիւն :

Լուեա ՚ի բարկու թենէ , և հանգիր
ի սրտմտու թենէ , և մի՛ նախանձիր
ընդ չարս :

Ձի չարք վազվազակի սատակեսցին ,
բայց ոյք համբերեն տեառն , նոքա
ժառանգեսցեն զերկիր :

Փոքր մի և այլ ոչ եւս իցէ ամբարիչ
տըն . խնդրեսցես զտեղինորա , և ոչ
գտցես :

Այլ որ հեզք են՝ նոքա ժառանգես-
ցեն զերկիր , և փափկացին ՚ի բա-
զում խաղաղու թեան իւրեանց :

Սպասէ մեղաւորն արդարոյ , կրճտէ
ի վերայ նորա զատամուճս իւր . այլ
տէր ծիծաղեսցի զնովաւ :

Քանզի յառաջագոյն տեսանէ , զի
հասեալ է օր նորա :

Սուր հանին մեղաւորք , և լարեցին
զաղեղունս իւրեանց՝ հարկանել զաղ-
քատն և զտնանին , սպանանել զայն՝

որ խոնարհն է օրտիւ :

Սուրբ նոցա մտցենն ՚ի սիրտս նոցա ,
և աղեղունք նոցա փշրեսցին :

Լաւ է սակաւիկ ինչ արդարոյ , քան
զբազում մեծու թիւն մեղաւորաց , և
բազումք ամբարշտաց խորտակեսցին :
Հաստատէ տէր զարդարս , և ճանա-
չէ զաւուրս անբժից , ժառանգու-
թիւնն նոցա յաւիտեան եղևցի :

Մի ամաչեսցենն նորա ՚ի ժամանակս
չարութեան . այլ յաւուրս սովու-
յագեսցին :

Ահա մեղաւորք կորիցեն . այլ թըշ-
նամիք տեառն ՚ի փառաւորիլ և ՚ի
բարձրանալ իւրեանց պակասեսցին
որպէս ծուխ՝ զի պակասի :

Փոխ առնու մեղաւորն , և ոչ հատու-
ցանէ . այլ որ արդարն է , ողորմի և տայ :
Ոյք օրհնենն զտէր , ժառանգեսցեն
զերկիր , և ոյք անիծանենն , սատա-
կեսցին ՚ի նմա :

Ի տեառնէ ուղղին գնացք առն . ըզ-
ճանապարհս նորա նա կամի յոյժ :
Թէպէտ և գայթակղեսցի , նա մի կոր-

Տանեացի, զի տէր ձեռնկալու է նորա :
 Մանուկ էի ես և ծերացայ, և ոչ տե-
 սի զարդարն արհամարհեալ, և ոչ
 զաւակ նորա՝ թէ մուրանայ հաց :
 Զօրհանապաղ ողորմի և տայ փոխազա-
 ւակ նորա օրհնեալ եղիցի յաւիտեանս
 Խոտորեա 'ի չարէ և արա զբարի, և
 բնակեացիս յաւիտեանս յաւիտեանից
 'ի նմա :

Տէր սիրէ զիրաւունս, և ոչ ընդ վայր
 հարկանէ զսուրբս իւր. այլ յաւիտե-
 անս պահէ զնոսա :

Անօրէնք հալածեացին 'ի միասին, և
 զաւակք ամբարշտաց սատակեացին :
 Այլ արդարք ժառանգեացեն զերկիր,
 և բնակեացին յաւիտեանս յաւիտե-
 նից 'ի նմա :

Բերան արդարոյ խորհի զիմաստու-
 թիւն, և լեզու նորա խօսեացի զիրա-
 ւունս

Օրէնք աստուծոյ իւրոյ են 'ի սրտի իւ-
 րում, և մի գայթակղեացին գնացք
 նորա :

Հայի մեղաւորն ընդ արդար, և խընդ-

ըէ սպանանել զնա . այլ տէր ոչ թու
 զու զնա 'ի ձեռս նորա, և ոչ դատա
 պարտէ զնա յորժամ դատէ զնա :
 Համբեր տեառն և սկսեա զճանա
 պարհս նորա, և բարձր արասցէ զքեզ
 'ի ժառանգել զերկիր, և զսատակու
 մըն մեղաւորաց տեսցես :

Տեսի զամբարիշտն վերացեալ և բարձ
 րացեալ որպէս զմայրսն լիբանանու :
 Անցի և ահա ոչ էր . խնդրեցի , և ոչ
 գտաւ տեղի նորա :

Պահեա զամբծու թիւն, և տես զուղ
 զու թիւն . զի գոն մնացուածք առն
 խաղաղարարի :

Անօրէնք հալածեսցին 'ի միասին . և
 զաւակք ամբարշտաց կորիցեն :

Փրկու թիւն արդարոց 'ի տեառնէ է .
 վերակացու է նոցա 'ի ժամանակս
 նեղու թեան :

Օգնեսցէ նոցա տէր, և փրկեսցէ զնո
 սա . ապրեցուսցէ 'ի մեղաւորաց , և
 կեցուսցէ զնոսա զի յուսացան 'ի նա :

Տունք ԼԸ :



ՍՍՂՄՈՍ ԼԵ

Սաղմոս Գաւրի . առ ի յիշատակ շաբաթոս :

Տէր մի սրտմտու թեամբ քով յանդիմաներ զիս , և մի բարկու թեամբ քով խրատեր զիս :

Զի նեաք քո հարան յիս , և յիս հաստատեցաւ ձեռն քո :

Ոչ գոյ բժշկու թիւն մարմնոյ իմոյ յերեսաց բարկու թեան քոյ :

Ոչ է խաղաղու թիւն ոսկերաց իմոյ յերեսաց մեղաց իմոյ :

Անօրէնու թիւնք իմ բարձրացանքան զգլու իս իմ , որպէս բեռն ծանր ծանրացան ՚ի վերայ իմ :

Նեխեցան և փտեցան վերք իմ յերեսաց անզգամու թեան իմոյ :

Տառապեցայ և խոնարհ եղէ մինչեւ յոյժ , զօրհանապազ տրտում գնայի , զի անձն իմ լի եղեւ չարչարանօք , և ոչ գոյ բժշկու թիւն մարմնոյ իմոյ :

Չարչարեցայ և խոնարհ եղէ մինչեւ յոյժ , մռնչէի առ հեծու թեան սրտի իմոյ :

Տէր առաջի քո է ամենայն ցանկու-
թիւն իմ, և հեծու թիւն իմ ՚ի քէն
ոչ ծածկեցաւ :

Սիրտ իմ խռովեցաւ յիս, և եթող
զիս զօրու թիւն իմ, լոյս աչաց իմոց,
և այս ոչ եղեւ ընդ իս :

Բարեկամք իմ և մերձաւորք իմ ա-
ռաջի իմ մերձեցան և կացին, և մեր-
ձաւորք իմ հեռի եղեն յինէն :

Բռնադատէին զիս և խնդրէին զանձն
իմ, ոյք խորհէին չար ՚ի վերայ իմ,
խորհեցան զանօրէնու թիւն, և զնեն-
գու թիւն զօրհանապազ խորհեցան :

Այլ ես որպէս խուլ զի ոչ լսէ, որ-
պէս համր՝ որ ոչ բանայ զբերան իւր :
Եղէ ես որպէս մարդ՝ որ ոչ լսէ, և
ոչ գոն խօսք ՚ի բերան նորա :

Ես ՚ի քեզ տէր յուսացայ, և դու
լուիցես ինձ տէր աստուած իմ :

Ասացի՝ թէ մի ուրախ եղիցին յիս
թշնամիք իմ, ՚ի սասանիլ ոտից իմոց՝
ի վերայ իմ մեծամեծս խօսեցան :

Ես ՚ի տանջանս պատրաստ եմ, և ցաւք
իմ առաջի իմ են յամենայն ժամ :

Չանօրէնութիւնս իմ պատմեցից , և
 Հոգացայց վասն մեղաց իմոց :
 Իսկ արդ թշնամիք իմ կենդանի են ,
 և զօրացեալք ենքան զիս , և բազումք
 էին՝ ոյք ատէին զիս՝ ի տարապարտուց :
 Ոյք հատուցին ինձ չար փոխանակ
 ընդ բարւոյ . չարախօսէին զինէն , զի
 ես երթայի զհետ արդարութեան :
 Մի՛ թողուր զիս տէր աստուած իմ , և
 մի՛ ՚ի բացեայ առնիր յինէն , հայեաց
 յօգնել ինձ՝ տէր՝ փրկու թեան իմոյ :

Տունք իս .



Ս Ա Ղ Մ Ո Ս Լ Ը :

Ի կատարած յիդիքովմայ օրհնութիւն .
 Սաղմոս Գարի :

Ասացի՛ թէ պահեցից զճանապարհս
 իմ , զի մի մեղաց լեզուաւ իմով :
 Եղի պահապան բերանոյ իմոյ ՚ի հա-
 կառակիլ մեղաւորին առաջի իմ :
 Լուռ եղէ և խոնարհեցայ , լռեցի ՚ի
 բարութենէ , և ցաւք իմ նորոգե-
 ցան յիս :

Չեռաւ սիրտ իմ 'ի փորի իմում, և
 'ի խորհուրդս իմ վառեցաւ հուր :
 Խօսեցայ լեզուաւ իմով և ասացի,
 ցոյց ինձ տէր զկատարած իմ, և զթիւ
 աւուրց իմոց՝ քանի՞օ՞ն է, զի գիտացից
 թէ ո՞րչափ ինչ պակասեալ է յինէն :
 Ահա չափով եղեր զաւուրս իմ, և
 կար զօրութեան իմոյ որպէս ոչինչ է
 առաջի իմ, սակայն ամենեւին ըն-
 դունայն է ամենայն մարդ մտեղի :
 Ապաքէն որպէս 'ի պատկերի շրջի
 մարդ, սակայն 'ի զուր խռովի, դան-
 ձէ՛ և ոչ գիտէ ո՛ւմ ժողովէ :
 Իսկ արդ ո՞վ է համբերութիւն իմ,
 թէ ոչ դու տէր, կամ կար զօրու-
 թեան իմոյ, թէ ոչ 'իքէն :
 Յամենայն անօրէնութենէ իմմէ փրը-
 կեցեր զիս, և նախատինս անգգա-
 մաց արարեր զիս :
 Լուռ եղէ և ոչ բացի զբերան իմ,
 զի դու արարեր :
 Ի բաց արա յինէն զտանջանս իմ, զի 'ի
 զօրութենէ ձեռինքո ես պակասեցայ :
 Կչտամբութեամբ վասն մեղաց խրա-

տեցեր զմարդ, մաշեցեր որպէս սար-
դի օստայն զանձննորա. սակայն ըն-
դունայն է ամենայն մարդ:

Լուր տէր աղօթից իմոց, ունկն դիր
խնդրուածաց իմոց, արտասուաց ի-
մոց մի լուեր:

Պանդուխտ եմես առ աջիքո, նժդեհ
և անցաւ որ որպէս ամենայն հարք իմ:
Թոյլ արա ինձ զի հանգեացց մինչեւ
երթեալ իցեմ, և այլ ոչ և ս գտանիցիմ:

Տունք թե.

ՍԱՂՄՈՍ ԼԹ.

Ի կատարած . Սաղմոս Դարի :

Համբերելով համբերի տեսուն, և նա-
յեցաւ առ իա, և լուաւ աղօթից իմոց:
Եհան զիա ՚ի գբոյ տառապանաց, ՚ի
կաւոյ և ՚ի տղմոյ:

Հաստատեաց ՚ի վերայ վիմի զոտս իմ,
և ուղղեաց զգնացս իմ:

Էարկ ՚ի բերան իմ օրհնութիւնն նոր,
զօրհնութիւն տեսուն աստուծոյ մե-
րոյ:

Տեպցեն բազումք և երկիցեն, և յուսասցին 'ի տէր. երանեալ է այր՝ որոյ անուն տեաուն յոյս է նորա :

Ոչ հայեցաւ նա 'ի նանբութիւն, և ոչ 'ի մոլութիւն սուտ :

Բազում արարեր գու տէր աստուած իմ զսքանչելիս քո, և խորհրդոց քոց՝ ոչ ոք է որ նմանիցի քեզ :

Պատմեցի և խօսեցայ, և բազումք եղեն քան զթիւս. ընդ զոհս և ընդ պատարագս ոչ հաճեցար, ընելիս հաստատեցեր ինձ. զողջակէզս և զվասն մեղացն ոչ խնդրեցեր :

Յայնժամ ասացի՝ թէ ահաւասիկ գամ ես. 'ի գլուխս գրոց գրեալ է վասն իմ :

Առնել զկամս քո աստուած իմ կամեցայ, և զօրէնս քո 'ի մեջ որովայնի իմոյ :

Աւետարանեցից զարդարութիւնս քո յեկեղեցիս մեծս. ահա զչրթունս իմ ոչ արդելից 'ի քէն :

Տէր գու գիտացեր՝ զի զարդարութիւնս քո ոչ ծածկեցի 'ի սրտի իմում, զճշմարտութիւնս քո և ըզվրկութիւնս քո :

Ասացի և ոչ թագուցի զողորմու թիւնըս քո, և զճճմարտու թիւնս քո ՚ի ժողովրդենէ մեծէ :

Այլ գու տէր մի հեռի առներ զգլ թու թիւնս քո յինէն, զի ողորմու թիւն քո և ճճմարտու թիւն քո յամենայն ժամ ընկալցի զիս :

Շուրջ եղեն զինեւ չարք՝ որոց ոչ գոյր թիւ. հասին ինձ անօրէնու թիւնք իմ, և ես ոչ կարացի տեսանել Բազում եղեն քան զհեր գլխոյ իմոյ, և սիրտ իմ ե թող զիս :

Կամեաց տէր՝ փրկել զիս, և տէր յօգնել ինձ նայեաց :

Ամաչեսցեն և յամօթ լիցին ոյք խնդրէին զանձն իմ բառնալ զսա, դարձցին յետս և ամաչեսցեն՝ ոյք խորհէին ինձ չար :

Կրեսցեն զամօթ առ ժամայն վաղվա զակի, ոյք ասէին ինձ վանչ վանչ :

Յնձասցեն և ուրախ լիցին ՚ի քեզ ամենեքեան, ոյք խնդրեն զքեզ տէր :

Ասասցեն յամենայն ժամ՝ մեծ է աստուած, և ոյք սիրեն զփրկու թիւնս քո :

Ես աղքատ եւ տնանկ եմ, աստուած
խորհեա զիս. օգնական եւ պաշտ-
պան իմ ես, եւ դու աստուած իմ
մի՛ յամենար :

Տունք իբ : Գորղայս ծը :

ՍԱՂՄՈՍ Խ.

Ի կատարած . Սաղմոս Գաւթի :

Երանի որ խորհի՛ զաղքատն եւ զտնան-
կրն, յաւուր չարի փրկէ զնա տէր :
Տէր փրկէ զնա եւ կեցուցանէ, երանե-
լի առնէ զնա ՚ի վերայ երկրի, եւ ոչ
մատնէ զնա ՚ի ձեռս թշնամեաց իւրոց :
Տէր օգնական է նմա ՚ի մահի՛ձս ցաւոց
իւրոց. զամենայն անկողինս նորա դար-
ձուցանէ ՚ի հիւանդու թենէ նորա :
Ես ասացի տէր ողորմեա ինձ, բժըշ-
կեա զանձն իմ, ես մեղայ քեզ :
Թշնամիք իմ ասացին ինձ չար. ե՞րբ
իցէ զի մեռցի, եւ կորիցէ անուն նորա :
Մտանէր տեսանել զնանրու թիւն .
խօսէր ՚ի սրտի իւրում, եւ ժողովէր
զանօրէնու թիւն յանձն իւր :

Արտաքս ելանէր եւ զնոյն խօսէր, զի
 նէն շննջէին ամենայն թշնամիք իմ :
 Խորհեցան չար ՚ի վերայ իմ, բան ա-
 նօրէնու թեան եղին ՚ի վերայ իմ :
 Մի թէ որ ննջիցէ, այլ ո՞չ եւս յաւելցի
 յառնել. քանզի եւ այրն խաղաղու-
 թեան իմոյ, յոր եւ եսն յուսացայ :
 Որ ուտէր զհաց իմ, յաճախեաց առ-
 նել ինձ խաբէու թիւն :

Այլ դու տէր ողորմեա ինձ և կանգ-
 նեա զիս, և ես հատուցից նոցա :
 Յայսմ ծանեայ՝ թէ հաճեցար ընդ իս,
 զի մի ուրախ եղիցին յիս թշնամիք իմ :
 Այլ զիս յանբժու թեան իմում ըն-
 կալար, և հաստատեցեր զիս առա-
 ջիքս յաւիտեան :

Օրհնեալ տէր աստուած իօրայէլի յա-
 ւիտեանս յաւիտենից, եղիցի եղիցի :
 Տունք ժգ.

ՍԱՂՄՈՍ ԽԱ.

Ի կատարած . իմաստարիւն որդւոցն Կորխայ .
 Սաղմոս Գաբի :

Որպէս փափաքէ եղջերու յաղբերս

ուրց , այնպէս փափաքէ անձն իմ
առ քեզ աստուած :

Ծարաւի է անձն իմ առ քեզ աստուած , հզօր և կենդանի . ե՞րբ եկից երեւեցայց երեսացդ աստուծոյ :

Եղէն ինձ արտասուք իմ կերակուր 'ի տուէ և 'ի գիշերի , և այն զի ասէ ինցիազօր հանապազ՝ թէ ո՞ւր է աստուածքո :

Ջայս որպէս յիշէի , տառապէր յիս անձն իմ . քաջալերէի , զի մտից ընդ յարկաւսքանչելեաց տանն աստուծոյ : Ի ձայն ցնծու թեան խոստովանու թեան եւ 'ի ձայն բարեկենդանու թեան :

Արդ ընդ է՞ր արտումես անձն իմ . կամ ընդ է՞ր խռովեա զիս , յուսա առ աստուած , խոստովանեա նմա՝ փրկիչ երեսաց իմոց աստուած է :

Անձն իմ յոյժ խռովեցաւ , վասն այսորիկ յիշեցի զքեզ յերկրէն յորդանանու , 'ի հերմոնէ լեռնէ փոքուէ : Խորք խորոց կարդացին առ քեզ , 'ի ձայն ոահմանաց քոց :

Ամենայն զբօսանքքո , և ալիքքո ան

ցին 'ի վերայ իմ :

Ի տուէ պատուիրեաց տէր զողորմութիւն իւր , 'ի գիշերի զօրհնութիւն նոր , և աղօթք իմ առ աստուած վասն կենաց իմոց :

Ասացի աստուծոյ՝ ընդ ունող եմ ես , ընդ է՞ր մերժեցեր զիս , ընդ է՞ր տրտում գնամ ես 'ի նեղել թշնամւոյ իմոյ :

Ի փշրիլ ոսկերաց իմոց նախատեցին զիս թշնամիք իմ , յասել ցիս զօրհանապաղ , թէ ո՞ւր է աստուածքոս : Արդ ընդ է՞ր տրտում ես անձն իմ , կամ ընդ է՞ր խռովես զիս , յուսա առ աստուած . խոստովանեա նմա՝ վրկիչ երեոաց իմոց աստուած է :

Տունք Ժգ .

ՍԱՂՄՈՍ ԽԲ .

Սաղմոս Դաւթի :

Դատ արա ինձ աստուած , եւ իրաւարա ինձ 'ի դատաստանի իմում : Յազգէ որ ոչ է սուրբ , 'ի մարդոյ մե-

զաւորէ նենգաւորէ փրկեա զիս :
Գու աստուած հզօրիչ իմ ես, ընդէ՞ր
մոռացար զիս, ընդէ՞ր տրտում գը-
նամ ես ՚ի նեղել թշնամւոյ իմոյ :

Առաքեա տէր զլոյս քո եւ զճշմար-
տութիւն քո, զի առաջնորդեսցեն
ինձ, և հանցեն զիս ՚ի լեառն սուրբ
և ՚ի յարկս քո :

Մտից առաջի սեղանոյ աստուծոյ
առ աստուած, որ ուրախ առնէ ըզ-
մանկու թիւն իմ :

Խոստովան եղէց քեզ օրհնութեամբ
աստուած աստուած իմ :

Արդ ընդէ՞ր տրտում ես անձն իմ,
կամ ընդէ՞ր խռովես զիս, յուսա առ
աստուած, խոստովանեա նմա՝ փրը-
կիչ երեսաց իմոց աստուած է :

Տունք է : Գորդայս լդ :



ՍԱՂՄՈՍ ԽԳ.

Ի կատարած . իմաստութիւն որդւոցն Կորխայ :
Սաղմոս Դաւթի :

Աստուած՝ ականջօք մերովք լուաք ,

զոր հարբն մեր պատմեցին մեզ :

Զգործն զոր գործեցեր յաւուրս նոցա , յաւուրսն առաջինս :

Չեռք քո իսկեաց զհեթանոսս՝ և զնոսա տնկեցեր . չարչարեցեր զժողովուրդս քո , և հաներ զնոսա :

Զի ոչ թէ սրով իւրեանց ժառանգեցին գերկիր , և ոչ բազուկ նոցա փրկեաց զնոսա :

Այլ աջքո և բազուկքո և լոյս երեսացքոց , զի հաճեցար դու ընդ նոսա , Գու ինքն ես՝ թագաւոր իմ և աստուած իմ , որ հրամայեցեր զփրկու թիւնսն յակոբայ :

Քեւ զթշնամիս մեր հարցուք , և աւոււամբ քով արհամարհեսցուք ըզյարուցեալսն ՚ի վերայ մեր :

Ոչ թէ յաղեզն իմ յուսացեալ եմ , և ոչ սուր իմ կեցուցանէ զիս :

Այլ դու փրկեցեր զմեզ ՚ի թշնամեաց մերոց և զատելիս մեր յամօթարարեր :

Աստուծով պարծեսցուք զօրհանապազ , և անուան նորա խոստովան

Եղիցուք յաւիտեան :

Բայց արդ մերժեցեր և անարդեցեր զմեզ, և ոչ ելեր աստուած ընդ զօրս մեր :

Գարձուցեր զմեզ յետսքան զԹշնամիա մեր, ատելիք մեր յափշտակեցին զմեզ :

Ետուր զմեզ որպէս զոչխար ՚ի զենու մըն, և ընդ հեթանոսս ցրուեցեր ըզմեզ :

Վաճառեցեր զժողովուրդսքո առանց գնոյ, և ոչ գոյ թիւ աղազակի մերոյ : Արարեր զմեզ նախատինս գրացեաց մերոց, ծաղր և այսին կատականաց այնոցիկ՝ որք շուրջ եին զմեօք :

Արարեր զմեզ յառակս հեթանոսաց ՚ի չարժեւ զգլուխս ժողովրդոց :

Զօր ամենայն նախատինք իմ առաջի իմ են, և ամօթ երեսաց իմոց ծածկեաց զիս :

Ի ճայնէ նախատորդին և չարախօսի, յերեսաց թշնամւոյն և հալածչի :

Այս ամենայն եկն ՚ի վերայ մեր, և մեք զքեզ ոչ մոռացաք, և ոչ ստե-

ցաք ուխտիքում, և ոչ դարձաք յե-
տըս սրտիւք մերովք :

Գարձուցեր զչաւիղս մեր 'ի ճանա-
պարհացքոց, խոնարհ արարեր զմեզ
'ի տեղի չարչարանաց, և ծածկեցին
զմեզ ստուերք մահու :

Թէ մոռացեալ իցէ մեր զանուն աս-
տուծոյ մերոյ, կամ ձգեալ իցէ զձե-
ռըս մեր յաստուածս օտարս :

Սակայն աստուած խնդրէ զայս, զի
նա քննէ զգաղտնիս սրտից մերոց :

Վասն քո մեռանիմք զօրհանապաղ,
համարեցաք որպէս զոչխար 'ի զե-
նումն :

Զարթիր ընդէ՞ր ննջես տէր, արի և
մի մերժեր զմեզ իսպառ :

Զմէ՞ դարձուցանես զերեսս քո 'ի մէնջ,
մոռանաս զաղքատու թիւն և զնե-
ղու թիւնս մեր :

Խոնարհ եղեն մինչեւ 'ի հող անձինք
մեր, և յերկիր կցեցան մէջք մեր :

Արի տէր օգնեա մեզ, և վրկեա ըզ-
մեզ վասն անուան քո :

Տունք իէ :

ՍԱՂՄՈՍ ԽԳ.

Ի կատարած . գառանցելոց ժամանակաց , որդւոցն
կորխայ իմաստութեան . Սաղմոս օրհնութեան
վասն սիրելւոյն :

Բզխեսցէ սիրտ իմ զպատգամս քո
բարի , և ասացից զգործս իմ թագա-
ւորի :

Լեզու իմ որպէս գրիչ արագագիր
դպրի , գեղեցիկ տեսլեամբ քան զա-
մենայն որդւոց մարդկան :

Սիրուեցան շնորհք ՚ի շրթանց քոց ,
վասն այսորիկ օրհնեաց զքեզ ասա-
ուած յաւիտեան :

Աժ զսուր ընդ մէջ քո հզօր , վայել-
չութեան և գեղոյ քոյ :

Լարեա , ուղղեա և թագաւորեա վա-
սրն ճշմարտութեան , հեզու թեան և
արդարութեան , և առաջնորդեսցէ
քեզ սքանչելապէս աջքո :

Նետք քո սրեալ են հզօր , և ժողո-
վուրդք ՚ի ներքոյ քո անկցին , ՚ի սիր-
տըս թշնամեաց թագաւորի :

Աթոռ քո աստուած յաւիտեանս յա-

Լիտենից, գաւազան ուղղու թեան
գաւազան արքայու թեան քո :

Սիրեցեր զարգարու թիւն, և ատե-
ցեր զանօրէնու թիւն :

Վասն այսորիկ էօժ զքեզ աստուած,
աստուած քո իւղով ուրախու թեան,
առաւել քան զընկերս քո :

Զմուռս և ստաշխն և կասիայ 'ի ըզ-
գեստէ քումմէ, 'ի տաճարաց փղոս-
կրէից, ուստի ուրախ արարին զքեզ
դստերք թագաւորաց 'ի պատիւ :

Կացցէ զշխոյ ընդ աջմէ քումմէ 'ի
հանդերձս ոսկէհուռս զարգարեալ
և պաճուճեալ :

Լուր դուստր և տես, խոնարհեցո
զունկն քո . մուռա զժողովուրդ քո և
զտուն հօր քո . զի ցանկացաւ թա-
գաւոր գեղոյ քո :

Սա ինքն է տէր քո՝ երկիրպագցես
ամա, և դուստր ծուրայ երկիրպագցէ
ամա, եւ պատարագօք զերեսս սորա
պաշտեսցեն մեծամեծք 'ի ժողովրդոց :

Ամենայն փառք դստեր թագաւորի
'ի ներքոյ, 'ի վերջաւորս ոսկէհուռս

զարդարեալ և պաճուճեալ :

Տարցին թագաւորի կուսանք զհետ
նորա, և զընկերս նորա տարցին նմա :

Աճցեն ցնծու թեամբ և ուրախու-
թեամբ, և տարցին 'ի տաճար թա-
գաւորի, և փոխանակ հարց քոց ե-
ղիցին որդիք քո :

Կացուսցես զնոսա իշխանս ընդ ամե-
նայն երկիր, և յիշեսցի անուն քո
ընդ ամենայն ազգս ազգաց :

Վասն այսորիկ ժողովուրդք խոստո-
վան եղիցին առ քեզ յաւիտեան, և
յաւիտեանս յաւիտենից :

Տունք ժբ.



ՍԱՂՄՈՍ ԽԵ.

Ի կատարած . որդւոցն կորխայ 'ի վերայ գաղտնեաց
Սաղմոս Դաւթի :

Աստուած մեր ասպաւէն եւ զօրու-
թիւն . օգնական 'ի վերայ նեղու-
թեանց, որք գտին զմեզ յոյժ :

Վասն այսորիկ ոչ կերիցուք մեք 'ի
խռովիլ երկրի, 'ի փոփոխիլ լերանց

՚ի սիրտս ծովու :

Գոչեցին եւ խռովեցան ջուրք նոցա ,
խռովեցան լերինք ՚ի զօրու թե նէ նորա :
Գնացք գետոց ուրախ առ նեն զքա-
ղաքն աստուծոյ , եւ սուրբ արար
զյարկս իւր բարձրեալն :

Աստուած ՚ի մէջ նոցա , եւ նորա մի
սասանեսցին . օգնեսցէ նոցա աստուած
՚ի վաղորդայնէ մինչեւ ՚ի վաղորդայն :
Խռովեցան հեթանոսք , եւ խոնարհե-
ցան թագաւորու թիւնք . ետ զձայն
իւր բարձրեալն , եւ խռովեցաւ երկիր :
Տէր զօրու թեանց ընդ մեզ , ընդ ու-
նելի է մեր աստուած յակոբայ :

Եկայք եւ տեսէք զգործս աստու-
ծոյ , որ արար զնշանս եւ զարուեստս
՚ի վերայ երկրի :

Եհար զսպառերազմ ՚ի ծագաց մինչեւ
՚ի ծագս երկրի . զաղեղունս փշրեաց ,
զղէնս խորտակեաց , եւ զասպարս
այրեաց հրով :

Կանխեսցէք եւ ծաներուք , զի ես
եմ աստուած . բարձր եղէց ՚ի հեթա-
նոսս , եւ բարձրացայց ՚ի վերայ երկրի :

Տէր զօրու թեանց ընդ մեզ, ընդ ունելիէ մեր աստուած յակորայ :

Տունք ժա: Գորղայս ծղ:

ՍԱՂՄՈՍ ԽԶ.

Ի կատարած . վասն որդեոցն Կորխայ :
Սաղմոս Գաւրի :

Ծափս հարէք ամենայն հեթանոսք,
աղաղակեցէք առ աստուած ՚ի ձայն
ցնծութեան :

Տէր բարձրեալ և ահարկու, թագաւոր մեծ ՚ի վերայ ամենայն երկրի :

Հնազանդ արար զժողովուրդս ընդ մեզ, և զհեթանոսս ՚ի ներքոյ ոտից մերոց :

Ընտրեաց զմեզ իւր ՚ի ժառանգութիւն, զգեղեցկութիւն յակորայ՝ զոր և սիրեաց :

Համբարձաւ աստուած օրհնութեամբ, և տէր մեր ձայնիւ փողոյ :
Սաղմոս ասացէք աստուծոյ մերում,
սաղմոս ասացէք թագաւորին մերում,
սաղմոս ասացէք :

Թագաւոր մեծ 'ի վերայ ամենայն
երկրի աստուած է . սաղմոս ասա-
ցէք նմա իմաստութեամբ :

Թագաւորեաց աստուած 'ի վերայ
հեթանոսաց . աստուած նստաւ յա-
թոռ սրբութեան իւրոյ :

Իշխանք ժողովրդոց ժողովեցան առ
աստուած արահամու . զի աստու-
ծոյ զօրութիւնք յերկրէ յոյժ համ-
բարձան :

Տունք թ .



Ս Ա Ղ Մ Ո Ս Խ Է

Սաղմոս օրհնութեան որդւոցն Կորխայ .
երկրորդ շաբաթու :

Մեծ է տէր , եւ օրհնեալ է յոյժ 'ի
քաղաք աստուծոյ մերոյ , 'ի լեառն
սուրբ նորա :

Հաստարմատ ցնծացէ ցնծութեամբ
ամենայն երկիր . լերինք սիօնի , կող-
մանք հիւսիսոյ՝ քաղաք Թագաւորին
մեծի :

Աստուած 'ի տաճարի իւրում յայտ-

նի, ՚ի ժամանակի որպէս օգնական
լինէր նոցա :

Ահաւասիկ թագաւորու թիւնք երկ-
րի ժողովեցան, եւ անցին ՚ի միասին :
Ինքեանք տեսին այսպէս եւ զարմա-
ցան. խռովեցան սասանեցան, և դո-
զումն կալաւ զնոսա :

Անդ երկունք որպէս ՚ի ծննդեան, և
հողմն սաստիկ փշրեցէ զնաւս ՚ի
թարսիս :

Որպէս լուաք. այնպէս եւ տեսաք ՚ի
քաղաք տեառն զօրու թեանց՝ ՚ի քա-
ղաք աստուծոյ մերոյ :

Աստուած հիմունս էարկ նմա յաւի-
տեան. ընկալաք աստուած զողորմու-
թիւն քո ՚ի մէջ ժողովրդեան քոյ :
Ըստ անուան քում աստուած, սոյն-
պէս և օրհնու թիւնքո ընդ ամենայն
տիեզերս, և արդարու թեամբ լի է
աջ քո :

Ուրախ եղիցի լեառն սիօն, եւ ցրն-
ծասցեն դստերք յուդայ վասն իրա-
ւանց քոց տէր :

Նըջեցարուք զսիօնիւ, պաշարեցէք

զնա և սրատեցէք զաշտարակս նորա :
 Դիք զսիրտս ձեր՝ ի վերայ զօրութեանց
 նորա . բաժանեցէք զամուրս նորա ,
 զի պատմել կարաս չիք յազգ յայլ :
 Սա է աստուած , աստուած մեր յա-
 ւիտեանս յաւիտենից , եւ սա հով-
 ուեացէ զմեզ մինչեւ յաւիտեան :

Տունք Ժգ .

ՍԱՂՄՈՍ ԽԸ .

Ի կատարած . որդւոցն կորխայ . Սաղմոս
 օրհնութեան Գարիի :

Լուարուք զայս ամենայն ազգք . ուն-
 կընդիր լերուք ամենեքեան՝ ոյք բը-
 նակեալ էք յաշխարհի :

Ծնունդք երկրի և որդիք մարդկան ,
 ՚ի միասին մեծամեծք և տնանկք :

Բերան իմ խօսեացի զիմաստութիւն ,
 եւ խորհուրդ սրտի իմոյ զհանձար :

Խոնարհեցուցից յառակումն զունկն
 իմ . բացից առակաւ զբերան իմ , և

խօսեցայց զառակս ՚ի սկզբանէ :

Ընդէր բնաւ երկնչիմ ես յաւուր

չարի, զի անօրէնու թիւնք գնացից ի մոց շուրջ եղեն զինեւ :

Յուսացեալք 'ի զօրութիւն իւրեանց, 'ի բազում մեծութեան իւրեանց, պարծեսցին :

Եղբայր ոչ փրկէ՝ և ոչ փրկէ մարդ, և ոչ տայ աստուծոյ զփրկանս իւր, և ոչ զգինս փրկանաց անձին իւրոյ : Վաստակեա յաւիտեան եւ կեցցես մինչ իսպառ, եւ ոչ տեսցես զապականութիւն :

Յորժամ տեսցես՝ թէ իմաստունք մեռանին, 'ի միասին անզգամք եւ անմիտք կորիցեն, և թողցեն օտարաց ըմբծութիւն իւրեանց :

Գերեզմանք նոցա տունք նոցա եղիցին յաւիտեան, եւ յարկք նոցա ազգէ մինչեւ յազգ, եւ կարդացցին անուանք նոցա 'ի հողս իւրեանց :

Մարդ 'ի պատուի էր եւ ոչ իմացաւ, հաւասարեաց անասնոց անբանից և նմանեցաւ նոցա :

Այս ճանապարհէ գայ թակղութեան նոցա նոցին. յետ այսորիկ բերանօք

Իւրեանց հաճեացին :

Որպէս խաչն 'ի դժոխս մատնեացին ,
 և մահ հովուեացէ զնոսա , և տիրես-
 ցեն նոցա ուղիղք ընդ առաւօտս :

Յգնու թիւնք նոցա մաշեացին 'ի դժո-
 խըս , և 'ի փառաց իւրեանց անկցին :
 Բայց սակայն աստուած փրկեացէ
 զանձն իմ 'ի ձեռաց դժոխոց , յոր-
 ժամ ընդունին զիս :

Մի երկնչիւր յորժամ մեծանայ մարդ ,
 և յորժամ բազում լինին փառք տան
 նորա :

Զի ոչ թէ 'ի մեռանելն իւրում առցէ
 ընդ իւր զամենայն , և ոչ թէ իջցեն
 փառք տան նորա ընդ նմա :

Այլ անձն նորա 'ի կեանս իւրում
 օրհնեցի , և խոստովան եղիցի քեզ
 յորժամ բարի արասցես դու նմա :

Մտցէ նա մինչեւ յազգ հարց իւրոց ,
 մինչեւ յաւիտեան զլոյս մի տեսցէ :

Մարդ 'ի պատուի էր և ոչ իմացաւ ,
 հաւասարեաց անասնոց անբանից և
 նմանեցաւ նոցա :

Տունք ի : Գորղայս խբ :

ՍԱՂՄՈՍ ԽԹ.

Սաղմոս Դաւթի :

Աստուած աստուծոց տէր խօսեցաւ,
 և կոչեաց զերկիր յարեւելից մինչեւ
 'ի մուտս արեւու :

Ի սիօնէ մեծ վայելչու թիւնն փրկու
 թեան զեղոյ նորա :

Աստուած մեր յայտնապէս եկեացէ,
 և աստուած մեր մի դագարեացէ :

Հուր առաջի նորա բորբոքեացի, եւ
 շուրջ զնովաւ մրրիկ յոյժ :

Կոչեացէ զերկինս 'ի վերուստ՝ և զերկիր
 'ի դատել զժողովուրդ իւր, ժողովել
 առ ինքն զսուրբս իւր, եւ
 ոյք գնեն զպատարագս ուխտից 'ի
 վերայ սեղանոյ նորա :

Պատմեացեն երկինք զարդարու թիւնն
 նորա, զի աստուած դատաւոր է :

Լուր ժողովուրդ իմ և խօսեցայց ընդ
 քեզ, և խորայել՝ քեզ վկայեցից. զի
 աստուած աստուած քո ես եմ :

Ոչ թէ վասն պատարագաց քոց կըշ-

տամբեմ զքեզ . զի ողջակէզքքո ա-
ռաջի իմ են յամենայն ժամ :

Ոչ ընդունիմ ՚ի տանէ քումմէ զուա-
րակս , և ոչ ՚ի հօտից քոց նոխազս :
Իմ է ամենայն գաղան անտառի , ե-
րէ լերանց և ամենայն անասուն :

Գիտեմ ես զամենայն թռչունս երկ-
նից . գեղեցկու թիւն վայրի ընդ իս է :
Թէ քաղցեայց , քեզ ինչ ոչ ասացից .
զի իմ է աշխարհ լրիւ իւրով :

Ոչ ուտեմ ես զմիս զուարակաց քոց ,
և ոչ զարիւն նոխազաց քոց ըմպեմ :

Մատո աստուծոյ պատարագ օրհ-
նութեան , կատարեա բարձրելոյն
զուխտս քո :

Կարդասցես առ իս յաւուր նեղու-
թեան քո , ես իրկեցից զքեզ և դու
փառաւոր արասցես զիս :

Սակայն մեղաւորին ասէ աստուած .
Իսկ դու ընդէ՞ր բնաւ պատմես զար-
գարու թիւն իմ , կամ առնուս զուխտ
իմ ՚ի բերան քո :

Զի դու ատեցեր զխրատ իմ մերժե-
ցեր և յետս ընկեցեր զամենայն բանս

բերանոյ իմոյ :

Թէ տեսանէ իրզգողս՝ ընթանայ իր ընդ
նոսա, և ընդ շունս գնէ իր զբաժինքո :
Բերանքոյ յաճախէր զչարու թիւն, և
լեզուքո նիւ թէր զնենգու թիւն :
Նստեալ զեղբօրէ քու մմէ չարախօ
սէ իր, և ՚ի վերայ որդւոյ մօրքո գնէ
իր զգայ թակղու թիւն :

Չայս ամենայն արարեր, և լուեցի
քեզ, կարծեցեր անօրէնդ ՚ի մտի
քում, թէ և ես քեզ նման իցեմ :

Արդ յանդիմանեցից եւ կացուցից
չայս ամենայն առաջի քո, իմացա
րուք ամենեքեան՝ որոց մոռացեալ
իցէ զաստուած :

Գուցէ երբէք յափշտակիցիք, և ոչ
ոք իցէ՝ որ փրկիցէ :

Պատարագ օրհնու թեան փառաւ որ
արասցէ զիս, և անդ է ճանապարհ,
ուր ցուցից նմա զփրկու թիւն աս
տուծոյ :

Տունք իդ :



ՍԱՂՄՈՍ Ծ.

ի կատարած . Սաղմոս Գաւթի . ի ժամանակի զի
 էկն առ. նա Նարան մարգարէ , իբրէս զի մտեալ
 էր նա առ. Բերսաբէէ :

Ողորմեա ինձ աստուած ըստ մեծի ու
 զորմութեան քում, ըստ բազում գը
 թութեան քում քաւեա զանօրէ
 նութիւնս իմ :

Առաւել լուա զիս յանօրէնութենէ
 իմմէ , և ՚ի մեղաց իմոց սուրբ արա զիս :
 Զանօրէնութիւնս իմ ես ինձէն գի
 տեմ և մեղք իմ առաջի իմ են յա
 մենայն ժամ :

Քեզ միայն մեղաց տէր , և չար ա
 ռաջի շո արարի :

Որպէս արդար եղիցիս ՚ի բանս քո ,
 և յաղթող ՚ի դատել դաս :

Անօրէնութեամբ յղացաւ , և ՚ի մե
 զըս ծնաւ զիս մայր իմ :

Դու տէր զճշմարտութիւն սիրեցեր ,
 զանյայտս և զծածկեալս իմաստու
 թեամբ քով յայտնեցեր ինձ :

Յօղեա յիս մշտկաւ , և սուրբ եղէց .

լուա և քան զձիւն սպիտակ եղէց :
 Լսելի արա ինձ զցնծու թիւն և զու-
 րախու թիւն , և ցնծասցեն ոսկերք
 իմ տառապեալք :

Դարձո զերեսս քո 'ի մեղաց իմոց , և
 զամենայն անօրէնու թիւնս իմ քաւ-
 եա յինէն :

Սիրտ սուրբ հաստատեա յիս աստ-
 ուած , և հոգի ուղիղ նորոգեա 'ի փո-
 ըի իմում :

Մի ընկենուր զիս տէր յերեսաց քոց ,
 և զհոգի քո սուրբ մի՛ հաներ յինէն :
 Տուր ինձ ցնծու թիւն փրկութեան
 քոյ , և հոգւով պետութեան քոյ
 հաստատեա զիս :

Ուսուցից անօրինաց զճանապարհս քո
 և ամբարիշտք առ քեզ դարձցին :
 Փրկեա զիս յարենէ աստուած՝ աստ-
 ուած փրկութեան իմոյ , ցնծասցէ
 լեզու իմ յարդարութեան քում :
 Տէր եթէ զըրթունս իմ բանաս , բե-
 րան իմ երգեսցէ զօրհնութիւնս քո՝
 թէ կամեցեալ էիր , պատարագս մա-
 տուցանէսք . բայց դու ընդ ողջա-

կէզս իսկ ոչ հաճեցար :

Պատարագ աստուծոյ հոգի խոնարհ,
զսիրտ սուրբ և զհոգի խոնարհ աստ-
ուած ոչ արհամարհէ :

Բարի արա տէր կամօք քովք սիօնի,
և շինեսցին պարիսպքն երուսաղէմի :
Յայնժամ հաճեսցիս ընդ պատարագս
արդարու թեան, յորժամ ուխտից
պատարագս հանցեն 'ի սեղան քո
զուարակս :

Տունք ի.

ՍԱՂՄՈՍ ԾԱ.

Ի կատարած իմաստութեան . Սաղմոս Գաւթի . ի ժա-
մանակի զի եկն Գովէկ եղովմայ, պատմեաց Սաւու-
ղայ . քե անաւասիկ Գաւթի 'ի տանն Աբիմէլիքայ ե :

Զի՞ պարծի 'ի չարու թեան հզօր զանօ-
րէնու թիւն. զօրհանապազ զանիրա-
ւու թիւն խորհեցաւ 'իլէզու իիւրում
Որպէս անելի սուր՝ սրեաց զնենգու-
թիւն, սիրեաց զչարու թիւն քան ըզ-
բարու թիւն, զանօրէնու թիւն քան
զխօսս արդարու թեան :

Միրեաց նա զամենայն խօսս կործանման , և զլեզուս նենգաւորս :

Վասն այսորիկ աստուած կործանեացէ զնա իսպառ . իսլեսցէ և հանցէ զնա 'ի յարկաց իւրոց , և զարմատս նորայերկրէն կենդանեաց :

Տեսցեն արդարք և երկիցեն . զնովաւ ծիծաղեսցին և ասասցեն :

Այս այր է , որ ոչ արար զաստուած իւր օգնական . այլ յուսացաւ սա 'ի բազում մեծութիւն իւր . և զօրացաւ 'ի նանրութիւն իւրում :

Այլ ես որպէս ձիթենի պտղալից 'ի տան աստուծոյ . յուսացայ յողորմութիւն աստուծոյ յաւիտեան՝ և յաւիտեանս յաւիտենից :

Խոստովան եղէց բեզ յաւիտեան , զի արարեր , և համբերից անուանբում , զի քաղցր ես առաջի սրբոց քոց :

Տունք Ը : Գորդայս ծք :

ՍԱՂՄՈՍ ԾԲ.

Ի կատարած . վասն Մաղաղեբայ . իմաստութիւն Գարիի :

Ասաց անզգամն 'ի սրտի իւրում թէ

ոչ գոյ աստուած , ասպականեցան եւ
պղծեցան յանօրէնու թեան իւրեանց ,
և ոչ որ է որ առնէ զքաղցրու թիւն :
Աստուած յերկնից նայեցաւ յամե-
նայն որդիս մարդկան , տեսանել թե-
իցէ՞ որ իմաստուն՝ որ խնդրիցէ զաս-
տուած :

Ամենեքեան խոտորեցան 'ի միասին ,
և անպիտանացան :

Ոչ որ է որ առնէ զբարի , եւ չէ որ
մինչեւ 'ի մի :

Որպէս ոչ ծանիցեն ամենեքեան , ոյք
գործեն զանօրէնու թիւն :

Ոյք ուտէին զժողովուրդ իմ որ-
պէս կերակուր հացի , եւ առ աստ-
ուած ոչ կարգացին :

Անդ երկիցեն զերկիւղ՝ ուր ոչ իցէ
երկիւղ . զի աստուած ցրուեսցէ
զոսկերս մարդահաճոյից :

Ամաչեսցեն և յամօթ լիցին , զի աստ-
ուած անարգեաց զնոսա :

Ո՞տացէ 'ի սիօնէ զփրկու թիւն իսրա-
յէլի . 'ի դարձուցանել տեսուն զգե-
րու թիւն ժողովրդեան իւրոյ, ցնծաս-

ցէ յակոբ , և ուրախ եղիցի ի սրայէլ :

Տունք թ :

ՍԱՂՄՈՍ ԾԳ.

Ի կատարած . ընդ օրհնութիւնս իմաստութեան Դաւ-
րի 'ի ժամանակի զի եկին զիպացիքն , եւ ասէն
ցՄանուղ . անաւասիկ Դաւիթ քագուցեալ նստի
առ. մեզ :

Աստուած յանուան քում կեցո զիս ,
և 'ի զօրութեան քում իրաւ արա ինձ :

Աստուած լուր աղօթից իմոյ , ունկն
զիր բանից բերանոյ իմոյ :

Օտարք յարեան 'ի վերայ իմ , և հզօրք
խնդրեցին զանձն իմ , և ոչ համարեցան
զքեզ աստուած առաջի իւրեանց :

Ահա աստուած օգնական իմ , եւ
տէր ընդ ունոյ հոգւոյ իմոյ :

Ի դարձուցանել զչարն 'ի թշնամիս
իմ , ճշմարտութեամբ քով սատակեա
ղնոսա :

Ես կամովք իմովք պատարագս մա-
տուցից քեզ , և խոստովան եղէց ան-
ուան քում տէր , զի բարի է :

Յամենայն ներդու թե՛նէ իմմէ փրկեցեր
զիս , և ՚ի թշնամիս իմ ետես ակն իմ :

Տունք է :

ՍԱՂՄՈՍ ԾԴ.

Ի կատարած . բնդ օրհնութիւնս իմաստութեան :
Սաղմոս Գարբի :

Ունկն գիր աստուած աղօթից իմոց ,
և մի անտես առներ զինդ բուածս իմ :
Նայեա առ իս եւ լուր ինձ զի
տրտմեցայես ՚ի ձանձրանալ իմում , և
խռովեցայ :

Ի ձայնէ թշնամւոյն և ՚ի նեղել մե-
ղաւորին խոտորեցան յիս անիրաւու-
թեամբ , բարկու թեամբ ոխս սլա-
հէին ինձ :

Միրտ իմ խռովեցաւ յիս , և երկիւղ
մահու անկաւ ՚ի վերայ իմ :

Ահ և գողումն եկն ՚ի վերայ իմ , եւ
ծածկեաց զիս խաւար :

Ասացի տայր ոք ինձ զթեւս որպէս
զազաւնոյ , զի թռչէի վերանայի , և
հեռացեալ գաղարէի յանապատի :

Ակն ունէի աստուծոյ՝ որ փրկէր զիս
 'ի կարճատու թե՛նէ, 'ի զայրանալոյ,
 և 'ի մրկեալ նեղսրտու թե՛նէ:

Ընկրո տէր և բաժանեա զլեզուս նո-
 ցա, զի տեսի զանօրէ՛նու թիւն և ըզ-
 հակառակու թիւն 'ի քաղաքի:

Խտուէ և 'ի գիշերի շուրջ եղէն ըզ-
 պարսպօք նորա անօրէ՛նու թիւնք,
 չարիք և մեղք էն 'ի մէջ նոցա, եւ ոչ
 պակասեաց 'ի հրապարակաց նոցա
 վաչիս եւ նե՛նգու թիւն:

Ձի թէ թշնամւոյն նախատեալ էր,
 համբերէ՞ի արդեօք, կամ ատելոյն
 մեծաբանեալ էր 'ի վերայ իմ, թագ-
 չէի՞ արդեօք 'ի նմանէ:

Իսկ դու մարդ հաւասար իմ, առաջ
 նորդ իմ եւ ծանօթ իմ:

Ապաքէն 'ի նոյն քաղցրացուցեր ինձ
 և քեզ կերակուր, զի գնայաք միա-
 բանու թեամբ 'ի տան աստուծոյ:

Եկեսցէ մահ 'ի վերայ նոցա, և կեն-
 դանւոյն իջցեն 'ի դժոխս, զի չարու-
 թիւն 'ի բնակու թեան նոցա եւ 'ի
 մէջ նոցա:

Ես առ աստուած կարգացի, եւ նա լուաւ ինձ յերեկոյս 'ի վաղորդայն ե 'ի հասարակ աւուր:

Պատմեցի եւ ասացի, լուիցէ ձայնի իմում. փրկեսցէ խաղաղու թեամբ զանձն իմ 'ի մերձաւորաց իմոց, զի կարեօք հասին 'ի վերայ իմ:

Լուիցէ աստուած եւ խոնարհ աւրացէ զնոսա, որ յառաջն է քան զյաւիտեանս:

Ձի ոչ գոյր նոցա փոխանակ, եւ ոչ երկեան յաստուծոյ:

Ձգեաց զձեռն իւր 'ի հատուցանել նոցա, եւ նորա սղծեցին զօրէ՛նս նորա: Բաժանեցան 'ի սրտմտութենէ երեսաց նորա, եւ եհաս 'ի սիրտս նոցա:

Կակուղ էին բերանք նոցա քան զձէթ, եւ ինքեանք որպէս սլաք:

Ընկեա 'ի տէր զհոգս քո, եւ նա կերակրէ զքեզ, եւ ոչ տայ յաւիտեան սասանութիւն արդարոյ:

Գու աստուած իջուսցես զնոսա 'ի գուբ ապականութեան, արք արիւնահեղք եւ նենգաւորք մի հասարա-

կեացեն զաւուրս իւրեանց . այլ ես
 ՚ի քեզ տէր յուսացայ :

Տունք իբ: Գորղայս ԼԷ:

Կանոնս Գորղայս է: Սաղմոս ԺԺ: Տունք յի:

ՕՐՀՆՈՒԹԻՒՆ ՄԵԾԻՆ ՄՈՎՍԻՍԻ ԱՍՏՈՒԱԾԱՏԵՍ
 ՄԱՐԳԱՐԷԻ

Բ. Օրինաց ԼԲ:

Ձի հուր բորբոքեցաւ ՚ի բարկու թե-
 նէ իմմէ . այրեսցէ եւ իջցէ մինչ ՚ի
 դժոխս ներքինս :

Վերիցէ զերկիր եւ զամենայն բոյսս
 երկրի նոցա . վառեսցին հրով, և բոր-
 բոքեսցին հիմունք լերանց նոցա :

Կուտեցից զչարիս ամենայն ՚ի վերայ
 նոցա , եւ նետիւք իմովք սպառեսցից
 զնոսա :

Մաշեալք և հիւժեալք ՚ի սովոյ, գա-
 զանաբեկ գէշ անկեալ ամենայն
 թռչնոց երկնից :

Լարս առանց բժշկութեան արձակե-
 ցից ՚ի վերայ նոցա՝ զգազանս անա-
 սպատի , որք այսր և անգրքարչեսցեն

զնոսա ընդ երկիր :

Արտաքուստ մանրակոտորս արասցէ
զնոսա սուր , և 'ի ներքուստ շտեմա-
րանաց նոցա անտի արհաւիրք ասից :
Ջերիտասարդս նոցա կուսանօք հան-
դերձ , և զտղայս հաստատելովք ծե-
րովք հանդերձ :

Ասացի թէ ցրեցից զնոսա , և դադա-
րեցուցից զյիշատակս նոցա յազգաց :
Թէ ոչ վասն բարկու թեան սրտամոու-
թեան թշնամւոյն , զի մի՛ երկայնա-
կեացք եղիցին , եւ մի՛ բարձրացին
պարտացեալ թշնամիքն , և ասացեն :
Թէ ձեռն մեր բարձր է եւ բազուկ
մեր հզօր եւ ոչ տէր աստուած արար
զայս ամենայն :

Ձի ազգ մի խորհրդակորոյսք են նո-
քա , և ոչ գոյ 'ի նոսա իմաստու թիւն ,
և ոչ խորհեցան 'ի միտ առնուլ զայս
ամենայն , եւ արդ ընկալցին զամօթ
յանձինս իւրեանց :

Ջարմանք մի մեծ այս են . զի անորդ մին
զհազարս հալածեսցէ , կամ երկուք
զբիւրս շարժեսցեն :

Թէ ոչ տեառն աստուծոյ մատնեալ
էր զնոսա, և տուեալ իցէ զնոսա ՚ի
ձեռս թշնամեաց նոցա :

Զի ոչ են դիք նոցա որպէս զաստուած
մեր, այլ թշնամիք մեր վատախոր
հուրդք :

Յայդւոյն սողոմայ էր որթ նոցա, և
տունկ նոցա ՚ի գոմորայ :

Խաղող նոցա խաղող դառնու թեան,
և ողկոյզ նոցա ՚ի դառնու թեան լեղւոյ :

Սրտմտու թիւն բարկու թեան վիշա
պաց գինի նոցա, սրտմտու թիւն ի
ժիցան հնարին առանց բժշկու թեան :

Ոչ այս ամենայն ժողովեալ է առ իս,
և կնքեալ պահի ՚ի գանձի խմում :

Յաւուր վրիժուց հատուցման հա
տուցից նոցա, ՚ի ժամանակի յորում
հարցի դքարի ոտն նոցա :

Մերձ է օր կորստեան նոցա, հասեալ
է պատրաստու թեամբ տէր ՚ի վերայ
նոցա :

Դատէ տէր զժողովուրդ իւր, և ՚ի
ճառայս իւր մխիթարի :

Զի ետես զնոսա լքեալս, լուծեալս և

մատնեալս 'ի գերու թիւն :

Եւ ասիցէ տէր , ո՞ւր են գիքն ձեր՝
յորս յուսացեալ էիք դուք 'ի նոսա .
զորոց զճարպս սպանդիցն ուտէիք , և
բմպէիք զգինի զոհիցն :

Արդ յարիցեն օգնեսցեն , և եղիցին
ձեզ թիկունք :

ՆՈՐԻՆ ՄՈՎՍԻՍԻ

Մաներուք և տեսէք՝ զի ես եմ , և
ոչ գոյ այլ աստուած բաց յինէն :

Ես սպանանեմ , և ես կեցուցանեմ .
հարկանեմ , և ես բժշկեմ , և ոչ ոք
իցէ՝ որ հանիցէ զձեզ 'ի ձեռաց իմոց :
Համբարձի յերկինս զձեռս իմ երդ-
ուայ աջով իմով և ասացի՝ թէ կեն-
դանի եմ ես յաւիտեան :

Սրեցից որպէս փայլակն զսուսեր իմ ,
և 'ի խնդիր վրիժուց արձակեցից զաջ
իմ :

Հատուցից զհատուցումն թշնամեաց
իմոց , եւ ատելեաց իմոց հատուցից
զհատուցումն նոցա նոցին :

Արբեցուցից զնետս իմ յարենէ նո-
ցա , և սուր իմ կերիցէ միս՝ յարենէ

վերաւորելոց գերելոց գլխոց իշխա-
նաց՝ թշնամեաց նոցա


Ուրախ եղիցին երկինք նովաւ, և եր-
կիրպագցեն նմա ամենայն որդիք աս-
տուծոյ :

Ուրախ եղերուք հեթանոսք ընդ ժո-
ղովրդեան նորա, և զօրացուսցեն
զնա ամենայն հրեշտակք աստուծոյ :

Խնդրելով խնդրեցաւ վրէժ արեան
որդւոց նոցա, և հատուցումն թըշ-
նամեաց նոցա հատուցաւ նոցա :

Հատուցումն ատելեաց նոցա հատու-
ցաւ նոցա, և սրբեսցէ տէր զերկիր
ժողովրդեան իւրոյ :

Փառք հօր և որդւոց :



Մ Ա Ղ Ք Ա Ն Ք

Դու ես տէր մեր, դու ես Քրիստոս փրկիչ մեր,
զքեզ օրհնեն անձինք մեր :

Մարդասէր տէր, վասն սրբուհւոյ անարատի մեր
քո և կուսի, և վասն խաչի քո պատուականի,
տէր ընկալ զաղաչանս մեր, և կեցո զմեզ :

Քորուշ և աշխի՛՛ Մինախանձիր և Խոստովան
Կանանցն ։

Վասն ուղղելոյ զգնացս մեր 'ի ճանապարհս
խաղաղութեան , զտէր աղաչեսցուք ։

Վասն ցրելոյ 'ի մէնջ զամենայն խորհուրդս չա-
րին , զտէր աղաչեսցուք ։

Վասն պարգեւելոյ մեզ առողջ խորհուրդս և
առաքինի վարս , զտէր աղաչեսցուք ։

Վասն պահելոյ զմեզ ընդ հովանեաւ ամենազօր
աջոյն իւրոյ , զտէր աղաչեսցուք ։

Վասն խորտակելոյ զհակառակորդն վաղվաղակի
ընդ ոտիւք մերովք , զտէր աղաչեսցուք ։

Վասն հոգւոցն հանգուցելոց , որք ճշմարիտ և
ուղիղ հաւատով 'ի քրիստոս ննջեցին , զտէր ա-
ղաչեսցուք ։

Եւ եւս միաբան վասն ճշմարիտ և սուրբ հաւա-
տոյս մերոյ . զտէր աղաչեսցուք ։

Զանձինս մեր և զմիմեանս տեառն աստուծոյ
ամենակալին յանձն արասցուք ։

Ողորմեաց մեզ տէր աստուած մեր ըստ մեծի
ողորմութեան քում՝, ասասցուք ամենեքեան
միաբանութեամբ ։ Տէր ողորմեա . տէր ողորմեա
տէր ողորմեա ։

Ա Ղ Օ Ք Ք

Տէր երկնի և երկրի՝ արարիչ ամենայն արարա-
ծոց երեւելեաց և աներեւութից ։ Առ քեզ կար-
գամք յամենայն ժամ ։ Ղի ընդ ամենայն տեղիս է

տէրութիւն քո , և արքայութիւն քո ամենեցուն տիրէ : Շնորհեա մեզ երկիւղիւ 'ի պաշտօն քո կանխել հանապազ , սիրել զքեզ 'ի բոլոր սրտէ և 'ի բովանդակ մտաց , և յամենայն զօրութենէ մերմէ պահել զպատուիրանս քո : Համբառնալ առ քեզ զձեռս մեր 'ի սրբութիւն առանց բարկութեան և երկմտութեան , և դտանել 'ի քէն զշնորհս և զողորմութիւն , և դառաքինասէր գործոցն յաջողութիւն : Վասն զի դու ես տէր կենաց և աստուած ողորմութեանց , և քեզ վայելէ փառք իշխանութիւն և պատիւ , այժմ և միշտ և յաւիտեանս յաւիտենից , ամէն :

Խաղաղութիւն ամենեցուն :

Աստուծոյ երկրպագեսցուք :

Քում՝ ամենազօր և յազթող տէրութեանդ կրկնի ամենայն ծունր յերկրպագութիւն , և փառաւորի յամենեցունց թագաւորութիւն քո : Նայեա յերկրպագութիւնս մեր , և ուստ մեզ առնել զարդարութիւն ճշմարտութեան : Վասն զի դու ես աստուած խաղաղութեան , որ բարձեր զթշնամութիւն 'ի միջոյ , և արարեր զխաղաղութիւն յերկինս և յերկրի . հեռաւորաց և մերձաւորաց աւետարանեցեր զնոր պարգեւս քոյին բարեացդ : Որում և զմեզ մեծի շնորհացդ արժանաւորս արացես՝ դասելով ընդ ճշմարիտ երկրպագուս քո , աստուած մեր և տէր մեր և վրկիչ յիսուս քրիստոս : Որ ես օրհնեալ ընդ հօր և ընդ սուրբ հոգւոյդ , այժմ և միշտ և յաւիտեանս յաւիտենից , ամէն :


Մ Ա Ղ Թ Ա Ն Ք

Յերգս օրհնութեան և 'ի ձայն սաղմոսաց ան-
դադար փառաւորեմք զՀայր և զՈրդի և զսուրբ
Հոգիդ, այժմ և միշտ և :

Օրհնեալ տէր մեր Յիսուս Քրիստոս ամէն :

Հայր մեր որ յերկինս, սուրբ եղիցի անուն քո .
եկեսցէ արքայութիւն քո . եղիցին կամք քո որ-
պէս յերկինս և յերկրի . զհաց մեր հանապա-
զորդ՝ տուր մեզ այսօր . թող մեզ զպարտիս
մեր՝ որպէս և մեք թողումք մերոց պարտապա-
նաց, և մի՛ տանիր զմեզ 'ի փորձութիւն . այլ
փրկեա՛ զմեզ 'ի չարէ . զի քո է արքայութիւն
և զօրութիւն և փառք յաւիտեանս յաւիտենից,
ամէն :







Չայն տեսան 'ի վերայ ջուրց' եւ աստ-
ուած փառաց որոտաց , եւ տեր ինքն 'ի
վերայ ջուրց բազմաց :

Սաղմոս ԻԸ



ՍԱՂՄՈՍ ԾԵ՛

Ի կատարած . վասն ժողովրդեանն , որ 'ի սրբոյն
 հեռացեալ էին . 'ի ժամանակի զի կալան զնա
 այլագգիրն 'ի Գեք :
 Յարձանագիր . Սաղմոս Գաբի

ՈՂՈՐՄԵԱ ինձ աստուած , զի կոխ
 եաց զիս մարդ . զօրհանապազ
 պատերազմունք նեղեցին զիս :
 Կոխեցին զիս թշնամիք իմ զօրհանա
 պազ . բազումք էին՝ ոյք մարտնչէին
 ընդ իս 'ի բարձանց :
 Ի տուէ ես ոչ երկեայց , զի 'ի տէր
 յուսացայ . աստուծով գովեցից ըզ
 բանս իմ՝ յաստուած յուսացայ՝ և ոչ
 երկեայց , զի՞ արասցէ ինձ մարդ :
 Զօրհանապազ զբանս իմ անարդե
 ցին . զինէն էին խորհուրդք նոցա 'ի
 չարութեան :
 Պանդուխտք եղիցին , եւ թաքթա
 քուրք շրջեսցին . նոքա դարչապարի

Խմուժ սպասեցեն , որպէս և սպա-
սէին անձին խմոյ :

Որպէս առ ոչնչէ մերժեցես զնոսա,
բարկու թեամբ զժողովուրդս հնա-
զանդեցուսցես :

Աստուած՝ զկեանս իմ պատմեցից
քեզ . եղից զարտասուս իմ առաջի
քո , որպէս խոստացար դու ինձ :

Դարձցին թշնամիք իմյետս իւրեանց,
յաւուր յորում կարգացից առ քեզ :

Ահա ծանեայ զի աստուած իմ ես
դու . զաստուած օրհնեցից 'ի բանս
իմ , և զտէր գովեցից 'ի խօսս իմ .
յաստուած յուսացայ և ոչ երկեայց,
զի՞ արասցէ ինձ մարդ :

Յինե՛ն են ուխտք իմ , զոր տացքեզ
օրհնու թեամբ աստուած աստուած
իմ :

Փրկեցեր զանձն իմ 'ի մահուանէ ,
զաչս իմ յարտասուաց , եւ զոտս իմ
'ի գայթակղութենէ . հաճոյ եղէց
առաջի տեառն յերկրին կենդանեաց :

Տունք ժա.

ՍՍՂՄՈՍ ԾԶ.

Ի կատարած մի՛ ապականեր . Սաղմոս Գարբի յար-
ճանագիր . Ի ժամանակի զի փախուցեալ եւ քա-
բուցեալ եր նա յերեսաց Սաւուդայ յայրի անդ :

Ողորմեա ինձ աստուած՝ ողորմեա ինձ
զի՛ ՚ի քեզ յուսացաւ անձն իմ :

Ի հովանի թեւոց քոց յուսացայց ,
մինչեւ անցցէ անօրէնու թիւն :

Ազաղակեցի առ աստուած բարձրեալ,
առ աստուած բարձրեալ իմ :

Առաքեաց յերկնից եւ կեցոյց զիս :
Եզ ՚ի նախատինս , որք կոխէին զիս ,

Առաքեաց աստուած զողորմու թիւն
և զճճմարտու թիւն իւր , և փրկեաց
զանձն իմ ՚ի միջոյ գազանաց , զինքն
ջէի ես խռովեալ :

Որդւոց մարդկան ատամունք իւր
եանց զէն և նետք են , և լեզուք նո-
ցա որպէս զսուր սուսերի :

Բարձրեալ ես դու յերկինս աստուած ,
և յամենայն երկրի են փառք քո :

Որոգայթ պատրաստեցին ոտից իմոց .
խոնարհ արարին զանձն իմ . փորեցին

առաջի իմ խորխորատ , եւ անկան
ինքեանք ՚ի նոյն :

Պատրաստ է սիրտ իմ աստուած ,
պատրաստ է սիրտ իմ օրհնել և սաղ-
մոս ասել քեզ փառօք իմովք :

Ջարժիք փառք իմ , զարժիք սաղմո-
սիւք և օրհնութեամբ , և ես զարժ-
եայց առաւօտուց :

Խոստովան եղէց քեզ ՚ի ժողովուրդս
տէր , և սաղմոս ասացից քեզ յազինս :
Մեծ եղեւ մինչեւ յերկինս ողորմու-
թիւնքո , մինչեւ յամպսճճմարտու-
թիւնքո :

Բարձրեալ ես դու յերկինս աստուած
և յամենայն երկրի ե՛ն փառք քո :
Տունք ժգ :



ՍԱՂՄՈՍ Ծ Է .

Ի կատարած . մի ապականեր . յարճանագիր .
Սաղմոս Դարի :

Թէ արդարեւ զարդարու թիւն խօ-
սէիք , եւ ուղիղս դատէիք յորդիք
մարդկան :

Քանզի եւ արդ իսկ ՚ի սրտի ձերում
 զանօրէնու թիւն գործէք յերկրի. զա-
 նիրաւու թիւն ձեռք ձեր նիւթեն :
 Օտար եղեն մեզաւ որք ՚ի մօրէ. խաբե-
 ցան յարգանդէ, և խօսեցան զսուտ :
 Սրտմտութիւն նոցա ըստ նմանու-
 թեան օձի. որպէս իժի և քարբի,
 զի խցեալ է զականջս իւր :

Զի մի լուիցէ նա զձայն թովչի ճար-
 տարի, և մի առցէ զգեղ ՚ի գեղա-
 տուէ իմաստնոյ :

Աստուած փշրեսցէ զատամու՛նս նո-
 ցա ՚ի բերանս իւրեանց, եւ զժանիա
 առիւծուց խորտակեաց տէր :

Անարգ եղիցին նոքա որպէս ջուր՝
 զի հեղանի. ՚ի լարել աղեղան նորա
 տկարասցին որպէս մոմ զի հալի, և
 սպառեսցին :

Անկաւ հուր՝ և ոչ տեսին զարեւ,
 մինչև ՚ի միտ առեալ էր զփուշս իւր-
 եանց. որպէս գժնիկ բարկութեամբ
 կենդանւոյն կիզցէ զնոսա :

Ուրախ եղիցի արդարն՝ յորժամ տես-
 ցէ զհատուցումն, և զձեռս իւր

լուսացէ յարեան մեղաւորի :
 Եւ ասացէ մարդ , թէ արդարեւ
 գուցէ պտուղ արդարոյ , և է աստ
 ուած որ դատի զնոսա յերկրի :

Տունք ժ: Գորշայս լդ:

ՍԱՂՄՈՍ ԾԸ.

Ի կատարած . մի' ապականեր . Յարճանագիր . Ի
 Ճամանակի զի առարեաց Սառուղ , եւ պաշարեաց
 գտուն նորա . զի սպանցե զնա :
 Սաղմոս Դարի :

Փրկեա զիս 'ի թշնամեաց խնոց աստ
 ուած յայնցանէ , ոյք յարուցեալ են
 'ի վերայ իմ , ապրեցո զիս :

Փրկեա զիս յայնցանէ , ոյք գործեն
 զանօրէնու թիւն , արանց արիւնա
 հեղաց ապրեցո զիս :

Որսալ զանձն իմ կամեցան , և հասին
 'ի վերայ իմ հզօրք :

Ոչ մեղք իմ և ոչ յանցանք , առանց
 մեղաց ընթացայ և ուղիղ եղէ :

Ջարթիր ընդ առաջ իմ , և տես դու
 տէր զօրութեանց աստուած իսրայէլի
 Նայեաց եւ այց արա ամենայն հե

Թանոսաց . մի՛ ողորմիր ամենեցուն ,
 ոյք գործեն զանօրէնու թիւն :

Դարձցին ընդ երեկոյս . սովեացին որ-
 պէս շունք , և շրջեացին զքաղաքաւ :
 Նոքա զօղանջեացեն բերանօք իւր-
 եանց , եւ սուր է 'ի շրթունս նոցա :
 Իսկ արդ ո՞վ լուաւ զայս . զի դու տէր
 ծիծաղեսցիս զնոքօք , և արհամար-
 հեսցես զամենայն հեթանոսս :

Զղորու թիւն իմ առ քեզ պահեցից ,
 զի աստուած օգնական իմ է :

Աստուած իմ , ողորմու թիւն նորա
 կանխեսցէ առ իս , և աստուած իմ
 ցուցցէ ինձ 'ի թշնամիս իմ :

Մի՛ սպանաներ զնոսա , զի մի՛ մոռաս-
 ցին զժողովուրդս քո :

Յրուեա զնոսա զօրու թեամբ քով ,
 և ընկճեա զնոսա , զի դու ես պաշտ-
 պան իմ տէր :

Մեղք բերանոյ նոցա եւ բանք շր-
 թանց նոցա , ընկլցին նոքա յամ-
 բարտաւանու թեան իւրեանց :

Յանէ՛ծս և 'ի աստու թիւնս մատնեսցին ,
 'իկատարած ի բարկու թեան սպառեա-

ցին , և մի գտցին :

Քիտասցեն՝ զի աստուած տիրէ յա-
կոբայ և ամենայն ծագաց երկրի :

Դարձցին ընդ երեկոյս . սովեսցին որ-
պէս շունք , և շրջեսցին գ.բաղաբաւ :

Նոքա սփռեսցին յուտել . ապա թէ-
ոչ յագեսցին , տրանջեսցեն :

Ես օրհնեցից զօրհնու թիւնս տեառն ,
և ցնծացայց առաւօտուց յողորմու-

թեան քում :

Ձի եղեր իմ սլաշտպան եւ տունն ա-
պաւինի . յաւուր նեղու թեան իմոյ

օղնական իմ :

Քեզ սաղմոս ասացից՝ աստուած ա-
պաւէն իմ , աստուած ողորմու թեան

իմոյ :

Տունք ի .



Ս Ա Ղ Մ Ո Ս Ծ Թ .

Ի կատարած՝ գառանցելոց ժամանակաց առ ուս-
մանէ . ի ժամանակի զի հրձիգ արար նա զմիջագետս
էւ զասորեստանն Սոփոդայ . էւ ՚ի դարձին հարկա-
նէր Յովար գծորն Ադաից յերկոտասան հազարս .
Յարճանագիր . Սաղմոս ՚ի Դաւիթ :

Աստուած մերթեցեր եւ աւերեցեր

զմեզ, բարկացար, և գթասցիս 'ի մեզ :
Շարժեցեր զերկիր, և խռովեցուցեր
զսա . բժշկեա զհարուած սորա , զի
սասանեցաւ :

Յուցեր ժողովրդեան քում խատու
թիւն , և ետուր ըմպել մեզ գինի
յիմարութեան :

Ետուր երկիւղածացքոց նշան , զի
ապրեսցին յերեսաց աղեղան :

Որպէս փրկեցան սիրելիք քո . կեցո
աջով բով , և լուր մեզ :

Աստուած խօսեցաւ 'ի սրբութեանէ
իւրմէ . ցնծացայց՝ բարձր եղէց , բա
ժանեցից զսիւքէմ , եւ զհովիտան
յարկաց չափեցից :

Իմ է գաղայագ , եւ իմ է մանասէ .
եփրեմ հզօրիչ գլխոյ իմոյ :

Յուդա թագաւոր իմ . մովաբ աւա
զան յուսոյ իմոյ :

Յեզովմէ ուղղեցից զգնացս իմ , եւ
ինձ այլազգիք հնազանդ եղեն :

Ո՞տարցէ զիս 'ի քաղաք ամուր , կամ
ո՞առաջնորդեացէ ինձ մինչեւ ցեղոմ :
Եթէ ոչ դու աստուած , որ մերժե

ցեր զմեզ, և ոչ ելեր աստուած ընդ
զօրս մեր :

Տուր մեզ օգնու թիւնն ՚ի նեղութեան,
զի ընդ ունայն է վրկու թիւն մարդոյ :
Աստուծով արասցուք զօրութիւն ,
և նա արհամարհեսցէ զայնոսիկ՝ ոյք
նեղեն զմեզ :

Տունք ժգ.

ՍԱՂՄՈՍ Կ.

Ի կատարած . բնդ օրհնութիւն. Սաղմոս Գարի :

Լուր աստուած աղօթից իմոց, եւ
նայեա տէր յաղօթս իմ :

Ի ծագաց երկրի կարգացի առ քեզ,
մինչ ՚ի վաստակիլ սրտի իմոց :

Ի վիմէ բարձր արարեր զիս, առաջ
նորդեցեր ինձ, եւ իմ եղեր յոյս, և
աշտարակ հզօր եղեր ինձ յերեսաց
թշնամւոյն :

Քնակեցայց ես ՚ի յարկս քո յաւիտեան,
և ծածկեցայց ընդ հովանեալ
թեւոյ քոյ :

Գու աստուած լուր աղօթից իմոց .

Ետուր ժառանգու թիւն, ոյք երկնչին
յանուանէ քումմէ :

Աւուրս յաւուրս յաւելեր թագաւորի
ամաց նորա, աւուրս ազգաց
մինչեւ յազգս :

Կայ և մնայ յաւիտեան առաջի աստուած
ողորմութիւն և ճշմարտութիւն,
ոյք խնդրեն ՚ի նմանէ :

Այսպէս սաղմոս ասացից անուան
քում յաւիտեանս յաւիտենից, և
տաց քեզ զաղօթս իմ օր ըստ օրէ :

Տունք Ը՝ Գորդայս խք :

ՍԱՂՄՈՍ ԿԱ.

Ի կատարած . ՚ի վերայ իդիդովմայ .
Սաղմոս Գաթի :

Բայց միայն աստուծոյ հնազանդ լեր
անձն իմ, զի ՚ի նմանէ է ինձ փրկու
թիւն :

Նաէ աստուած իմ և փրկիչ իմ, ապաւ
ւէն իմ՝ զի մի սասանեցայց առաւել :
Մինչև յերբ յառնէք ՚ի վերայ մար
դոյ՝ սպանանել ամենեքեան, որպէս

յորմոյ թիւրեւոյ և ՚ի ցանկոյ մերժեւոյ :
 Բայց միայն զպատիւ իմ խորհեցան
 մերժել յինէն , և ընթացան ՚ի ծա-
 րաւս իւրեանց :

Բերանօք իւրեանց օրհնէին , և սըր-
 տիւք անիծանէին :

Բայց սակայն աստուծոյ հնազանդ լեր-
 անձն իմ, զի ՚ինմանէ է ինձ համբե-
 րու թիւն :

Նա է աստուած իմ և փրկիչ իմ, ա-
 պաւէն իմ, զի մի՛ սասանեցայց :

Յաստուծոյ է զօրու թիւն իմ և փառք
 իմ, աստուած օգնու թեան իմոյ, յոյս
 իմ առ աստուած է :

Յուսացարուք ՚ինաամենայն ժողովք
 ժողովրդոց, սփռեցէք առաջի նորա
 զսիրտս ձեր, զի աստուած օգնական
 է մեր յաւիտեանս ժամանակաց :

Սակայն ընդունայն են որդիք մարդ-
 կան, սուտ են որդիք մարդկան, ՚ի
 կշիռս իւրեանց մեղանչեն, և ինքեանք
 յունայնու թեան են ՚ի միասին :

Մի՛ յուսայք յանիրաւու թիւն, յա-
 փրչտակու թեան մի՛ ցանկայք և մե-

Տու թիւն թէ առիւ դայցէ, մի յօ-
ժարեացին սիրտք ձեր:

Միանգամ խօսեցաւ աստուծ, եւ
երկուս զայս լուաք:

Յաստուծոյ է զօրութիւն, և քո տէր
ողորմութիւն՝ և դու հատուցանես
իւրաքանչիւր ըստ գործոյ նոցա:

Տունք ժդ.

ՍԱՂՄՈՍ ԿԲ.

Սաղմոս Դաբի. մինչդեռ նստէր նա յանապատի
անդ նրեաստանի:

Աստուած աստուած իմ, ես առ քեզ
առաւօտ առնեմ. ծարաւեաց առ
քեզ հոգի իմ, քանի՞ պատիկ եւս և
մարմին իմ:

Որպէս երկիր անապատ եւ անջուր,
ուր ոչ գոյ ՚ի նմա ճանապարհ:

Այսպէս ՚ի սուրբս երեւեցայց քեզ.
տեսանել ինձ զզօրութիւն քո եւ
զփառս քո:

Վասն զի լաւ է ինձ ողորմութիւն քո
քան զկեանս իմ, և շրթունք իմ գո-

Վեցեան զքեզ :

Այսպէս օրհնեցից զքեզ ՚ի կեանս ,
 և յանուանքո համբարձից զձեռս իմ :

Որպէս ՚ի ճարպոյ պարարտութեանէ
 լցցի անձն իմ , շրթամբք ցնծութեան
 օրհնեցեալ զքեզ բերան իմ :

Զի թէ յիշէի զքեզ յանկողնի իմում ,
 ընդ առաւօտս կանխեալ խօսէի ընդ
 քեզ :

Զի եղեր իմ օգնական , ՚ի հովանի
 թեւոց քոց ցնծացայց :

Եկն զկնիքո անձն իմ , և զիս ընկա
 լաւ աջ քո , և նորա ՚ի նանիր խընդ
 րեցին զանձն իմ :

Մտցեն ՚ի ներքոյ անդնդոց երկրի .
 մասնեցին ՚ի ձեռս սրոյ , և բաժինք
 ազուխուց եղիցին :

Թագաւոր յուսացաւ ՚ի տէր . գովես
 ցին ամենքեան՝ ոյք երդնուն նո
 վաւ , խցցին բերանք այնոցիկ՝ ոյք
 խօսէին զանիրաւութիւն :

ՍԱՂՄՈՍ ԿԳ.

Ի կատարած . Սաղմոս Դաւթի :

Լուր աստուած աղօթից իմոց յաղա-
 չել ինձ առ քեզ . յերկիւղէ թշնամ-
 ւոյն փրկեա զանձն իմ :

Ծածկեսցես զիս 'ի ժողովոց չարաց ,
 'ի բազմութենէ՝ ոյք գործեն զանօ-
 րէնութիւն :

Ոյք սրեցին որպէս սուսեր զլեզուս
 իւրեանց . լարեցին զաղեղունս իւր-
 եանց յիրս գառնութեան :

Չգել 'ի գաղտնիս այնոցիկ՝ ոյք ու-
 զիղ են սրտիւք . յանկարծակի ձգես-
 ցեն 'ի նոսա , և մի երկիցեն :

Ոյք զօրացուցին յանձինս իւրեանց
 զբանս չարութեան . խորհեցան թա-
 գուցանել ինձ որոգայթ , և ասացին
 ոչ տեսանէ զայս տէր :

Քննեցին զանօրէնութիւն , պատ-
 րաստեցան 'ի քննել զքննութիւն :

Մատիցէ այր 'ի խորութիւն սրտի իւ-
 րոյ , և բարձր եղիցի աստուած :

Նեաք տղայոց եղեն մէրք նոցա, տը-
կարացան 'ի նոսա լեզուք նոցա, և
խռովեցան ամենեքեան՝ ոյք հայէին
ընդ նոսա :

Երկեալ ամենայն մարդ 'ի սլատմել
զգործս աստուծոյ, և զարարածս նո-
րա 'ի միտ առին :

Ուրախ եղիցի արդար 'ի տէր և յու-
սասցի 'ի նա, նովալ գովեսցին ամե-
նեքեան, ոյք ուղիղ են սրտիւք :

Տունք ժ: Գորղայս լգ:

ՍԱՂՄՈՍ ԿԴ.

Ի կատարած . Սաղմոս Գա. քի : Օրհնութիւն երե-
միայի, եզեկիէի եւ ժողովրդեանն, յորժամ 'ի
պանդխտութենէն կամէին ելանել .

Քեզ վայելէ օրհնութիւն աստուած
'ի սիօն, և քեզ տացին աղօթք յերու-
սազէմ :

Լուր աղօթից իմոց, զի առքեզ ա-
մենայն մարմին եկեսցէ :

Բանք անօրինաց զօրացան 'ի վերայ
մեր, և զամբարշտութիւնս մեր գու-
քաւեսցես :

Երանի զոր ընտրեցեր և ընկալար , եւ
բնակեացին ՚ի գաւիթսքո :

Լցցուք մեք ՚ի բարու թենէ տանքո,
սուրբ է տաճարքո սքանչելի արգա-
րու թեամբ :

Լուր մեզ աստուած իրկիչ մեր , յոյս
ամենայն ծագաց երկրի , և որ ՚ի ծով
հեռի :

Ո պատրաստէ զլերինս զօրու թեամբ
իւրով , եւ զգեցեալ է զօրու թիւն :
Ո խռովեցուցանէ զմեծու թիւն ծո-
ւիւ , եւ զձայն ալեաց նորացածու-
ցանէ :

Խռովեցին հեթանոսք , և երկիցեն
բնակիչք երկրի ՚ի նշանաց քոց :

Յերս առաւօտու և ընդ երեկոյս զը-
ւարձացին . հայեցար յերկիր՝ ար-
բեցուցեր զնա , և բազում արարեր
զմեծու թիւն նորա :

Գետն աստուծոյ լի եղեւ ջուրք .
պատրաստ արարեր զկերակուր նորա,
զի այսպէս է պատրաստու թիւն :

Չակոս նորա արբեցուցեր , եւ բա-
զում արարեր զարմտիս նորա :

Իցօղել նորա զուարթ եղևցի բոյս
 նորա , օրհնեսցի պսակ տարւոյ
 քաղցրութեան քոյ :

Գաշտ քո լցցին պարարտութեամբ ,
 պարարտացին զեղեցկութիւնք ա-
 նասպատի :

Բլուրք զցնծութիւն զգեցցին , եւ
 զգեցցին խոյք մաքեաց :

Հովիտք բազում արասցեն զցորեան ,
 աղաղակեսցեն և օրհնեսցեն :

Տունք թ :



ՍԱՂՄՈՍ ԿԵ.

Ի կատարած . Սաղմոս Գաբի . յարութեան :

Աղաղակեցէք առ աստուած ամե-
 նայն երկիր . սաղմոս ասացէք ան-
 ուան նորա , և տուք զփառս օրհ-
 նութեան նորա :

Ասացէք աստուծոյ , որպէս զի ահեղ
 են գործքքո . ՚ի բազում զօրութեան
 քում ստեցին քեզ թշնամիք քո :

Ամենայն երկիր երկիրպագցեն քեզ ,
 սաղմոս ասացեն քեզ , և սաղմոս ա-

սասցեն անուան թում :

Եկայք և տեսէք զգործս աստուծոյ
որպէս զի ահեղ են խորհրդով քան
զամենայն որդւոց մարդկան :

Ո գարձոց զճովի ՚ի ցամաք , եւ ընդ
գետս անցին ոտանաւորք :

Անդ ուրախ եղիցուք մեք ՚ի նա , որ տիւ
րեն զօրու թեամբ իւրով յաւխտենից :

Աչք նորա ՚ի հեթանոսս հային , որք
գառնացուցին զնա , մի՛ բարձրացին
յանձինս իւրեանց :

Օրհնեցէք հեթանոսք զաստուած
մեր , լսելի արարէք զձայն օրհնու
թեան նորա :

Այն որ ետ զանձն իմ ՚ի կեանս , եւ
ոչ ետ թողու թիւն ոտից իմոց :

Փորձեցեր զմեզ աստուած և քննե
ցեր , որպէս և քննի արծաթ :

Իջուցեր զմեզ յորոգայթ , եդեր զնե
ղու թիւն ՚ի թիկունս մեր , և անցու
ցեր զմարդիկ ՚ի վերայ գլխոց մերոց :

Անցաք մեք ընդ հուր և ընդ ջուր , և
հաներ զմեզ ՚ի հանդիսս :

Մտից ՚ի տուն քո պատարագ օք , տայ

քեզ զուխտս իմ, զոր խոստացանք քեզ
 շրթունք իմ, զոր բերան իմ խօսեցաւ
 'ի նեղու թեան :

Զողջակէզս ուղղալիցս մատուցից
 քեզ խոյովք և խնկովք, և քեզ մա-
 տուցից զուարակս և նոխազս :

Եկայք լուարուք ինձ և պատմեցից
 ձեզ ամենեքեան՝ ոյք երկնչիք յաս-
 տուծոյ, զոր ինչ արար անձին իմոյ :

Առ նա բերանով իմով կարգացի, և
 բարձր արարից զնա լեզուաւ իմով :
 Զմեզս թէ տեսանէի 'ի սրտի իմում,
 մի թէ լսէ՞ր ինձ տէր :

Վասն այսորիկ լուաւ ինձ աստուած,
 և նայեցաւ 'ի ձայն խնդրուածոց իմոց :
 Օրհնեալ է աստուած՝ որ ոչ 'ի բաց-
 եայ արար զաղօթս իմ, և ոչ զողոր-
 մութիւնն իւր յինէն :

Տունք թի :

ՍԱՂՄՈՍ ԿԶ.

Ի կատարած . ընդ օրհնութիւնս . Սաղմոս Դաւրի :

Աստուած ողորմեա մեզ և օրհնեա

զմեզ, երեւեցցո զերեսսքո 'ի մեզ, և
ողորմեա մեզ:

Ճանաչել յերկրի զճանապարհս քո,
յազինս ամենայն զփրկու թիւնս քո:
Խոստովան եղիցին առ քեզ ժողո-
վուրդք աստուած, խոստովան եղի-
ցին առ քեզ ժողովուրդք ամենայն:
Ուրախ եղիցին և ցնծասցեն ազինք,
զի դու դատես զժողովուրդս ուղ-
ղութեամբ, և ազգաց երկրի դու
առաջնորդես:

Խոստովան եղիցին առ քեզ ժողո-
վուրդք աստուած, գոհասցեն զքէն
ժողովուրդք ամենայն:

Երկիր ետ զպտուղ իւր, և օրհնեաց
զմեզ աստուած աստուած մեր:

Աստուած մեր օրհնեսցէ զմեզ, և 'ի
նմանէ երկիցեն ամենայն ծաղք երկրի:
Տունք է: Գորղայս խբ:



Ս Ա Ղ Մ Ո Ս Կ Է

Ի կատարած. Սաղմոս Գարի:

Յարիցէ աստուած՝ եւ ցրուեսցին ա-

մենայն թշնամիք նորա, փախիցեն ա-
տելիք նորա յերեսաց նորա :

Որպէս պակասի ծուխ՝ պակասեացին .
որպէս հալի մում առաջի հրոյ, այն-
պէս կորիցեն մեղաւորք յերեսաց
աստուծոյ :

Արդարք ուրախ եղիցին և ցնծասցեն
առաջի նորա, և զուարճասցին յու-
րախու թեան իւրեանց :

Օրհնեցէք զաստուած մեր և սաղմոս
ասացէք անուան նորա . ճանապարհ
արարէք այնմիկ՝ որ նստի ընդ արեւ-
մուտս, եւ տէր է անուն նորա :

Յնծասցեն առաջի նորա, և խառնից-
ցին յերեսաց նորա :

Որ հայրն է որբոյ և դատաւոր այ-
րեաց, աստուած ՚ի տեղւոջ սրբու-
թեան իւրոյ :

Աստուած բնակեցուցանէ զմիակրօնս
՚ի տան, և հանէ զկապեալս քաջու-
թեամբ իւրով, սոյնպէս և զդառնա-
ցողս՝ որք բնակեալ են ՚ի գերեզմանս :

Աստուած ընդ ելանելի քո առաջի
ժողովրդեան քո, ընդ անցանելի քո

ընդ անասպատ՝ երկիր շարժեցաւ :
Քանզի և երկինք ցօղեսցին յերեսաց
աստուծոյ 'ի սինայէ առաջի աստու-
ծոյ իսրայէլի :

Անճրև կամաց պատրաստեցեր աստ-
ուած ժառանգու թեանքում, թէ-
պէտ և հիւանդացաւ , սակայն դու
հաստատեցեր զնա . եւ գազանք քո
բնակեսցին 'ի նմա :

Պատրաստ արարեր քաղցրու թեամբ
քով աղքատի աստուած , տէր տա-
ցէ զբան , ոյք աւետարանեն զօրու-
թեամբ բազմաւ :

Թագաւոր զօրու թեանց սիրելւոյ ,
գեղեցկու թիւն տան քո բաժանեալ
յաւարի , թէպէտ եւ ննջեսջիք 'ի
մէջ վիճակաց :

Թեւք աղաւնւոյ արծաթասպատ , եւ
թիկնամէջ նորա 'ի գոյն ոսկւոյ :

Ի գումարելերկնաւորին զթագաւորս
'ի վերայ նորա , ձիւնացին 'ի սաղմոն :
Լեառն աստուծոյ լեառն պարարտ ,
լեառն մածեալ լեառն պարարտ , եւ
զի՛նչ կարծէք լերինք հպարտացեալք :

Լեառն , ընդ որ հաճեցաւ աստուած
բնակել ՚ի նմա . քանզի եւ տէր իսկ
բնակեաց ՚ի նմա իսպառ :

Կառք աստուծոյ բիւրասպատիկք ,
հազարք ուղղիչք , եւ տէր ՚ի նոսա
՚ի սինէ սրբու թեան իւրոյ :

Եւ ՚ի բարձունս և գերեաց զգերու
թիւն . էառ աւար՝ բաշխեաց պար
գեւս եւ որդւոց մարդկան , քան
զի թերահաւատից եւս բնակեալե
զիցին ՚ի նմա :

Տէր աստուած օրհնեալ՝ օրհնեալ տէր
զօրհանապազ , առաջնորդեացէ մեզ
աստուած փրկիչ մեր :

Աստուած մեր աստուած կենարար ,
և ՚ի տեառնէ են ելք մահու :

Բայց սակայն աստուած փշրեացէ
զգլուխս թշնամեաց մերոց , և զհե
րըն կարճնովին , ոյք զնան յանօրէ
նու թեան իւրեանց :

Ասաց տէր՝ ՚ի խորոց անգնդոց դար
ձուցից , և ՚ի միջոյ ժանեաց զայն ՚ի
դուրս կորզեցից :

Որպէս թացցի ոտն քո յարեան , եւ

Լեղուք շանց քոց յարե՛նէ թշնամ
եաց քոց :

Երեւեցան դնացք քո աստուած ,
դնացք աստուծոյ թագաւորին մե-
րոյ սրբոյ :

Կանխեցին իշխանք հանել զօրհնու-
թիւն 'ի մէջ կուսանաց և գովչաց :
Յեկեղեցիս օրհնեցէք զաստուած ,
և զտէր յաղբերացն իսրայելի :

Անդ բենիամին 'ի տղայու թեան զար-
մանալի , իշխանք յուգայ առաջ-
նորդք նորա՝ իշխանք զաբուղոնի , և
իշխանք նեփթաղիմայ :

Հրամայեա աստուած զօրութեամբ
քով , զօրացո զայս , զոր հաստատե-
ցեր մեզ :

Ի տաճարէ քումմէ յերուսաղեմէ
քեզ մատուցեն թագաւորք զպա-
տարագս :

Սաստեա 'ի դազան եղեգան , 'ի ժողո-
վըս զուարակաց և 'ի դասս երնջոց :
Խոտեացին այնոքիք՝ ոյք ընտրեալ են
արծաթով , ցրուեա զհեթանոսս
ոյք կամին ընդ պատերազմ :

Նկեացեն հրեշտակք յեգիպտոսէ ,
հնգիկք յառաջագոյն ձեռնառու լի-
ցին առ աստուած :

Թագաւորու թիւնք երկրի օրհնե-
ցէք զաստուած , և սաղմոս ասացէք
տեառն :

Ճանապարհ արարէք այնմիկ, որ նըս-
տի յերկինս երկնից ընդ արեւելս :


Ահա տացէ զձայն իւր 'ի ձայն զօրու-
թեան, և տուք զփառս աստուծոյ :

Ի վերայ իսրայէլի մեծ վայելչու թիւն
նորա , եւ զօրու թիւն նորա մինչեւ
յամպս երկնից :

Սքանչելի է աստուած 'ի վերայ սրբ-
բոց իւրոց , աստուած իսրայէլի :

Նա տացէ զօրու թիւն հաստատու-
թեան ժողովրդեան իւրոց, օրհնեալ
է աստուած :

Տունք ԼԷ՛



ՍԱՂՄՈՍ ԿԸ.

Ի կառարամ . վասն գառանցեւոցն :

Սաղմոս Դաւթի :

Կեցո զիս աստուած, զի հասին ջուրք
յանձն իմ, ընկլայ ես 'ի խորս անգըն-

դոյ ուր ոչ գոյ ինձ հանգիստ :

Եկի ես ՚ի խորս ծովու , և շրջանք
ընկրղմեցին զիս :

Վաստակեցայ ես առ աղաղակել , և
կերկերեցաւ կոկորդ իմ :

Նուաղեցան աչք իմ առ յուսալ ինձ
առ տէր աստուած իմ :

Բազումք եղեն քան զհեր գլխոյ իմոյ ,
ոյք ատէին զիս ՚ի տարապարտուց :

Զօրացան յիս թշնամիք իմ և ատելիք
իմ ՚ի նանիր , ինչ զոր ոչ յափշտա
կեալ էի , տուժէի նոցա :

Աստուած գու ծանեար զանգագա
մու թիւն իմ , և յանցանք իմ ՚ի քէն
ոչ ծածկեցան :

Մի ամաչեսցեն վասն իմ , ոյք համ
բերեն քեզ տէր տէր զօրութեանց .
մի սպատկառեսցին վասն իմ , ոյք
խնդրեն զքեզ աստուած իսրայէլի :

Վասն քո համբերի նախատանայ , և
ծածկեաց ամօթ զերեսս իմ :

Օտար եղէ ես յեղբարց իմոց , եւ
հիւր որդւոց մօր իմոյ :

Նախանձ տանքո եկեր զիս , և նա

խատինք նախատչաց քոց անկան 'ի վերայ իմ :

Խոնարհեցուցի պահօք զանձն իմ ,
և եղեն ինձ այս նախատինք , արարի
զհանդերձս իմքուրձ , և եղէ առակ
նոցա :

Ձինէն խորհէին , ոյք նստէին առ
դրունս . զիս այսին առնէին , ոյք ըմ
պէին զգինի :

Ես յաղօթս կայի առքեզ տէր 'ի
Ժամանակ ընդունելի :

Աստուած 'ի բազում ողորմութեան
քում լուր ինձ , 'ի ճշմարտութիւն ,
փրկութեանքո :

Ապրեցո զիս 'ի կաւոյ , զի ընկլայց .
ասպրեցայց ես յատելեաց իմոց , եւ
'ի խորոց ջուրց բազմաց :

Մի'ընկլցեն զիս պտոյտք ջուրց , և մի'
ընկլմեսցեն զիս անդունդ խորոց , և
ջրհոր մի'կափուսցէ զբերան իւր 'ի
վերայ իմ :

Լուր ինձ տէր , զիքաղցր է ողորմու
թիւնքո . ըստ բազում գթութեան
քում հայեա յիս , և մի' դարձուցա

Ներ զերեւաս քո՛ր ծառայէ քու մէջ . զի
 նեղեալ եմ ես, վաղվաղակի լուր ինձ :
 Հայեա յանձն իմ և փրկեա զես , և
 վասն թշնամեաց իմոց ապրեցո զես :
 Ձի գու գիտես զնախատինս իմ, զա-
 մօթ իմ և զպատկառանս իմ :

Առաջի քո են ամենայն նեղիչք ան-
 ձին իմոյ . նախատանաց համբեր
 սիրտ իմ և թշուառութեան :

Ակն ունէ՛ի՝ թէ ոք տրտմեսցի ընդ
 իս , և ոչ ոք էր , և մխիթարիչ ինձ
 ոք ոչ գտաւ :

Ետուն ՚ի կերակուր ինձ լեղի , և ՚ի
 ծարաւ իմ արբուցին ինձ քացախ :

Եղիցին սեղանք նոցա առաջի նոցա
 յորոգայթ , ի հատուցումն և ՚ի
 գայթակղութիւն :

Խաւարեցին աչք նոցա , զի մի տես-
 ցեն , և զթիկունս նոցա հանապազ
 կորացո :

Արկցես ՚ի վերայ նոցա զբարկու-
 թիւն քո , և սրտմտութիւն բար-
 կութեան քոյ հասցէ ՚ի վերայ նոցա :
 Եղիցին բնակութիւնք նոցա աւե-

բակ, և ՚ի յարկս նոցա մի՛ ոք իցէ՝ որ
բնակիցէ :

Ձի զոր դու հարեր՝ հալածեցին, և
՚ի վերս ցաւոց իմոց յաւելին :

Դիր զմեզս ՚ի վերայ մեզաց նոցա, զի
մի՛ մտցեն յարդարութիւնքո :

Ձնջեսցին նոքա ՚ի դպրութենէքում
մէ կենաց, և ընդ արդարս քո մի՛
գրեսցին :

Աղքատ և ցաւած եմ՝ ես, փրկու-
թիւնքո աստուած ընկալցի զիս :

Օրհնեցից զանունն աստուծոյ իմոյ
օրհնութեամբ, և բարձր արարից
զնա դովութեամբ :

Հաճոյ եղիցի աստուծոյ քանզորթ մա-
տաղ, որ բերէ զեղջիւր և զկճղակս :
Տեսցեն աղքատք և ուրախ եղիցին,
իսնդրեցէք զաստուած, և կեցցեն
անձինք ձեր :


Ձի լուաւ տէր անանկաց, և զկապ-
եալս իւր ոչ արհամարհեաց :

Օրհնեսցեն զնա երկինք և երկիր,
ծով և ամենայն որ զեռայ ՚ի նոսա :

Աստուած փրկէ զսիօն, և շինեսցին

քաղաքք հրէաստանի, շինեացեն բը-
նակեացեն՝ և ժառանգեացեն ՚ի նմա :
Չաւակ ծառայից քոց հաստատեցի
անդ, և ոյք սիրեն զանուէքո. բնա-
կեացեն ՚ի նմա :

Տունք 1Ը.



ՍԱՂՄՈՍ ԿԹ.

Ի կատարած. Մաղմուս Գա.բի. առ. ՚ի յիշատակ
փրկելոյ զնա տեառն :

Աստուած յօգնել ինձ նայեաց, և
տէր յընկերել ինձ փութա :

Ամաչեացեն՝ և յամօթ լիցին՝ ոյք
խնդրէին զանձն իմ, զարձցին յետս
և ամաչեացեն՝ ոյք խորհէին ինձ չար :
Գարձցին առ ժամայն ամաչեցեալք,
ոյք ասէին ինձ վա՛շ վա՛շ :

Յնծասցեն և ուրախ լիցին ՚ի քեզ ա-
մենեքեան, ոյք խնդրեն զքեզ տէր :
Ասասցեն յամենայն ժամ մեծէ աստ-
ուած, և ոյք սիրեն զփրկութիւնս քո :
Ես աղքատ և տնանկ եմ, աստուած

օգնեա ինձ , օգնական և փրկիչ իմ
ես , և դու տէր իմ՝ մի՛ յամենար :

Տունք զ : Գորղայս խղ :

ՍԱՂԾՈՍ Հ.

Ի կատարած . որդեոցն Յովնաբափայ . յետ ա-
ռաջնոյ գերութեանն . Սաղմոս Գարի :

Իքեզ տէր յուսացայ , մի՛ ամաչե-
ցից յաւիտեան . յարդարութեան
քում փրկեա և ապրեցո զիս :

Խոնարհեցո առ իս զունկն քո և կեցո
զիս :

Լէր իմ աստուած ապաւէն , և տեղի
ամուր կեցողցանել զիս . զի հաստա-
տու թիւն իմ և ապաւէն իմ դու ես :

Աստուած իմ , փրկեա զիս ՚ի ձեռաց
մեղաւորի , ՚ի ձեռաց անօրինի և ա-
նիրաւի :

Գու ես համքերութիւն իմ տէր ,
տէր յոյս իմ ՚ի մանկութեանէ իմմէ :
Իքեզ հաստատեցայ ես յարգանդէ .
յորովայնէ մօր իմոյ դու ես ապա-

ւէն իմ, և առ ՚իքէն է օգնութիւն
 իմ յամենայն ժամ :

Որպէս զի նշաւակ եղէ ես բազմաց,
 և դու օգնական իմ և հղօրիչ իմ :

Լցցի բերան իմ գովութեամբ, որպէս
 օրհնեցին դիաւոսքո, զօրհանապազ
 զմեծ վայելչութիւնս քո :

Մի՛ ընկենուր զիս տէր ՚ի ժամանակս
 ծերութեան, ՚իպակասիլ զօրութեան
 իմոյ մի՛ թողուր զիս :

Ասացին թշնամիք իմ ինձ, և որք
 պաշարեցին զանձն իմ, խօրհեցան ՚ի
 միասին և ասացին :

Աստուած եթող զնա, հալածեսցուք
 և հասցուք նմա, զի ոչ ոք է որ վերը
 կէ զնա :

Աստուած իմ, մի՛ հեռի առնիր յինէն,
 և աստուած օգնել ինձ նայեաց :

Ամաչեսցեն և պակասեսցին՝ ոյք չա-
 րախօս կային զանձնէ իմմէ, զգեցցին
 զամօթ և զպատկառանս՝ ոյք խընդ-
 րէին ինձ չար :

Ես յամենայն ժամ յուսացայց, եւ
 յաւելից զօրհնութիւնս քո :

Յերան իմ պատմեացէ զարդարու-
թիւնս քո , զօրհանապազ զգովու-
թիւնս քո :

Որպէս ոչ թէ խարդախու թիւն ինչ
գիտէի գպրու թեան , այլ մտից 'ի զօ-
րու թիւնս տեառն , և տէր յիշեցի
զարդարու թիւնս քո միայն :

Աստուած իմ ուսուցեր զիս 'ի ման-
կու թե՛նէ իմմէ , և ցարդ եւս պատ-
մեցից զարդարու թիւնս քո :

Մինչեւ յալեւորիլ և 'ի ծերանալ ,
աստուած իմ մի թողուր զիս :

Մինչեւ պատմեացի բազուկ քո ազգի
ամենայնի որ գալոցն է :

Զզօրու թիւնս քո և զարդարու թիւնս
քո մինչեւ 'ի բարձունս զոր արարեր
մեծամեծս , աստուած ո՞նման է քեզ :

Որչափ ցուցեր ինձ նեղու թիւն բա-
զում եւ չարչարանս , դարձեալ մը-
խիթարեցեր զիս , և 'ի խորոց անդըն-
դոց երկրի հաներ զիս :

Յաճախեցեր զզօրու թիւնս քո , դար-
ձար և մխիթարեցեր զիս , և 'ի խորոց
երկրի միւսանդամ հաներ զիս :

Սրդ և ես խոստովան եղէց քեզ ՚ի
 պատրաստու թիւն սաղմոսաց ճշմա-
 րիտդ աստուած. սաղմոս ասացից քեզ
 օրհնու թեամբ սուրբդ իսրայելի :
 Յնծասցեն շրթուէք իմ յորժամ սաղ-
 մոս ասիցեմ քեզ, և անձն իմ զոր
 վրկեցեր :

Եւս եւ լեզու իմ զօրհանապազ խօ-
 սեսցի զարդարու թիւնս քո :

Ի ժամանակի որսէս յամօթ լիցին եւ
 ամաչեսցեն, ոյք խնդրէին ինձ չար :
 Տունք ից :

ՍԱՂՄՈՍ ՀԱ.

Ի Սաղմոն Սաղմոս :

Աստուած զիրաւունս քո արքայի
 տուր եւ զարդարու թիւնս քո որդ-
 ւոյ թագաւորի :

Դատել զժողովուրդս քո արդարու-
 թեամբ, և զաղքատս քո իրաւամբ :

Առցեն լերինք զխաղաղու թիւն ժո-
 ղովրդեան, և բլուրք զարդարու թիւն :
 Իրաւ արասցէ աղքատաց ժողովըր-
 դեան, և կեցուսցէ զորդ իս տնանկաց,

և խոնարհեցուսցէ զամբարտաւանս :
 Կացցէ եւ մնասցէ ընդ արեւու յա-
 ռաջ քան զլուսին ազգէ մինչև յազգ :
 Իջցէ որպէս զանձրեւ 'ի վերայ գեղ-
 ման , որպէս ցօղ զի ցօղէ յերկիր :

Ծագեսցի յաւուրս 'նորա արդարու-
 թիւն , բազում խաղաղութիւն՝ մինչ-
 չեւ կատարեսցի լուսին :

Տիրեսցէ նա 'ի ծովէ մինչեւ 'ի ծով ,
 'ի գետոց մինչեւ 'ի ծագս աշխարհի :

Առաջի 'նորա նախ հնդիկք անկցին ,
 և թշնամիք 'նորա հող կերիցեն :

Թագաւորք թարսսի և կղզեաց պա-
 տարազս մատուսցեն նմա , թագա-
 ւորք արաբայ և սաբայ պատարազս
 բերցեն նմա :

Երկիրպագցեն նմա ամենայն թագա-
 ւորք երկրի , և ամենայն ազգք ծա-
 ռայեսցեն նմա :

Զի փրկեաց զաղքատն 'ի ձեռաց հը-
 ղօրի , զաղքատն և զտնանկն , որոյ ոչ
 է իւր օգնական :

Անխայեսցէ նա յաղքատն և 'ի տը-
 նանկն , և զանձինս տնանկաց կեցուս-

ցէ . ՚ի վաշխից չարաց փրկեսցէ զան-
ձինս նոցա :

Պատուական է անուէն նորա առաջի
նոցա . կեցցէ և տացի նմա յոսկւոյն
արաբացւոց :

Յաղօթս կացցեն առ նա յամենայն
ժամ, և զօրհանապազ օրհնեսցեն զնա :

Եղիցի հաստատու թիւն ընդ ամե-
նայն երկիր, և ՚ի վերայ գլխոց լերանց :

Բարձրացի քան զլիբանան պտուղ
նորա, և ծաղկեսցի ՚ի քաղաքի տեառն
որպէս խոտ երկրի :

Եղիցի անուէն տեառն օրհնեալ յա-
ւիտեան, զի յառաջ քան զարեւ է
անուէն նորա :

Ի նա օրհնեսցին ամենայն ազգք երկ-
րի, և ամենայն ազինք երանիցեն նմա :

Օրհնեալ տէր աստուած իսրայէլի որ
առնէ սքանչելիս միայն, և օրհնեալ
է անուէն սուրբ փառաց նորա յաւի-
տեան . լցցի փառօք նորա ամենայն
երկիր . եղիցի եղիցի :

Տունք ի Գորղայս խղ :

Կանոնս Գորղայս է : Սաղմոս թէ : Տունք մձ :



ԱՂՕԹՔ ԱՆՆԱՅԻ ՄՕՐՆ ՍԱՄՈՒԷԼԻ

Ա . Թ ա գ . բ :

Հաստատեցաւ սիրտ իմ 'ի տէր , եւ
բարձրացաւ եղջիւր իմ յաստուած
փրկիչ իմ :

Ընդարձակեցաւ բերան իմ 'ի վերայ
թշնամեաց իմոց , ուրախ եղէց 'ի
փրկու թեան քում :

Ձի ոչ գոյ սուրբ որպէս զտէր , եւ ոչ
արդար որպէս զաստուած մեր , եւ
չիք սուրբ բաց յաստուծոյ մերմ :

Մի պարծիք եւ մի խօսիք զամբար-
տաւանս , եւ մի ելցէ ընդ բերանս
ձերբան հպարտ մեծաբանու թեան :

Աստուած գիտու թեանց՝ տէր աստ-
ուած պատրաստէ իւրով իմաստու-
թեամբ զգիտու թիւն յարարածս իւր :

Հզօրաց հաստ աղեղուհի թուլացան .
եւ տկարք վառեցան զօրու թեամբ :

Յագք եւ լիք հացիւ նուաղեցան , եւ
քաղցեալք լցին զերկիր :

Ամուլն ծնաւ եօթն, և բազմածինն
նուաղեցաւ 'ի ճննդոց :

Տէր մեռուցանէ և տէր կեցուցանէ,
ի ջուցանէ 'ի դժոխս և հանէ :

Տէր աղքատացուցանէ և տէր մեծա-
ցուցանէ, խոնարհ առնէ զամբար-
տաւանս մինչեւ յերկիր. եւ բարձր
առնէ զտառապեալս յաղբեւաց :

Նստուցանէ զնոսա իշխանս ընդ իշ-
խանս ժողովրդեան, և զաթոռ փա-
ռաց ժառանգեցուցանէ նոցա :

Կատարէ զուխտս ուխտաւորաց, և
օրհնեաց զամս արդարոց :

Զի ոչ թէ իւրով զօրութեամբ զօրա-
նայ հզօր. այլ տէր տկար առնէ
զհակառակորդս իւր, տէր սուրբ է :

Մի պարծեսցի խորհրդականն 'ի խոր-
հուրդս իւր, և մի պարծեսցի հզօրն
'ի զօրութիւն իւր, և մի պարծեսցի
մեծն 'ի մեծութեան իւրում :

Այլ որ պարծին 'ի տէր պարծեսցի,
'ի խորհուրդս գիտութեան զտէր
ճանաչել :

Առնել զիրաւունս և գործել զար-

դարու թիւն 'ի վերայ երեսաց երկրի :
Տէր եւ յերկինս և որոտաց , եւ ինքն
դատէ առանց բարբառելոյ :

Տայ զօրու թիւն թագաւորաց մերոց .
և բարձր առնէ զեղջիւր օծելոյ իւրոյ :
Փառք հօր և որդւոյ և :

Մ Ա Ղ Թ Ա Ն Ք

Բարձրացաւ եղջիւր իմ՝ յաստուած փրկիչ իմ :
Հաստատեցաւ սիրտ իմ 'ի տէր տերամբ և հա-
ւատով :

Մարդասէր տէր , վասն սրբուհւոյ անարատի մօր
քոյ և կուսի , և վասն խաչի քո պատուականի ,
տէր ընկալ զազաչանս մեր և կեցո զմեզ :

Բարդ և զորմեա և ի նեղութեան կանանցն :

Վասն գտանելոյ մեզ զչնորհս և զոգորմութիւն
'ի բարեբար տեառնէ մերմէ . զտէր ազաչեսցուք :
Տէր ոգորմեա :

Վասն փրկելոյ զմեզ 'ի զրոպարտութենէ մարդկան
և յորոգայթից սատանայի , զտէր ազաչեսցուք :
Վասն ամենայն անձանց քրիստոնէից և տանց
հաւատացելոց , զտէր ազաչեսցուք :

Վասն որք 'ի լերինս , յայրս և 'ի փապարս բնակ-
եալ են սուրբ հարքն մեր , զտէր ազաչեսցուք :

Վասն որք սաղմոսիւք և օրհնութեամբ կատարեն
 զամենայն ժամանակս կենաց իւրեանց, զտէր ա՛
 Վասն հոգւոցն հանդուցելոց՝ որք ճշմարիտ և ու-
 զիղ հաւատով՛ի քրիստոս ն՛ջեցին, զտէր ազա՛
 Եւ եւս՝ միաբան վասն : Զանձինս : Ողորմեաց :

Ա Ղ Օ Թ Ք

Գոհանամք զքէն տէր աստուած մեր, որ զար-
 թուցեր զմեզ ՛ի հանգստենէ քնոյ շնորհիւ ողոր-
 մութեան քո : Զարթո զմիտս մեր արդարու-
 թեամբ առ քեզ տէր աստուած մեր զի տեսցեն
 աչք մեր զփրկութիւն քո : Եկեսցէ և բնակեսցէ
 առ մեզ աստուածութիւն քո, և ողորմութիւն
 քո հովանի և սրահապան լիցի ՛ի վերայ սղա-
 տօնէից քոց : Եւ զմեզ զծառայս քո արժանի
 արա ՛ի տուէ և ՛ի գիշերի և յամենայն ժամու
 միշտ խորհիւ ՛ի սէր սլատուիրանաց քոց : Եւ
 գոհանալով փառաւորել զՀայր և զՈրդի և
 զսուրբ Հոգիդ այժմ՛ և միշտ և յաւիտեանս յա-
 յիաննից, ամէն :

Խաղաղութիւն ամենեցուն :

Աստուծոյ երկրպագեսցուք :

Կենդանարար զօրութիւն և ազբիւր անմահու-
 թեան, դու ես Գրիստոս աստուած փրկիչ մեր :
 Որ շնորհեցեր մեզ ՛ի մէջ գիշերի յառնել և խոս-
 տովան լինել առ քեզ վասն իրաւանց և արդար-
 ութեան քո : Եւ այժմ՛ աղաչեմք զքեզ տէր

աստուած մեր, արա զմեզ արթունա և պատրաստս
ի ժամառաւօտու ընդ սուրբս քո : Եւ ընդ նո-
սին գոհանալով փառաւորել զքեզ ընդ հօր և
ընդ հոգւոյդ սրբոյ այժմ' և միշտ և յաւիտեանս
յաւիտենից . ամէն :

Մ Ա Ղ Թ Ա Ն Ք

Գոհութեամբ և ճշմարիտ խոստովանութեամբ
անդադար փառաւորեմք զհայր և զորդի և
զսուրբ հոգիդ այժմ' և միշտ և յաւիտեանս յա-
ւիտենից . ամէն :

Օրհնեալ տէր մեր Յիսուս Քրիստոս ամէն :

Հայր մեր որ յերկինս, սուրբ եղիցի անուն քո .
եկեացէ արքայութիւն քո . եղիցին կամք քո որ-
պէս յերկինս և յերկրի . զհաց մեր հանապա-
ղորդ՝ տուր մեզ այսօր . թող մեզ զպարտիս
մեր՝ որպէս և մեք թողումք մերոց պարտապա-
նաց, և մի՛ տանիր զմեզ ՚ի փորձութիւն . այլ
փրկեա՛ զմեզ ՚ի շարէ . զի քո է արքայութիւն
և զօրութիւն և փառք յաւիտեանս յաւիտենից,
ամէն :





Ծագեցին զձեռքս իմ եւ զոտս իմ , եւ
բռեցին զամենայն ոսկերս իմ . նորս
հայեցան եւ տեսին զիս :



ՍԱՂՄՈՍ ՀԲ.

Սաղմոս յԱսաի . օրհնութեան :

ԻԲՐԵԻ զի բարիէ խորայելի աստ-
ուած , և ոյք ուղիղ են սրտիւք :
Բայց զի իմ փոքր մի եւս սասանեալ
էին ոտք , սակաւիկ մի եւս դայթակ-
ղեալ էին գնացք իմ :

Նախանձեցայ ես ընդ անօրէնս , զխա-
ղաղու թիւն մեղաւորաց որպէս տե-
սանէի , զի ոչ դոյր վրէպ մահու նոցա :
Հաստատուն են տանջանք նոցա . ՚ի
վաստակս մարդկան չեն նոքա , և ըստ
մարդկան ոչ տանջեսցին :

Վասն այսորիկ կալաւ զնոսա ամբար-
տաւանու թիւն . արկին զիւրեամբք
զամբարչտու թիւն եւ զանիրաւու-
թիւն իւրեանց :

Ելցէ որպէս ՚ի ճարպոյ անիրաւու-
թիւն նոցա . զի գնացին նոքա ըստ

խորհրդոց սրտից իւրեանց :

Խորհեցան և խօսեցան չարու թեամբ
եւ զապիրատու թիւն ՚ի բարձունս
խորհեցան :

Եդին յերկինս զբերանս իւրեանց , և
զլեզուս իւրեանց ածէին զերկրաւ :
Վասն այսորիկ ժողովուրդ իմ դարձ-
ցի այսրէն , և աւուրք իմ լի կատար-
եալ գտցին ՚ի նոսա :

Ասասցեն զիմրդ գիտաց աստուած ,
կամ գուցէ՞ արդեօք գիտու թիւն
առ ՚ի բարձրելոյն :

Ահա մեղաւորք են եւ յաջողեալ է
նոցա , կան և ունին զմեծու թիւն
աշխարհի :

Ասացի՝ ՚ի զուր ուրեմն արդարա-
ցուցի զսիրտ իմ , լուացից սրբու-
թեամբ զձեռս իմ , և եղէ ես խոչ-
տանկեալ զօրհանապաղ , և կշտամ-
բանք իմ ընդ առաւօտս :

Թէպէտ և ասէի՝ թէ այսպէս պատ-
մեցից՝ ահաւասիկ յազգ որդւոցքոց՝
որոց և ուխտեցից :

Ի մտի եդի , թէ սակայն և այս ջան

է առաջի իմ, մինչեւ մտից 'ի սրբու-
թիւնն աստուծոյ և 'ի միտ առից
զկատարած նոցա :

Սակայն վասն նե՛նգութեան նոցա
տարագիր արասցես զնոսա, և կոր-
ծանեացես զնոսա յամբարտաւանու-
թեան իւրեանց :

Իսկ զինորդ եղեն յաւեր յանկարծակի-
սատակեցան, սլակասեցան, կորեան
վասն անօրէ՛նութեան իւրեանց, եւ
եղեն որպէս երազք զարթուցելոց :

Տէր 'ի քաղաքի քում զպատկերս նոցա
անարգեացես, զի հուր բորբոքե-
ցաւ 'ի սրտի իմում, և երթկամունք
իմ այլագունեցան :

Ես արհամարհեալ եղէ, և ոչ գի-
տացի. որպէս զանասուն համարե-
ցայ առաջի քո, և ես յամենայն ժամ
ընդ քեզ եմ :

Կալար զաջոյ ձեռանէ իմմէ, 'ի խոր-
հուրդս քո առաջնորդեցեր ինձ, և
փառօք ընկալար զիս :

Զինչ կայ իմ բնաւ յերկինս, կամ 'ի
քէն զինչ եւս խնդրեցից յերկրի :

Նուաղեցաւ սիրտ իմ և մարմին իմ,
աստուած սրտի իմոյ, բաժին իմ
աստուած յաւիտեան :

Ահաւասիկ ոյք հեռի արարին զան-
ձինս իւրեանց ՚ի քէն՝ կորիցեն, սա-
տակեսցեն զամենեւեան՝ ոյք ապրս-
տամբ եղեն ՚ի քեզ :

Ինձ մերձենալ առ աստուած բարի
է, և դնել առ տէր զյոյս իմ :

Պատմել զամենայն օրհնութիւնս
քո, ՚ի դրունս դասեր սիօնի :

Տունք իդ :

ՍԱՂԾՈՍ ՀԳ.

Իմաստօրին յԱսաի :

Ընդէր մերժեցեր աստուած խապառ,
բարկացաւ սրտմտութիւնքո ՚ի վե-
րայ խաչին արօտիքո :

Յիշեա զժողովուրդքո՝ զոր ստացար
՚ի սկզբանէ, փրկեցեր զվիճակ ժա-
ռանդութեանքո :

Լեառն սիօն այս՝ ուր բնակեցար դու

ի ամա. համբարձ զձեռն քո ՚ի վերայ
ամբարտաւանու թեան նոցա ի սպառ :
Որ ինչ անիրաւեցաւ թշնամին ՚ի սրբ-
բու թեան քում. սարժեցան ատելիք
քո ՚ի մէջ քարեկենդանու թեան իւր-
եանց :

Եղին զնշանս իւրեանց ՚ի նշանս , և
ինքեանք ոչ ծանեան զելս ՚ի վերուստ :
Որպէս յանտառի փայտատօք կոտո-
րեցին զգրունս նորա, ՚ի միասին փայ-
տատօք և մրձօք կործանեցին զնա :

Այրեցին ՚ի հուր զսրբու թիւն քո
յերկրի, ազժեցին զխորան անուան քո :
Ասացին ՚ի սիրտս իւրեանց ազգք նո-
ցա ՚ի միասին , եկայք լուցուսցուք
զամենայն տօնս աստուծոյ յերկրի :
Նշանս մեք ինչ ոչ տեսաք, և ոչ եւս
գուցէ մարգարէ , և զմեզ ինչ որ ոչ
ճանաչիցէ :

Մինչեւ յերբ աստուած՝ նախատէ
թշնամին, բարկացուցանէ հակառա-
կորդն զանուն սուրբ քո :

Ընդէր դարձուցանես զձեռն քո, և
զաջքո ՚ի միջոյ ծոցոյ քում մէ ի սպառ :

Աստուած թագաւոր մեր յառաջքան
 դյաւիտեանս, որ արարեր զփրկու-
 թիւն 'ի մեջ երկրի :

Դու հաստատեցեր զօրու թեամբքով
 զճով, դու խորտակեցեր զգլուխ վի-
 շապին 'ի վերայ ջուրց :

Դու փշրեցեր զգլուխ վիշապին, և ե-
 տուր զնա կերակուր զօրացն հնդկաց.
 Դու բղխեցուցեր զաղբիւրս և զվտա-
 կըս. դու ցամաքեցուցեր զգետս
 սաստիկս :

Քո է տիւ և քո է գիշեր, զլոյս և
 զարե դու արարեր, և դու հաստա-
 տեցեր զամենայն սահմանս երկրի,
 զգարուն և զամառն դու ստեղծեր :

Այս յուշ լիցիքեղ՝ զի թշնամին նա-
 խատեաց զտերղ. ժողովուրդ անըզ-
 գամ բարկացոյց զանուն սուրբ քո :
 Մի մատնէր գազանաց զանձն՝ որ
 խոստովան առնի առ քեզ, և զան-
 ձինս տնանկաց քոյ մի մոռանար իս-
 պառ :

Հայեաց յուխտ քո, զի լցան տունք
 ասլշելոց յերկրի անիրաւու թեամբք :

Մի՛ դարձցի տնանկն ամաչեցեալ, այլ
 աղքատք և տնանկք օրհնեսցեն զա-
 նուն սուրբ քո :

Արի՛ աստուած և դատեա զգատաս-
 տանս քո . յիշեա զնախատինս՝ որ
 յանզգամէն զօրհանապաղ :

Մի՛ մոռանար զձայն պաշտօնէից քոց .
 ամբարտաւանու թիւն ատելեաց քոց
 վերացի հանապաղ :

Տունք իբ: Գորդայս խզ:

ՍԱՂՄՈՍ ՀԴ

Ի կատարած . մի՛ ապականեր . բնդ օրհնութիւնս
 Սաղմոս յԱսափ . երգք առ Ասորեստանեայս :

Խոստովան եղիցուք առ քեզ աստ-
 ուած, խոստովան եղիցուք եւ կար-
 դասցուք զանուն սուրբ քո :

Պատմեցից զամենայն սքանչելիս քո .
 յորժամ ժամ առից, ես ուզիղ դա-
 տեցից :

Մաշեցաւ երկիր և ամենայն բնակիչք
 նորա, ես հաստատեցի զսիւնս նորա :
 Ասացի անօրինաց, թէ՛ մի՛ անօրինիք :

և մեղաւորաց , թէ մի բարձրացուցանէք զեղջիւրս ձեր :

Մի համբառնայք ՚ի բարձունս զեղջիւրս ձեր , և մի խօսիք զաստուծոյ անիրաւու թիւն :

Ձի ոչ յարեւելից եւ ոչ յարեւմտից և ոչ յանասպատէ լերանց . այլ աստուած դատաւոր է :

Չայս խոնարհ առնէ , և զսոյն բարձրացուցանէ . բաժակ ՚ի ձեռին տեառն գինի լի անասպակ արկեալ , և խոնարհեցուցանէ յայսմանէ յայս :

Սակայն մրուր նորա ոչ սպառեացի , և արբցեն զնա ամենայն մեղաւորք երկրի :

Ես ցնձացայց յաւիտեան . սաղմոս ասացից աստուծոյ յակոբայ :

Չամենայն եղջիւրս մեղաւորաց փրշրեացես , եւ բարձր եղիցի եղջիւր արդարոյ :

Տունք ժ :

ՍԱՂՄՈՍ ՀԵ.

Ի կատարած . ընդ օրհնութիւնս . մի' ապականեր :
Սաղմոս յԱսափ . երգք առ Ասորեստանեայս :

Յայտնի է 'ի հրէաստանի աստուած .

և յիսրայէլ մեծ է անուն նորա :

Եղեւ 'ի խաղաղութեան տեղի նորա .

(և բնակութիւն նորա 'ի սիօն :

Անդ խորտակեաց տէր զզօրութիւն
աղեղան , զզէն , զսուր և զճակատա-
մարտ :

Լուսատու ես դու սքանչելապէս լե-
րանցն յաւիտենից , խռովեսցին ամե-
նեքեան որք անմիտ են սրտիւք . ննջե-
ցին զքունս իւրեանց , և ինչ ոչ գտին :

Ամենայն արք 'ի մեծութեան ձեռաց
իւրեանց . 'ի սաստէ քումմէ աստ-
ուած յակոբայ ննջեցին , և ոյք հեծ-
եալ էին 'ի ձիա :

Դու ահաւոր ես , և ո՞վ կարէ կալա-
ռաջիքո . որպէս երևեցար դու յերկ-
նից , յայտնի եղեւ բարկութիւն քո :
Երկիր երկեաւ և սարսեցաւ ընդ յառ-
նելն աստուծոյ 'ի դատաստան . ընդ

ապրեցուցանել զամենայն հեղս երկ-
րի :

Խորհուրդք մարդկան խոստովան առ-
նին առ քեզ , և ծածկեալք իմաստու-
թեամբ օրհնեսցեն զքեզ :

Ուխտս զիք՝ և կատարեցէք տեառն
աստուծոյ մերոյ , ամենեքեան որք
չուրջ էք զնովաւ :

Մատուցէք պատարագս ահաւորին ,
ն՝ քաղէ զհոգիս իշխանաց , ահաւոր է
նա քան զամենայն թագաւորս երկրի :

Տունք ժ .



ՍԱՂՄՈՍ 29.

Ի կատարած . վասն իղիբովմայ ,
Սաղմոս յԱսաի :

Չայնիւ իմով ես առ տէր կարգացի ,
ձայնիւ իմով առ աստուած , և նայե-
ցաւ առ իս :

Յաւուր նեղու թեան իմոյ զաստուած
խնդրեցի ձեռօք իմովք , և ՚ի գիշերի
առաջի նորա ոչ խաբեցայ :

Ոչ կամէր մխիթարել անձն իմ . յի-

չեցի զաստուած՝ և ուրախ եղէ . հոգայի , և նուազիւր յիս հոգի իմ :
 Ժամանեցին պահուց աչք իմ . խռովեցայ եւ ոչ խօսեցայ . խորհեցայ զաւուրսն զառաջինս , և զամսն յաւիտենից յիշեցի :

Խօսեցայ ՚ի գիշերի ընդ սրտի իմում . հոգայի՝ և տառապէր յիս հոգի իմ :
 Միժէ յաւիտենից մերժեցէ՞ զիս տէր , և ո՞չ և սյաւելցի ՚ի հաճել և և ս :
 Կամ իսպառ արգելցէ՞ զողորմութիւն իւր յինէն . կամ կատարեաց զբան իւր ազգէ մինչեւ յազգ :
 Կամ մոռացի՞ գթալ աստուած իմ և եւս . կամ արգելցէ՞ զգթութիւն իւր բարկութեամբ իւրով :

Ասացի՝ թէ այժմ սկսայ . այս է նորոգումն աշոյն բարձրելոյն :
 Յիշեցի զգործս տեսուն ՚ի սկզբանէ . յիշեցի զսքանչելիս նորա :

Խորհեցայ զամենայն գործս քո , և ՚ի ձեռագործս քո խորհեցայ :

Աստուած՝ ՚ի սրբութեան են ճանապարհք քո . ո՞վ է աստուած մեծ՝ որ

պէս զաստուած մեր, դու ես աստուած, որ առնես զսքանչելիս :

Յուցեր ժողովրդեան քում զզօրութիւն քո, փրկեցեր բազկաւ քով զժողովուրդս քո, զորդիան յակոբայ և յովսէփու :

Տեսին զքեզ ջուրք աստուած, տեսին զքեզ ջուրք՝ և երկեան, խորք խռովեցան ՚ի ձայնէ ջուրց բազմաց :

Չայն ետուն ամպք, բանզի և նետքքո գնան ՚ի ձայնէ որոտալոյ քո անուի :

Երեւեցան փայլատակունքք քո տիեզերաց, խռովեցաւ և դողաց երկիր : Ի ծովու են ճանապարհք քո, և շաւիղք քո ՚ի ջուրս բազումս, և հետք քո ոչ եւս երեւին :

Առաջնորդեցեր որպէս խաշին ժողովրդեան քո, ՚ի ձեռն մովսէսի և ասհարօնի :

Տունք ժբ. Գորղայս ԼԸ :

ՍԱՂՄՈՍ ՀԷ

Իմաստօրին յԱսափ :

Նայեցարուք ժողովուրդք յօրէնս

խմ, խոնարհեցուցէք զունկն ձեր ՚ի
բանս բերանոյ իմոյ :

Բացից առական զբերան իմ, և խօսեցայց զառակս ՚ի սկզբանէ :

Որպէս լուաք՝ և ծանեաք զայս, եւ հարբն մեր պատմեցին մեզ :

Ոչինչ ծածկեցաւ յորդւոց նոցա յազգայլ, պատմել զօրհնութիւնս տեառն, զզօրութիւն եւ զսքանչելիս իւր զոր արար :

Հաստատեաց զվկայութիւն իւր առ յակոբ, և օրէնս եդ ՚ի վերայ ի սրայելի : Որինչ միանդամ պատուիրեաց հարցն մերոց, ցուցանել զայս որդւոց իւրեանց, զի ծանիցեն յազգայլ :

Որդիք որք ծնանին յարիցեն, և պատմեսցեն զայս որդւոց իւրեանց, զի դիցեն առ աստուած զյոյսս իւրեանց և մի մոռացին զգործս աստուծոյ :

Զպատուիրանս նորա խնդրելով խնդրեսցեն, և մի՞ եղիցին որպէս և հարբն իւրեանց :

Ազգ չար և դառնացող, ազգ որ ոչ ուղղեաց զսիրտ իւր, և ոչ հաստա-

տեաց առ աստուած զհոգի իւր :
 Որդիք եփրեմի լիաճիգք և պնդա-
 ճի գք, յաւուր պատերազմի կապար-
 ճըս գարձուցին :

Ոչ կացին նոքա յուխտի տեառն, և
 ըստ իրաւանց նորա ոչ կամեցան գնալ :
 Մոռացան զերախտիս նորա, և զըս-
 քանչեւիսն՝ զոր եցոյց նոցա :

Առաջի հարց նոցա զոր արար զքան-
 չելիս իւր, յերկրին եղիպտացւոց և
 ՚ի դաշտին տայանու :

Էհերձ զձովն՝ և անցոյց զնոսա, եւ
 կացոյց զջուրսն որպէս ՚ի տիկս :

Առաջն որդեաց նոցա ամպով ՚ի տուէ,
 և զամ ենայն գիշեր ՚ի լոյս հրոյ :

Էհերձ զվէմն յանապատին, եւ ետ
 ըմպել նոցա որպէս ՚ի խորոյ մեծէ :

Եհան զջուրսն ՚ի վիմէն, և հոսեաց
 որպէս զգետս զջուրսն :

Սակայն յաւելին ՚ի մեղանչել, և եւս
 բարկացուցին զբարձրեալն յանջրդի-
 Փորձեցին զաստուած ՚ի սիրտս իւր-
 եանց, ՚ի խնդրել զկերակուր անձանց
 իւրեանց :

Տրանջեցին զաստուծոյ եւ ասացին,
մի՞թէ կարո՞ղ իցէ աստուած պատ-
րաստել սեղան յանապատի :

Քանզի հարկանէր զվէ՛մն՝ և հոսէին
ջուրք , և վտակք խաղային ՚ի նմանէ :

Ազէ՛ հա՞ց եւս կարասցէ տալ նա
մեզ . կամ պատրաստեսցէ՞ սեղան
ժողովրդեան իւրոյ :

Վասն այսորիկ լուաւ զայս տէր եւ
յապաղեաց . հուր բորբոքեցաւ ՚ի
յակովք , և բարկու՞թիւն ել ՚ի վե-
րայ խորայէլի :

Զի ոչ հաւատացին յաստուած , եւ
ոչ յուսացան ՚ի փրկու թիւն նորա :
Հրաման ետ ամպոց ՚ի վերուստ , եւ
զդրունս երկնից եբաց , և տեղեաց
՚ի նոսա զմանանայ ՚ի կերակուր :

Զհաց երկնից ետ նոցա , զհաց հրեշ-
տակաց կերան մարդիկ , և իջոց ՚ի
նոսա զկերակուր ՚ի լիու թիւն :

Եհան զհողմն հարաւոյ , և էած զօ-
րու թեամբ իւրով զհիւսիսիւ :

Տեղեաց ՚ի նոսա միս որպէս զհող-
որպէս զաւազ ծովու զթռչունս թե-

Լաւորս :

Էարկ 'ի մէջ բանակի նոցա , և շուրջ
զվրանօք նոցա :

Կերան և յազեցան յոյժ , և զցանկ
կուժիւն նոցա ետ նոցա , և ոչինչ
կարօտ եղէն 'ի ցանկուժենէ իւր
եանց :

Մինչդեռ կերակուրք 'ի բերանս իւր
եանց էին , բարկուժիւն յաստուծոյ
եւ 'ի վերայ նոցա :

Սպան զբազումս 'ի նոցանէ , և զըն
տիր ընտիրս իսրայէլի սատակեաց :

Յայսմ ամենայնի մեղան և եւս , և
ոչ հաւատացին սքանչելեաց նորա :

Պակասեցան յունայնուժեան ա
ւուրք նոցա , և ամբ նոցա փուժա
պէս անցին :

Յորժամ սպանանէր զնոսս՝ խնդրէին
զնա . դառնային և առաւօտ առնէին
առ աստուած :

Յիշեցին՝ զի աստուած օգնական էր
նոցա . աստուած բարձրեալ փրկիչ
էր նոցա :

Սիրեցին զնա բերանօք իւրեանց , եւ

Լեզուօք իւրեանց ստեցին նմա ,
 և սիրտք նոցա ոչ էին ուղիղք ընդ նմա ,
 և ոչ հաւատացին ուխտի նորա :

Այլ նա ինքն դժած էր , քաւէր ըզ
 մեղս նոցա , և ոչ ապականէր :

Յաճախէր դարձուցանել զբարկու
 թիւն իւր , և ոչ բորբոքէր զամենայն
 սրամտու թիւն իւր :

Յիշեաց՝ թէ մարմին են նոքա , հողի
 որ ելանէ , այլ ոչ եւս դառնայ :

Քանիցս անգամ դառնացուցին զնա
 յանապատի , և բարկացուցին զբարձ
 րեալն յանջրդի :

Դարձան և փորձեցին զաստուած , և
 զսուրբն իտրայելի զայրացուցին :

Ոչ յիշեցին զձեռն նորա , յաւուր
 յորում փրկեաց զնոսա ՚ի ձեռաց
 նեղչաց նոցա :

Որպէս արար զնշանս և զարուեստս
 իւր յերկրին եզիպտացւոց , և ՚ի
 դաշտին տայանու :

Դարձոյց յարիւն զգետս նոցա , և
 զանձրեւս նոցա՝ զի մի արբցեն :

Առաքեաց ՚ի նոսա շանաճանճ և եւ

Կեր զնոսա , և գորտիւ ապականեաց
զնոսա :

Ետ ժանկոյ զպտուղս նոցա , և զվաս-
տակս նոցա մարախոյ :

Եհար կարկտիւ զայգիս նոցա , և ըզ
թզենիս նոցա եղեմամբ :

Մատնեաց ՚ի կարկուտ զանասունս
նոցա , և զստացուածս նոցա հրով
դատեաց :

Առաքեաց ՚ի նոսա զսրամտու թիւն
բարկու թեանիւրոյ , զսրամտու թիւն
զբարկու թիւն և զնեղու թիւն :

Առաքեաց ՚ի նոսա տանջանս ՚ի ձեռն
հրեշտակի չարի , և դիմեցոյց ՚ի նոսա
զսրամտու թիւն բարկու թեանիւրոյ :

Ոչ անխայեաց ՚ի մահուանէ զանձինս
նոցա , և զանասունս նոցա ՚ի մահ
մատնեաց :

Եհար զամենայն անգրանիկս եգիպ-
տացւոց , զսկիզբն ամենայն վաստա-
կոց նոցա ՚ի յարկս քամայ :

Հորդան ետ որպէս խաշին ժողովըր-
դեանիւրոյ , և եհան զնոսա որպէս
զհօտ յանապատ :

Առաջնորդեաց նոցա յուսով, և ոչ
երկեան, և զթշնամիս նոցա ծով
ծածկեաց :

Եհան զնոսա 'ի լեառն սրբութեան
իւրոյ, 'ի լեառն այն՝ զոր ստացաւ աջ
նորա :

Մերժեաց յերեսաց նոցա զհեթանոս-
սըս, և վիճակեցոյց 'ի նոսա զվիճակ
ժառանգութեան իւրոյ, և բնակե-
ցոյց 'ի յարկս նոցա զազգն իսրայէլի:
Փորձեցին դառնացուցին զաստուած
բարձրեալն, և զվկայութիւնն նորա ոչ
սլահեցին :

Դարձան խստորեցան որպէս և հար-
քըն իւրեանց, դարձան և եղէն որ-
պէս զաղեղն թիւր :

Դարձեալ բարկացուցին զնա 'ի բա-
զինս իւրեանց, և դրօշերովք իւր-
եանց նախանձ արկին նմա :

Լուաւ աստուած, և արհամարհեաց
զնոսա, և անարգեաց յոյժ զիսրայէլ:
Մերժեալ յիւրմէ զխորանն 'ի սե-
լովմ, զխորանն՝ զոր բնակեցոյց 'ի մեջ
մարդկան :

Մատնեաց 'ի դերու-թիւն զգորու-
թիւն նոցա, և զգեղս նոցա 'ի ձեռս
թշնամեաց նոցա :

Արգել 'ի սուր զժողովուրդ իւր, և
զժառանգութիւն իւր անտես արար :
Ջերիտասարգս նոցա եկեր հուր, և
վասն կուսանաց նոցա ոչ ոք սգացաւ :
Քահանայք նոցա անկան 'ի սուր, և
զայրիս նոցա ոչ ոք էր որ լայր :

Ջարթեալ որպէս 'ի քնոյ տէր, որ-
պէս հզօր զի թափէ զգինի :

Եհար յետս զթշնամիս իւր, և նա-
խատինս յաւիտենից արար զնոսա :

Մերժեաց նա զխորանն յովսեփու,
և զազգն եփրեմի նա ոչ ընտրեաց :

Այլ ընտրեաց նա զազգն յուդայ,
զլեառն սիօն, զօր և սիրեաց :

Շինեաց որպէս միեղջերու-ի զսրբու-
թիւն նորա, յերկրի հաստատեաց
զնա յաւիտեան :

Ընտրեաց զգաւիթ ծառայ իւր, և
ընկալաւ զնա 'ի հօտէ խաչանց, 'ի
վերջին ճնելոցն ընկալաւ զնա :

Հովուել զյակոբ ծառայ իւր, և զիս-

բայէլ ժառանգու թիւն իւր :
 Արածէր զնոսա իմաստու թեամբ սրբ
 տի իւրոյ . յանմեղու թիւն ձեռաց
 իւրոց առաջնորդէր նոցա :

Տունք հգ :

ՍԱՂՄՈՍ ՀԸ.

Սաղմոս յԱսափ :

Աստուած , մտին հեթանոսք ՚ի ժա
 ռանգու թիւն քո . պղծեցին զտա
 ճար սուրբ քո :

Արարին զերուսաղէմ որպէս զհիւղս
 մրգասպահաց . արկին զգիակունս ծա
 ռայից քոց գէշ թռչնոց երկնից , եւ
 զմարմին սրբոց քոց գազանաց երկրի :
 Հեղին զարիւն նոցա որպէս ջուր
 շուրջ զերուսաղէմաւ , և ոչ ոք էր
 որ թաղէր զնոսա :

Եղաք մեք նախատինք գրացեաց մե
 րոց , ծաղր և այսպն կատականաց այ
 նոցիկ , որ շուրջ էին զմեօք :

Մինչեւ յերբ տէր՝ բարկանաս գու
 իսպառ . բորբոքեսցի որպէս հուր

Նախանձքո :

Հեղ զբարկու թիւնքո՝ ՚ի վերայ ազգաց՝ որք զբեզ ոչ ճանաչեցին, ՚ի վերայ թագաւորաց՝ որք զանունքո ոչ կարդացին, զի կերին զյակոբ եւ զտեղի նորա աւերեցին :

Մի յիշեր զմեզս մեր զառաջինս, վաղվազ եկեսցէ առ մեզ ողորմութիւնքո տէր, զի աղքատացաք յոյժ : Օգնեա մեզ աստուած փրկիչ մեր վասն փառաց անուանքոյ :

Տէր փրկեա՛ զմեզ և քաւեա՛ զմեզս մեր վասն անուանքոյ :

Մի երբէք ասացեն ՚ի հեթանոսս, թէ ո՛ւր է աստուած նոցա :

Այլ յայտնի ինչ լիցի ՚ի վերայ հեթանոսաց առաջի աչաց մերոց, առ ՚ի խնդրել զվրէժ արեան ծառայիցքոց՝ որ եւ հեղաւ :

Մտցէ առաջիքո հեծութիւն կապելոց, ըստ մեծութեան բազկիքո շահեա դու զորդիս սպանելոց :

Հատո դրացեաց մերոց եօթնպատիկ ՚ի ծոց նոցա, զնախատինս իւր-

Եանց զոր նախատեցին զքեզ տէր :
 Մէք ժողովուրդք եւ խաչն արօտի
 քոյ՝ խոստովան եղիցուք առ քեզ
 յաւիտեան . ազգէ յազգ պատմես
 ցուք զօրհնութիւնս քո :

Տունք ժդ .

ՍԱՂՄՈՍ ՀԹ.

Ի կատարած . 'ի վերայ գառանցելոցն վկայութիւնս :
 Սաղմոս Ասաիայ . 'ի վերայ երովպացւոցն :

Որ հովուեսզ խրայելի՝ նայեաց՝ որ
 առաջնորդես որպէս խաչին յովսե
 փու :

Որ նստիս 'ի բրովքէս՝ յայտնեաց առա
 ջի եփրեմի , բենիամինի և մանասէի :
 Չարթո զզօրութիւնս քո , եւ եկ 'ի
 կեցուցանել զմեզ :

Աստուած զօրութեանց դարձո ըզ
 մեզ , երեւեցո զերեսս քո 'ի մեզ , և
 կեցցուք :

Տէր աստուած զօրութեանց , մին
 չեւ յերբ բարկանաս յաղօթս ծա
 ռայից քոյ :

Չամբեցեր մեզ հաց արտասոււաց , և
արբուցեր զմեզ արտասոււս չափով :
Արարեր զմեզ նախատինս դրացեաց
մերոց , այսպն կատականաց թշնա-
մեաց մերոց :

Աստուած զօրու թեանց դարձո զմեզ ,
երևեցո զերեսս քո 'ի մեզ և կեցցուք :
Այգի յեգիպտոսէ փոխեցեր , հա-
ներ զհեթանոսս՝ եւ զնոսս տնկե-
ցեր , եւ առաջնորդեցեր նմա :
Հաստատեցեր զարմատս նորա՝ և ե-
լից զերկիր . ծածկեաց զլերինս հո-
վանի նորա , և բարունակ նորա ըզ-
մայրս աստուծոյ :

Չգեաց զօրթ իւր մինչև 'ի ծով , մին-
չեւ 'ի գետս են շառաւիղք նորա :
Ընդէր քակեցեր զցանկ նորա , եւ
կթեն զնա անցաւորք ճանապարհի :
Ապականեաց զնա խող անտառի , և
երէվայրի արածեցաւ 'ի նմա :

Աստուած զօրու թեանց , դարձ հայ-
եաց յերկնից և տես , այց արա այգ-
ւոյս այսմիկ , և դարման տար սմա՝
զօր տնկեաց աջ քո :

Ի վերայ որդւոյ մարդոյ՝ զոր զօրացուցեր զնա՝ ի քեզ, այրեցեալ ի հուր և աւերեալ, ի սաստեքումս կորիցէ։
Եղիցի ձեռնքո ի վերայ առն, աջքո ի վերայ որդւոյ մարդոյ, զոր զօրացուցեր զնա ի քեզ։

Ոչ եւս ի բացեայ եղիցուք մեք ի քէն. կեցուսցես դու զմեզ, և զանունքո տէր կարգասցուք։

Աստուած զօրութեանց, դարձո ըզմեզ, երեւեցո զերեսսքո ի մեզ և կեցցուք։

Տունք ժբ.

ՍԱՂՄՈՍ Զ.

Ի կատարած վասն հնճանաց. Մադնու յԱսաի. հինգերորդ շաբաթոց։

Յնճացէք առ աստուած, օգնական է մեր. աղաղակեցէք առ աստուած յակորայ։

Առէք սաղմոս և տուք օրհնութիւն. սաղմոս ասացէք նմա ի ձայն քաղցրութեան։

Փող հարէք ՚ի գլուխս ամսոց, յաւուր
նշանաւորի տարեկանաց մերոց :
Հրաման է այս խորայելի, և իրաւունք
են աստուծոյ յակոբայ :

Վկայութիւնն յովսէփու՝ զոր եղբնդ
նմա, որպէս ելանէր նա յերկրէն ե-
գիպտացոց, լեզու զոր ոչ գիտէր՝
լուաւ :

Իբաց արար ՚ի բեռանց զթիկունս
նորա, և զձեռս նորա յորթ և ՚ի թի-
ծառայելոյ :

Ի նեղութեան կարգացեր առ իս՝ և
փրկեցի զքեզ, լուայ քեզ ՚ի գաղտ-
նութենէ ճրկին, և փորձեցի զքեզ
՚ի վերայ ջուրցն հակառակութեան :
Լուր ժողովուրդ իմ՝ և վկայեմքեզ,
և խորայել՝ թէ լուիցես ինձ :

Մի եւս եղիցին քեզ աստուածք առ
ժամայնք, և մի երկիրագանիցես
դու աստուծոյ օտարի :

Ես եմ տէր աստուած քո՝ որ հանի
զքեզ յերկրէն եգիպտացոց, բաց
զբերան քո՝ և լցից զդա :

Ժողովուրդ իմ ոչ լուաւ ձայնի իմում

Եւ իսրայէլ յիս ինչ ոչ նայեցաւ :
 Բարձի թողի զնոսա երթալ զհետ
 կամաց սրտից իւրեանց , զի գնացին
 նոքա ըստ կամս անձանց իւրեանց :
 Զի թէ ժողովրդեան իմոյ լուեալ էր
 ինձ , կամ իսրայէլի զճանապարհս
 իմ գնացեալ էր :

Որպէս ոչինչ խոնարհ արարեալ էր
 իմ զթշնամիս նորա , եւ ՚ի վերայ նեղ-
 չաց նորա արկեալ էր զձեռն իմ :
 Թշնամիք տեառն ստեցին նմա , եւ
 եղիցին ժամանակք նոցա յաշխարհի :
 Կերակրեաց զնոսա ՚ի պարարտու-
 թեանէ ցորենոյ , եւ ՚ի վիմէ մեղրյա-
 զեցոյց նոցա :

Տունք ժգ :

ՍԱՂՄՈՍ ԶԱ.

Եսայնու յԱսաի :

Աստուած եկաց ՚ի ժողովս աստու-
 ծոց , եւ ՚ի միջի նոցա դատէր զնոսա :
 Մինչեւ յերբ դատէք անիրաւու-
 թեամբ , եւ ակն առնուք մեղաւորաց :

Դատ արարէք որքոյն և այլուոյ . իրաւ
 ւունս արարէք տնանկին և խոնարհի :
 Ապրեցուցէք զազքատն և զտնանկն ,
 'ի ձեռաց մեղաւորի փրկեցէք զնոսա :
 Ոչ խմացան եւ ոչ 'ի միտ առին , 'ի
 խաւարի գնացին , և շարժեցան ամե-
 նայն հիմունք երկրի :

Ես ասացի՝ թէ աստուածք իցէք ,
 կամ որդիք բարձրելոյն ամենեքեան :
 Դուք ահաւազիկ որպէս զմարդիկ
 մեռանիք , և որպէս զմի յիշխանաց
 անկանիք :

Արի աստուած , և դատեա զերկիր ,
 զի դու ժառանգեսցես զամենայն
 հեթանոսս :

Տունք ը Գորղայս ծղ :

ՍԱՂՄՈՍ ԶԲ.

Օրհնութիւն Ասղմասաց յԱսաի :

Աստուած ո՞քեզ նմանիցի . մի՛ լուեր
 և մի՛ դադարիր աստուած :

Զի ահա թշնամիք քո գոչեցին , եւ
 ատելիք քո համբարձին զգլուխս իւր :

եանց :

Ի վերայ ժողովրդեան քո խորամանկեցին զգիտու թիւն . խորհեցան 'ի վերայ սրբոց քոց և ասացին :

Եկայք սատակեցուք զնոսա յազգաց , և մի յիշեցի անուն իսրայէլի եւ եւս :

Խորհեցան միաբանու թեամբ 'ի միասին , և վասն քո ուխտ արարին : Բանակք եղովմայեցւոց և իսմայելացիք , մովաբ և հագարացիք :

Գեբաղ՝ ամօն՝ ամաղէկ , և այլազգիքն ամենայն բնակչօքն հանդերձ ծուրայ : Նա և ասուր եկեալ էր ընդ նոսա . ամենեքեան սոքա զօրավիզն էին որդւոցն զովտայ :

Արա զնոսա որպէս զմադիամ , որպէս զսիսարայ , և որպէս զյաբին 'ի ծոր ծորսն կիսօնի :

Սատակեցան նոքա յականս գովկայ , եւ եղեն որպէս զաղբ երկրի :

Արա զիշխանս նոցա որպէս զօրէբն , զէբն , զզէբէէ , և զսաղմանա , և զամենայն իշխանս նոցա :

Ոյք ասացին՝ ժառանգեսցուք ՚ի
մեզ զսրբութիւն աստուծոյ :

Աստուած իմ՝ արա զնոսա որպէս
զանիւ և որպէս զեղէգն առաջի
Հոզմոյ :

Որպէս հուր՝ զի այրէ զանտառս, որ
պէս բոց՝ զի կիզու զլերինս :

Այսպէս հալածեսցես զնոսա մրրկաւ
քով, և բարկութեամբ քով խռո
վեսցուսցես զնոսա :

Լից զերեսս նոցա անարդանօք, և
խնդրեսցեն զանուէն քո տէր :

Ամաչեսցեն և խռովեսցին յաւիտ
եանս յաւիտենից, և ամօթալից կո
րիցեն :

Ծանիցեն զի անուէն քո տէրէ, և
դու միայն բարձրեալ ես ՚ի վերայ
ամենայն երկրի :

Տունք ժբ.

Ս Ա Ղ Մ Ո Ս Զ Գ.

Ի կատարած . վասն հեճանացն . որդոցն Կորնայ .
Սաղմոս Գաւթի :

Ո՛րպէս սիրելիք են յարկք քո տէր

զօրութեանց, ցանկայ եւ փափաքի
անձն իմ 'ի դաւիթս :

Սիրտ իմ և մարմին իմ ցնծացեն առ
աստուած կենդանի :

Քանզի ճնճողուկ եղիտ իւր տուն, և
տատրակ զբոյն՝ ուր դիցէ զճագս իւր :

Սեղան քո տէր զօրութեանց, թա
գաւոր իմ եւ աստուած իմ :

Երանի ամենեցուն՝ որ քնակեալ են
'ի տան տեառն, յաւիտեանս յաւի
տենից օրհնեսցեն զքեզ :

Երանեալ է այր՝ որոյ օգնութիւն իւր
'ի քէնէ. ելս ետ 'ի մտի իւրում 'ի
հովտէս տրտմութեան 'ի տեղւոջ՝
յորում ուխտեաց :

Չօրհնութիւն ստասցի՝ որ զօրէնս
դնէ, գնասցէ նա 'ի զօրութենէ 'ի
զօրութիւն, եւ երեւեսցի աստ
ուած հրեշտակաց 'ի սիօն :

Տէր աստուած զօրութեանց՝ լուր
աղօթից իմոց, ունկն դիր աստուած
յակոբայ :

Ընդունող ես դու մեր, տես աստ
ուած և նայեաց յերեսս օձերոյ քո :

Վասն զի լաւ է ինձ մի օր 'ի դաւ ի թի-
քո , քան հազարս :

Ընտրեցի ես ընդ ազբ դալ 'ի տան
աստուծոյ առաւել , քան բնականալ
'ի յարկս մեղաւորաց :

Զողորմութիւն և զճշմարտութիւն
սիրէ տէր աստուած մեր , զչնորհս
և զփառս տացէ :

Տէր ոչ սրակաս առնէ զողորմութիւն
իւր յայնցանէ որ դնան յանբժու-
թեան :

Տէր աստուած զօրութեանց , երան-
եալ է այր՝ որ յուսայ 'ի քեզ :

Տունք ժգ :

ՍՍ. ՂՄՈՍ ԶԳ.

ի կատարած . որդւոցն կորխայ .
Սաղմոս Գարի :

Հաճեցար տէր ընդ երկիր քո , եւ
դարձուցեր զգերութիւն յակորայ :
Թողեր զանիրաւութիւն ժողովրդ-
դեան քոյ , և ծածկեցեր զամենայն
մեղս նոցա :

Լուեցուցեր զամենայն սրտմտու-
թիւնս քո, և դարձար 'ի բարկու-
թեանէ սրտմտութեան քո:

Դարձ առ մեզ աստուած փրկիչ մեր,
և դարձո զսրտմտութիւնս քո 'ի մէնջ:

Մի՛ յաւիտեան բարկանար մեզ տէր,
և մի՛ ձգեր զբարկութիւն քո ազգէ
մինչեւ յազգ:

Աստուած դու դարձեալ կեցուսցես
զմեզ, և ժողովուրդ քո ուրախ եղի-
ցի 'ի քեզ:

Յոյց մեզ տէր զողորմութիւնս քո, և
զփրկութիւնս քո տուր մեզ:

Լուաքզինչ խօսի տէր աստուած մեր,
խօսեսցի զխաղաղութիւն ժողովըր-
դեան իւրոյ առ սուրբս իւր, և առ
այնոսիկ՝ ոյք դարձեալ են առ նա
սրտիւք:

Սակայն մերձ էառ երկիւղածս իւր
փրկութիւն նորա. բնակիլ փառաց
նորա յերկրի մերում:

Ողորմութիւն և ճշմարտութիւն
պատահեսցին. արդարութիւն և
խաղաղութիւն համբուրեսցին:

Ճշմարտութիւն յերկրէ բուսաւ, ար-
գարութիւն յերկնից երեւեցաւ :
Տէր տացէ զքաղցրութիւն, և երկիր
մեր տացէ զպտուղ իւր. արդարութիւն
առաջինորա գնասցէ, դիցէ 'ի
ճանապարհի զգնացս իւր :

Տունք ժբս Գորղայս խղ :

ՍԱՂՄՈՍ ԶԵ.

Սաղմոս Գաւրի : Աղօթք երեկոյի :

Խոնարհեցո տէր զունկն քո և լուր
ինձ, զի աղքատ և տնանկ եմ ես :
Պահեա զանձն իմ սուրբ տէր, և
վրկեա զճառայս քո աստուած իմ, որ
'ի քեզ յուսացայ :
Ողորմեա ինձ տէր, զի առ քեզ աղա-
ղակեցի զօրհանապաղ, ուրախ արա
զանձն ծառայի քո, զի առ քեզ տէր
համբարձի զանձն իմ :
Զի դու տէր քաղցր և ուղիղ ես .
բազում ողորմ առ ամենեսեան, որք
կարդան առ քեզ :
Ունկնդիր տէր աղօթից իմոց, և նայ

Եւա 'ի ճայն խնդրուածոց իմոց :

Յաւուր ներու-թեան իմոյ կարգացի
առ քեզ, և լուար ինձ :

Ոչ ոք է նման քեզ յաստուածս տէր,
և ոչ ոք է որպէս զգործս քո :

Չամենայն ազգս զոր արարեր՝ եկես-
ցեն և երկիրպագցեն առաջիքո, և
փառաւոր արասցեն զանուն քո յա-
ւիտեան :

Մեծ ես դու տէր, և առնես սքան-
չելիս, և դու միայն ես աստուած :

Առաջնորդեա ինձ 'ի ճանապարհի
քում, և գնացից 'ի ճշմարտութեան
քում, և ուրախ եղիցի սիրտ իմ յեր-
կրնչիլ յանուանէ քումմէ :

Խոստովան եղէց առ քեզ տէր աստ-
ուած իմ բոլորով սրտիւ իմով. փա-
ռաւոր արարից զանուն քո յաւիտեան :

Մեծ եղեւ 'ի վերայ իմ ողորմութիւն
քո տէր, և փրկեցեր զանձն իմ 'ի
գժոխոց ներքնոց :

Աստուած՝ անօրէնք յարեան 'ի վերայ
իմ, եւ ժողովք հզօրաց խնդրեցին
զանձն իմ, եւ ոչ համարեցան զքեզ

աստուած առաջի իւրեանց :

Այլ դու տէր աստուած իմ՝ գթած
ես և ողորմած, երկայնամիտ բազու-
մողորմ և ճշմարիտ, նայեա առ իս և
ողորմեա ինձ :

Տուր զօրու թիւն ծառայիքո, կեցո
զորդի աղախնոյքո, և արա առ իս
նշան բարութեան :

Տեսցեն ատելիք իմ և ամաչեսցեն, զի
դու տէր օգնեցեր ինձ և մխիթարե-
ցեր զիս :

Տունք ժգ:



ՍԱՂԾՈՍ 22.

Սաղմոս օրհնութեան . որդեացն Կորխայ :

Հիմունք նորա ՚ի լեառն սուրբ նորա .
սիրէ տէր զդրունս սիօնի առաւել-
քան զամենայն յարկսն յակոբայ :

Փառաւորեալն խօսեցաւ վասնքո, ա-
հաւադիկ քաղաքդ աստուծոյ :

Յիշեցի զուահաբ և զբաբելոն՝ ոյք
ճանաչեն զիս . ահա այլազգիք և ծուր
և ժողովուրդք հնդկաց, սոքա եղեն

անդ :

Միօնի ասի մայր , և մարդ ճնաւ ՚ի նմա , և ինքն հիմունս էարկ ՚ի նմա բարձրեալն :

Տէր պատմեսցէ գրովք ժողովրդեան , իշխանացս այսոցիկ՝ ոյք եղէն անդ : Որպէս զի ուրախ լիցին ՚ի քեզ ամենեքեան , որոց բնակու թիւն ՚ի քէն է :

Տունք զ .

ՍԱՂՄՈՍ ԶԷ

Ի կատարած . վասն Մաղաղեբայ իմաստութեան . գիտո պատասխանի եմման իմաստութեամբ իսրայելի :

Տէր աստուած փրկու թեան իմոյ , ՚ի տուէ կարգացի և գիշերի առաջիքո : Մտցեն ազօթք իմառաջիքո աւեր , խոնարհեսցի ունկնքո ՚ի խնդրուածս իմ : Ձի լցաւ չարչարանօք անձն իմ , եւ կեանք իմ ՚ի գժոխս մերձեցաւ , և համարեցայ ես ընդ այնոսիկ որք ի ջանեն ՚ի դուք :

Եղէ ես որպէս մարդ առանց օգնականի , և ՚ի մեռեալս ազատ :

Որպէս զվիրաւորս, որք ննջեն 'ի գե-
րեզմանս :

Զորս գու ոչ յիշեցեր, նորա 'ի ձե-
ռանէ քու մմէ մերժեցան :

Եդին զիս 'ի գբի ներքնումն 'ի խա-
ւարի և 'ի ստուերս մահու :

Յիս հաստատեցաւ սրտմտութիւն
քո, զամենայն զբօսանս քո ածեր 'ի
վերայ իմ :

Հեռի արարեր յինէն զծանօթս իմ,
և եդին զիս նշաւակ իւրեանց :

Մասնեցայ և ոչ ելանէի, աչք իմ
տկարացան յաղքատութենէ :

Ազազակեցի առ տէր զօրհանապագ,
և համբարձի առ քեզ զձեռս իմ :

Միժէ մեռելոց առնիցէս զսքանչե-
լիս քո, կամ բժիշկք յարուցեալ
խոստովան առնիցին առ քեզ :

Միժէ սլատմեսցէ՞ որ երբէք 'ի գե-
րեզմանի զողորմութիւնս քո, կամ
զճշմարտութիւնս քո 'ի կորստեան :

Միժէ ճանաչիցին 'ի խաւարի սքան-
չելիք քո, կամ արգարութիւն քո
յերկիր մոռացեալ :

Ես առ քեզ տէր աղաղակեցի, ա-
ռաւօտու աղօթք իմ ժամանեցեն
առ քեզ :

Ընդէր տէր մերժես զանձն իմ, կամ
դարձուցանես զերեսս քո յինէն :
Տնանկ եւ վաստակաւոր եմ ես 'ի
մանկու թենէ իմմէ, 'ի բարձրութե-
նէ խոնարհեցայ և ապշեցայ :

Յիս հաստատեցաւ բարկութիւնքո-
արհաւիրք քո խռովեցուցին զիս :
Երջեցան զինեւ որպէս ջուր, զօր ա-
մենայն սպաշարեցին զիս 'ի միասին :
Հեռի արարեր յինէն զբարեկամս իմ
և զճանօթս իմ, վասն թշուառու-
թեան իմոյ :

Տունք ի Գորգայս խր :

ՍԱՂՄՈՍ ԶԸ.

Իմաստաբիւն եմանայ յեզրայելացեաց :

Զողորմութիւնս քո տէր յաւիտեան
օրհնեցից. ազգէ յազգ սպասեցից
զճմարտութիւնս քո բերանով իմով :
Ասացեր՝ թէ աշխարհս ողորմու-

Թեամբ շինեսցի, յերկինս պատրաստ
եղիցի ճշմարտութիւնքո :

Նդի ուխտ ընտրելոց իմոց, երդուայ
դաւթի ծառայի իմոց :

Յաւիտեան հաստատեցից զզաւակքո,
և շինեցից ազգէ յազգ զաթոռքո :

Խոստովան եղիցին երկինք սքանչել-
եաց քոց տէր, և ճշմարտութիւնքո
յեկեղեցիս սրբոց :

Ո՞վ է յամպս որ հաւասարի քեզ,
կամ ո՞վ նմանիցի տեառն յորդիս
աստուծոյ :

Աստուած փառաւորեալ է ՚ի խոր-
հուրդս սրբոց իւրոց, մեծ և ահաւոր
՚ի վերայ այնոցիկ որք շուրջ են զնովաւ :
Տէր աստուած զօրութեանց, ո՞ նմա-
նի քեզ. հզօր ես դու տէր, և ճշմար-
տութիւնքո շուրջ է զքեզ :

Դու տիրես զօրութեանց ծովու, և
զխառովութիւն ալեաց նորա դու ցա-
ծուցանես :

Դու խոնարհեցուցանես որպէս վերա-
ւորս զամբարտաւանս. ՚ի զօրութիւն
բազկի քո ցրուեցեր զթշնամիս քո :

Քո են երկինք և քո է երկիր, զաշխարհս լին իւրով դու հաստատեցեր. զհիւսիս և զհարաւ դու արարեր. թափոր և հերձօն յանուն քո ցնծասցեն :

Քո է բազուկ և քո է զօրութիւն, զօրասցի աջ քո, և բարձր եղիցի ձեռն քո : Յարդարութիւն և յիրաւունս հաստատեալ է աթոռ քո . ողորմութիւն և ճշմարտութիւն գնասցեն առաջի երեսաց քոց :

Երանի ժողովրդեան, որ գիտեն զօրհնութիւնս քո տէր . ՚ի լոյս երեսաց քոց գնասցեն, եւ յանուն քո ցնծասցեն զօրհանապաղ, և յարդարութեան քումբարձր եղիցին :

Պարծանք զօրութեանց մերոց դու ես տէր, և ՚ի կամս քո բարձր եղիցի եղջիւր մեր :

Ի տեառն է է օգնութիւն սրբոյն իսրայէլի՝ թագաւորին մերոյ :

Յայնժամ իսուեցար տեսլեամբ ընդ որդիս քո և ասացեր. եղից զօգնութիւն իմ ՚ի վերայ հզօրին, և բարձր արաւ

բից զընտրեալն 'ի Ժողովրդեանէ իմմէ :
 Քաթի զգաւ ի թ ծառայ իմ , և իւզով
 սրբով իմով օծի զնա :

Չեռն իմ ընկալցի զնա , և բազուկ
 իմ զօրացուսցէ զնա :

Մի մեղիցէ նմա թ շնամի , և որդի ա
 նօրէնու թեան մի չարչարեսցէ զնա :
 Հարից առաջի նորա զթ շնամիս նո
 րա , եւ զատելիս նորա 'ի սպարտու
 թիւն մատնեցից :

Ճշմարտութիւն իմ և ողորմութիւն
 իմ ընդ նմա , և յանուն իմ բարձր ե
 ղիցի եղջիւր նորա :

Եղից 'ի ծովու զձեռն նորա , եւ 'ի
 վերայ գետոց զաջ նորա :

Նա կարգացցէ առ իս՝ հայր իմ ես
 դու , աստուած ընդունող փրկու
 թեան իմոյ :

Ես անդրանիկ արարից զնա , և բարձր
 քան զամենայն թագաւորս երկրի :

Յաւիտեան սպահեցից նմա զողորմու
 թիւն իմ , և ուխտ իմ հաւատարիմ
 ընդ նմա :

Հաստատեցից յաւիտեանս յաւիտե

նից զգաւակ նորա , և զաթոռ նորա
որպէս զաւուրս երկնից :

Թէ թողցեն որդիք նոցա զօրէնս իմ ,
և յիրաւունս իմ ոչ կամեսցին գնալ :
Թէ զարդարու թիւնս իմ անարգես-
ցեն , և զսպառուիրանս իմ ոչ սա-
հեսցեն :

Հարից գաւազանաւ զանօրէնու-
թիւնս նոցա , եւ տանջանօք զանի-
րաւու թիւնս նոցա :

Բայց ողորմու թիւն իմ ոչ արդելից ՚ի
նոցանէ , և ոչ նենդեցից ճշմարտու-
թեան իմում , եւ ոչ անարգեցից
զուխտ իմ , և ինչ որ ելանէ ընդ շըր-
թունս իմ , զայն ոչ արհամարհեցից :
Միանգամ երդուայ ՚ի սրբու թիւն
իմ , թէ գաւթի ես ոչ ստեցից :

Զաւակ նորա յաւիտեան կացցէ , և
աթոռ նորա որպէս զարեգակն ա-
ռաջի իմ , և որպէս զլուսին զի հաս-
տատեալ է յաւիտեան վկայ հաւա-
տարիմ յերկինս :

Իսկ արդ դու մերժեցեր և անարգե-
ցեր , և ընդ վայ հարեր զօժեալ քո :

Գարձուցեր զուխտ ՚ի ծառայէքու մէ-
մէ . պղծեցեր յերկիր զսրբու թիւն
նորա :

Քակեցեր զամենայն պարիսպս նորա,
և եղեր զամուրս նորա ՚ի դողումն :
Յափշտակեցին զնա անցաւորք ճանա-
պարհի , և եղեւ նա նախատ գրաց-
եաց իւրոց :

Բարձր արարեր զաջ նեղչաց նորա ,
և ուրախ արարեր զամենայն թշնա-
միս նորա :

Գարձուցեր զօգնու թիւն ՚ի սրոյ նո-
րա , և ոչ ընկալար զնա ՚ի պատերազմի :
Անարգեցեր զսրբու թիւն նորա , եւ
զաթոռ նորա յերկիր կործանեցեր :
Նուազ արարեր զաւուրս ժամանա-
կաց նորա , և հեղեր զնովաւ զամօթ :
Մինչեւ յերբ գարձուցանես զերեսս
քո իսպառ . բորբոքեսցի որպէս հուր
բարկու թեան քո :

Իսկ արդ յիշեա և տես՝ թէ ո՞վ է
իմ հանգիստ . մի թէ ՚ի զո՞ւր ինչ
ստեղծեր զամենայն որդիս մարդկան :
Ո՞վ է մարդ՝ որ կեցցէ և ոչ տեսցէ

զմահ , կամ վրկեսցէ զանձն իւր 'ի
ձեռաց դժոխոց :

Ո՞ւր են ողորմութիւնք քո տէր առա-
ջինք , զոր երգուար դաւթի ճշմար-
տութեամբ քով :

Յիշեա զնախատինս ծառայի քո , զոր
ընկալայ 'ի ծոց իմ յազգաց բազմաց :

Ձոր նախատեցին թշնամիք քո տէր ,
նախատեցին փոխանակ օծելոյ քո :

Օրհնեալ տէր աստուած յաւիտեանս
յաւիտենից , եղիցի եղիցի :

Տունք խը :

Կանոնս Գորգայս է : Սաղմոս ժգ : Տունք յխը :

ՕՐՀՆՈՒԹԻՒՆ ԵՍԱՅԵԱՅ ՈՐԴԻՈՅՆ ԱՄՈՎՍԱՅ

Եսայեսայ իղ :

Ի գիշերաց կանխէ հողի իմ առա-
ւօտ առնել առ քեզ աստուած :

Վասն զի լոյս են հրամանք քո 'ի վե-
րայ երկրի . ուսարուք զարգարու-
թիւն , բնակիչք երկրի :

Կարկեսցի ամբարիշտն , և այլ ոչ եւս
ուսցի առնել յերկրի զարգարութիւն

Ճշմարտութեան :

Բարձրի ամբարիշտն յերկրէ , և մի
տեսցէ զփառս աստուծոյ :

Տէր բարձր ես և բազուկքո հզօր, և
նոքա ոչ գիտացին :

Մանիցեն՝ ամաչեսցեն , և նախանձ
անկցի անխրատ ժողովրդեան և արդ
հուր զթշնամիսքո կերիցէ :

Տէր աստուած մեր՝ տուր մեզ զխա-
ղաղութիւնքո . զի ըստ ամենայն
գործոց մերոց հատուցաւ մեզ :

Տէր աստուած մեր՝ ստացիր զմեզ, զի
բաց ՚ի քէն զայլ ոք ոչ գիտեմք, և զա-
նունքո անուանեմք զօրհանապազ :
Իսկ արդ մեռեալք զկենդանութիւն
այլ ոչ տեսանիցեն , և ոչ բժիշկք յա-
րուցանիցեն :

Վասն այսորիկ ածեր հարեր սատա-
կեցեր, և ջնջեցեր զամենայն արու-
մանուկ նոցա :

Յաւել տէր զչար ՚ի վերայ չարի նոցա,
և ած զչար ՚ի վերայ անօրինաց երկրի :
Տէր ՚ի նեղութեան յիշեցաք զքեզ .
զի փոքր մի նեղութիւն է խրատքո

Ի վերայ մեր :

Որպէս երկունք յղւոյ՝ զի հասեալ
իցէ ժամանակ ծննդեան, և առ ցաւս
իւր ճշիցէ :

Այնպէս եղաք սիրելւոյ քում տէր,
յահ և յերկիւղ քո յղացեալ երկնե-
ցաք, և ծնաք զհոգի փրկութեան քո:
Ոչ եւս կործանեսցուք մեք, այլ կոր-
ծանեսցին անօրէնք երկրի :

Յարիցեն մեռեալք և կենդանասցին
ամենեքեան, որք եղեալ են ՚ի գե-
րեզմանս :

Չարթիցեն ցնծասցեն, և ուրախ ե-
ղիցին դադարեալք յերկրի :

Վասն զի ցօղդ որ ցօղէ ՚ի քէն, այդ
բժշկութիւն է նոցա. բայց երկիրն
ամբարշտեալ սատակեսցի :

Խոյս տուր ժողովուրդ իմ. գնա մոլտ
ի շտեմարանս քո, և փակեա զդրունս
քո առաջի երեսաց քոց :

Փախիր և թադիր առ ժամանակ մի,
մինչեւ անցցէ բարկութիւն տեառն :

Փառք հօր և որդւոյ և :



Մ Ա Ղ Թ Ա Ն Ք

Խաղաղութեանց տուող Քրիստոսի, զխաղաղութիւն և զերկնային ողորմութիւն քո պարգեւեալ
յարարածս քո :

Մարգարէրա սէրտէր, վասն սրբուհւոյ անարատի մօր
քոյ և կուսի, և վասն խաչի քո պատուականի,
ընկալ զաղաչանս մեր, և կեցո զմեզ :

Վերջին և Վերջին 'ի վերջն երանեալ հանունն
քոցն է ԿԷ Երեմ :





Այսօր ցնծայ լեառն Թափօր ,
եւ գոհարճանայ լեառն Հէրմոն :



ՍԱՂՄՈՍ ԶԹ.

Աղոթք Մովսիսի առն Աստուծոյ :

Տէ՛ր ապաւէն եղեր մեզ ազգէ մինչեւ յազգ . մինչեւ լերինք հաստատեալ էին , և մինչեւ ստեղծեալ էիր զերկիր և զամենայն տիեզերս : Յաւիտենից մինչև յաւիտեանս դու ես . մի՛ դարձուցաներ զմարդ 'ի տառապանս , և ասացեր , դարձարուք առ իս որդիք մարդկան :

Հազար ամ յաչս տեառն որպէս օր երեկի՝ զի եանց . որպէս պահ մի դիշերոյ , և ամք նոցա անարգու թեամբ եղիցին :

Ընդ առաւօտս որպէս դալարի բուսցին , ընդ առաւօտս որպէս դալարի զուարճացին և ծաղկեսցին . ընդ երեկոյս թարշամեսցին՝ չորացին եւ անկցին :

Նուաղեցաք մեք ՚ի բարկու թե՛նէ
քու մմէ, և ՚ի սրտմտու թե՛նէ քու մմէ
խռովեցաք :

Եդեր զմեզս մեր առաջի քո, և ըզ
կեանս մեր ՚ի լոյս երեսաց քոց :

Ամենայն աւուրք մեր նուաղեցան, և
՚ի բարկու թե՛նէ քու մմէ խռովեցաք :

Ժամանակ ամաց մերոց անդադար
որպէ՛ս սարդի, և թիւ աւուրց ամաց
մերոց ՚ի նոսա եօթանասուն ամ :

Աստ թէ առաւել էւս՝ ու թսուն ամ,
և որ ինչ աւելի է քան զայն, ցաւօք
և հեծու թեամք :

Եկն ՚ի վերայ մեր հեծու թիւն, և
խրատեցաք. իսկ արդ ո՞ գիտասցէ
զզօրու թիւն բարկու թեան քո, և կամ
յահէ քու մմէ զսրտմտու թիւն քո
համարեցի :

Այսպէ՛ս ցոյց ինձ զաջ քո, և որ խո
նարհ են սրտիւ քզիմաստու թիւնս քո :
Պարձ տէր՝ մինչև յերբ . մխիթար
եաց ՚ի ծառայս քո :

Լցաք առաւօտու ողորմու թեամք
քով ցնձացաք և ուրախ եղաք զա

մէնայն աւուրս կենաց մերոց :
 Ուրախ եղաք փոխանակ աւուրցն՝
 յորս խոնարհ արարեր զմեզ, եւ ա-
 մացն՝ յորս տեսաք զչարչարանս :
 Հայեա տէր 'ի ծառայս քո և 'ի գոր-
 ծըս ձեռաց քոց, եւ առաջնորդեա
 որդւոց նոցա. եղիցի լոյս տեառն
 աստուծոյ 'ի վերայ մեր :
 Զգործս ձեռաց մերոց ուղիղ արա
 'ի մեզ տէր, և զգործս ձեռաց մերոց
 յաջողեա մեզ :

Տունք ժգ :

ՍԱՂՄՈՍ Զ.

Օրհնութիւն գովութեան Դաւրի :

Որ բնակեալն է յօգնութիւն բարձ-
 րելոյն, ընդ հովանեալ աստուծոյ
 յերկինս հանգիցէ :
 Ասասցէ տեառն՝ ընդունող իմ ես,
 ապաւէն իմ աստուած, եւ ես յու-
 սամ 'ինա :
 Նա փրկեացէ զիս յորոգայթէ որսո-
 ղին, եւ 'ի բանիցն 'ի խռովութենէ :

Ի թիկնամէջս իւր ընկալցի զքեզ, 'ի
 հովանի թեւոց նորա յուսացիս :
 Որպէս զէն շուրջ եղիցի զքեւ ճըշ-
 մարտու թիւն նորա :

Ոչ երկիցես դու յերկիւզէ գիշերի,
 և ոչ 'ի նեւէ՝ որ թռչի 'ի տուէ :

Յիրէ որ շրջի 'ի խաւարի, 'ի դայթակ-
 ղու թենէ գիւին 'ի հասարակ աւուր :
 Անկցին 'ի կողմանէ քումմէ հազարք,
 և բիւրք ընդ աջմէ քումմէ, եւ առ
 քեզ ինչ ոչ մերձեացին :

Բայց միայն աչօք քովք հայեսցիս դու,
 եւ զհատուցումն մեղաւորաց տես-
 ցես, զի դու տէր յոյս իմ ես :

Զբարձրեալն արարեր քեզ ապաւէն .
 զի ոչ հասցեն առ քեզ չարք, և տան-
 ջանք մի՛ մերձեացին 'ի յարկս քո :

Հրեշտակաց իւրոց պատուիրեալ է
 վասն քո, 'ի պահել զքեզ յամենայն
 ճանապարհս քո :

Ի բազուկս իւրեանց ընկալցին զքեզ,
 զի մի՛ երբէք հարցես զբարի զոտն քո :
 Ի վերայ իժից եւ բարբից գնացես
 դու, և առ ոտն կոխեսցես զառիւծն

և զվիշապն :

Քանզի յիս յուռացաւ , եւ փրկեցից
զնա . հովանի եղէց նմա , զի ծանեաւ
զանուն իմ :

Կարդասցէ առ իս , եւ ես լուայց նմա ,
և առ նմա եղէց 'ի նեղութեան :

Փրկեցից եւ փառաւոր արարից զնա .
երկայն աւուրք լցուցից , եւ ցուցից
նմա զփրկութիւն իմ :

Տունք ժղ :

ՍԱՂՄՈՍ ՂԱ.

Սաղմոս օրհնութեան առոր շաբաթոց 'ի Դաւիթ :

Բարի է խոստովան լինիլ տեառն , եւ
սաղմոս ասելանուան քումբարձրեալ :

Պատմել առաւօտու զողորմութիւնս
քո , եւ զճշմարտութիւնս քո 'ի դիշերի :

Տասնազեաւ սաղմոսարանաւ , 'ի ձայն
օրհնութեան դռվել :

Ուրախ արարեր զիս տէր յարարածս
քո , եւ 'ի գործս ձեռաց քոց ցնծացայց :

Ո՛րպէս զի մեծ են գործք քո տէր ,
և յոյժ խոր են խորհուրդք քո :

Այր անզգամ զայս ոչ ծանխցէ, եւ
անմիտն զայս ոչ առնուլ ՚ի միտ:

Ի բուսանիլ մեղաւորաց որպէս խոտ,
ի ծաղկիլ այնոցիկ՝ ոյք գործեն զա-
նօրէնու թիւն:

Սատակեսցին յաւիտեանս յաւիտե-
նից, եւ դու բարձրեալ ես յաւի-
տեանս տէր:

Զի ահա թշնամիք քո տէր, զի ահա
թշնամիք քո կորիցեն, ցրուեսցին ամե-
նէքեան՝ ոյք գործեն զանօրէնու թիւն:
Բարձր եղիցի որպէս միեղջերու ի եղ-
ջիւր իմ, և ձերու թիւն իմ ՚ի ձէթ
պարարտու թեան:

Ետես ակն իմ ՚ի թշնամիս իմ, ոյք
յարուցեալ են ՚ի վերայ իմ չարու-
թեամբ, ՚ի նոսա լուիցէ ունկն իմ:

Արդարքն որպէս զարմաւենիս ծաղ-
կեսցին, որպէս զմայրսն լիբանանու
բազումք եղիցին:

Տնկեալք եղիցին ՚ի տան տեառն, և
ի գաւիթս աստուծոյ մերոյ ծաղ-
կեսցին:

Եւս եւ բազումք եղիցին ՚ի ձերու-

Թիւն պարարտու թեան . գիրդք եւ
 փափուկք եղիցին ՚ի պատմել . ուղիղ
 է տէր աստուած մեր , եւ ոչ գոյ
 ՚ի նմա անիրաւու թիւն :

Տունք ժգ : Գորզայս խղ :

ՍԱՂՄՈՍ ՂԲ.

Յաւորն առաջին շաբաթու , յոր հաստատեցաւ
 երկիր . օրհնութիւն գովութեան Դաւթի :

Տէր թագաւորեաց վայելչու թիւն
 զգեցաւ , զգեցաւ տէր զօրու թիւն
 ընդ մէջ իւր էած :

Հաստատեաց զաշխարհ՝ զի մի սա-
 սանեցի , պատրաստ է աթոռ քո ,
 ՚ի սկզբանէ յաւիտեանս դու ես :

Ամբարձան գետք տէր , եւ ամբարձին
 գետք զձայնս իւրեանց եւ յարիցեն
 գետք ՚ի գնացս իւրեանց :

Ի ձայնէ ջուրց բազմաց , սքանչելի
 եղեն զբօսանք ծովու :

Սքանչելի ես դու տէր ՚ի բարձունս .
 վկայու թեանց քոց մեք յոյժ հաւա-
 տացաք :

Տան քում վայելէ սրբութիւն տէր
ընդ երկայն աւուրս :

Տունք զ :

ՍԱՂՄՈՍ ԳԳ.

Սաղմոս Դանքի . չորեքշաբաթու :

Աստուած վրէժխնդիր , տէր աստ-
ուած վրէժխնդիր յայտնեցար :

Բարձր լեր որ դատես զերկիր . հատո
զհատուցումն ամբարտաւանից :

Մինչեւ յերբ մեղաւորք տէր , մինչև
յերբ մեղաւորք պարծեսցին :

Բարբառեալ խօսելին զանիրաւու-
թիւն , խօսեսցին ամենեքեան՝ ոյք
դործեն զանօրէնութիւն :

Զժողովուրդս քո տէր խանարհ ա-
րարին , և զժառանգութիւնքո չար-
չարեցին :

Զայրին և զպանդուխտն սպանին ,
զորքսն կոտորեցին եւ ասացին , ոչ
տեսանէ զայս տէր , և ոչ ՚ի միտ առ-
նու աստուած յակոբայ :

Իմացարուք անդգամք ժողովրդոց , և

անմիտք՝ մինչեւ յերբ ոչ առնուք ՚ի
միտ :

Որպէս զի թէ որ տնկեաց զունկն՝
ինքն ո՞չ լուիցէ , կամ որ ստեղծ զակն՝
ինքն ո՞չ տեսանիցէ :

Որ խրատէ զազինս , որպէս թէ ո՞չ
յանդիմանեսցէ . որ ուսուցանէ մար-
դոյ զգիտու թիւն . տէր ճանաչէ զխոր-
հուրդս մարդկան , զի են ընդունայնք :
Երանի մարդոյ՝ զոր խրատեսս դու
տէր , եւ յօրինաց քոց ուսուցանեսս
դունմա :

Յաճուցանեսս դու նմա զաւուրսն
չարու թեան , մինչեւ փորեցի խոր-
խորատ մեղաւորի :

Ոչ մերժէ տէր զժողովուրդ իւր , եւ
զժառանգու թիւն իւր ոչ առնէ ան-
տես :

Մինչեւ դարձցին իրաւունք յար-
դարու թիւն . ընկալցին զնա ամե-
նեքեան ոյք ուղիղ են սրտիւք :

Ո՞վ յարիցէ ընդ իս ՚ի վերայ չարաց .
կամ ո՞վ հաւասարեացի ինձ ՚ի վերայ
այնոցիկ՝ ոյք գործեն զանօրէնու թիւն :

Եթէ ոչ տեառն օգնեալ էր ինձ, փոքր
 մի և սբնակեալ էր անձն իմ ՚ի դժոխս :
 Եթէ ասէ ՚ի թէ ահա սասանեցան ոտք
 իմ, ողորմու թիւնքո տէր օգնէր ինձ :
 Ըստ բազում ցաւոց սրտի իմոյ՝ մխի-
 թարու թիւնքո ուրախ առնէր
 զանձն իմ :

Մի հաւասարեցի քեզ աթոռ անօ-
 րէնու թեան, ո սպառճառէ զվաստա-
 կըս ընդդէմ հրամանի :

Որսացան զանձն արդարոյ, եւ զա-
 րիւն անբիծ սարտաւոր առնէին :
 Եղէւ տէր ապաւէն իմ, աստուած
 օգնական յուսոյ իմոյ :

Հատուցէ նոցա տէր ըստ անօրէնու-
 թեան նոցա և ըստ չարու թեան նոցա
 կործանեցէ զնոսա տէր աստուած
 մեր :

Տունք իա .

ՍԱՂՄՈՍ ԶԳ.

Օրհնութիւն գովարեան Դաւրի :

Եկայք յնձասցուք ՚ի տէր, ազաղա-

կէսցուք առ աստուած փրկիչ մեր :
 Կանխեսցուք առաջի նորա խոստովանութեամբ , եւ սաղմոսիւք աղաղակեսցուք առ նա :

Աստուած մեծ է , տէր թագաւոր մեծ ՚ի վերայ ամենայն երկրի :

Ի ձեռս նորա են ամենայն տիեզերք երկրի , եւ բարձրութիւնք լերանց նորա են :

Նորա է ծով՝ և նա արար զնա , եւ զցամաք ձեռք նորա ստեղծին :

Եկայք երկիրպագցուք նմա , անկցուք և լացցուք առաջի տեառն արարչին մերոյ :

Նա ինքն է տէր աստուած մեր , մեք ժողովուրդք ձեռին նորա , և խաչն արօտի նորա :

Այսօր եթէ ձայնի նորա լսիցէք , մի խատացուցանէք զսիրտս ձեր որպէս ՚ի դառնութեան :

Յաւուրն փորձութեան յանապատին՝ ուր փորձեցին զիս հարքն ձեր , քննեցին զիս և տեսին զգործս իմ՝ զքառասուն ամ :

Ջանացի ընդ ազգին ընդ այնմիկ եւ
 ասացի՝ միշտ մոլորեալ են սրտիւք, և
 նոքա ոչ ծանեան զճանապարհս իմ :
 Որպէս երգուայ ՚ի բարկութեան իւ
 մում, թէ մտցեն ՚ի հանգիստ իմ :

Տունք ժա Գորգայս լր :

ՍԱՂԾՈՍ ԳԵ.

Սաղմոս Գաբի. ՚ի ժամանակի զի տաճարն
 շինեցաւ :

Օրհնեցէք զտէր յօրհնութիւն նոր,
 օրհնեցէք զտէր ամենայն երկիր :
 Օրհնեցէք զտէր և օրհնեցէք զանուն
 նորա, աւետարանեցէք օր ըստ օրէ
 զփրկութիւն նորա :
 Պատմեցէք ՚ի հեթանոսս զփառս նո
 րա, յամենայն ժողովուրդս զսբան
 չելիս նորա :
 Մեծ է տէր և օրհնեալ է յոյժ, ա
 հարկու է նա ՚ի վերայ ամենայն կռոց :
 Ամենայն կուռք հեթանոսաց դեւք
 են, այլ տէր զերկինս արար :
 Խոստովանութիւն և վայելչութիւն
 է առաջի նորա, սրբութիւն և մեծ

վայելչու թիւն է 'ի սրբու թեան նորա :
 Մատուցէք տեառն տոհմք ազանց ,
 մատուցէք տեառն զփառս և զպա-
 տիւ , մատուցէք տեառն զփառս
 անուան նորա :

Առէք պատարագս , և մտէք 'ի սրահս
 նորա , երկիրպագէք տեառն 'ի դա-
 լի թս սրբու թեան նորա , և խռովես-
 ցի յերեսաց նորա ամենայն երկիր :

Ասացէք 'ի հեթանոսս՝ թէ տէր թա-
 դաւորեաց , հաստատեաց զաշխարհ
 զի մի սասանեսցի , եւ դատէ զժո-
 ղովուրդս իւր ուղղու թեամբ :

Ուրախ եղիցին երկինք՝ եւ ցնծացէ-
 երկիր , զուարճացի ծով լիւ իւ-
 րով . ցնծացեն դաշտք , և ամենայն
 որ է 'ի նոսա :

Յայնժամ ցնծացեն ամենայն ծառք
 անտառի յերեսաց տեառն՝ զի դայ ,
 և դայ նա 'ի դատել զերկիր :

Դատէ զտիեզերս իրաւամբք , և զժո-
 ղովուրդս ամենայն ճշմարտու թեամբ
 իւրով :

Տունք ժբ :

ՍԱՂՄՈՍ ԶԶ.

Սաղմոս Գաբրի . ՚ի ժամանակի զի երկիրն
հաստատեցաւ :

Տէր թագաւորեաց՝ ցնծասցէ երկիր,
ուրախ եղիցին կզզիք բազումք :

Ամպ և մեգ շուրջ են զնովաւ . յի-
րաւունս և յարդարութիւն ուղ-
ղեալէ աթոռ նորա :

Շուր առաջի նորա զնասցէ , և այ-
րեսցէ շուրջ զթշնամիս նորա :

Երևեցան փայլատակունք նորա տիե-
զերաց , ետես և սասանեցաւ երկիր :

Լերինք որպէս մոմ հալեացին յերե-
սաց տեառն , յերեսաց տեառն ա-
մենայն երկիր :

Պատմեսցեն երկինք զարդարութիւն
նորա , և տեսցեն ամենայն ժողո-
վուրդք զփառս նորա :

Ամաչեսցեն ամենեքեան որ երկիր-
պագանեն կռոց , և ոյք պարծին ՚ի
զբօշեալս իւրեանց :

Երկիրպագցեն նմա ամենայն հրեշ-
տակք նորա , զի լուաւ և ուրախ ե-

դէւ սիօն, և ցնծասցեն զստերք յու-
դայ վասն իրաւանց քոց տէր :

Ձի դու բարձրեալ ես ՚ի վերայ ամե-
նայն երկրի, յոյժ բարձրացար ՚ի վե-
րայ ամենայն կռոց :

Ոյք սիրէք զտէր, ատեցէք զչարու-
թիւնն. պահէ տէր զանձինս սրբոց
իւրոց, ՚ի ձեռաց մեղաւորի վրկեսցէ
զնոսա :

Լոյս ծագեաց արդարոց, ուղղոց սըր-
տից եղև ուրախու թիւնն :

Ուրախ եղերուք արդարք ՚ի տէր, և
խոստովան եղերուք յիշատակի սըր-
բու թեան նորա :

Տունք ժբ.

ՍԱՂՄՈՍ ԶԷ

Սաղմոս Դաւթի օրհնութեան :

Օրհնեցէք զտէր յօրհնու թիւնն ՚ի նոր,
զի սքանչելիս արար :

Փրկեաց զնա աջ իւր, և բազուկ սուրք
իւր :

Եցոյց տէր զփրկու թիւնն իւր, առ աջի
ազգաց յայտնեաց զարդարու թիւնն

իւր :

Յիշեաց ողորմու թեամբ իւրով զյակոբ, ճշմարտու թեամբ իւրով զտունն իսրայէլի, և տեսին ամենայն ծագք երկրի զիրկու թիւն աստուծոյ մերոյ: Աղաղակեցէք առ տէր ամենայն երկիր, օրհնեցէք ցնծացէք և սաղմոս ասացէք :

Սաղմոս ասացէք աստուծոյ մերոյ օրհնու թեամբ, օրհնու թեամբ և ՚ի ձայն սաղմոսաց :

Ի ձայն օրհնու թեան կռածոյ փողոյ, օրհնու թեամբ ցնծու թեամբ և ՚ի ձայն եղջեր փողոյ, աղաղակեցէք առաջի թագաւորին տեառն :

Խռովեսցի ծով լրիւ իւրով, տիեզերք և ամենայն բնակիչք նորա, և գետք ծափս հարցեն ՚ի միասին ձեռամբ: Լերինք ցնծացեն առաջի տեառն զի գայ և հասեալէ տէր ՚ի դատել զերկիր:

Գատէ զաշխարհս արդարու թեամբ, և զժողովուրդս իւր ուղղու թեամբ:

Տունք ժ: Գորղայս լգ:

ՍԱՂՄՈՍ ԶԸ.

Սաղմոս Դաւթի :

Տէր թագաւորեաց , բարկացան ժողովուրդք , որ նստիս 'ի քրովբէս , սասանեցաւ երկիր :

Տէր 'ի սիօն մեծ է և բարձր է 'ի վերայ ամենայն ժողովրդոց :

Խոստովան եղիցուք անուանքում մեծի , զի ահաւոր և սուրբ է , և պատիւ թագաւորի զիրաւունս սիրէ :
Դու պատրաստեցեր զուղղութիւն , զիրաւունս եւ զարդարութիւն յակոբայ դու արարեր :

Բարձր արարէք զտէր աստուած մեր , երկրպագէք պատուանդանի ոտից նորա զի սուրբ է :

Մովսէս և ահարօն երիցունք նորա , սամուէլ ընդ այնոսիկ , ոյք կարդան զանուն նորա

Կարգային առ տէր և նա լսէր նոցա , եւ 'ի սիւն ամպոյ խօսէր ընդ նոսա :
Պահէին զվկայութիւն նորա , և զհրամանս զոր ետ նոցա :

Տէր աստուած մեր՝ դու լսէիր նոցա,
 աստուած՝ դու բաւիչ լինէիր նոցա,
 և վրէժխնդիր ՚ի վերայ ամենայն գործ-
 ծոց նոցա:

Բարձր արարէք զտէր աստուած մեր,
 երկրպագէք ՚ի լեառն սուրբ նորա, զի
 սուրբ է տէր աստուած մեր:

Տունք ժ.

Ս Ա Ղ Մ Ո Ս Ղ Թ.

Սաղմոս խոստովանութեան Գաթի:

Ազաղակեցէք առ տէր ամենայն երկ-
 կիր, ծառայեցէք տեառն ուրախու-
 թեամբ:

Մտէք առաջի նորա ցնծութեամբ,
 ճաներուք զի նա է տէր աստուած
 մեր:

Նա արար զմեզ, և ոչ մէք էաք, մեք
 ժողովուրդք և խաչն արօտի նորա:

Մտէք ընդ դրունս նորա խոստովա-
 նութեամբ, և օրհնութեամբ ՚ի յարկս
 նորա:

Խոստովան եղերուք տեառն, և օրհն

Նեցէք զանունն նորա :

Քաղցր է տէր . յաւիտեան է ողորմութիւնն նորա . ազգէ մինչեւ յազգէ է ճշմարտութիւնն նորա :

Տունք զ :

ՍԱՂՄՈՍ Ժ.

Սաղմոս Դաւթի :

Յողորմութիւնն և յիրաւունս օբհնեցից զքեզ տէր . սաղմոս ասացից և ՚ի միտ առից :

Ճանապարհ անբիծ մինչեւ եկեօցէ առ իս , զի գնայի ես յանբժութեան սրտի իմոյ ՚ի մէջ տան իմոյ :

Ոչ եգի առաջի աչաց իմոց իրս աւիրաւութեան , ոյք առնէին զանօրէնութիւնն , ատեցի :

Ոչ մերձեցաւ առ իս որ թիւրն էր սրտիւ . խոտորեալ յինէն անզգամին , և ես ինչ ոչ փոյթ առնէի :

Որ խօսէր գաղտ զընկերէ իւրմէ , զնա բացէ ՚ի բաց հալածէի :

Որ ամբարտաւան էր աչօք և ապահ

սրաիւ , ընդ նմա և հաց ոչ ուտէի :
Աչք իմ'ի հաւատացեալս երկրի , զի
նստցին նոքա ընդ իս :

Որ գնայր 'ի ճանապարհ անբիծ , նա
պաշտէր զիս :

Ոչ բնակէր 'ի մէջ տան իմոյ՝ որ առ-
նէր զամբարտաւանութիւն , որ խո-
սէր զանիրաւութիւն , չէր յաջող-
եալ նմա առաջի աչաց իմոց :

Ընդ առաւօտս սպանանէի զամենայն
մեղաւորս երկրի . զի սատակեցից 'ի
քաղաքի տեառն զամենեւեան՝ ոչք
գործեն զանօրէնութիւն :

Տունք Ժ : Գորզայս իղ :



ՍԱՂՄՈՍ ԶԱ.

Աօրբբ Ռ-բկի . իբրեւ ճանճրասցի՝ առաջի տեառն
սփռեցի զխնդրուածս իւր :

Տէր՝ լուր աղօթից իմոց , աղաղակ
իմ առ քեզ եկեսցէ , և մի՛ գարծու-
ցաներ զերեսս քո յինէն :

Յաւուր նեղութեան իմոյ խոնարհեցո
առ իս զունկն քո . յորու մաւուր կար-

դամառքեզ . վաղվազակի լուր ինձ :
 Սպառեցան որպէս ծուխ աւուրք իմ,
 և ոսկերք իմ որպէս խուլ չորացան :
 Հարայ ես որպէս խոտ՝ և ցամաքե-
 ցաւ սիրտ իմ . մոռացայ ուտել զհաց
 իմ ՚ի ձայնէ հեծու թեան իմոյ :

Կցեցաւ ոսկր իմ ՚ի մարմին իմ . նմա-
 նեցայ ես հաւալասան անապատի :
 Եղէ ես որպէս բույաւ երակի , տըք-
 նեցայ և եղէ ես որպէս ճնճղուկ մի-
 այն ՚ի տանիս :

Նախատեցին զիս թշնամիք իմ զօրհա-
 նապազ , և դովիչք իմ ինև երդնուին :
 Զմոխիր որպէս զհաց կերի , և զմպե-
 լին իմ արտասուօք խառնեցի :

Յերեսաց բարկու թեան սրտմտու-
 թեան քո , զի դու բարձրացուցեր
 խոնարհեցուցեր զիս :

Աւուրք իմ որպէս հովանի անցին ,
 և ես որպէս խոտ ցամաքեցայ :

Դու տէր յաւիտեան կաս , և յիշա-
 տակ քո ազդէ մինչեւ յազդ :

Դու յարուցեալ դժացիս ՚ի վերայ
 սիօնի , ժամանակ դժալոյ նորա հաս-

Եալ է ժամ :

Հաճեցան ծառայք քո ընդ քարինս
նորա , և 'ի հողս նորա գթացին :

Երկիցեն հեթանոսք յանուանէ
քու, միէ , և ամենայն թագաւորք
երկրի 'ի փառաց քոց :

Շինէ տէր զսիովն , եւ երեւեսցի
փառօք իւրովք 'ի նմա :

Հայեցաւ նա յազօթս խոնարհաց , և
ոչարհամարհեաց զինդ բուածսնոցա
Քրեսցի այս յազգ յայլ , ժողովուրդ
զոր ստացեալ է , օրհնեսցէ զտէր :

Հայեցաւ նա 'ի բարձանց 'ի սրբու-
թեանէ իւրմէ , տէր յերկնից յերկիր
հայեցաւ :

Լսել զհեծու թիւն կապելոց , և ար-
ձակել զորդիս մահապարտաց :

Պատմել 'ի սիօն զանունն տեառն , և
զօրհնութիւնս նորա յերուսաղէմ :

Ժողովիլ ժողովրդոց 'ի միասին , եւ
թագաւորաց ծառայել տեառն :

Պատասխանի ետ նմա 'ի ճանապարհի
զօրութեան իւրոյ , զնուազութիւն
աւուրց իմոց ասա ինձ , և մի հա-

Ներ զևա ՚ի կէս աւուրց իմոց . զի ազ-
գէ յազգ են ամբ քո :

Ի սկզբանէ տէր զՏիմուէնս երկրի
հաստատեցեր , և դործք ձեռաց քոց
երկինք են :

Նոքա անցանէն , և դու կաս և մասս
յաւիտեան :

Ամենեքեան որպէս զձորձս մաշես-
ցին , և որպէս զվերարկուս փոխես-
ցես զնոսա , և փոխեսցին :

Բայց դու նոյն ինքն ես , և ամբ քո
ոչ անցանէն . որդիք ծառայից քոց
բնակեսցին ՚ի նմա , և զաւակի նոցա
յաւիտեան յաջողեսցի :

Տունք իզ :

ՍԱՂՄՈՍ ՃԲ.

Սաղմոս Դաւթի :

Օրհնեա անձն իմ զտէր , և ամենայն
ոսկերքք իմ զանուէն սուրբ նորա :

Օրհնեա անձն իմ զտէր , և մի մոռա-
նար զամենայն տուրս նորա :

Ո քաւէ զվեղս քո , բժշկէ զամենայն

Հիւանդ ու թիւնս քո :

Ո փրկէ յապականու թէնէ՛ զկեանս
քո , պսակէ՛ զքեզ ողորմու թեամբ
և զթու թեամբ :

Ո ընու ՚ի բարու թէնէ՛ զցանկու թիւն
քո , նորոգեսցի՛ որպէ՛ս արծւոյ ման-
կու թիւն քո :

Առնէ՛ ողորմու թիւնս քո տէր , եւ
իրաւունս ամենայն զրկելոց :

Եցոյց տէր զճանապարհս իւր մովսի-
սի և որդւոցն իսրայելի զկամս իւր :

Գթած ողորմած է տէր , երկայնամիտ
և բազու մողորմ :

Ոչ իսպառ բարկանայ մեզ տէր , եւ
ոչ յաւիտեան պահէ՛ ռիսս :

Ոչ ըստ մեզաց մերոց արար մեզ տէր ,
և ոչ ըստ անօրէնու թեան մերում
հատոյց մեզ :

Այլ որպէ՛ս բարձր են երկինք յերկ-
րէ , այնպէ՛ս զօրացոյց տէր զողորմու-
թիւն իւր ՚ի վերայ երկիւղածաց իւրոց :
Որչափ հեռի են արեւելք յարեւ-
մտից , այնչափ հեռի արար ՚ի մէնջ
զանօրէնու թիւնս մեր :

Որպէս գթայ հայր 'ի վերայ որդւոց
իւրոց, այնպէս գթասցի տէր յեր-
կիւղածս իւր :

Ձի՛նա գիտաց զստեղծուածս մեր,
և յիշեաց թէ հող եմք :

Մարդոյ որպէս խոտոյ են աւուրք իւր.
որպէս ծաղիկ վայրի այնպէս ծաղկի :
Ծնչէ 'ի նմա հողմ, և ոչ է՝ և ոչ եւս
երեւի տեղի նորա :

Բայց ողորմութիւն տեսուն մնայ
յաւիտեանս յաւիտենից 'ի վերայ եր-
կիւղածաց իւրոց, և արդարութիւն
նորա յորդւոց մինչեւ յորդիս :

Ոյք պահեն զուխտս նորա, յիշեն
զպատուիրանս նորա և առնեն զնա :
Տէր յերկինս պատրաստեաց զաթոռ
իւր, արքայութիւն նորա ամենե-
ցուն տիրէ :

Օրհնեցէք զտէր ամենայն հրեշտակք
նորա՝ հզօրք զօրութեամբ ոյք առ-
նէք զբան նորա 'ի լսել ձայնի պատ-
գամաց նորա :

Օրհնեցէք զտէր ամենայն զօրու-
թիւնք նորա, պաշտօնեայք և արա-

րողք կամաց նորա :
 Օրհնեցէք զտէր ամենայն գործք նո-
 րա , զի ընդ ամենայն տեղիս է տէ-
 րու թիւն նորա , օրհնեա անձն իմ
 զտէր :
 Տունք իբ: Գորղայս խբ:

Ս Ա Ղ Մ Ո Ս Ճ Գ .

Սաղմոս Գաւթի. 'ի վերայ աշխարհագործ արարածոց :

Օրհնեա անձն իմ զտէր , տէր աստ-
 ուած իմ մեծ եղեր յոյժ :

Խոստովանու թիւն և մեծ վայլ շու-
 թիւն զգեցար , արկեալ զոյս որպէս
 զօթոց , ձգեցեր զերկինս որպէս
 զխորան , և արկեր 'ի վերայ ջուրց
 զվերնայարկս նորա :

Ո՛րդնէ յամսս զգնացս իւր , և շրջի
 նա 'ի վերայ թեւոց հողմոց :

Ո՛րարար զհրեշտակս իւր հոգիս , եւ
 զպաշտօնեայս իւր 'ի հուր կիզելոյ :
 Հաստատեաց զերկիր 'ի վերայ հաս-
 տատու թեան իւրոյ , զի մի սասա-
 նեացի յաւիտեան :

Խորք որպէս զգեստ վերարկու է նորա,
 'ի վերայ լերանց կացցեն ջուրք :
 Ի սաստէ քուճմէ փախիցեն, եւ 'ի
 ձայնէ որոտալոյ քուճմէ սարսիցեն :
 Ելանեն լեռնանան՝ և ի ջանեն դաշտանան,
 'ի տեղի յոր հաստատեցեր
 զնոսա :

Սահման եղեր՝ և ոչ անցանեն, եւ
 ոչ եւս դառնան 'ի ծածկել զերկիր :

Առաքեցեր զաղբիւրս ընդ ծործորս .

'ի միջոյ լերանց գնացցեն ջուրք :

Անդ թռչունք երկնից բոյնս դիցեն,
 և 'ի միջոյ վիճաց տացեն զձայնս իւր-
 եանց :

Արբուցանել զամենայն գազանս վայ-
 րի . յազեսցին ցիւք 'ի ծարաւս իւր-
 եանց :

Արբուցանէ զլերինս 'ի շտեմարանաց
 իւրոց, 'ի պտղոյ գործոց իւրոց լցցի
 երկիր :

Բուսուցեր զխոտ 'ի լերինս զգալա-
 րի 'ի ծառայու թիւն մարդկան :

Հաներ զհաց յերկրէ . գինի ուրախ
 առնէ՝ իւզ զուարթ, և հաց հաստա-

տէ զսիրտ մարդոյ :

Յագեացիին ծառքն անտառի, և մայրքն
լիբանանու՝ զորս դու տնկեցեր :

Անդ թռչունք երկնից ձագս հանցեն,
և բոյն արազլի ապաւէնէ նոցա :

Լերինք բարձունք են եղջերուաց, և
վէմք ապաւէնք նապաստակաց :

Արարեր զուսին վասն ժամանակի օ
արեգակն ծանեաւ զժամ մտաներոյ
իւրոյ :

Արարեր զխաւար՝ և եղեւ գիշեր. ՚ի
նմա գնան ամենայն դազանք անտառի :

Կորիւն առիւծուց մունչեն և յա
փրշտակեն, և խնդրեն յաստուծոյ

զկերակուրս իւրեանց :

Ի ծագել արեւու ժողովին, և ՚ի մո
րիս իւրեանց դադարին :

Ելանէ մարդ ՚ի գործս իւր, և ՚ի վաս
տակս ձեռաց իւրոց մինչև յերեկոյ :

Ո՛րպէս զի մեծ են գործք քո տէր,
զամենայն ինչ իմաստու թեամք արա
րեր, և լցաւ երկիր ստեղծուածովք

քովք :

Այս ծով մեծ և անգորր. ՚ի սմա են

սողունք՝ որոց ոչ գոյ թիւ . գազանք
մեծամեծք եւ մանուկք , 'ի սմա եւ
նաւք գնան . միշտակն զոր ստեղծեր
խաղալ նովաւ :

Սմենեքեան քեզ սպասեն՝ եւ գու
տաս զկերակուր նոցա 'ի ժամու :

Տաս գու նոցա՝ և կերակրին , բա
նաս զձեռն քո , և կերակրես զամե
նեսեան կամօք քովք :

Գարձուցանես զերեսս քո 'ի նոցանէ՝
և խռովին . հանես զոգի 'ի նոցանէ ,
պակասին և 'ի հող դառնան :

Սռաքես զոգի քո և ստանաս զնոսա ,
և նորոգես զերեսս երկրի :

Եղիցին փառք տեառն յաւխտեան , և
տէր ուրախ եղիցի յարարածս իւր :

Ո հայի յերկիր , և տայ դողալ սմա ,
մերձեսցի 'ի լերինս , և ծխեսցին :

Օրհնեցից զտէր 'ի կեանս իմ , սաղմոս
ասացից աստուծոյ իմոյ մինչև եմ ես :

Քաղցր եղիցի նմա օրհնու թիւն իմ ,
և ես ուրախ եղէց 'ի տէր :

Պակասեսցին մեզաւորք յերկրէ , և
ամբարիշտք մի եւս գտցին 'ի նմա .

օրհնեա անձն իմ զտէր :

Տունք լի :

ՍԱՂՄՈՍ ՃԳ.

Ա լեկուիա :

Խոստովան եղերուք տեսուն և կարգացէք զանուն նորա , և պատմեցէք ՚ի հեթանոսս զգործս նորա :

Օրհնեցէք եւ սաղմոս ասացէք նմա . պատմեցէք զամենայն սքանչելիս նորա , և գովեցարուք յանուն սուրբ նորա :

Ուրախ եղիցին սիրտք այնոցիկ՝ յիբ խնդրեն զտէր . խնդրեցէք զտէր՝ և հզօրք եղերուք , եւ խնդրեցէք զերեսս նորա յամենայն ժամ :

Յիշեցէք զսքանչելիս նորա զորս արար , զարուեստս և զիրաւունս բերանոյ նորա :

Զաւակք արբահամեան ծառայք նորա , որդիք յակոբայ ընտրեալք նորա : Նա ինքն է տէր աստուած մեր , յամենայն երկրի են իրաւունք նորա :

Յիշեաց յաւիտենից զուխտ իւր, և
զբանն՝ զոր պատուիրեաց մինչ ՚ի
հազար ամ:

Զուխտն զոր եղ ընդ աբրահամու և
զերդու մն իւր ընդ սահակայ:
Հաստատեաց առ յակոբ զհրաման
իւր, և առ իօրայել զուխտ իւր յաւ-
ւիտենից:

Ասէ՛ ձեզ տաց զերկիրն քանանու,
զվիճակ ժառանգութեան ձերոյ:

Զի էիննորա թուովսակաւ, նուազք
և պանդուխտք ՚ի նմա:

Անցին նորա ազգէ յազգ, ՚ի թա-
գաւորութենէ ՚ի ժողովուրդ յայլ:

Ոչ եթող մարդկան մեղանչել նոցա, և
կշտամբեաց զթագաւորս վասն նոցա:

Մի մերձենայք ասէ՛ յօժեալս իմ, և
ի մարգարէս իմ մի մեղանչէք:

Կոչեաց սով յերկիր նոցա, և զա-
մենայն զօրութիւն հացի եբեկ:

Առաքեաց առաջի նոցա այր, ՚ի ծա-
ռայութիւն վաճառեցաւ յովսէփ:

Խոնարհ արարին ՚ի կապանս զոտս նո-
րա, և էանց ընդ երկաթ անձն նորա:

Մինչեւ եկեսցէ բան նորա , և բան
տեսառն փորձեաց զնա :

Առաքեաց թագաւորն՝ և ելոյժ զնա,
իշխան ժողովրդեան եթող զնա :

Կացոյց զնա տէր տան իւրոյ , իշխան ՚ի
վերայ ամենայն ստացուածոց իւրոց :

Խրատել զիշխանս նոցա որպէս զինքն,
և զծերս նոցա իմաստունս արասցէ :

Եմուտ իսրայէլ յեղիպտոս , և յակոբ
պանդխտեցաւ յերկիր քամայ :

Աճեցոյց զժողովուրդ իւր յոյժ , և
զօրացոյց զնոսա քան զթշնամիս իւր :

Գարձոյց զսիրտս նոցա ատել զժողովուրդ
իւր , և ՚ի նենգել զճառայս իւր :

Առաքեաց զմովսէս ծառայ իւր , և
զահարօն ընտրեալ իւր :

Ետ նոցա զբան նշանաց իւրոց , և զար-
ուեստս իւր յերկիր քամայ :

Առաքեաց զխաւար և խաւարեցոյց
զնոսա , զի դառնացուցին զբան նորա :

Գարձոյց յարիւն զգետս նոցա , և
սպան զամենայն ձկունս նոցա :

Եռաց յերկիր նոցա գորտ , և ՚ի շտե-
մարանս թագաւորաց նոցա :

Ասաց՝ և եկին շանաճանճ՝ և մժեղ
 ընդ ամենայն սահմանս նոցա :
 Դարձոյց զանձրեւսնոցա ՚ի կարկուտ,
 և հուր յերկիր նոցա բորբոքեցաւ :
 Եհար զայգիս և զթղենիս նոցա, և
 փշրեաց զամենայն ծառս սահմանաց
 նոցա :

Ասաց՝ և եկին մարախ և խառնիճ, զի
 ոչ գոյր նոցա թիւ :
 Եկեր զամենայն խոտ երկրի նոցա, և
 սպառեաց զամենայն ստուղ անդոյ
 նոցա :

Եհար զամենայն անդրանիկս եգիպտոսացւոց,
 զսկիզբն ամենայն վաստակոց նոցա :

Եհան զնոսա ոսկուով և արծաթով, և
 ոչ գոյր յազդի նոցա հիւանդ :

Ուրախ եղեւ եգիպտոս ընդ ելանել
 նոցա, զի անկաւ ահ տեսուն ՚ի վերայ
 նոցա :

Սփռեաց ամս՝ հովանի առնել նոցա
 ՚ի տուէ, և հրով լոյս տայր նոցա ՚ի
 գիշերի :

Խնդրեցին՝ և եկին լորամարգի, և հաւ

ցիւ երկնից լցոյց զնոսա :
 Եհար զվէմն՝ և բղխեցին ջուրք , և
 գնացին գետք ընդ անջրդիս :
 Յիշեաց զբան իւր սուրբ , որ ընդ ար-
 րահամու ծառայի իւրոյ :
 Եհան զժողովուրդ իւր ցնծու թեամբ
 և զընտրեալս իւր ուրախու թեամբ :
 Ետ նոցա զգաւ առս հեթանոսաց , ի
 վաստակս ժողովրդոց ժառանգե-
 ցոյց զնոսա :
 Զի պահեսցեն զվկայու թիւնս նորա ,
 և զօրէնս նորա խնդրեսցեն :
 Տունք խղ. Գորշայս հը :

ՍԱՂՄՈՍ ՁԵ.

Ալեյուիս :

Խոստովան եղերուք տեառն՝ զի
 բաղցր է , զի յաւիտեան է ողոր-
 մու թիւն նորա :
 Ո՞ խօսեսցի զզօրու թիւն տեառն . լը-
 սելի արասցէ զամենայն օրհնու թիւնս
 նորա :
 Երանի ոյք պահեն զիրաւ ունս , և առ-

նեն զարդարու թիւն յամենայն ժամ :
Յիշեա զմեզ տէր ընդ հաճոյս ժողո-
վըրդեան քո , և այց արա մեզ 'ի
փրկու թեան քում :

Տեսցուք մեք զբաղցրու թիւն ընտրե-
լոց քոց . ուրախ եղիցուք մեք յու-
րախու թիւն ազգի քո , և գովեսցուք
մեք 'ի ժառանգու թեան քում :

Մեղաք մեք ընդ հարսն մեր , անօ-
րինեցաք և յանցեաք :

Հարբն մեր յեգիպտոս ոչ իմացան
զսքանչելիս քո , և ոչ յիշեցին զբա-
ղում ողորմու թիւնս քո :

Բարկացուցին զքեզ յանցանէն իւր-
եանց ընդ ծով կարմիր . փրկեաց զնո-
սա վասն անուան իւրոյ , զի ծանի-
ցեն զզօրու թիւնս նորա :

Սաստեաց 'ի ծով կարմիր' և ցամա-
քեցաւ . առաջնորդեաց նոցա ընդ
անգուեղս որպէս ընդ անապատս :

Կեցոյց զնոսա 'ի ձեռաց ատելեաց նո-
ցա , և փրկեաց զնոսա 'ի ձեռաց թըշ-
նամեաց նոցա :

Ծածկեաց ծով զնեղիչս նոցա , և մի

՚ի նոցանէ, ոչ ապրեցաւ :

Հաւատացին բանինորա, և օրհնեցին
զօրհնու թիւնս նորա :

Վաղվազեցին և մոռացան զգործս նո-
րա, և ոչ ասացին խորհրդոց նորա :

Յանկացան զցանկու թիւնյանապատի,
և փորձեցին զաստուած յանջրդի :

Ետ նոցա զխնդրուածս նոցա, առա-
քեաց զլիու թիւն յանձինս նոցա :

Բարկացուցին զմովսէս ՚ի բանակի, և
զահարօն սուրբ տեառն :

Բացաւ երկիր և եկուլ զգաղան, և
ճածկեաց զբանական զաբիրօնի :

Հուր վառեցաւ ՚ի ժողովս նոցա, և
բոց մաշեաց զմեղաւորս :

Արարին զորթն ՚ի քորեբ, և երկիր-
սլազին սլատկերի, և փոխեցին զփառս
իւրեանց ՚ի նմանու թիւն որթու խո-
տակերի :

Մոռացան զաստուած կենարարն իւր-
եանց, որ արար զմեծամեծս իւր յե-
զիպտոս, և զսքանչեւիս իւր յերկիր
բամայ, եւ զահ իւր ՚ի վերայ կարմիր
ծովուն :

Ասաց սատակել զնոսա, եթէ ոչ մով
սէս ընտրեալն կայր առաջի նոցա :
Գարձաւ առ տէր՝ և անցոյց զբար-
կու թիւն նորա, զի մի սատակեսցին
նոքա :

Անարդեցին զերկիրն ցանկալի, և ոչ
հաւատացին բանի նորա :

Տրանջեցին ՚ի բանակս իւրեանց, եւ
ոչ լուան ձայնի տեառն :

Համբարձ զձեռն իւր ՚ի վերայ նոցա,
հարկանել զնոսա յանապատի :

Յրուեսցի զաւակ նոցա ընդ հեթա-
նոսս, ցրուեսցի զաւակ նոցա ընդ
գաւառս :

Պղծեցան նոքա ՚ի փելփեքովը, զի կե-
րին զզոհեալ և զմեռելոտի :

Բարկացուցին զնա ՚ի գործս իւրեանց,
և յաճախեաց ՚ի վերայ նոցա բեկումն :

Ապա եկաց ՚ի մէջ փե՛նեհես, քաւ-
եաց և արդելաւ մահ. համարեցաւ
նմա յարդարութիւն ազգէ յազգ
մինչեւ յաւիտեան :

Բարկացուցին զնա ՚ի վերայ ջուրցն
հակառակութեան, չարչարեցաւ մով-

սէս վասն նոցա , զի դառնացուցին
զողի նորա :

Հրամայեաց շրթամբք իւրովք , եւ
ոչ սատակեցին զազգսն՝ զոր ասաց
նոցա տէր :

Խառնակեցան ընդ հեթանոսս , եւ
ուսան զգործս նոցա , ծառայեցին կը-
ռոց նոցա , և եղեւ նոցա ՚ի դայթակ-
զու թիւն :

Զոհեցին զուստերս և զգստերս իւր-
եանց դիւաց և հեղին զարիւն անբիծ :

Արիւն ուստերաց և գստերաց իւր-
եանց՝ զոր զոհեցին կռոցն քանանու :

Շաղախեցաւ երկիր յարենէ նոցա ,
և պղծեցաւ ՚ի գործոց նոցա , զի պոռ-
նրկեցան ՚ի դնացս իւրեանց :

Բարկացաւ սրտմտու թեամբ տէր ՚ի
վերայ ժողովրդեան իւրոյ , և գար-
չեցոյց զժառանգու թիւն իւր յոյժ :

Մատնեաց զնոսս ՚ի ձեռս հեթանո-
սաց , տիրեցին նոցա ատելիք իւր-
եանց , և թշնամիք իւրեանց նեղե-
ցին զնոսս , և խոնարհ եղեն ՚ի ներ-
քոյ ձեռաց նոցա :

Քաղուժ անգամ փրկեաց զնոսա, եւ
նորա դառնացուցին զնա՝ ի խորհուրդս
իւրեանց, եւ կորացան յանօրէնու
թեան իւրեանց :

Հայեցաւ տէր ՚ի նեղութիւնս նոցա,
ի լսել ձայնի աղօթից նոցա :

Յիշեաց զուխտ իւր, և զղջացաւ ըստ
բազում ողորմութեան իւրում, և ետ
զնոսա ՚ի գթութիւնս առաջի ամե-
նայն գերչաց նոցա :

Փրկեա զմեզ տէր աստուած մեր, և
ժողովեա զմեզ ՚ի հեթանոսաց :

Խոստովան եղիցուք անուան քում
սրբոյ, և պարծեսցուք յօրհնութիւ-
նրս քո :

Օրհնեալ տէր աստուած իսրայելի,
յաւիտեանս յաւիտենից :

Եւ ասացէ ամենայն ժողովուրդն,
եղիցի եղիցի :

Տունք խգ :

Կանոնս Գորղայս է : Սաղմոս ժէ : Տունք յժդ :



ԱՂՕԹՔԵԶԵԿԻԱՅԻ ԱՐՔԱՅԻ ՀՐԷԱՍՏԱՆԻ, Ի ԺԱՄԱՆԱԿԻ
ՅՈՐՈՒՄ ՀԻՒԱՆԳԱՅԱԻ, ԵՒ ՅԱՐԵԱԻ
Ի ՀԻՒԱՆԳՈՒԹԵՆՆԷ ԻՒՐՄԷ :

Եսայեայ ԼԷ :

Ես ասացի 'ի վերանալ յինէն աւուրց
խոց, թէ գնացի ես 'ի դրուես դժու
խոց :

Թողի զամենայն յետին իմ, եւ ասա
ցի՝ թէ այլ ոչ եւս տեսից զփրկու թիւն
տեառն յերկրին կենդանեաց, եւ ոչ
եւս տեսից զմարդ բնակչօք իւրովք
հանդերձ :

Պակասեցայ ես յազգատոհմէ իմմէ .
այսուհետեւ թողի լքի զամենայն
զկեանս իմ :

Եւ գնաց՝ մեկնեցաւ յինէն հողի իմ
որպէս զայն որ քակէ զտաղաւար, եւ
եղէ ես որպէս զոտայն սատարաց
մերձ 'ի հատանիլ :

Յաւուր յայնմիկ մատնեցայ ես յա
ռաւօտէ որպէս 'ի ձեռս առիւծու .
այնպէս խորտակեաց մանրեաց զոս :

կերս իմ, զի յառաւօտէ մինչ 'ի գիշեր մատնեցայ :

Որպէս ծիծառն՝ այնպէս ճչեցի . որպէս զաղաւնի՝ այնպէս մնջեցի, զինուաղեցան աչք իմ 'ի տեսաներոյ : Հայեցայ 'ի բարձունս առ տէր աստուած իմ՝ որ փրկեաց զիս, և փարատեցոյց յինէն զցաւս անձին իմոյ :

Տէր՝ վասն այսորիկ պատմեցաւ քեզ, զարթուցեր զանձն իմ, դարձուցեր զհոգի իմ, մխիթարեցայ և կեցի :

Ահա 'ի խաղաղութիւն դարձաւ դառնութիւն իմ, փրկեցեր զանձն իմ, զի մի կորեայց, և ընկեցեր յետոյ զամենայն զմեզս իմ :

Զի ոչ թէ որք 'ի դժոխս են՝ խոստովան առնին առ քեզ, և ոչ մեռեալք օրհնեսցեն զքեզ, և ոչ յուսասցին 'ի ճշմարտութիւնս քո ամենեքեան, ոյք իջանեն 'ի դժոխս :

Այլ կենդանիքս օրհնեսցուք զքեզ տէր, որպէս և եսս այսուհետև մանկունս ծնայց՝ որ պատմեսցեն զարդարութիւնս քո՝ տէր փրկութեան իմոյ :



Եւ 'ի բրովբէս Է. բռնաւ, սլացաւ նա
'ի բէս հողմոց :

Սաղմոս Ժ.Է.



ՍԱՂՄՈՍ ԺԶ:

Ալեխիա :

ԽՈՍՏՈՎԱՆ եղերուք տեառն զի
քաղցր է, զի յաւիտեան է ողոր-
մութիւնն նորա :

Ասասցեն փրկեալք տեառն, զորս
փրկեաց 'ի ձեռաց թշնամւոյն :

Յամենայն գաւառաց ժողովեաց զնո-
սա, յարեւելից եւ յարեւմտից, 'ի
հիւսիսոյ եւ 'ի ծովէ :

Մոլորեցան նորա յանասպատի յան-
ջըրդի ճանասպարհի, եւ քաղաք բնա-
կութեան ոչ գտին :

Քաղցեան եւ ծարաւեցան, եւ անձինք
նոցա 'ի նոսին նուաղեցան :

Ազաղակեցին առ տէր 'ի նեղութեան
իւրեանց՝ եւ 'ի վշտաց նոցա փրկեաց
զնոսա :

Առաջնորդեաց նոցա 'ի ճանասպարհ

ուղիղ, զի երթիցեն ՚ի քաղաք բնակու թեան իւրեանց :

Խոստովան եղիցին տեսուն ողորմու թեանց նորա, եւ սքանչելեաց նորա որդիք մարդկան :

Զի յազեցոյց զանձինս քաղցեալս, և զանձինս կարօտեալս լի արար բարու թեամբ :

Ոյք նատէին ՚ի խաւարի և ՚ի ստուերս մահու, կապեալ էին յազքատու թեան որպէս յերկաթս :

Զի դառնացուցին զբանն աստուծոյ, եւ զխորհուրդս բարձրելոյն բարկացուցին :

Խոնարհ եղեն ՚ի ցաւոց սիրտք նոցա, տկարացան եւ ոչ որ էր՝ որ օգներ նոցա :

Աղաղակեցին առ տէր ՚ի նեղու թեան իւրեանց՝ ՚ի վշտաց նոցա եհան զնոսա :

Փրկեաց զնոսա ՚ի խաւարէ և ՚ի ստուերաց մահու և խղեաց զկապանս նոցա :

Խոստովան եղիցին տեսուն ողորմու թեանց նորա, և սքանչելեաց նորա որդիք մարդկան :

Զի փշրեաց զգրունս պղնձիս , և ըզնիգս երկաթիս խորտակեաց :

Օգնեաց նոցա ՚ի ճանապարհի անօրէնութեան իւրեանց՝ զի վասն մեղաց իւրեանց խոնարհ եղեն յոյժ :
Յամենայն կերակրոց դարչէին սիրտք նոցա . մերձեցան մինչեւ ՚ի գրունս մահու :

Ազազակեցին առ տէր ՚ի նեղութեան իւրեանց , ՚ի վշտաց նոցա ասլրեցոյց զնոսա :

Առաքեաց զբան իւր եւ բժշկեաց զնոսա , եւ փրկեաց զնոսա յապականութենէ իւրեանց :

Խոստովան եղիցին տեառն ողորմութեանց նորա , և սքանչելեաց նորա որդիք մարդկան :

Մատուցեն նմա պատարադ օրհնութեան , եւ պատմեցեն զգործս նորա ցնծութեամբ :

Ոյք իջանէին ՚ի ծովնաւուք , և առնէին զգործս ՚ի ջուրս բազումս :

Նորա տեսին զգործս տեառն և զսքանչելիս նորա ՚ի խորս անդնդոց :

Ասաց՝ և հարեաւ հողմ և մրրիկ, և բարձրացան ալիք նորա :

Ելանէին յերկինս և իջանէին յանդունդս, և անձինք նոցա յանձինս իւրեանց մաշեցան :

Խռովեցան սասանեցան որպէս արբեալք, և ամենայն իմաստութիւն նոցա ընկլաւ :

Աղաղակեցին առ տէր ՚ի նեղութեան իւրեանց ՚ի վշտաց նոցա կեցոյց զնոսա : Գարձոյց զմրրիկն յօդս՝ և դադարեցան ալիք նորա . ուրախ եղեն զի դադարեցան, և առաջնորդեաց նոցա ՚ի նաւահանգիստ կամաց իւրեանց :

Խոստովան եղիցին տեառն ողորմութեանց նորա, և սքանչելեաց նորա որդիք մարդկան :

Բարձր արասցեն զնա ՚ի ժողովս ժողովրդոց, և յաղօթս ծերոց օրհնեցեն զնա :

Զի դարձոյց զգետն ՚ի ցամաք և զգընացս ջուրց յերկիր ծարաւուտ :

Աբար զերկիրն պտղաբեր յաղտաղտուկս, վասն չարութեան բնակչաց

Նոցա :

Արար զանապատն՝ի ճահիճս ջուրց, և
 զերկիրն ծարաւուտ ՚ի գնացս ջուրց :
 Բնակեցոյց ՚ի նմա քաղցեալս, և և շի-
 նեցին քաղաք բնակութեան իւրեանց :
 Վարեցին արտս և տնկեցին այգիս, և
 արարին պտուղ արմտեաց իւրեանց :
 Օրհնեաց զնոսա՝ և բազմացան յոյժ,
 և անասունք նոցա ոչ նուազեցաւ :
 Նուազեցան նոքա և չարչարեցան, ՚ի
 նեղութենէ չարեաց և ՚ի վշտաց :
 Եկն անարգութիւն ՚ի վերայ իշխա-
 նաց նոցա . մոլորեցոյց զնոսա յանա-
 պատի և ոչ ՚ի ճանապարհի :

Օգնեաց տնանկին յաղքատութեան,
 և առաջնորդեաց որպէս խաչին ազ-
 գի նոցա :

Տեսցեն ուղիդք և ուրախ եղիցին, և
 ամենայն անօրէն իցցէ զբերան իւր :
 Ո՞վ է իմաստուն՝ որ պահիցէ զայս, և
 ՚ի միտ առցէ զողորմութիւնս տեառն :

Տունք իւր :



ՍԱՂՄՈՍ ՃԷ.

Օրհնութիւն Սաղմոսաց Գաւրի :

Պատրաստ է սիրտ իմ աստուած,
 պատրաստ է սիրտ իմ օրհնել եւ
 սաղմոս ասելքեզ փառօք իմովք :
 Զարթիք փառք իմ, զարթիք սաղմոս
 սիւք եւ օրհնու թեամբ, եւ ես զար
 թեայց առաւօտուց :

Խոստովան եղէցքեզ 'ի ժողովուրդս
 տէր, եւ սաղմոս ասացիցքեզ յազինս :
 Մեծ եղեւ մինչև յերկինս ոգորմու
 թիւնքո, մինչև յամպս ճշմարտու
 թիւնքո :

Բարձրեալ ես դու յերկինս աստուած
 եւ յամենայն երկրի են փառքքո :
 Որպէս փրկեցան սիրելիքքո, կեցո
 աջովքով եւ լուր մեզ :

Աստուած խօսեցաւ 'ի սրբու թենե
 իւրմէ, բարձր եղէց՝ բաժանեցից ըզ
 սիւքէմ, եւ զհովիտն յարկաց չափեցից :
 Իմ է դաղայադ եւ իմ է մանասէ,
 եփրեմ հզօրիչ գլխոյ իմոյ :

Յուզա թագաւոր իմ, մովաբ աւա-
զան յուսոյ իմոյ :

Յեգովմէ ուղղեցից զգնացս իմ, եւ
ինձ այլազգիք հնազանդ եղէն :

Ո՞տարցէ զիս ՚ի քաղաք ամուր, կամ
ո՞ առաջնորդեսցէ ինձ մինչեւ յե-
գովմէ :

Եթէ ոչ գու աստուած, որ մերժե-
ցեր զմեզ, և ոչ ելեր աստուած ընդ
զօրս մեր :

Տուր մեզ օգնու թիւն ՚ինեղու թեան,
զի սուտ է փրկու թիւն մարդոյ :

Աստուծով արասցուք զօրու թիւն, և
նա յամօթ արասցէ զթշնամիս մեր :

Տունք ժգ :

ՍԱՂՄՈՍ ձԸ.

Ի կատարած. Սաղմոս Գարի :

Աստուած օրհնու թեան իմոյ մի լը-
ռեր, զի բերան մեզաւորի՝ բերան
նենդաւորի բացաւ ՚ի վերայ իմ :

Խօսեցան զիննէն լեզուաւ նենդաւո-
րաւ, և բանիւ ատելլու թեան պաշա-

ընդին զիս :

Մարտեան ընդ իս 'ի տարապարտուց,
փոխանակ սիրոյ խմոյ մասնեին զիս ,
այլ ես յաղօթս կայի :

Հատուցին ինձ չար փոխանակ ընդ
բարւոյ , ատելութիւն փոխանակ
սիրոյ խմոյ :

Կացո 'ի վերայ նորա մեղաւոր , սա-
տանայ կացցէ ընդ աջմէ նորա :

Ի դատաստանէ իւրմէ ելցէ դատա-
պարտեալ , և աղօթք նորա 'ի մեղս
դարձցին :

Եղիցին աւուրք նորանուազ , և զայ-
ցելութիւն նորա զայն այլ տարցէ :

Եղիցին որդիք նորա որք , և կինն նո-
րա այրի . սահեսցին փոփոխեսցին .
որդիդ նորա մուրողք եղիցին և ել-
ցեն 'ի բնակութենէ իւրեանց :

Քննեսցէ փոխատու զամենայն ինչս
նորա , և յափշտակեսցեն օտարք ըզ-
վաստակս նորա :

Մի՛ գացի օգնական նմա , և մի՛ ոք ո-
ղորմեսցի 'ի վերայ որբոց նորա :

Եղիցին որդիք նորա 'ի սատակումն , և

յազգէ ջնջեացի անուն նորա :
Յիշեացին մեզք հօր նորա առաջի
տեառն , և մեզք մօր նորա մի ջըն-
ջեացին , և եղիցի առաջի տեառն
յամենայն ժամ :

Սատակեացի յերկրէ յիշատակ նորա ,
փոխանակ զի ոչ յիշեաց առնել զո-
ղորմութիւն :

Հալածեաց զայր աղքատ և զտնանկ ,
սպանանել զայն՝ որ խոնարհ է սրտիւ :

Սիրեաց զանէծս՝ եւ ելցէ նմա . ոչ
կամեցաւ զօրհնութիւն , հեռի ե-
ղիցի ՚ի նմանէ :

Չդեցաւ զանէծս որպէս հանդերձ .
մտցէ որպէս ջուր ՚ի փոր նորա , և
որպէս ձէթ ընդ ոսկերս նորա :

Եղիցի նմա որպէս հանդերձ՝ զի ա-
զանի , որպէս դօտի՝ որ ածի հանա-
պազ ընդ մէջ :

Այս գործ է այնոցիկ՝ ոյք չարախօս
կային զինէն առ տէր , և ոյք խօսե-
ին չար զանձնէ իմմէ :

Այլ դու տէր տէր՝ արա ընդ իս ըստ
անուան քոււմ , զի քաղցր է ողորմու-

Թիւն քո , և փրկեա զիս , զի աղքատ
և տնանկ եմ ես :

Սիրտ իմ խռովեցաւ 'ի փորի խնում,
և ես որպէս ստուեր 'ի խուսափել
խնում պակասեցայ , եւ Թօթափե-
ցայ որպէս մարախ :

Ծունկք իմ տկարացան 'ի պահոց , և
մարմին իմ այլազունեցաւ յիւղոյ :
Եղէ ես նախատ նոցա . տեսին զիս՝
և շարժեցին զգլուխս իւրեանց :

Պղնեա ինձ տէր աստուած իմ , եւ
փրկեա զիս ըստ ողորմութեան քում :
Յանկցեն զի ձեռն քո այս է , և դու
տէր արարեր զայս :

Նոքա անիծանեն և դու օրհնես
ցես . ոյք յարուցեալ են 'ի վերայ իմ
զամօթ կրեսցեն . այլ ծառայքո ու-
րախ եղիցի 'ի քեզ :

Զգեցցին զամօթ՝ ոյք չարախօս կային
զանձնէ իմմէ . և արկցեն որպէս կրկ-
նոց զամօթ իւրեանց զիւրեամբք :

Այլ ես խոստովան եղէց առ տէր
յոյժ բերանով իմով , և 'ի մէջ բազ-
մաց օրհնեցից զքեզ :

Ձի եկաց նա ընդ աջմէ տնանկիս ,
 փրկել զիս յայնցանէ՝ ոյք հալածեն
 զանձն իմ :

Տուեսք իբ :

ՍԱՂՄՈՍ ձԹ.

Ի կատարած . Սաղմսս Գարի :

Ասաց տէր ցտէր իմ, նիստ ընդ աջ
 մէ իմմէ, մինչեւ եդից զթշնամիս քո
 սպառուանդան ոտից քոց :

Գաւազան զօրութեան առաքեսցէ
 քեզ տէր ՚ի սիօնէ, եւ տիրեսցես զու
 ՚ի մէջ թշնամեաց քոց :

Ընդ քեզ էսկիզբն աւուր զօրութեան.
 ՚ի վայելչու թիւնսրբոց քոց յարգանդէ
 յառաջ քան զարուսեակ ծնայ զքեզ :
 Արդուաւ տէր ե ոչ եւս զղջացի թէ
 դու ես քահանայ յաւիտեան ըստ
 կարգին մել բիսեդեկի, եւ տէր ընդ
 աջմէ քումմէ :

Խորտակեսցէ յաւուր բարկութեան
 զթագաւորս, դատէ զհեթանոսս, եւ
 բազում առնէ զհարուածս, եւ խոր-

տակեացէ՛ զգլուխս բազմաց յերկրի :
 Զուղխս 'ի ճանապարհի արբուսցէ .
 վասն այսորիկ եւ բարձր արասցէ ըզ
 գլուխս :

Տունք զ Գորղայս խը :

ՍԱՂՄՈՍ ձԺ .

Ալեխախ :

Խոստովան եղէց բեզ տէր բողոքով
 սրտիւ խմով, 'ի խորհուրդս ուղղոց 'ի
 ժողովուրդս մեծ են գործք տեառն,
 և բննեալ յամենայնի կամք նորա :
 Խոստովանութիւն և վայելչութիւն
 են գործք նորա, արդարութիւն նորա
 մնայ յաւիտեանս յաւիտենից :

Յիշատակ արար սքանչելեաց իւրոց
 ուղղոց, ողորմած գթած է տէր, կե
 րակուր տայ երկիւղածաց իւրոց :

Յիշեաց յաւիտենից զուխտ իւր, ըզ
 զօրութիւն գործոց իւրոց պատուիր
 եաց ժողովրդեան իւրում :

Տալ նոցա զժառանգութիւն հեթա
 նոսաց, և գործք ձեռաց նորա արդա

բու թիւն և իբրաւ ունք են :

Հաւատարիմ են յամենայնի պատու իրանք նորա. հաստատեալ են յաւիտեանս յաւիտենից. արարեալ են ճշմարտութեամբ և ուղղութեամբ : Փրկու թիւն առաքեաց տէր ժողովրդեան իւրում. պատու իրեաց յաւիտենից զուխտ իւր. սուրբ և ահեղ է անուն նորա :

Սկիզբն զգ օնութեան երկիւղ տեառն իմաստութիւն բարի ամենեցուն՝ ոյք առնեն զնա, եւ օրհնութիւն նորա մնայ յաւիտեանս յաւիտենից :

Տունք Ը՛ :



ՍԱՂՄՈՍ ՃԺԱ.

Ալեյուիա . ՚ի վերայ ապաշխարութեան Անգեայ եւ Ջարարեայ :

Երանեալ է այր՝ որ երկնչի՛ ՚ի տեառնէ. զպատու իրանս նորա նա կամի յոյժ : Հզօր եղիցի յերկրի զաւակ նորա, և ազգ ուղղոց օրհնեսցի : Փառք եւ մեծութիւն են ՚ի տան նո

բա. արդարու թիւն նորա մնայ յա-
ւիտեանս յաւիտենից :

Յագեաց ՚ի խաւարի լոյս ուղղոց, ու
զորմած գթած եւ արդար է տէր :
Քաղցր այր ոգորմի և տայ փոխ, յօ-
րինէ զբան իւր ՚ի դատաստանի, զի
յաւիտեան նա մի սասանեացի :

Յիշատակ յաւիտենից եղիցի արդարն
՚ի համբաւէ չարէ նա մի երկիցէ :
Պատրաստ է սիրտ նորա յուսալ առ
աստուած :

Հաստատեալ է սիրտ նորա, և նա մի
երկիցէ՝ մինչև տեսցէ ՚ի թշնամիս իւր :
Սփռեաց՝ եւ ետ ազքատաց, արդա-
րու թիւն նորա մնայ յաւիտեանս յա-
ւիտենից, եւ եղջիւր նորա բարձր
եղիցի փառօք :

Մեղաւորն տեսցէ և բարկացի, զա-
տամուկս իւր կրճտեսցէ և հալեացի,
և ցանկու թիւն մեղաւորաց կորիցէ :

Տունք ժ :



ՍԱՂՄՈՍ ՃԺԲ.

Ալեյուիա :

Օրհնեցէք մանկուէք զտէր , և օրհնեցէք զանուէն տեառն :

Եղիցի անուէն տեառն օրհնեալ , յայտրմ հետէ մինչեւ յաւիտեան :

Յարեւելից մինչեւ ՚ի մուտս արեւու , օրհնեալ է անուէն տեառն :

Բարձր է ՚ի վերայ ամենայն ազգաց տէր , և յերկինս ե՛ն փառք նորա :

Ո՞վ է որպէս տէր աստուած մեր ՚ի բարձուէս բնակեալ , և զխոնարհս տեսանէ յերկինս և յերկրի :

Յարուցանէ զազբատս յերկրէ , և բարձր առնէ զտառապեալս յաղբեւաց :

Նստուցանէ զնոսա իշխանս ընդ իշխանս ժողովրդեան իւրոյ :

Բնակեցուցանէ զամուլն ՚ի տան ուրախամիտ որպէս մայր որդւովք բերկրեալ :

Տունք ք.

Ս Ա Ղ Մ Ո Ս ձ Ժ Գ .

Ալեյուխա :

Յեւանեղն խորայելի յեգիպտոսէ •
տանն յակովբայ 'ի ժողովրդենէ այլ
լազգեաց :

Եղեւ հրէաստան սրբութիւն նորա,
և խորայել իշխանութիւն նորա :

Ծով ետես և փախեաւ , և յորդա
նան անդրէն դարձաւ :

Լերինք ցնծացեն որպէս խոյք , և
բլուրք որպէս գառինք մաքեաց :

Զի՞ է քեզ ծով , զո՞ տեսեր և փա
խեար . կամ դու յորդանան՝ զի՞ դար
ձար անդրէն :

Լերինք՝ ցնծացէք որպէս խոյք , եւ
բլուրք որպէս գառինք մաքեաց :

Յերեսաց տեառն սասանեցաւ եր
կիր , յերեսաց աստուծոյ յակովբայ :

Ո դարձոյց զվէմն 'ի վտակս ջուրց , և
զապառաժն յաղբերակունս :

Մի՞ մեզ տէր՝ մի՞ մեզ , այլ անուան
քում տուր զփառս վասն ողորմու

Թեան և ճշմարտութեան քոյ :

Մի երբէք ասացեն ՚ի հեթանոսս .
Թէ ո՛ւր է աստուած նոցա :

Աստուած մեր յերկինս և յերկրի ,
զամենայն զոր ինչ կամեցաւ և արար :
Կուռք հեթանոսաց ոսկի և արծաթ
են , ձեռագործ են որդւոց մարդկան :
Բերան ունին , և ոչ խօսին , աչս ու
նին , և ոչ տեսանեն :

Ականջս ունին , և ոչ լսեն , ունչս ու
նին , և ոչ հոտոտեն :

Չեռս ունին , և ոչ շօշափեն , ոտս
ունին , և ոչ գնան , և ոչ գոյ բար
բառ ՚ի կոկորդս նոցա :

Նման նոցա եղիցին՝ ոյք արարին ըզ
նոսա , ամենբեւան ոյք յուսացեալ
են ՚ի նոսա :

Տուեն իսրայէլի յուսացաւ ՚ի տէր ,
օգնական և ընկերող է նոցա :

Տուեն ահարօնի յուսացաւ ՚ի տէր ,
օգնական և ընկերող է նոցա :

Երկիւղածք տեսուն յուսացան ՚ի
տէր՝ օգնական և փրկիչ է նոցա :

Յիշեաց զմեզ տէր և օրհնեաց զմեզ .

օրհնեաց տէր զտուռնն խորայելի, օրհնեաց տէր զտուռնն ահարօնի :

Օրհնեաց տէր զերկիր զաճս իւր, ըզփոքրկուռնս և զմեծամեծս :

Յաւելցէ 'ի ձեզ տէր, 'ի ձեզ և յորդիս ձեր :


Օրհնեալ էք դուք 'ի տեառնէ, որ արար զերկիրնս և զերկիր :

Նրկինք երկնից տեառնէն, և զերկիրս ետ որդւոց մարդկան :

Ոչ թէ մեռեալք օրհնեսցեն զքեզ տէր, և ոչ ամենեքեան՝ ոյք իջանեն 'ի դժոխս :

Այլ կենդանիքս օրհնեսցուք զքեզ տէր, յայսմ հետէ մինչև յաւիտեան :

Տունք իզ Գորղայս ծր :



ՍԱՂՄՈՍ ձ ԺԳ.

Այելուիս :

Սիրեցի զի լուսիցէ տէր զձայն աղօթից իմոց, զի խոնարհեցոյց զուռնին իւր առ իս, և ես յաւուրս իմ կարգացի առ նա :

Շրջեցան զինեւ երկունք մահու, և
վիշտք դժոխոց գտին զիս :

Ձնեղու թիւն և զանձկու թիւն գտի,
եւ զանուն տեառն կարգացի :

Ո՛ տէր՝ փրկեա զանձն իմ. ողորմած
աստուած մեր, ողորմի և պահէ զտը-
ղայս տէր :

Ես խոնարհ եղէ՝ եւ տէր կեցոյց զիս .
դարձ անձն իմ ՚ի հանգիստ քո , զի
տէր օգնեաց քեզ :

Փրկեաց զանձն իմ ՚ի մահուանէ, զաչս
իմ յարտասուաց եւ զոտս իմ ՚ի դայ-
թակղու թենէ . հաճոյ եղէց առաջի
տեառն յերկրին կենդանեաց :

Տունք զ :



ՍԱՂՄՈՍ ձԺԵ.

Ալեյուիս :

Հաւատացի զոր և խօսեցայ, եւ ես
խոնարհ եղէ յոյժ :

Ես ասացի ՚ի զարմանալ իմում, թէ
ամենայն մարդ սուտ է :

Ձի՛նչ տաց տրիտուր տեառն ընդ ա-
մենայնի զոր և ետ ինձ :

Զբաժակ իրկու թեան ընկալայց, եւ
զանուն տեառն կարգացից:

Զաղօթս իմ տեառն տաց, առաջի ա-
մենայն ժողովրդեան նորա:

Պատուական է առաջի տեառն մահ
սրբոց իւրոց. ո՛ տէր, ես ծառայ քո
եմ. ծառայել որդի աղախնոյ քո:
Հատեր զկասպանս իմ, քեզ մատուցից
պատարագ օրհնութեան, եւ զանուն
տեառն կարգացից:

Զաղօթս իմ տեառն տաց առաջի ա-
մենայն ժողովրդեան նորա, ՚ի դա-
ւիթս տան տեառն, և ՚ի մէջքո ե-
րուսագէմ:

Տունք ք:

ՍԱՂՄՈՍ ձԺԶ.

Ալեյուիս:

Օրհնեցէք զտէր ամենայն ազինք, գո-
վեցէք զնա ամենայն ժողովուրդք:

Զօրասցի ողորմութիւն նորա ՚ի վերայ
մեր, և ճշմարտութիւն տեառն մը-
նասցէ յաւիտեան:

ՍԱՂՄՈՍ ձԺԷ



Ալեյուիա :

Խոստովան եղերուք տեառն զի բարի է . զի յաւիտեան է ողորմութիւն նորա :

Ասասցէ տունն իօրայելի զի բարի , զի յաւիտեան է ողորմութիւն նորա :

Ասասցէ տունն ահարօնի՝ զի յաւիտեան է ողորմութիւն նորա :

Ասասցեն երկիւղածք տեառն՝ զի յաւիտեան է ողորմութիւն նորա :

Ի նեղութեան իմում ես առ տէր կարգացի , և լուաւ ինձ յանդորր :

Տէր է իմ օգնական , և ես ոչ երկեայց , զի՞ արասցես ինձ մարդ :

Տէր է իմ օգնական , և ես տեսից 'ի թշնամիս իմ :

Բարի է յուսալ 'ի տէր քան յուսալ 'ի մարդիկ . բարի է յուսալ 'ի տէր քան յուսալ յիշխանս :

Ամենայն ազինք շրջեցան զինեւ , եւ անուամբ տեառն յաղթեցի նոցա :

Շրջելով շրջեցան զինեւ , և պաշարե-

ցին զիս ՚ի միասին , եւ անուամբ
տեառն վանեցի զնոսա :

Շուրջ եղեն զինեւ որպէս մեղութ ,
վառեցան բորբոքեցան որպէս փուշք
՚ի հուր , եւ անուամբ տեառն մեր
ժեցի զնոսա :

Ի մերժելն դրդուեցայ , եւ եղէ մերձ
՚ի գլորել , եւ տէր ընկալաւ զիս :

Ջորութիւն իմ եւ օգնութիւն իմ
տէր , եւ եղեւ ինձ ՚ի փրկութիւն :

Չայն ցնծութեան փրկութեան ՚ի
յարկս արդարոց :

Աջ տեառն արար զօրութիւն , աջ
տեառն բարձր արար զիս , եւ աջ
տեառն արար զօրութիւն :

Ոչ մեռայց , այլ կեցից եւ պատմեցից
զգործս տեառն :

Խրատելով խրատեաց զիս տէր , եւ
՚ի մահ ոչ մատնեաց ,

Բացէք ինձ զգրունս արդարութեան ,
զի մտից ընդ այն , եւ խոստովան եւ
ղէց տեառն :

Այս դուռն տեառն է , եւ արդարք
մտանեն ընդ սա :

Խոստովան եղէց քեզ տէր , զի լուար
ինձ , և եղեր ինձ 'ի փրկու թիւն :
Վէմն զոր անարդեցին շինողքն՝ նա
եղեւ գլուխ անկեան :

Ի տեառնէ եղեւ այս , և է սքանչելի
առաջի աչաց մերոց :

Այսօր է զոր արար տէր , եկայք ցրն
ճասցուք և ուրախ եղիցուք 'ի սմա :
Ո՛ տէր , փրկեա , ո՛ տէր , առաջնոր
դեա . օրհնեալ որ գալոցդ էս յանուն
տեառն , և օրհնեցաք զքեզ 'ի տանէ
տեառն :

Տէր աստուած մեր երեւեցաւ մեզ
արարէք տօնս ուրախութեան կան
խաւ մինչեւ յանկիւնս սեղանոց :

Աստուած իմ էս դու՝ և խոստովան
եղէց քեզ . աստուած իմ էս դու՝ և
բարձր արարից զքեզ :

Խոստովան եղէց քեզ տէր , զի լուար
ինձ , և եղեր ինձ 'ի փրկու թիւն :

Խոստովան եղերուք տեառն զի բա
րի է , զի յաւիտեան է ողորմութիւն
նորա :

ՍԱՂՄՈՍ ձԺԸ.

Ալեյուիս :

Երանեալ էն անբիծք 'ի ճանապարհ
հի, և ոյք գնան յօրէնս տեառն :

Երանի ոյք քննեն զվկայու թիւնս
նորա, բոլորով սրտիւ իւրեանց
խնդրեսցեն զնա :

Ոչ թէ ոյք գործեն զանօրէնու
թիւն, 'ի ճանապարհս նորա գնասցեն :
Դու պատուիրեցեր զպատուիրանս
քո 'ի պահել ինձ յոյժ :

Երանի թէ յաջողեալ էին ճանա
պարհք իմ, 'ի պահել ինձ զարդա
րու թիւնս քո :

Յայնժամ ես ոչ ամաչէի 'ի զգուշա
նալ ինձ 'ի պատուիրանս քո :

Խոստովան եղէց քեզ, տէր, յուզ
ղու թիւն սրտի իմոյ, որպէս ուսայց
զիրաւ ունս արդարու թեան քո :

Զիրաւ ունս քո պահեցի, մի թողուր
զիս մինչ իսպառ :

Ի՞նչ ուղղեսցէ երիտասարդ զճանա
պարհս իւր, այլ 'ի պահել զքանս քո :

Բողորով սրտիւ իմով խնդրեցի զքեզ,
 մի մերժեր զիս 'ի պատուիրանաց քոց :
 Ի սրտի իմում թագուցի զբանս քո ,
 որպէս զի մի մեղայց քեզ :

Օրհնեալ ես դու , տէր , ուսո ինձ
 զարդարու թիւնս քո :

Նրթամբք իմովք պատմեցից զամե-
 նայն իրաւունս բերանոյ քո :

Ի ճանապարհս վկայու թեանց քոց
 զուարճացայ , որպէս յամենայն 'ի
 մեծու թեան :

Ի պատուիրանս քո հոգացայ , և ըզ-
 գուշացայ 'ի ճանապարհս քո :

Չիրաւունս քո խօսեցայ , և ոչ մո-
 ռացայ զբանս քո :

Հատո ծառայի քում , զի կեցից եւ
 պահեցից զբանս քո :

Չարթո զաչս իմ , և նայեցայց 'ի ըս-
 քանչելիս օրինաց քոց :

Պանդուխտ եմ ես յերկրի , մի թա-
 գուցաներ յինէն զպատուիրանս քո :

Փափաքեաց անձն իմ 'ի ցանկալ ինձ
 յիրաւունս քո յամենայն ժամ :

Սաստեցեր ամբարտաւանից , անիծ-

Եալ՝ ոյք խոտորեցան 'ի պատու-իրա-
նաց քոց :

Ի բաց արա յինէն զնախատինս եւ
զարհամարհանս , զի զվկայու թիւնս
քո խնդրեցի :

Քանզի նատան իշխանք եւ չարախօ-
սէին զինէն , այլ ծառայ քո խորհէր
յիրաւունս քո :

Ձի վկայու թիւնք քո խօսք իմ էին ,
եւ խորհուրդք իմ արդարու թիւնք քո :

Մերձեցաւ անձն իմ 'ի հող . տէր ,
կեցո զիս ըստ բանի քում :

Ձճանապարհս իմ պատմեցի քեզ , եւ
լուար ինձ . ուսո ինձ զարդարու-
թիւնս քո :

Ի ճանապարհս արդարու թեանց քոց
իմաստուն արա զիս , եւ քննեցից
զսքանչելիս քո :

Տքնեցաւ անձն իմ առ 'ի ձանձրա-
նալ . հաստատեա զիս 'ի բանս քո :

Ձճանապարհս մեղաց 'ի բաց արա
յինէն , եւ յօրէնս քո ողորմեա ինձ :

Ձճանապարհս ճշմարտութեան քո
ընտրեցի , եւ զիրաւունս քո ես ոչ

մոռացայ :

Մերձեցայ ես 'ի վկայութիւնս քո ,
տէր , մի՛ յամօթ առներ զիս :

Ի ճանապարհս պատուիրանաց քոց
ընթացայ , զի անդորր արարեր սրտի
իմոյ :

Օրէնագէտ արա զիս տէր , 'ի ճանա-
պարհս իրաւանց քոց , և խնդրեցից
զնա յամենայն ժամ :

Իմաստուն արա զիս , և քննեցից զօ-
րէնս քո , և պահեցից զնա բոլորով
սրտիւ իմով :

Առաջնորդեա ինձ 'ի շաւիղս պատ-
ուիրանաց քոց , զի ընդ նոսա հա-
ճեցայ :

Խոնարհեցո զսիրտ իմ 'ի վկայու-
թիւնս քո , եւ մի՛ յագահութիւն :

Գարձո զաչս իմ , զի մի՛ տեսից զնան-
բութիւն . 'ի ճանապարհս քո կեցո զիս :
Հաստատեա ծառայի քում զբան քո
յերկիւղ քո :

Հան յինէն զնախատինս զոր և կար-
ծեցի . զի դատաստանք քո քաղցր են :
Ահա ցանկացայ պատուիրանաց քոց .

յարդարու թեան քու մ կեցո զիս :

ԱՂՕԹՔ ՀԱՍԱՐԱԿԱՅ

Եկեացէ ՚ի վեայ իմ ողորմու թիւն քո
տէր , և փրկու թիւն քո ըստ բանի
քում :

Տաց պատասխանի ոյք նախատեն զիս
բանիւք , զի ես ՚ի բանս քո յուսացայ :
Մի ՚ի բացեայ առներ ՚ի բերանոյ իմ
մէ զբան ճշմարտու թեան մինչեւ
յոյժ , զի յիրաւունս քո յուսացայ :
Պահեցի զօրէնս քո յամենայն ժամ ,
յաւիտեան և յաւիտեանս յաւիտե
նից :

Գնայի ես յանդորրու , զի պատուի
րանս քո խնդրեցի :

Խօսէի զվկայու թիւնս քո առաջի
թագաւորաց , եւ ոչ ամաչէի :

Խորհէի ՚ի պատուիրանս քո զոր սի
րեցի :

Համբարձի զձեռս իմ ՚ի պատուիրանս
քո զոր սիրեցի , եւ խորհէի յարդա
րու թեան քում :

Յիշեա զբան ծառայի քո , յոր և յու
սացուցեր զիս :

Սա մխիթարեացէ զիս 'ի խոնարհու-
թեան խմում, զի բանքս կեցոյց զիս:
Ամբարտաւանք անիրաւեցան յիս
յոյժ, այլ յօրինաց քոց ես ոչ խո-
տորեցայ:

Յիշեցի զիրաւունս քո յաւիտենից
տէր, եւ մխիթարեցայ:

Տրտմութիւն կալաւ զիս 'ի մեղաւո-
րաց, եւ ոյք թողին զօրէնս քո:

Գովելի են ինձ իրաւունքքս 'ի տեղ-
ւոջ պանդխտութեան խմոյ:

Յիշեցի 'ի գիշերի զանուն քո տէր, և
պահեցի զօրէնս քո:

Սա եղեւ ինձ ճանապարհ 'ի կեանս
զի զարդարութիւնս քո խնդրեցի:

Տունք ծղ:



Ալեյուիս:

Բաժին իմ ես դու տէր, ասացի պա-
հել ինձ զօրէնս քո:

Աղաչեցի զերեսս քո բոլորով սրտիւ
խմով. ողորմեա ինձ ըստ բանի քում:
Խորհեցայ 'ի ճանապարհս իմ, և դար-

ձուցի զոտս իմ 'ի վկայութիւնս քո :
Պատրաստեցայ եւ ոչ խռովեցայ, զի
պահեցի զպատուիրանս քո :

Տոռունք մեղաց պատեցան զինեւ ,
այլ զօրէնս քո ես ոչ մոռացայ :

Ի մէջ գիշերի յառնէի խոստովան լինել
առ քեզ, վասն իրաւանց եւ արդարութեան քո :

Հաղորդ էի ես ամենայն երկիւղածաց
քոց, որոց պահեալ էին զպատուիրանս քո :

Ողորմութեամբ տեսնելի եղեւ երկիր,
զարդարութիւնս քո ուսո ինձ :
Քաղցրութիւն արարեր ընդ ծառայի
քում տէր ըստ բանի քում :

Զքաղցրութիւն, զխրատ և զգիտութիւն
ուսո ինձ, զի 'ի պատուիրանս քո ես
հաւատացի :

Մինչեւ խոնարհեալ էի ես՝ մեղայ
վասն այսորիկ զբանս քո պահեցի յոյժ :
Քաղցր ես դու տէր, եւ քաղցրութեամբ
քով ուսո ինձ զարդարութիւնս քո :

Բազմացան յիս անիրաւութիւնք ամ

բարտաւանից, այլ ես բոլորովսրտիւ
 իմովքննեցի զպատուիրանս քո:

Մածան որպէս կաթն սիրտք նոցա,
 այլ ես զօրէնս քո խօսեցայ:

Բարի է ինձ զի խոնարհ արարեր զիս,
 որպէս ուսայց զարդարուծիւնս քո:

Բարի են ինձ օրէնք բերանոյ քո, քան
 զհազարս ոսկւոյ եւ արծաթոյ:

Չեռք քո արարին եւ ստեղծին զիս,
 իմաստունն արա զիս, եւ ուսայց զպա-
 տուիրանս քո:

Երկիւղածք քո տեսցեն զիս եւ ուրախ
 եղիցին, զի ես ՚ի բանս քո յուսացայ:

Մանեայ տէր զի արդարուծեամբ են
 դատաստանք քո, յիրաւի խոնարհե-
 ցուցեր զիս:

Եղիցի ողորմուծիւն քո ՚ի մխիթարել
 զիս, ըստ բանի քում զճառայս քո:

Եկեսցեն յիս զթուծիւնք քո՝ եւ կե-
 ցից, զի օրէնք քո խօսք իմ էին:

Ամաչեսցեն ամբարտաւանք՝ որք ՚ի
 տարապարտուց անիրաւեցան յիս.

այլ ես հոգացայ ՚ի պատուիրանս քո:
 Խրատեսցեն զիս երկիւղածք քո, եւ

- ոյք ճանաչեն զվկայու թիւնս քո :
 Եղիցի սիրտ իմ անբիծ յարդարու
 թեան քում, զի մի ամաչեցից :
 Կարօտացաւ անձն իմ ՚ի վրկու թիւնս
 քո, զի ես ՚ի բանս քոյուսացայ :
 Սպասեցին աչք իմ բանի քում, ա-
 սացի՝ Էրբ մխիթարեսցէ զիս :
 Եղէ ես որպէս տիկ ՚ի պարզի, զի զար-
 դարու թիւնս քո ես ոչ մոռացայ :
 Քանի՞ ինչ են աւուրք ծառայի քո ,
 Էրբ արասցես ինձ իրաւունս ՚ի հա-
 լածչաց իմոց :
 Պատմեցին ինձ անօրէնք զխորհուրդս
 այլ ոչ որպէս զօրէնս քո :
 Ամենայն պատուիրանք քո ճշմարիտ
 են. ՚ինանիր հալածեցին զիս, օգնեա
 ինձ :
 Փոքր մի ևս և կորուսանէին զիս
 յերկրի, այլ ես ոչ թողի զպատուի-
 րանս քո :
 Ըստ ողորմու թեան քում կեցո զիս,
 և պահեցից զվկայու թիւնս բերանոյ
 քոյ :
 Յաւիտեան տէր բան քո կայ յեր-

կինս , ազգէ մինչեւ յազգէ ճշմարտու թիւնս քո :

Հաստատեցեր զերկիր՝ կայ եւ մնայ :
Հրամանի քում մնայ տիւ , զի ամենեքեան ծառայք քո են :

Եթէ ոչ օրէնք քո խօսք իմ էին , կանխաւ եւս արդեօք կորուսեալ էի 'ի խոնարհութեան իմում :

Յաւիտեան ոչ մոռացայց զարդարութիւնս քո , զի նոքօք կեցուցեր զիս :
Քո եմ ես եւ կեցո զիս , զի զարդարութիւնս քո խնդրեցի :

Ինձ սպասեցին մեղաւորք 'ի կորուսանել , զի զվկայութիւնս քո ես 'ի միտառի :

Յամենայն կատարածի տեսի զվախճան . յոյժ անդորր էին ինձ պատուիրանք քո :

Որպէս սիրեցի զօրէնս քո , զօրհանապաղ խօսք իմ էին :

Քան զթշնամիս իմ իմաստունն արբեր զիս 'ի պատուիրանս քո , զի յաւիտեան իմ էին :

Քան զամենայն ուսուցիչս իմ իմաս-

տուէն եղէ, զի վկայու թիւնք քո խօսք
իմ էին :

Քան զժերս իմաստուն եղէ, զի ըզ-
պատուիրանս քո քննեցի :

Յամենայն ճանապարհաց չարաց ար-
գելի զոտս իմ, որպէս զի պահեցից
զբանս քո :

Յիրաւանց քոց ես ոչ խոտորեցայ,
զի դու օրէնսդէտ արարեր զիս :

Որպէս զի քաղցր են 'ի քիմս իմ բանք
քո՝ քան զմեզր բերանոյ իմոյ :

Ի պատուիրանաց քոց իմաց ետ. ատե-
ցի զամենայն ճանապարհս չարաց,
զի դու օրէնսդէտ արարեր զիս :

Ճրագ են բանք քո ոտից իմոց, եւ
լոյս տան շաւղաց իմոց :

Երգուայ և հաստատեցի, զի պահե-
ցից զամենայն իրաւունս արդարու-
թեան քոյ :

Խոնարհ եղէ մինչեւ յոյժ, տէր կե-
ցո զիս ըստ բանի քում :

Ընդ կամս բերանոյ իմոյ հաճեա տէր,
և զիրաւունս քո ուսո ինձ :

Անձն իմ 'ի ձեռս քո է յամենայն

Ժամ, և զօրէնս քո ես ոչ մոռացայ :
 Եդին ինձ մեղաւորք որոգայթ . 'ի
 պատուիրանաց քոց ես ոչ մոլորեցայ :
 Ժառանգեցի զվկայութիւնս քո յաւ-
 ւիտեան , զի ցնծութիւն է սրտի ի-
 մոյ :

Խոնարհեցուցի զսիրտ իմ առնել
 զարդարութիւնս քո յաւիտեան ,
 վասն հատուցման :

Զանօրէնս ատեցի , եւ զօրէնս քո
 սիրեցի :

Օգնական և փրկիչ իմ ես դու , և ես
 'ի բանս քո յուսացայ :

Ի բաց եղերութք յինէն չարք , և քրն-
 նեցից զպատուիրանս աստուծոյ իմոյ :

Օգնեա ինձ ըստ բանի քում և կեցո
 զիս , եւ մի յամօթ առներ զիս 'ի
 յուսոյ իմմէ :


Օգնեա ինձ և ապրեցո զիս , և խորհե-
 ցայց յիրաւունս քո յամենայն ժամ :

Անարդեցեր զամենեւեան՝ որ ապրս-
 տամք եղեն յարդարութեանց քոց ,
 զի անիրաւութեամբ էին խորհուրդք
 նոցա :

Յանցաւորս համարեցայ զամենայն
մեղաւորս երկրի, վասն այսորիկ սի-
րեցի զպատուիրանս քո :

Բեւեռեա ընդ երկիւղքո զմարմին
իմ, զի 'ի դատաստանաց քոց երկեայց
յոյժ :

Տունք կդ :



Ալեկուիս :

Արարի իրաւունս և արդարու թիւնս
մի՛ մատնեք զիս 'ի ձեռսնեղչաց իմոց :
Ընկալ զճառայս քո 'ի բարի, զի մի
ամբարտաւանք զզուեացեն զիս :

Սպասեցին աչք իմ վրկու թեան քում
տէր, և և բանից արդարու թեան քո :

Արա ընդ ճառայի քում տէր ըստ ու-
ղորմու թեան քում զարդարու թիւնս
քո ուսո ինձ :

Շառայ քո եմ ես, իմաստուն արա
զիս, և ծանեայց զվկայու թիւնս քո :
Ժամ է պաշտել զտէր, խափանեցին
զօրէնս քո :

Վասն այսորիկ սիրեցի զպատուիրանս

քո քան զամենայն ոսկի և զտպազիօն :
 Ամենայն պատու իրանք քո յաջողեցան
 ինձ , զի ատեցի ես զճանապարհս
 չարաց :

Սքանչելի են վկայու թիւնք քո , վասն
 այսորիկ սիրեաց զնոսա անձն իմ :
 Յայտնու թիւն բանից քոց լուսաւոր
 և իմաստուն առնէ զտղայս :

Զբերան իմ բացի , եւ առի զհոգի ,
 ՚ի պատու իրանս քո փափաքեաց ան-
 ձրն իմ :

Նայեա առ իս և ողորմեա ինձ . ըստ
 իրաւունս սիրողաց անուան քո :
 Զճանապարհս իմ ուղիղ արա ինձ
 ըստ բանի քում , եւ մի տիրեսցեն
 ինձ ամենայն մեղք :

Փրկեա զիս ՚ի զրպարտու թենէ մարդ-
 կան , և պահեցից զպատու իրանս քո :
 Երեւեցո զերեսս քո ՚ի ծառայս քո ,
 և ուսո ինձ զարդարու թիւնս քո :

Վտակք ջուրց իջին յաջաց իմոց , զի
 ոչ պահեցին զօրէնս քո :

Արդար ես գու տէր , եւ ուղիղ են
 դատաստանք քո :

Պատուիրեցեր զարդարու թիւն վկայու թեանց բոց, և ճշմարիտ են յոյժ :
Մաշեաց զիս նախանձ բո, զի մոռացան զբանս բո թշնամիք իմ :

Ընտրեալ է բանս բո յոյժ, և ծառայ բո սիրեաց զսա :

Մանուկ եմ ես և արհամարհեալ, և զարդարու թիւնս բո ես ոչ մոռացայ
Արդարու թիւնս բո արդարու թիւնս յաւիտենից, և օրէնք բո ճշմարիտ են :
Նեղու թիւնք և վիշաք դտին զիս, և պատուիրանք բո խօսք իմ էին :

Արդարու թեամբ են վկայու թիւնք բո յաւիտեան, իմաստուն արա և կեցո զիս :

Կարդացի առ քեզ բո լորու սրտիւ իմով լուր ինձ, տէր, զի զարդարու թիւնս բո խնդրեցի :

Ազաղակեցի առ քեզ՝ և փրկեա զիս, և պահեցից զվկայու թիւնս բո :

Կանխեցի տարածամու, ազաղակեցի, և ես ՚ի բանս բո յուսացայ :

Կանխեցին աչք իմ առ աւօտու ՚ի խօսիլ ինձ զբանս բո :

Չայնի իմում լուր տէր ըստ ողորմու-
թեան քում, և յիրաւունս քո կե-
ցո զիս :

Մերձեցուցին յիս հալածիչք իմ զա-
նօրէնութիւն, զի յօրինաց քոց հե-
ռի եղեն :

Մերձ ես դու տէր, և ամենայն
պատուիրանք քո ճշմարիտ են :

Ի սկզբանէ ծանեայ 'ի վկայութեանց
քոց, զի յաւիտեան հաստատեցեր
զնոսա :

Տես զխոնարհութիւն իմ և փրկեա
զիս, զի զօրէնս քո ես ոչ մոռացայ :

Դատեա զգատաստանս իմ և փրկեա
զիս, և ըստ բանի քում կեցո զիս :

Հեռի է 'ի մեղաւորաց փրկութիւն,
զի զիրաւունս քո ոչ պահեցին :

Գթութիւնք քո բազում են, տէր,
եւ ըստ իրաւանց քոց կեցո զիս :

Բազում են, որք հալածեն և նեղեն
զիս. 'ի վկայութեանց քոց ես ոչ խո-
տորեցայ :

Հայէի յանադորոյնս և մաշէի, զի
զպատուիրանս քո ոչ պահեցին :

Տես՝ զի զպատուիրանս քո սիրեցի ,
 տէր՝ ողորմութեամբ քո կեցո զիս :
 Սկիզբն բանից քոց ճշմարտութիւնն
 է , յաւիտեան են ամենայն իրաւունք
 արդարութեան քո :

Իշխանք հալածեցին զիս ՚ի նանիր , և
 ՚ի բանից քոց երկեալ սիրտ իմ :

Յնծացայ ես ՚ի բանս քո որպէս այն՝
 որ գտանէ աւար բազում :

Զմեղս ատեցի և անարգեցի , և զօ-
 րէնս քո սիրեցի :

Եօթն անգամ յաւուր օրհնեցից ըզ-
 քեզ , վասն իրաւանց եւ արդարու-
 թեան քո :

Խաղաղութիւն բազում է այնոցիկ՝
 ոյք սիրեն զօրէնս քո , եւ ոչ գոյ ՚ի
 նոսա գայթակղութիւնն :

Սպասեցի փրկութեան քում տէր , և
 զպատուիրանս քո սիրեցի :

Պահեաց անձն իմ զվկայութիւնս քո ,
 և սիրեաց զնոսա յոյժ :

Պահեցից զպատուիրանս և զվկայու-
 թիւնս քո , զի ամենայն ճանապարհք
 իմ առաջի քո են :

Մերձեսցին խնդրուածք իմ առաջի
քո տէր, ըստ բանի քում իմաստունն
արա զիս :

Մտցեն աղօթք իմ առաջի քո տէր,
և բանիւ քով փրկեա զիս :

Բզխեսցեն շրթունք իմ զօրհնու
թիւնս քո, յորժամ ուսուսցես ինձ
զարդարու թիւնս քո :

Խօսեսցի լեզու իմ զբանս քո, զի ա
մենայն պատուիրանք քո արդարու
թեամբ են :

Եզիցի ձեռն քո ՚ի կեցուցանել զիս,
զի զպատուիրանս քո ընտրեցի :

Տանկացայ փրկու թեան քում տէր,
և օրէնք քո խօսք իմ էին :

Կեցցէ անձն իմ, օրհնեսցէ զբեզ` և
իրաւունք քո օգնեսցեն ինձ :

Մոլորեցայ ես որպէս զոչխար կորու
սեալ, խնդրեա զճառայս քո՝ զի զպա
տուիրանս քո ես ոչ մոռացայ :

Տունք ծղ :

Կանոնս Գորպայս է : Սաղմոս ժգ : Տունք յկբ :

ՕՐՀՆՈՒԹԻՒՆ ԵՍԱՅԵԱՅ ԿԱՅԾԱԿՆԱՄԱՔՈՒՐ
ՍՈՒՐԲ ՄԱՐԳԱՐԷԻՆ

Եսայեսայ խր :

Օրհնեցէք զաստուած յօրհնու թիւն
նոր, զի իշխանու թիւն նորա ՚ի բար-
ձունս փառաւորի :

Եւ անուն նորա փառաւորեալ է ՚ի
ծագաց մինչեւ ՚ի ծագս երկրի :

Ոյք իջանէին ՚ի ծով նաւուք, կղզիք
և ամենայն բնակիչք նոցա ընդ նոսա :
Ուրախ եղիցի անապատն և ամենայն
բնակիչք իւր, ուրախ եղիցին բանակք
և բակք կեդարու, և ուրախ եղիցին
բնակիչք վիմին :

Ի գլխոց լերանց գոչեսցեն, տացեն
զփառս աստուծոյ, և զբաջու թիւն
նորա կղզիք սլատմեսցեն :

Տէր աստուած զօրու թեանց դիմեալ
գայ զարթուցանել զսլատերազմ, յա-
րուցանել զնախանձ, փող հարկանել
և գոչել ՚ի վերայ թշնամեաց իւրոց
զօրու թեամբ բազմաւ :

Ուրախ եղիցին երկինք ՚ի վերուստ,
 և ամպք ցօղեսցեն զարդարու թիւն:
 Բղխեսցէ երկիր զողորմու թիւն, և
 զարդարու թիւն՝ առ հասարակ բըղ-
 խեսցէ:

ԱՂՕԹՔ ՅՈՎՆԱՆՈՒ ՄԱՐԳԱՐԷԻ

Ի նեղութեան իմում ես առ տէր
 կարդացի, լուաւ աստուած յանդըն-
 դոց դժոխոց աղաղակի իմում:

Լուր տէր ձայնի իմում, զի ընկեցեր
 զիս ՚ի խորս ծովու, և շրջանք գետոց
 պաշարեցին զիս:

Ամենայն զբօսանք քո և ալիքքո ան-
 ցին ՚ի վերայ իմ, և ասացի թէ մեր-
 ժեցայ ուրեմն յերեսաց աչաց քոց:

Արդ՝ իցէ՞ թէ յաւելից հայիլ ՚ի տա-
 ճար սուրբքո, զի հեղան զինև ջուրք
 մինչեւ յանձն իմ, և անդուռնդք ան-
 հնարինք պաշարեցին զիս:

Եմուտ գլուխ իմ ընդ փապարս լե-
 րանց, իջի ես ՚ի խորս երկրի, եւ տե-
 սի զնիգս նորա, զի էին որպէս աղխք


յաւ-իտե՛նից, և ելցե՛ն յապականու-
թե՛նէ կեանք իմ :

Առ քեզ տէր աստուած իմ ՚ի նուա-
ղիլ անձին իմոյ կարդացի , և զքեզ
տէր յիշեցի , և մտցե՛ն աղօթք իմ ՚ի
տաճար սուրբ քո :

Զի ոյք պահէին զունայնու թիւն և
զստու թիւն , յողորմու թե՛նէ իւրեանց
մերժեցան :

Այլ ես ՚ի ձայն օրհնու թեան խոս-
տովան եղէցքեզ , մատուցից պատա-
րագս տեառն , և կատարեցից զուխտս
իմ ՚ի փրկու թեան :

Փառք հօր և որդւոյ և :



Մ Ա Ղ Թ Ա Ն Ք

Եկեացեն աղօթք մեր ՚ի տաճար սուրբ քո . խո-
նարհեցի ունկն քո ՚ի խնդրուածս մեր :

Մարդասէր տէր , վասն որբուհւոյ անարատի
մօր քո և կուսի , և վասն խաչի քո պատուա-
կանի , ընկալ զողաչանս մեր , և կեցո զմեզ :

ՉՖրոզն և ՉԱղբն ՚ի Քեբըն Մի նախանձիր կանոնին
հոցեւ է 140 եբեան :



Հայր իմ, երբ հնար է՝ անցցի բաժակս
այս յինե՛ն.



ՍՍՂՄՈՍ ձԺԹ՝

Յրհնութիւնք աստիճանաց :

Ինեղութեան խնում ես առ տէր
կարգացի, եւ լուաւ ինձ տէր .
փրկեաց զանձն իմ ՚ի շրթանց նե՛ն-
գաւորաց և ՚ի լեզուէ չարէ :

Զի՞ տացի քեզ՝ կամ զի՛նչ յաւելցի,
լեզու նե՛նգաւոր :

Որպէս նետք հզօրի, զի մխեալ են
կայծակամբք կաղնւոյ :

Վայ ինձ զի ընդ երկար եղեւ պան-
դըխտութիւն իմ, և բնակեցայ ես
ի վրանս կեղարու :

Բազում անգամ բնակեաց անձն իմ
ընդ այնոսիկ, ոյք ատէին զողջոյն :
Ես էի խաղաղարար, յորժամ խօսէի՝
մարտնչէին ընդ իս :

Տունք զ :



ՍԱՂՄՈՍ ՃԻ.

Օրհնութիւնք սաստիճանաց :

Համբարձի զաչս իմ 'ի լերինս ; ուստի
եկեացէ ինձ օգնութիւն :

Օգնութիւն ինձ 'ի տեառնէ եկես-
ցէ , որ արար զերկինս և զերկիր :

Մի տար 'ի սասանութիւն զօտնքո ,
և մի ննջեացէ պահապանքո :

Որպէս ոչ ննջէ և ոչ 'ի քուն երթայ
պահապանն խորայելի :

Տէր պահեացէ զքեզ , և տէր ընկալ-
ցի աջոյ ձեռամբն իւրով :

Արեգակն 'ի տուէ քեզ մի մեղիցէ ,
և մի լուսին 'ի գիշերի :

Տէր պահեացէ զքեզ յամենայն չարէ ,
պահեացէ տէր զանձնքո :

Տէր պահեացէ զմուտ եւ զելքո՝
յայսմ հետէ մինչեւ յաւիտեան :

Տունք Ը :

ՍԱՂՄՈՍ ՃԻԱ.

Օրհնութիւնք սաստիճանաց :

Ուրախ եղէ ես՝ ոչք ասէինցիս , 'ի

տուն տեառն երթիցուք մէք :

Հասեալ կային ոտք մեր առ դրունս
քո երուսաղէմ :

Զերուսաղէմ շինեալ որպէս քաղաք,
և բնակու թիւն իւր շուրջ զնովաւ :

Անդ ելանէին ազգք ազգք տեառն,
ի վկայութիւն խրայելի խոստովան
լինիլ անուան տեառն :

Անդ արկեալ են աթոռք դատաստա
նի, աթոռս արկեալ են ՚ի տան դաւթի :

Հարցէք զողջունէ երուսաղէմի, և
զշինութենէ՝ ոյք սիրէք զտէր :

Եղիցի խաղաղութիւն ՚ի զօրութեան
քում, եւ շինութիւն յաշտարակս
յամուրս քո :

Վասն եղբարց և ընկերաց խնոց խօ
սեցայ զխաղաղութիւն. վասն քո և
վասն տեառն աստուծոյ մեր խընդ
րեցաք զբարութիւն ՚ի քէն :

Տունք ը

ՍԱՂՄՈՍ ՃԻԲ.

Օրհնութիւնք աստիճանաց :

Առ բեզ տէր համբարձի զաչս իմ, որ

(3) / 3

բնակեալդ ես ՚ի յերկինս :

Որպէս աչք ծառայի ՚ի ձեռն տեառն
իւրոյ , և որպէս աչք աղախնոյ ՚ի
ձեռն տիկնոջ իւրոյ :

Այնպէս են աչք մեր առ քեզ տէր
աստուած մեր , մինչեւ ողորմեսցիս
՚ի վերայ մեր :

Ողորմեա մեզ տէր ողորմեա մեզ , զի
բազում լցաք արհամարհանօք :

Եւս առաւել լցան անձինք մեր նա-
խատանօք , որք նախատէին զմեզ
արհամարհանօք ամբարտաւանից :

Տունք ե :

Ս Ա Ղ Մ Ո Ս Ճ Ի Գ .

Օրհնօրիւնք աստիճանաց :

Եթէ ոչ տէր էր առ մեզ , ասասցէ
իարայել , եթէ ոչ տէր էր առ մեզ :
Ընդ յառնել մարդկան ՚ի վերայ մեր ,
կենդանւոյն կամեցան կլանել զմեզ :
Իբարկանալ սրտմտութեամբ նոցա
՚ի վերայ մեր , ապա և ջուրք ուրեմե
ընկզմեցին զմեզ :

Ընդ ուղիս անցին անձինք մեր, ան-
ցին անձինք մեր ընդ ուղիս անդա-
դարս :

Օրհնեալ է տէր, որ ոչ ետ զմեզ
յորս ատամանց նոցա :

Անձինք մեր ապրեցան որպէս ճընճ-
ղուկք՝ յորողայթէ որսողաց :

Որողայթք նոցա փշրեցան, և մեք
ապրեցաք :

Օղնուծիւն է մեզ յանուանէ տեա-
ւըն, որ արար զերկինս և զերկիր :

Տունք ը :

ՍԱՂՄՈՍ ՃԻԳ.

Օրհնութիւնք աստիճանաց :

Որ յուսայ 'ի տէր որպէս լեառն սիօն,
մի՛ սասանեսցի յաւիտեան որ բնա-
կեալն է յերուսաղէմ :

Լերինք շուրջ են զնովաւ, տէր շուրջ
է զժողովրդեամբ իւրով յայսմհետէ
մինչեւ յաւիտեան :

Ոչ թողու տէր զգաւազան մեղաւո-
րաց 'ի վիճակս արդարոց, և արդարք

մի՛ ձգեսցեն՝ զձեռս իւրեանց յանօրէնու թիւն :

Քարի առնէ տէր բարեաց, և այնուցիկ ոյք ուղիղ են սրտիւք :

Իսկ զթիւրեալսն ՚ի յափշտակու թիւն տանի զնոսա տէր ընդ այնոսիկ ոյք գործեն զանօրէնու թիւն, խաղաղու թիւն ՚ի վերայ իսրայէլի :

Տունք եւ Գորղայս խ :

ՍՍ. ՂՄՈՍ ՃԻԵ.

Օրհնութիւնք աստիճանաց :

Ի դարձուցանել տեառն զգերու թիւն սիօնի, եւ եղաք մեք միսի թարեալք :

Յայնժամ լցան բերանք մեր իննդու թեամբ և լեղուք մեր ցնծու թեամբ :

Յայնժամ ասացեն ՚ի հեթանոսս, մեծ արար տէր զառնելն իւր ընդ նոսա. մեծ արար տէր զառնելն իւր ընդ մեզ, և մեք եղաք բերկրեալք :

Գարձո տէր զգերու թիւնս մեր որպէս զուղիսս ՚ի հարաւոյ. ոյք վարէին ար-

տասուօք, ցնծու թեամբ հնձեսցես :
 Երթալով երթային և լային , ոյք
 բարձեալ տանէ ինզսերման իսիւրեանց
 Գալով եկեսցեն և ցնծասցեն , ոյք
 առնել ըբերիցեն զօրայս իւրեանց :

Տունք զ

ՍԱՂՄՈՍ ձԻԶ.

Օրհնութիւնք աստիճանաց :

Եթէ ոչ տէր շինէ զտունն , ի նանիր
 վաստակին շինողք նորա :

Եթէ ոչ տէր պահէ զբազաբն , ըն-
 դունայն տքնին պահապանք նորա :

Ի նանիր է ձեզ յառնելն կանխաւ .
 արդ արիք՝ մինչչեւ էք ննջեցեալք ,
 ոյք ուտէք զհաց ցաւոց :

Ի ժամանակի որպէս տացի քուն սիւ-
 բելեաց իւրոց . ժառանգու թիւն առն
 որդիք են , որոյ վարձք իւր են . այն
 է պտուղ որովայնի իւրոյ :

Որպէս նետք ՚ի ձեռս հզօրի , այնպէս
 են և որդիքն թօթափելոց :

Երանի որ ելից զցանկու թիւն իւր ՚ի

Նոցանէ . մի ամաչեացեն յորժամ խօսեացին թշնամիք նոցա ընդ նոսա առ դրանն :

Տունք զ :



ՍԱՂՄՈՍ ձԻԷ

Օրհնութիւնք աստիճանաց :

Երանի ամենեցուն՝ ոյք երկնչին ՚ի տեառնէ , և գնան ՚ի ճանապարհս նորա :

Զվաստակս ձեռաց քոց կերիցես , երանի է քեզ և բարի եղիցի :

Կին քո որպէս այգի վայելուչ յանկիւնս տան քո , որդիք քո որպէս նորատունկ ձիթենւոյ շուրջ զսեղանով քո :

Այսպէս օրհնեսցէ ամենայն մարդ , որ երկնչի ՚ի տեառնէ . օրհնեսցէ ըզքեզ տէր ՚ի սիօնէ :

Եւ տեսցէս դու զբարութիւն երուսաղէմի զամենայն աւուրս կենաց քոց : Տեսցես դու զորդիս որդւոց քոց , խա-

Ղազուլ թիւնն ՚ի վերայ ի սրայելի :

Տունք Ղ :

ՍԱՂՄՈՍ ՃԻԸ :

Օրհնութիւնք աստիճանաց :

Բազուլ անգամ մարտեան ընդ իս ՚ի
մանկու թե՛նէ իմմէ, ասասցէ ի սրայելի :
Բազուլ անգամ մարտեան ընդ իս ՚ի
մանկու թե՛նէ իմմէ, և ինձ ոչ յազ
թեցին :

Զթիկունս իմ հարին մեղաւորք, ընդ
երկար արարին զանօրէ՛նու թիւնս
իւրեանց :

Տէր արդար է, եւ խորտակէ զուլն
մեղաւորաց :

Ամաչեացեն և յետս դարձցին ամե
նեքեան՝ ոյք ատեն զսիօն :

Եղիցին նոքա որպէս խոտ տանեաց,
որ մինչչեւ ՚ի բուռնեկեալ չորացաւ :

Ուստի ոչ ելից զբուռն իւր հնձողն,
և ոչ զգիրկս իւր՝ ոչ զորայն ժողովէր :

Ոչ ասացին ամենեքեան՝ ոյք անցա
նէին առ նոքօք, թէ օրհնու թիւնն

տեառն ընդ ձեզ, և օրհնեցաք զձեզ
յանուանէ տեառն:

Տունք ը:

ՍԱՂՄՈՍ ՃԻԹ.

Օրհնութիւնք աստիճանաց:

Ի խորոց կարգացի առ քեզ տէր,
տէր լուր ձայնի խմուժ:

Եղիցին ականջք քո 'ի լսել զձայն ա-
ղօթից խնոց:

Թէ զանօրէնու թիւնս իմ քննես տէր
տէր, իսկ ո՞ կարէ կալ առաջի քո,
զի 'ի քէն է քաւու թիւն:

Վասն անուան քո համբերի տէր,
համբեր անձն իմ բանի քուժ. յու-
սացաւ անձն իմ 'ի տէր:

Ի պահէ առաւօտու մինչև յերեկոյ,
'ի պահէ առաւօտու յուսացաւ իա-
րայէլ 'ի տէր:

Ի տեառնէ է ողորմու թիւն բազում,
'ի նմանէ է փրկու թիւն, և նա փրկ-
կեաց զիսրայէլ յամենայն նեղու-
թեանց նորա:

Տունք զ:

ՍԱՂՄՈՍ ՃԼ.

Յրհնուքիւնք աստիճանաց :

Տէր ոչ բարձրացաւ սիրտ իմ, և ոչ
զբօսան աչք իմ :

Ո՛չ գնացի ես ընդ մեծամեծս, և ո՛չ
ընդ այնոսիկ ոյք սքանչելի եղէնքան
զիս :

Բայց թէ խոնարհեցայ ես որպէս
մանուկ սարտուցեալ ՚ի ստենէ մօր
իւրոյ, և դարձ նորա անդրէն ՚ինոյն :

Այլ թէ հպարտացուցի արդեօք
զանձն իմ, այսպէս եղիցի հատուցում
անձին իմոյ, յուսացաւ իսրայէլ ՚ի
տէր յայսմ հետէ մինչև յաւիտեան :
Տունքդ : Գորզայս խդ :

ՍԱՂՄՈՍ ՃԼԱ.

Երգ ջոռոց :

Յիշեա տէր զդաւիթ, և զամենայն
հեզու թիւն նորա :

Որպէս երգուաւ տեառն, և ուխտս
եդ աստուծոյ յակոբայ :

Թէ ոչ մտից 'ի յարկս տան իմոյ, [Թէ
ելից յանկողինս մահճաց իմոց :

Թէ տաց քուն աչաց իմոց, կամ նինջ
արտեւանաց իմոց, կամ հանդիստ իւ
րանաց իմոց. մինչեւ դտից զտեղի
յարկի տեառն աստուծոյ յակօբայ :

Ահա լուաք զնմանէ յեփրաթայ, և
գտաք զնա 'ի դաշտս մայրեաց :

Մտցուք 'ի յարկս նորա, երկիրսպագ
ցուք 'ի տեղւոջ՝ ուր կացեալ են ոտք
նորա :

Արի տէր 'ի հանգիստ քո, դու և տա
պանակ կտակի սրբու [Թեան քո :

Քահանայք քո զգեցցին զարդարու
[Թիւն, և սուրբք քո ցնծալով ցըն
ծասցեն :

Վասն դաւ [Թի սիրելւոյ քո, մի դար
ձուցաներ զերեսս քո յօժելոյ քումմէ
երդուաւ տէր դաւ [Թի ճշմարտու
[Թեամբ՝ և ոչ ստեաց նմա, 'ի ստղոյ
որովայնի նորա նստուցանել յա [Թու
նորա :

Թէ պահեսցեն որդիք քո զօրէնս իմ,
և զվկայու [Թիւնս իմ զոր ուսուցից

Նոցա:

Որդիք նոցա նատցին յաւիտեանս յաւիտեանից յաթոռ քո:

Հաճեցաւ տէր ընդ սիօն, և ընտրեաց բնակիլ ՚ի նմա. ասէ՛ այս է հանգիստ իմ յաւիտեանս յաւիտեանից, ՚ի սմա բնակեցայց՝ զի հաճեցայ ընդ սա:

Զորս սորա օրհնելով օրհնեցից, և զազքատս սորա լցուցից հացիւ:

Երիցանց սորա զգեցուցից զփրկու թիւն, և սուրբք սորա ցնծալով ցընծասցեն:

Անդ ծագեցից զեղջիւր ՚ի դաւիթ. պատրաստ արարից զճրագ օծելոյ իմոյ:

Թշնամեաց նոցա զգեցուցից զամօթ, այլ ՚ի վերայ նորա ծագկեսցի սրբու թիւն իմ:

Տունք ժէ:

ՍԱՂՄՈՍ ՃԼԲ.

Երգ ջոնոց:

Զի՛ բարի կամ զի՛ վայելուչ, զի՛ բը-

նակին եղբարք 'ի միասին :

Որպէս իւղ զի իջանէ 'ի գլուխ և 'ի
մօրուսն ահարօնի, և 'ի մօրուացն ի-

ջանէ 'ի գրասպանս զգեստունորս :
Որպէս ցօղ զի ցօղէ 'ի հերմօնէ 'ի վե-
րայ լերին սիօնի :

Տէր անդ պատրաստեաց զօրհնու-
թիւնս և զկեանս յաւիտենից :

Տունք 4 :

ՍԱՂՄՈՍ ՃԼԳ.

Երգ ցուց :

Աստ օրհնեցէք ամենայն ծառայք
տեառն զտէր, ո՛կայք 'ի տուն տեա-
ռն և 'ի գաւիթս աստուծոյ մերոյ :

Ի գիշերի համբարձէք զձեռս ձեր 'ի
սրբութիւն, և օրհնեցէք զտէր :

Օրհնեսցէ զմեզ տէր 'ի սիօնէ, որ ա-
րար զերկինս և զերկիր :

Տունք 4 :

ՍԱՂՄՈՍ ՃԼԴ

Ալեյուիս :

Օրհնեցէք զանուն տեառն, օրհնեցէք ծառայք տեառն զտէր՝ ո՛ր կայք ՚ի տուն տեառն, և ՚ի գաւիթս աստուծոյ՝ մերոյ :

Օրհնեցէք զտէր զի բարի է. սաղմոս ասացէք անուան նորա զի քաղցր է :
Ձյակոբ ընտրեաց իւր տէր, և զիսրայել ժառանգութիւն իւր :

Ես ծանեայ՝ զի մեծ է տէր, և տէր մեծ է քան զամենայն կուռս :

Չամենայն զոր ինչ կամեցաւ և արար տէր, յերկինս և յերկրի, ՚ի ծով և յամենայն խորս :

Հանէ զամպս ՚ի ծագաց երկրի, զփայլատակունս իւր յանձրեւս արար, և հանէ զհողմս ՚ի շտեմարանաց իւրոց :

Եհար զամենայն անդրանիկս եգիպտացւոց, ՚ի մարդոց մինչև յանասունս :

Առաքեաց զնշանս և զարուեստս իւր ՚ի մեջքս եգիպտոս, ՚ի փարաւօն և յամենայն զօրս իւր :

Եհար զազգս բազումս, և սպան ըզ-
 թագաւորս հզօրս :

Զսեհովն թագաւոր ամովըհացւոց,
 զովզ թագաւոր բասանու, և զամե-
 նայն թագաւորու թիւնս քանանաց-
 ւոց :

Ետ զերկիր նոցա ՚ի ժառանգու թիւնս,
 ժառանգու թիւն իսրայելի ժողովըր-
 դեան իւրոյ :

Տէր անուն քո յաւիտեան. տէր յի-
 շատակ քո ազգէ մինչև յազգ :

Դատէ տէր զժողովուրդս իւր, և ՚ի
 ծառայս իւր մխիթարի :

Կուռք հեթանոսաց ոսկի և արծաթ-
 են, ձեռագործք են որդւոց մարդկան :
 Բերան գոյ՝ և ոչ խօսին. աչք են՝ և
 ոչ տեսանեն :

Ականջք են՝ և ոչ լսեն, և ոչ գոյ
 շունչ ՚ի բերանս նոցա :

Նման նոցա եղիցին ոյք արարին ըզ-
 նոսա, ամենեքեան ոյք յուսացեալ են
 ՚ի նոսա :

Տուն իսրայելի օրհնեցէք զտէր. տուն
 ահարօնի օրհնեցէք զտէր :

Տու՛ն զեւեայ օրհնեցէք զտէր . երկ
կիւղածք տեառն օրհնեցէք զտէր :
Օրհնեալ է տէր 'ի սիօնէ , որ բնակե
ալն է յերուսաղէմ :

Տունք ժ : Գորզայս խղ :

ՍԱՂՄՈՍ ՃԼԵ

Ալեկուիա :

Խոստովան եղերուք տեառն , զի բա
րի է , զի յաւիտեան է ողորմու թիւն
նորա :

Խոստովան եղերուք աստուծոյն աս
տուծոց , զի յաւիտեան է ողորմու
թիւն նորա :

Խոստովան եղերուք տեառն տերանց ,
զի յաւիտեան է ողորմու թիւն նորա :

Արար զսքանչելիս մեծամեծս միայն ,
զի յաւիտեան է ողորմու թիւն նորա :

Ջերկինս արար իմաստու թեամբ իւ
րով , զի յաւիտեան է ողորմու թիւն
նորա :

Հաստատեաց զերկիր 'ի վերայ ջուրց ,
զի յաւիտեան է ողորմու թիւն նորա :

Արար զլուսաւորս մեծամեծս միայն ,
 զի յաւիտեան է ողորմու թիւն նորա :
 Զարեգակն արար իշխանական տուրն
 ջեան , զի յաւիտեան է ողորմու թիւն
 նորա :

Զլուսին և զաստեղս իշխանական գիւ
 շերոյ , զի յաւիտեան է ողորմու թիւն
 նորա :

Եհար զերկիրն եդիպտացւոց անդ
 րանկօք իւրովք հանդերձ , զի յա
 ւիտեան է ողորմու թիւն նորա :

Եւ եհան զիսրայէլ ՚ի միջոյ նորա , զի
 յաւիտեան է ողորմու թիւն նորա :

Ի ձեռն բարձր՝ և ՚ի բազուկ հզօր , զի
 յաւիտեան է ողորմու թիւն նորա :

Եհերձ զձոյն մեծ , եւ բաժանեաց
 յերկուս մասունս , զի յաւիտեան է
 ողորմու թիւն նորա :

Եւ անցոյց զիսրայէլ ընդ մէջ նորա ,
 զի յաւիտեան է ողորմու թիւն նորա :

Ընկզմեաց զփարաւօն և զզօրս իւր ՚ի
 ծով կարմիր , զի յաւիտեան է ողոր
 մու թիւն նորա :

Եւ եհան զժողովուրդ իւր յանա

պատ , զի յաւիտեան է ողորմու թիւն
նորա :

Եհար զազգս մեծամեծս միայն , զի
յաւիտեան է ողորմու թիւն նորա :

Եւ սպան զթագաւորս հզօրս , զի
յաւիտեան է ողորմու թիւն նորա :

Զսեհովն թագաւոր ամովրհացւոց ,
զի յաւիտեան է ողորմու թիւն նորա :

Զովզ թագաւոր բասանու , զի յաւ-
լիտեան է ողորմու թիւն նորա :

Ետ զերկիրնոցա ՚ի ժառանգու թիւն
զի յաւիտեան է ողորմու թիւն նորա :

Ժառանգու թիւն իսրայէլի ծառայի
իւրոց , զի յաւիտեան է ողորմու
թիւն նորա :

Յիշեաց զմեզ տէր ՚ի խոնարհու թեան
մերում , զի յաւիտեան է ողորմու
թիւն նորա :

Եւ փրկեաց զմեզ ՚ի ճեռաց թշնամ-
եաց մերոց , զի յաւիտեան է ողոր-
մու թիւն նորա :

Ո՛ տայ կերակուր ամենայն կենդան-
եաց , զի յաւիտեան է ողորմու թիւն
նորա :

Խօստովան եղերուք աստուծոյն երկ-
նաւորի, զի յաւիտեան է ողորմու-
թիւն նորա :

Տունք իզ

ՍԱՂՄՈՍ ՃԼԶ.

Սաղմոս Դաւթի 'ի ձեռն երեմիայի . անճ լան
յեբբայեցոց :

Առ գետս բաբելացւոց, անդ նըս-
տէաք և լայաք, որպէս յիշեցաք մեք
անդ զսիօն :

Ի մէջ ուռեաց նոցա կախեցաք զկը-
տակարանս մեր :

Անդ հարցանելին դերիչք մեր զբանս
օրհնութեան . դերեւիարք մեր ստի-
պէին զմեզ և ասէին :

Օրհնեցէք զմեզ յօրհնութենէ սիօնի
խակ զիարդ օրհնեսցուք զօրհնու-
թիւնս տեառն յերկիր օտար :

Թէ մոռացայց զքեզ երուսաղէմ,
մոռացի զիս աջ իմ :

Կցեսցի լեզու իմ 'ի քիմս իմ՝ թէ ոչ
յիշեցից զքեզ, թէ ոչ նախ նուա-

գեցից զքեզ երուսաղէմ, սկիզբն ու-
րախու թեան իմոյ:

Յիշեա տէր զորդիան եղովմայ յա-
ւուրսն երուսաղէմի:

Ոյք ասելին՝ քակեցէք քակեցէք, մին-
չեւ ՚ի հիմն հասուցէք:

Դուստր բաբելացւոց թշուառական՝
երանի որ հատոյց զհատուցումն քո,
զոր դու մեզ հատուցեր:

Երանի որ կալաւ զմանկունս քո, և
եհար զքարի:

Տունք Ժ:



ՍԱՂՄՈՍ 1.

Սաղմոս Դաւթի:

Խոստովան եղէց քեզ տէր բոլորով
սրտիւ իմով, առաջի հրեշտակաց
սաղմոս ասացից քեզ:

Զի լուար զբանս բերանոյ իմոյ, եր-
կիրպագից ՚ի տաճար սուրբ քո, և
խոստովան եղէց անուանքում վասն
ողորմութեան և ճշմարտութեան քո:
Մեծ արարեր յամենայնի զանունն

սուրբքո, յորում աւուր կարգամաս
քեզ վազվազակի լուր ինձ, և բազում
արասցես զօրութիւնս յանձն իմ :
Խոստովան եղիցին առ քեզ ամենայն
Թագաւորք երկրի, զի լուան զքանս
բերանոյ քո, և օրհնեսցեն զճանա-
պարհս քո :

Մեծ են փառք տեառն, բարձր է
տէր՝ զխոնարհս տեսանէ, և զբար-
ձունս ՚ի հեռաստանէ ճանաչէ :
Թէ զնացից ես ՚ի մէջնեղու թեանց,
կեցուսցես զիս ՚ի բարկու թենէ թըշ-
նամւոյն :

Չդեցեր զձեռն քո, և իրկեաց զիս
աջքո, և տէր հատուսցէ ընդ իմ :
Տէր ողորմութիւն քո յաւիտեան,
զգործս ձեռաց քոց մի՛ անտես առ-
ներ :

Տունք ը. Գորղայս խոք :

ՍԱՂՄՈՍ ՃԼԸ.

Ի կատարած. Սաղմոս Գաւթի :

Տէր փորձեցեր զիս և ծանեար զիս,

դու ծանեար զնստել իմ եւ զյառնել իմ :

Ի միտ առեր զխորհուրդս իմ 'ի հեռաստանէ , զչաւիղս իմ եւ զվիճակս իմ դու քննեցեր , եւ զամենայն ճանապարհս իմ յառաջագոյն տեսեր , զի ոչ գոյ նենգութիւն 'ի լեզուի իմում :

Ահա դու տէր՝ ծանեար զյետին իմ եւ զառաջին իմ . դու ստեղծեր զիս , եւ եդեր զձեռն քո 'ի վերայ իմ :

Աքանչելի եղել գիտութիւն քո յինէն , զօրացաւ եւ ոչ հանդարտեմսմա : Յո՞րթայց ես յողւոյքումմէ , կամ յերեսաց քոց ես յո՞ վախեայց :

Թէ ելանեմ յերկինս՝ դու անդ ես , եւ թէ իջանեմ 'ի դժոխս՝ եւ անդ մօտ ես :

Թէ առից զթելս իմընդ առաւօտս , եւ բնակեցայց յեզերս ծովու :

Սակայն եւ անդ ձեռն քո առաջնորդեսցէ ինձ , եւ աջ քո ընկալցի զիս :

Ասացի՝ խաւար ուրեմն արդեօք ծածկեաց զիս . կամ գիշեր փոխանակ լուսոյ փափկութեան իմոյ :

Խաւարն 'ի քեզ ոչ խաւարեացի, եւ
 գիշերն որպէս տիւ լուսաւոր եղիցի,
 և խաւար նորա որպէս զլոյս նորա :
 Դու ստացար զերիկամունս իմ, եւ
 ընկալար զիս յորովայնէ մօր իմոյ :
 Խոստովան եղէց քեզ տէր, զի ա-
 հեղ և սքանչելի ես, սքանչելի են
 գործք քո և անձն իմ սիրեաց յոյժ :
 Ոչ թագեալ ոսկի իմ 'ի քէն՝ զոր ա-
 րարեր 'ի ծածուկ, և կար զօրութեան
 իմոյ ընդ ստորինս երկրի :

Զանգործս իմ տեսին աչք քո, և 'ի
 գիրս քո ամենեքեան գրեցան :

Ի տուէ մոլորեցան, և ոչ ոք էր որ
 առաջնորդէր նոցա :

Ինձ յոյժ մեծարու եղեն բարեկամք
 քո աստուած, և յոյժ զօրացան իշ-
 խանք նոցա :

Թուեցի զնոսա, և բան զաւաղ բազ-
 մացան. զարթեայ, և արդ ընդ քեզ
 եմ :

Թէ սպանանես զմեղաւորս աստուած
 արք արեան 'ի բաց եղերուք յինէն :
 Ի հակառակութիւն և 'ի նախանձ ,

առցեն 'ի նանիր զքաղաքս քո :
 Զատելիս քո տէր ատեցի, և 'ի վերայ
 թշնամեաց քոց մաշեցայ :
 Յատելու թիւն կատարեալ ատեցի
 զնոսա, և եղեն ինձ թշնամիր :
 Փորձեա զիս աստուած և ծանիր զսիրտ
 իմ, քննեա զիս և ծանիր զչաւիղս
 իմ, և տես թէ իցեն անօրէնու
 թիւնք 'ի ճանապարհս իմ, և առաջ
 նորդեա ինձ 'ի ճանապարհս քո յա
 ւիտենից :

Տունք իբ :

ՍԱՂՄՈՍ ՃԼԹ.

Ի կատարած . Սաղմոս Դաւթի :

Ապրեցո զիս տէր 'ի մարդոյ չարէ ,
 յառնէ անիրաւէ փրկեա զիս :
 Խորհեցան զանօրէնու թիւն 'ի սիրտս
 իւրեանց. զոր ամենայն պատրաստե
 ցան 'ի պատերազմ :
 Արեցին զլեզուս իւրեանց որպէս զօ
 ձի, և թոյնք իժից 'ի ներքոյ շրթանց
 նոցա :

Պահեա զիս տէր 'ի ձեռաց մեղաւորի, և 'ի մարդոյ չարէ փրկեա զիս :
 Խորհեցան խափանել զգնացս իմ. թա-
 գուցին ամբարտաւանք որոգայթ ինձ :
 Լարս ձգեցին որոգայթ ոտից իմոց,
 շուրջ զշաւղօք իմովք եղին ինձ ըզ-
 գայթակղու թիւն :

Ասացի՛ տէր աստուած իմ ես դու,
 ունկն դիր տէր ձայնի աղօթից իմոց :
 Տէր տէր զօրու թիւն փրկու թեան
 իմոյ, հովանի գլխոյ իմոյ յաւուր
 պատերազմի :

Մի՛ մատներ զիս տէր 'ի ցանկու թիւն
 մեղաւորաց, ոյք խորհեցան վասն իմ,
 մի՛ ընդ վայք հարկաներ զիս :

Զի՛ մի երբէք բարձրացին, և խոր-
 հուրդք նոցա մի՛ կատարեսցին. վախ-
 ճան կատարածի նոցա վաստակ չըր-
 թանց իւրեանց ծածկեսցէ զնոսա :

Արկցես 'ի վերայ նոցա զկայծակունս
 հրոյ, և կործանեսցես զնոսա. 'ի տա-
 ոսպանաց մի՛ կարացեն կեալ :

Մարդոյ լեզուանւոյ մի՛ յաջողեսցի 'ի
 վերայ երկրի. գայր մեղաւոր չարիք

Իւր որսասցեն 'ի կորուստ :
 Փանեայ զի առնես տէր դատաստան
 աղքատի , և իրաւունս տնանկի :
 Արդարք գոհասցին զանուանէ բում
 մէ , եւ բնակեցին ուղիղք առաջի
 երեսաց քոյ :

Տունք ժգ :

ՍԱՂՄՈՍ ձԽ.

Սաղմոս Գաբի :

Տէր կարգացի առ քեզ՝ և լուր ինձ ,
 նայեա 'ի ձայն աղօթից իմոց 'ի կար
 դալ իմում առ քեզ :

Ուղիղ եղիցին աղօթք իմ որպէս
 խունկ առաջիքոտէր , համբարձումն
 ձեռաց իմոց պատարագ երեկոյի :

Դիր տէր պահասան բերանոյ իմոյ , և
 գունն ամուր շրթանց իմոց , զի մի՛ խո
 տորեսցի սիրտ իմբանիւ չարութեան :

Ի պատճառել զպատճառս մեղաց ընդ
 մարդս , ոյ բ գործեն զանօրէնութիւն
 և ոչ եղէց կցորդ ընտրելոց նոցա :

Խրատեսցէ զիս արդարն ողորմու

Թեամբք և յանդիման արասցէ. իւր
մեղաւորի մի օծցէ զգլուխ իմ, այլ
աղօթք իմ ՚ի կամս նորա :

Արգելան մերձ առ վիմին դատաւորք
նոցա. լուխցեն բանից իմոց, և քաղց-
րասցին :

Որպէս թանձրութիւն հողոյ զի սըփ-
ռեալ է ՚ի վերայ երկրի, ցրուեսցին
ոսկերք նոցա մերձ ՚ի դժոխս :

Առ քեզ տէր տէր են աչք իմ, ՚ի քեզ
յուսացայ, մի հաներ զհոգի յինէն:
Պահեա զիս յորոգայթէ որ թագու-
ցաւ ինձ, ՚ի գայթակղութենէ գոր-
ծողին զանօրէնութիւն :

Անկցին ՚ի ցանցս նորա մեղաւորք,
միայն եմ ես մինչեւ անցից :

Տունք ժ :



ՍԱՂԾՈՍ ՃԽԱ.

Իմաստութիւն Գաւրի. Աղօթք ՚ի ժամանակի՝ զի էր
նա յայրի անդ :

Չայնիւ իմով ես առ տէր կարդացի,
ձայնիւ իմով զտէր աղաչեցի :

Սփռեցից առաջի տեառն զաղօթս իմ,
 և զնեղուծիւնս իմ առաջի նորա
 պատմեցից :

Ի նուազել յինէն հոգւոյ իմոյ, դու
 տէր ծանեար զչաւիղս իմ. ՚ի ճանապարհ
 յոր և գնայի թագուցաւ ինձ
 որոգայթ :

Հայելի յաջմէ՝ և տեսանելի, և ոչ որ
 ճանաչէր զիս. կորեաւ յինէն փախուստ
 իմ, և ոչ գտաւ խնդրող անձին
 իմոյ :

Ազաղակեցի առ քեզ տէր և ասացի,
 դու ես յոյս և բաժին իմ յերկրին
 կենդանեաց :

Նայեա տէր յաղօթս իմ զի ես խոնարհ
 եղէ յոյժ, ապրեցո զիս ՚ի հաւածչաց
 իմոյ, զի հզօրք եղէն քան
 զիս :

Տէր հան ՚ի բանտէ զանձն իմ, դոհա
 նամ զանուանէ քու մէ :

Եւ քեզ սպասեն արդարք՝ մինչեւ
 հատուցես :

Տունք Ը՝ Գորդայս ծղ :

ՍԱՂՄՈՍ ձԽԲ

Սաղմոս Դասքի . 'ի ժամանակի' զի հալածեք զնա
Աբիսողոմ որդի նորա :

Տէր լուր աղօթից իմոց, ունկն դիր
խնդրուածաց իմոց ճշմարտու թեամբ
քով :

Լուր ինձ արդարու թեամբ քով, և
մի մտաներ 'ի դատաստան ընդ ծա-
ռայիքում. զի ոչ արդարանայ առա-
ջի քո ամենայն կենդանի :

Հալածեաց թշնամին զանձն իմ, խո-
նարհ արար յերկիր զկեանս իմ, և
նստոյց զիս 'ի խաւարի որպէս մեռ-
եալ յաւիտենից :

Չանձրացաւ յիս հոգի իմ, և սիրտ
իմ խռովեցաւ յիս :

Յիշեցի զաւուրսն զառաջինս, խորհե-
ցայ յամենայն գործս քո. յարա-
րածս ձեռաց քոց խորհեցայ, և համ-
բարձի առ քեզ զձեռս իմ :

Անձն իմ որպէս երկիր ծարաւի է առ
քեզ. վաղվաղակի լուր ինձ տէր. զի
նուաղեցաւ յինէն հոգի իմ :

Մի դարձուցաներ զերեսս քո յինէն .
 նմանիցիմ այնոցիկ՝ ոյք ի ջանէն ՚ի
 դուբ :

Լսելի արա ինձ առաւօտու զողորմ
 մութիւնս քո , զի ես ՚ի քեզ տէր
 յուսացայ :

Յոյց ինձ ճանապարհ յոր և գնացից ,
 զի առ քեզ տէր համբարձի զանձն իմ :
 Փրկեա զիս ՚ի թշնամեաց իմոց տէր ,
 զի զքեզ ապաւէն ինձ արարի :

Ուսո ինձ առնել զկամս քո , զի դու
 ես աստուած իմ :

Հոգի քո բարի առաջնորդեսցէ ինձ
 ՚ի յերկիր ուղիղ :

Վասն անուան քո տէր կեցուսցես
 զիս արգարութեամբ քով , հանցես
 ՚ի նեղութենէ զանձն իմ :

Ողորմութեամբ քով սատակեա ըզ
 թշնամիս իմ , և կորո զամենայն նե
 զիչս անձին իմոյ , զի ես ծառայքո եմ :

Տունք ժդ :



Ս Ա Ղ Մ Ո Ս ձ Խ Գ .

Աստուծոս Գաւթի առ Գողթաղ :

Օրհնեալ տէր աստուած իմ, որ ուսոյց զձեռս իմ 'ի պատերազմ, և ըզմատունս իմ 'ի ճակատամարտ :

Ողորմօւ թիւն իմ և ապաւէն իմ, օգնական իմ և փրկիչ իմ, ապաւէն իմ, եւ ես յուսամ 'ի նա, ո՛հ հնազանդ առնէ զժողովուրդս ընդ ինեւ :

Տէր՝ ո՞վ է մարդ զի յայտնեցար դունմա, կամ որդի մարդոյ թէ համարիս ինչ զնա :

Մարդ նանբոյ նմանեցաւ, և աւուրք նորա որպէս հովանի անցին :

Տէր խոնարհեցո զերկինս և էջ, մերձեա 'ի լերինս և ծխեսցին :

Փայլատակեա զփայլատակունս քո, և խռովեա զնոսա, առաքեա զնետս քո, և ցրուեա զնոսա :

Առաքեա զձեռն քո 'ի բարձանց, և փրկեա զիս 'ի ջուրց բազմաց, եւ 'ի ձեռաց որդւոց օտարաց :

Որոց բերանք իւրեանց խօսեցան ըզ-

Նանրու թիւն, և աջ նոցա աջ է մե-
ղաց :

Սատուած՝ յօրհնու թիւն նոր օրհնե-
ցից զքեզ, տասնադէաւ սաղմոսարա-
նաւ սաղմոս ասացից քեզ :

Ո՛ տացէ զփրկու թիւն թագաւորաց
մերոց, որ փրկելոց իցէ զդաւիթ ծա-
ռայ իւր ՚ի սրոյ չարէ :

Փրկեա զիս և ապրեցո զիս ՚ի ձեռաց
որդւոց օտարաց :

Որոց բերանք իւրեանց խօսեցան ըզ
նանրու թիւն, և աջ նոցա աջ է մե-
ղաց :

Որոց ուստերք իւրեանց որպէս նորա-
տունկ հաստատուն են ՚ի մանկու-
թենէ իւրեանց, դստերք նոցա զար-
դարեալ և պաճուճեալ ՚ի նմանու-
թիւն տաճարի :

Շտեմարանք նոցա լի են և բղխեն ՚ի
միմեանս, խաշինք նոցա բազմածինք
են, և բազմանան ՚ի գնացս իւրեանց,
և անդեայք նոցա սլարարտք են :

Ոչ գոյ խրամատու թիւն ցանկոյ նոբա,
և ոչ ազազակ ՚ի հրապարակս նոցա :

Արդ երանեցից ժողովրդեան, որոյ այս այսպէս է, նա երանի ժողովրդեան, որոյ տէր աստուած է նոցա :

Տունք ժգ:

Ս Ա Ղ Մ Ո Ս ՃԻՄԻ

Օրհնութիւնք Սաղմոս Դասքի :

Բարձր առնեմ զքեզ աստուած իմ
և թագաւոր իմ, և օրհնեմ զանուն
քո յաւիտեան և յաւիտեանս յաւիտեանից :

Զօրհանապաղ օրհնեցից զքեզ, և
գովեցից զանուն քո յաւիտեան և
յաւիտեանս յաւիտեանից :

Մեծ է տէր և օրհնեալ է յոյժ, և
մեծու թեան նորա ոչ գոյ չափ :

Ազգք և ազգք գովեսցեն զգործս քո,
և զզօրութիւնս քո պատմեսցեն :

Զմեծ վայելչու թիւն փառաց սրբու
թեան քո խօսեսցին, և զսքանչելիս
քո պատմեսցեն :

Զզօրութիւն ահի քո ասացեն, և
զմեծութիւնս քո պատմեսցեն :

Զ յիշատակ բազում քաղցրութեան
քո բղխեսցեն, և արդարութեամբ
քո ցնծասցեն :

Գթած ողորմած է տէր, երկայնա-
միտ և բազում ողորմ :

Քաղցր է տէր առ ամենեւեան, և
գթութիւն նորա ՚ի վերայ ամենայն
արարածոց իւրոց :

Խոստովան եղիցին առ քեզ տէր ա-
մենայն գործքքո, և սուրբքքո օրհ-
նեսցեն զքեզ :

Զփառս արքայութեանքո ասասցեն,
և զզօրութիւնս քո պատմեսցեն :

Ճանաչել որդւոց մարդկան զզօրու-
թիւնս քո, և զփառս մեծ վայելչու-
թեան արքայութեանքո :

Սրբայութիւնքո արքայութիւն ա-
մենայն յաւիտենից, և տէրութիւն
քո ազգէ մինչեւ յազգ :

Հաւատարիմ է տէր յամենայն բանս
իւր և արդար է յամենայն գործս իւր :
Հաստատ է տէր զամենայն գայթակ-
ղեալս, և կանգնէ զամենայն գլոր-
եալս :

Աչք ամենեցուն ՚ի քեզ յուսան , և
 դու տաս կերակուր նոցա ՚ի ժամու :
 Տաս դու նոցա և կերակրին . բանաս
 դձեռն քո , և լցուցանես զամենես-
 ւան քաղցրութեամբ կամօք քովք :
 Արդար է տէր յամենայն ճանապարհ-
 հըս իւր , և սուրբ է յամենայն գործս
 իւր :

Մերձ է տէր առ ամենեսեան ոյք
 կարգան առ նա , առ ամենեսեան ոյք
 կարգան առ նա ճշմարտութեամբ :
 Ջկամս երկիւղածաց իւրոց առնէ
 տէր , աղօթից նոցա լսէ , և կեցու-
 ցանէ զնոսա :

Պահէ տէր զամենեսեան ոյք սիրեն
 զնա , և զամենայն մեղաւորս սատա-
 կէ տէր :

Զօրհնութիւնս տեառն խօսեսցի
 բերան իմ . օրհնեսցէ ամենայն կենդա-
 նի զանուն սուրբ նորա յաւիտեան
 և յաւիտեանս յաւիտենից :

Տունք իբր Գորգայս ծբ :

ՍԱՂՄՈՍ ձԽԵ՛

Ալեյուիա , Անգեայ եւ Զաքարիա :

Օրհնեա անձն իմ զտէր , օրհնեցից
 զտէր ՚ի կեանս իմ , սաղմոս ասացից
 աստուծոյ իմոյ մինչեւ եմ ես :

Մի՛ յուսայք յիշխանս յորդիա մարդ-
 կան , զի ոչ գոյ փրկու թիւն ՚ի նոսա :
 Ելցէ հողի ՚ի նոցանէ՝ եւ դարձցին
 անդրէն ՚ի հող , և յայնմ աւուր կո-
 ըիցեն ամենայն խորհուրդք նոցա :
 Երանի ազգի՝ որոյ տէր աստուած
 յակորայ օգնական է նմա , և յոյս
 նորա ՚ի տէր աստուած է :

Որ արար զերկինս և զերկիր , զծով
 և զամենայն որ ՚ի նոսա :

Ո պահէ զճշմարտութիւն յաւիա-
 եան , եւ առնէ զերաւունս զրկելոց :
 Տաց հաց քաղցելոց , եւ արձակէ ըզ-
 կապեալս տէր :

Տէր բանայ զաչս կուրաց , և կանգ-
 նէ զգլորեալս տէր :

Տէր սիրէ զարգարս , տէր պահէ ըզ-
 պանդուխտս , զորբս և զայրիս ըն-

դունի տէր, եւ զճանապարհս ամբարշտաց կորուսանէ :
Թագաւորեսցէ տէր յաւիտեան, աստուածքո սիօն ազդէ մինչեւ յազդ :

Տունք ժ :

ՍԱՂՄՈՍ ՃԽԶ.

Ալեյուիա, Անգեայ եւ Զաքարիա :

Օրհնեցէք զտէր՝ զի բարի է սաղմոս, աստուծոյ մերումքազցր եղիցի օրհնութիւն :

Շինէ զերուսաղէմ տէր, եւ զցրբուեալսն իսրայէլի ժողովէ :

Բժշկէ զբեկեալ սիրտս, եւ սլատէ զամենայն վերս նոցա :

Ոթուէ զբազմութիւն աստեղաց, եւ զամենեւեան զնոսայանուանէ կոչէ :

Մեծ է տէր եւ մեծ է զօրութիւն նորա, իմաստութեան նորա ոչ գոյբաւ :

Ընդունի զհեզս տէր, եւ խոնարհ առնէ զամբարտաւանս մինչեւ յերկիր :
Օրհնեցէք զաստուած խոստովանու-

Թեամբ , սաղմոս ասացէք նմա օրհնու
նու թեամբ :

Ո զգեցոյց զերկինս ամպովք , և պատ-
րաստ արար զանձրեւ իւր յերկիր :
Բուսոյց զխոտ ՚ի լերինս , և զգալարի
ի ծառայու թիւն մարդկան :

Ո տայ անասնոց կերակուր , ձագուց
ագռաւուց՝ ոյք կարգան առ նա :

Ոչ թէ ընդ զօրութիւնս ձիոյ կամե-
ցաւ տէր , և ոչ ընդ իրանս առն
հսկայի հաճեցաւ :

Այլ հաճեցաւ տէր ընդ երկիւղածս
իւր , և ընդ այնոսիկ՝ ոյք յուսան
յողորմութիւն նորա :

Տունք ժբ :

ՍԱՂՄՈՍ ձԽԷ

Ալեյուիա , Անգեայ եւ Չաբարիա :

Քովեա երուսաղէմ զտէր :

Եւ օրհնեա զաստուած քո սիօն :

Ձի զօրացոյց զնիգս դրանցքոց , եւ
օրհնեաց զորդիս քո ՚ի քեզ :

Ո եղ զսահմանսքո ՚ի խաղաղութիւն

պարարտու թեամբ ցորենոյ լցոյց
զքեզ :

Առաքէ զբան իւր յերկիր , վաղվազ
ընթանան պատգամբ նորա :

Գնէ զձիւն որպէս զասր , եւ զմէզ
որպէս փոշի ցանեաց :

Արկանէ զսառն որպէս պատառս ,
առաջի ցրտոյ նորա ո՞ կարէ կեալ :

Առաքէ զբան իւր և հայլէ զնոսա ,
շնջեացեն հողմբ , և գնասցեն ջուրք :

Պատմէ զբան իւր յակորայ , զարդա-
րու թիւն և զիրաւունս իսրայէլի :

Ոչ այսպէս արար ամենայն ազգաց
տէր , և զգատատանս իւր ոչ յայտ-
նեաց նոցա :

Տունք թ : Գորղայս լլ :



ԱՂՕԹՔ ԱՄԲԱԿՈՒՄԱՅ ՄԱՐԳԱՐԷԻ

Ամբակ դ :

Տէր , զլուր քո լուայ և երկեայ , տէր՝
նայեցայ ՚ի գործս քո և զարհուրեցայ :
Ի մէջ երկուց կենդանեացն ծանխցիս
դու , ՚ի մերձենալ ամացն յայտնես :

ցիս , և 'ի հասանել ժամանակին ե-
րեւեսցիս :

Ի խռովել անձին իմոյ 'ի ժամանակի
բարկու թեան , զողորմութիւն յի-
շեսցես :

Աստուած 'ի հարաւոյ եկեսցէ , եւ
սուրբն 'ի փառան լեռնէ :

Յայտնեսցեն երկինք զվայելչութիւն
փառաց նորա , և օրհնութեամբ նո-
րա լցան տիեզերք :

Ճառագայթք որպէս 'ի լուսոյ հա-
տան 'ի նմանէ , և եղջիւրք 'ի ձեռին
նորա գտան , և անդ հաստատեցաւ
զօրութիւն փառաց նորա :

Յերեսաց նորա ելցեն հարուածք ,
և զհետ շաւղաց նորա երթիցեն մե-
ծամեծք 'ի թռչնոց :

Եկաց և չափեաց զերկիր , հայեցաւ
և գիտեաց զհեթանոսս :

Լերինք հալեսցին և անտառք վատ-
նեսցին . ճանապարհք՝ որ յաւիտենից
'ի սկզբանէն էին , կուրացին , եւ 'ի
նմանէ գողացի զամենայն երկիր :

Տեսի զբանակս քու շացւոց , խռովե-

ցան բնակիչք վրանացն մադիամու :
 Միթէ 'ի վերայ գետոց բարկասցիս
 դու տէր , կամ սրամտութիւն քո
 'ի վերայ գետոց , կամ բարկութիւն
 քո 'ի վերայ ծովու :

Եւերդու 'ի կառսքո , հեծելութիւնդ
 քո փրկութիւն եղել յեւանեղն քո :
 Զարթեալ աղեղն քո . զնետս կա-
 պարճից քոց արբուցեր , զգետս ցրը-
 ուեցեր , զերկիր դողացուցեր . 'ի
 սաստկութենէ անձրեւի . որք ան-
 ցանեն ընդ սա :

Անգունդք աղաղակեցին մեծապէս .
 լոյս փայլման արեգականն արգելաւ ,
 և ծագումն լուսնի դադարեցաւ :
 Որպէս 'ի նշոյլս սլաքաց քոց գնասցես ,
 և որպէս 'ի լոյս փայլատակման սրոյքոյ :
 Բարկութեամբ զարթիցես 'ի վերայ
 երկրի , և դողութեամբ կասցես ըզ-
 հեթանոսս :

Երեւեցար 'ի փրկութիւն ժողովրդ-
 դեան քո . 'ի փրկել զընտրեալս քո :
 Նետաձիգ եղեր 'ի գլուխս մարդկան
 անբարտաւանից , մինչև յանգունդս

Տու՛լու ընկղմեցան :

Խնդրեցեր զվրէժ զօրու թեամբ քով
 'ի զօրագլխացն մեղաւորաց , որք յու-
 սացեալ էին յանդգնութիւնս իւր-
 եանց , զի կերին զաղքատն 'ի գաղտ-
 նիս :

Առաքեցեր 'ի վերայ Տու՛լու զերիվա-
 րըս քո , և խռովեցան յաղթ ջուրք
 անդնդոց :

Կացի ես՝ և գեղան աղիք իմ 'ի ճայ-
 նէ բերանոյ իմոյ . եմուտ դողումն
 յոսկերս իմ , և ես յանձն իմ խռո-
 վեցայ :

Զայս պահեսցես յաւուր նեղու-
 թեան , ածել 'ի վերայ ազգի ամենայ-
 նի՝ որք մարտնչէին ընդ ժողովրդեան
 քում :


Թղենի ոչ տացէ զպտուղ իւր . եւ
 յայգւոջ բեր մի՛ գտցի , ձիթենիք
 սնասցին , և երկիր մի՛ բուսուսցէ
 զգալարի :

Պակասեցին հօտք 'ի ճարակաց , եւ
 եզինք մի՛ գտցին առ մտուրս :

Ես 'ի տէր յուսացայ , ցնծացայց եւ

ուրախ եղէց յաստուած վերկիչ իմ :
Տէր տէր ետ ինձ զօրու թիւն , և կա-
ցոյց զոտս իմ 'ի հաստատու թեան .
'ի վերայ պարանոցի թշնամւոյն կա-
ցոյց զիս , և հանգոյց զիս երազ երազ :

Փառք հօր և որդւոյ և :



Ո Մ Ա Ղ Թ Ն Ք

Լուր մեզ տէր լուր մեզ , աստուա .
ծային ողորմու թեամբ եւ զ թու-
թեամբ քո ինայեա յարարածս քո :
Մարդասէր տէր , վասն սրբուհւոյ :
Քարոզ և ողբի՛ր՝ Ողորմեա և ի նեղութեան հոռոմոցն :



ՍԱՂՄՈՍ ձԽԸ .

Ալեյուիա , Անգեայ եւ Զարարիա :

Օրհնեցէք զտէր յերկնից , օրհնեցէք
զնա 'ի բարձանց :

Օրհնեցէք զնա ամենայն հրեշտակք

նորա , օրհնեցէք զնա ամենայն զօ-
րու թիւնք նորա :

Օրհնեցէք զնա արեգակն և լուսին ,
օրհնեցէք զնա ամենայն աստեղք և
լոյսք :

Օրհնեցէք զնա երկինք երկնից , եւ
ջուրք որ ՚ի վերոյ քան զերկինս , օրհ-
նեցէք զանուն տեառն :

Զի նա ասաց՝ և եղեն , հրամայեաց՝
և հաստատեցան :

Կացոյց զնոսա յաւիտեանս յաւիտե-
նից , սահման ետ և ոչ անցանեն :

Օրհնեցէք զտէր յերկրէ վիշապք , և
ամենայն խորք :

Հուր և կարկուտ , ձիւն և սառն ,
հողմ և մրրիկ՝ որք առնէք զքան նորա :

Երինք և ամենայն բարձունք , ծառք
պտղաբերք և ամենայն մայրք :

Գազանք և ամենայն անասունք , սո-
ղունք և ամենայն թռչունք թեա-
լորք :

Թագաւորք երկրի և զօրք իւրեանց ,
իշխանք և ամենայն դատաւորք երկրի :

Երիտասարդք և կուսանք , ծերք և

տղայք օրհնեցէք զանուէն տեառն :
 Բարձրացաւ անուէն նորա միայն, խոս-
 տովանու թիւն նմա յերկինս և յերկրի :
 Բարձր առնէ տէր զեղջիւր ժողովըր-
 դեան իւրոյ, օրհնու թիւն նմա յա-
 մենայն սրբոց նորա յորդւոցն իսրա-
 յէլի ժողովոյն՝ որ մերձ է առ տէր :

Տունք ժգ :



ՍԱՂՄՈՍ ձԽԹ.

Ալեյուիա, Անգեայ եւ Զարարիա :

Օրհնեցէք զտէր յօրհնու թիւն ՚ի նոր
 օրհնու թիւն նմա յեկեղեցիս սրբոց :
 Ուրախասցի իսրայէլ յարարիչ իւր,
 որդիք սիօնի ցնծասցեն ՚ի թագաւորն
 իւրեանց :

Օրհնեսցեն զանուէն նորա օրհնու
 թեամբ, սաղմոսիւք և օրհնու թեամբ
 սաղմոս երգեսցեն նմա :

Հաճի տէր ընդ ժողովուրդ իւր սուրբ
 և բարձր առնէ զհեզս ՚ի փրկու թեան :
 Պարծեսցին սուրբքն փառօք, և ցըն-
 ծասցեն ՚ի հանգիստ իւրեանց, և

բարձր արասցեն զաստուած բերա-
նօք իւրեանց :

Սուր երկսայրի ետ 'ի ձեռս նոցա ,
առնուլ զհաստուցումն 'ի հեթանո-
սաց , 'ի յանդիմանու թիւն ամենայն
ժողովրդոց :

Ի կապել զթագաւորս նոցա կապա-
նօք , զգօրաւարս նոցա ձեռնակապօք
երկաթօք :

Առնել նոցա դատաստանս ընդ գրոց ,
և փառք այս են ամենայն սրբոց նորա :

Տունք ք :

ՍԱՂՄՈՍ ՃԾ.

Ալեյուիա , Անգեայ եւ Չաբարիա :

Օրհնեցէք զաստուած 'ի սրբու թեան
նորա , օրհնեցէք զնա 'ի հաստատու-
թեան 'ի զօրութեան նորա :

Օրհնեցէք զնա 'ի զօրութեան նորա ,
օրհնեցէք զնա 'ի բազում մեծու-
թեան նորա :

Օրհնեցէք զնա 'ի ձայն օրհնութեան ,
օրհնեցէք զնա սաղմոսիւք և օրհ-

Նու թեամբ ։

Օրհնեցէք զնա ցնծու թեամբ, գովեցէք զնա ուրախու թեամբ ։

Օրհնեցէք զնա 'ի բանս բաղցր , գովեցէք զնա 'ի բարբառ լսելի ։


Օրհնեցէք զնա 'ի ձայն գոհու թեան, ամենայն հոգիք օրհնեցէք զտէր ։

Տունք զ Գորղայս իւր ։

Կանոնս յիւր ։ Չորք կանոնս Տունք ոչիւր ։

Միահամուռ սաղմոս՝ Գորղայս ծղ ։ Սաղմոս ճծ ։

Տունք 'ի սմա սնկբ ։



Այս սաղմոս ինքնադիր Գաւթի էարտաքոյ թուոցի թամանակի դի ել նա նահատակ ընդդէմ Գողթաթու առաջի Սաւուղայ եւ ամենայն զօրացն խորայելի ։

Փորր էի ես յեղբարս իմ , և կըրտսեր 'ի տան հօր իմոյ, արածէի զխաշինա հօր իմոյ ։

Չեռք իմ արարին զսաղմոսարան , և մատունք իմ կազմեցին զգործի օրհնու թեան ։

Խսկ արդ ո՞ պատմեցէ զայս տեառն

Խմուժ, ինքնին տէր ամենայնի լուսիցէ
զամենայն ։

Եւ առաքեաց տէր զհրեշտակ իւր ,
և համբարձ զիս ՚ի հօտէ խաչանց
հօր խնոյ , և էօժ զիս յօժումն իւղոյ
իւրոյ ։

Եղբարք իմ մեծամեծք և զեղեցիկք ,
և ոչ հաճեցաւ ընդ նոսա տէր ։

Ելի ես ընդդէմ այլազգւոյն , և նը-
ղովեցի զկուռս նոցա ։

Հանի զսուսերն ՚ի նմանէ և հատի
զգլուխնորին , և բարձի զնախատինս
յորդուցն խրայելի ։

Փառք հօր և որդւոյ և ։





ՕՐՀՆՈՒԹԻՒՆ

ԵՐԻՅ ՄԱՆԿԱՆՅ

Դանիէլ դ :

Օրհնեալ ես տէր աստուած հարցն մերոց , օրհնեալ փառաւորեալ անուն քո յաւիտեան :

Յիրաւունսանցուցեր զայս ամենայն ընդ մեզ , արդար ես դու տէր , և ամենայն գործք քո ճշմարիտ են :

Ճանապարհք քո ուղիղ են , և ամենայն դատաստանք քո արդար են :

Դատաստան արդարութեան ածեր 'ի վերայ մեր ըստ ամենայնի , զոր ինչ ածեր 'ի վերայ մեր , և քաղաքի սրբոյ հարցն մերոց երուսաղէմի :

Արդարութեամբ և յիրաւի ածեր զայս ամենայն 'ի վերայ մեր վասն մեզաց մերոց :

Անօրինեցաք և յանցեաք ապստամբ լինել 'ի քէն , մեզաք յամենայնի և պատուիրանաց քոց մեք ոչ անսացաք :

Ոչ պահեցաք և ոչ արարաք որպէս պատուիրեցեր դու մեզ , զի զբարիս գացուք մեք 'ի քէն :

Արդ՝ զամենայն զոր արարեր և զոր ինչ ածեր 'ի վերայ մեր , արդար դատաստանաւ արարեր :

Մատնեցեր զմեզ 'ի ձեռս թշնամեաց մերոց , անօրինաց , խստաց և ապստամբողաց :

Ի ձեռս թագաւորի անօրինի և չարի քան զամենայն երկիր, մասնեցեր զմեզ:

Եւ արդ՝ ոչ գոյ մեզ ժամբանալ զբերանս մեր, զի ամօթ և նախատինք եղաք ծառայից քոց և պաշտօնէից:

Այլ մի մատներ զմեզ իսպառ վասն անուանքո, մի ցրեր զուխտս քո, և մի՛ ՚ի բացեայ առներ զողորմութիւնս քո՛ ՚ի մէնջ:

Վասն արբահամու սիրելւոյ քո, իսահակայ ծառայի քո, և իսրայէլի սրբոյ քոյ:

Խոստացար նոցա և ասացեր. բազմացուցից ըզզաւակ ձեր որպէս զաստեղս երկնից բազմութեամբ, և որպէս զաւազ առ եզր ծովու:

Եւ արդ տէր՝ նուաղեցաք մեք քան զամենայն ազգս, և եմք տառապեալ յամենայն երկրի այսօր վասն մեզաց մերոց:

Ոչ գոյ՛ ՚ի ժամանակի յայսմիկ իշխան՝ մարգարէ և առաջնորդ, ոչ ողջակէզք պատարագաց, ոչ իսունկք օրինաց, և ոչ տեղի պատարագս մատուցանելոյ առաջի քո, և զողորմութիւն գտանել՛ ՚ի քէն:

Այլ անձամբք խոնարհեալ և հոգւով տառապանաց ընդունելի լիցուք մեք որպէս զողջակէզս խոյոց և զուարակաց, և որպէս բիւրաւորս դառանց պարարտաց:

Այնպէս ընդունելի լիցին պատարագք մեր այսօր առաջի քո, զի կատարեալ գացուք զկնի քո, և չիք ամօթ յուսացելոցս՛ ՚ի քեզ:

Եւ արդ՝ գամք զհետ քո ամենայն սրտիւք մե-
րովք, երկնչիւմք ՚ի քէն և խնդրեմք զերեսս քո,
տէր մի՛ յամօթ առներ զմեզ:

Այլ արա առ մեզ ըստ հեղութեան քում, և
ըստ բազում ողորմութեան քում, վերկեա զմեզ
վասն սքանչելեաց քոց տէր, և վառաւորեսցի
անուն քո յաւիտեան:

Յամօթ լիցին ամենեքեան, որ չարչարեն զժա-
ռայս քո, ամաչեցեալ լիցին բռնութիւնք նոցա,
և ամենայն զօրութիւնք նոցա խորտակեսցին:
Եւ ծանխցեն զի դու ես տէր աստուած միայն,
որ վառաւորեալդ ես ՚ի վերայ ամենայն տիե-
զերաց:

Օրհնեալ ես դու տէր աստուած հարցն մերոց,
դովեալ և առաւել բարձրացեալ յաւիտեան:

Եւ օրհնեալ է անուն սուրբ վառաց քոց, քով-
եալ և առաւել բարձրացեալ յաւիտեան:

Օրհնեալ ես ՚ի տաճարի վառաց սրբութեան
քո, դովեալ և:

Օրհնեալ ես ՚ի վերայ աթոռոյ արքայութեան
քո, դովեալ և:

Օրհնեալ ես որ նստիս ՚ի քրովբէս և հայիս յան-
դունդս, դովեալ և:

Օրհնեալ ես ՚ի վերայ հաստաութեան երկնից,
դովեալ և:

Օրհնեցէք ամենայն գործք տեառն զտէր, օրհ-
նեցէք և բարձր արարէք զնա յաւիտեան:

Օրհնեցէք երկինք զտէր. օրհնեցէք և բարձր

արարէք զնա յաւիտեան :

Օրհնեցէք հրեշտակք տեառն , և ջուրք որ 'ի վերոյ երկնից զտէր , օրհնեցէք և բարձր արարէք զնա յաւիտեան :

Օրհնեցէք զօրութիւնք տեառն , արեգակն և լուսին զտէր . օրհնեք :

Օրհնեցէք աստեղք երկնից , անձրեւք և ցօղք զտէր . օրհնեք :

Օրհնեցէք ամենայն հողմք հուր և ջերմ՝ զտէր :

Օրհնեցէք ցուրտ և տօթ , ձօղ և ձիւնաբեր բլտէր . օրհնեք :

Օրհնեցէք սառն և սպարզ , եղեամն և ձիւն բլտէր . օրհնեք :

Օրհնեցէք տիւք և դիշերք , լոյս և խաւար բլտէր . օրհնեք :

Օրհնեցէք ամպք և փայլատակունք և երկիր բլտէր . օրհնեք :

Օրհնեցէք լերինք բլուրք , և ամենայն բոյսք երկրի զտէր . օրհնեք :

Օրհնեցէք աղբիւրք , ծովք և դեռք զտէր . օրհնեք :

Օրհնեցէք կէտք և ամենայն կայտառք՝ որ 'ի ջուրս , և թռչունք երկնից զտէր . օրհնեք :

Օրհնեցէք դազանք և անասունք , և որդիք մարդկան զտէր . օրհնեք :

Օրհնեցէ իսրայել զտէր , օրհնեցէ և բարձր արասցէ զնա յաւիտեան :

Օրհնեցէք քահանայք զտէր . օրհնեք :

Օրհնեցէք ծառայք տեառն զտէր . օրհնեք :

Օրհնեցէք անձինք , և շունջք արդարոց զտէր :
 Օրհնեցէք սուրբք և խոնարհ սրտիւք զտէր . օրհն
 Օրհնեցէք անանիա ազարիա և միսայէլ զտէր .
 օրհնեցէք և բարձր արարէք զնա յաւիտեան :

ՕՐՀՆՈՒԹԻՒՆ ՄԱՐԻԱՄՈՒ ԱՍՏՈՒԱԾԱԾՆԻՆ

Ղուկ . ա :

Մեծացուցէ անձն իմ զտէր , և ցնծացէ հո-
 գի իմ աստուծով փրկչաւ իմով :

Այց արար 'ի վերայ խոնարհութեան աղախնոյ
 իւրոյ , սյսուհեաւ երանիցեն ինձ ամենայն
 ազգք :

Արար ընդ իս մեծամեծս հզօրն , և սուրբ է ա-
 նուն նորա :

Ողորմութիւն արար ազգաց յազգս երկիւղածաց
 իւրոց , արար զօրութիւն բաղկաւ իւրով :

Յրուեաց զամբարտաւանս 'ի մտաց սրտից , և
 քակեաց զհզօրս յաթոռոց :

Զխոնարհս բարձրացոյց , զկարօտս ելից բարու-
 թեամբ , և զմեծատունս արձակեաց ունայնս :

Պաշտպանեաց իսրայէլի ծառայի իւրոյ յիշելով
 զողորմութիւն իւր :

Որպէս խօսեցաւ առ հարսն մեր՝ ընդ արբահա-
 մս և զաւակի նորա յաւիտեան :





ՕՐՀՆՈՒԹԻՒՆ ԶԱՔԱՐԻԱՅԻ ՀՕՐՆ

ՅՈՎՀԱՆՆՈՒ ՄԿՐՏՁԻ

Դուկ . ա :

- Օրհնեալ տէր Աստուած խորայելի , որ յայց ել ,
 և արար փրկութիւն ժողովրդեան իւրոյ :
 Յարոյց մեզ եղջիւր փրկութեան 'ի տանէ դաւ-
 թի ծառայի իւրոյ , որպէս խօսեցաւ բերանովք
 սրբոցն՝ որ յաւիտենից մարգարէքն էին :
 Փրկութիւն 'ի թշնամեաց մերոց , և 'ի ձեռաց ամենայն ատելեաց մերոց :
- Առնել ողորմութիւն առ հարսն մեր , և յիշել
 զկտակարանս սրբութեան իւրոյ :
 Երգումն զոր երգուաւ արբահամու հօր մերոյ ,
 տալ մեզ առանց երկիւղի զփրկութիւն 'ի թըշ-
 նամեաց մերոց :
- Պաշտել զնա սրբութեամբ և արդարութեամբ
 առաջի նորա , զամենայն աւուրս կենաց մերոց :
 Եւ դու մանուկ՝ մարգարէ բարձրելոյն կոչեսջիր ,
 զնասցես առաջի տեառն պատրաստել զճանա-
 պարհս նորա :
- Տալ զգիտութիւն փրկութեան ժողովրդեան իւ-
 ըրոյ , 'ի թողութիւն ամենայն մեղաց մերոց :
 Վասն գթոյ ողորմութեան տեառն աստուծոյ

մերոյ , որով երեւեցաւ մեզ արեգակն՝ ի բարձայց , լուսաւոր առնել զխաւար մեր :
 Ծագել լոյս՝ ի վերայ այսոցիկ՝ որ նստէաք ի խաւարի և ի ստուերս մահու , ուղղել զուս մեր ի ճանապարհս խաղաղութեան :

ԱՂՕԹՔ ՍԻՄԷՈՎՆԻ ԾԵՐՈՒՆԻՈՅՆ

Ղուկ . ք :

Արդ արձակեա զժառայս քո տէր ըստ բանի քում՝ ի խաղաղութիւն . զի տեսին աչք իմ՝ ըզփրկութիւն քո , զոր պատրաստեցեր առաջի ամենայն ժողովրդոց :

Լոյս յայանեցար հեթանոսաց , և փառք ժողովրդեան քում իսրայէլի :

ԱՂՕԹՔ ԱՊԱՇԽԱՐՈՒԹԵԱՆ ՄԱՆԱՍԷԻ ԹԱԳԱՒՈՐԻՆ

Տէր ամենակալ աստուած արբահամու , խառնակայ , յակորայ և զաւակի նոցա արդարոց . ամենակալ տէր՝ թող զմեզս իմ :

Որ արարեր զերկինս և զերկիր՝ և զամենայն զարդ նոցա . ամենակալ տէր :

Որ կապեցեր զժով բանիւ հրամանի քո , փակեցեր զխորս , կնքեցեր ահաւոր և փառաւորեալ անուամբ քով սրբով . ամենակալ տէր :

Որ ամենայն ինչ սարսի և գողայ յերեսաց ահի
 զօրութեան քո . ամենակալ տէր :

Անբաւ է մեծ վայելչութիւն փառաց սրբութեան
 քո , սաստիկ է բարկութիւն սպառնալեաց քոց
 'ի վերայ մեղաւորաց , անչափ և անքննին են ո-
 զսրմութիւնք աւետեաց քոց . ամենակալ տէր :
 'Իու տէր բարձրեալ , գթած , երկայնամիտ , բա-
 զումողօրժ , և զղջանաս 'ի վերայ չարեաց մարդ-
 կան . ամենակալ տէր :

'Իու Աստուած՝ ոչ եղեր ապաշխարութիւն վասն
 արդարոցն՝ աբրահամու , իսահակայ և յակո-
 բայ , որք ոչ մեղան քեզ . ամենակալ տէր :

Այլ եղեր ապաշխարութիւն վասն իմ՝ մեղաւո-
 րիս , զի մեղայ աւելի քան զաւազ ծովու , և
 բաղմնացան անօրէնութիւնք իմ . ամենակալ տէր :
 Չեմ արժանի հայիլ և տեսանել զբարձրութիւ-
 նըս երկնից՝ 'ի բաղմութենէ անօրէնութեան ի-
 մոյ . ամենակալ տէր

Կորացեալ եմ ես 'ի բռնութենէ կապանաց եր-
 կաթից , և ոչ գոյ ինձ հանդիտ . ամենակալ տէր :
 Բարկացուցի զսրտմտութիւն , և չար առաջի քո
 արարի , կանգնեցի պատկեր և բաղմացուցի ըզ
 ցասումն . ամենակալ տէր :

Եւ արդ տէր՝ խոնարհեցուցանեմ՝ զծունր սրտի
 իմոյ , և հայցեմ 'ի քաղցրութենէ քումմէ . ա :
 Մեղայ տէր մեղայ , և զանօրէնութիւնս իմ ես
 ինձէն դիտեմ . ամենակալ տէր :

Ազաչեմ և ինդրեմ 'ի քէն՝ թող ինձ տէր ,

Թող ինձ , և մի՛ կորուսաներ զիս ըստ անօրէնութեան իմոյ . ամենակալ տէր :

Մի՛ յաւիտեան բարկանար ինձ տէր , և մի՛ յիշեր զչարխն իմ , և մի՛ պարտաւորեր զիս ընդ իջեալսն ՚ի ներքոյ երկրի շարեօք . ամենակալ :
Զի դու աստուած՝ աստուած ապաշխարողաց ես , և յիս ցոյց զբարերարութիւնդ քո , որ անարժան եմ , ամենակալ տէր :

Կեցուսցես զիս ըստ բազում ողորմութեան քում . և ես օրհնեցից զքեզ զամենայն աւուրս կենաց իմոց . ամենակալ տէր :

Զքեզ տէր օրհնեն ամենայն զուարթունք երկնից , և քո են փառք յաւիտեանս . ամէն :
Փառք հօր և որդւոյ և Ս. յովհ և միշտ և :

Աղաչեմ և խնդրեմ ՚ի քէն տէր , թող ինձ ըզմեզս իմ :

Բազում ողորմ տէր՝ ողորմեա ինձ :

Աստուած քաւեա՛ զիս զմեղաւորս ՚ի մեղաց և կեցո :

Արարիչ իմ և յոյս աստուած՝ գթա ՚ի մեղուցեալ ծառայս , և ողորմեա ինձ բազմամեղիս :

Ամենօրհնեալ սրբուհի և միշտ կոյս աստուածածին մարիամ , բարեխօսեա առ տէր վասն իմ մեղաւորիս :

Ամենայն սուրբ աստուծոյ՝ բարեխօսեցէք առ հայր ՚ի յերկինս վասն մեր մեղաւորացս :

Քրիստոս որդի աստուծոյ անոխակալ՝ ընկալ զաղաչանս մեր , զի ՚ի քեզ են ապաւինեալ անձինք

մեր :

Յազթող զօրութեամբ՝ սուրբ և կենդանարար և պատուական խաչիւ քո տէր՝ պահպանեա զմեզ : Առաքեա տէր զհրեշտակ խաղաղութեան քո , որ եկեալ պահեսցէ զմեզ անխռովս 'ի տուէ և 'ի դիշերի :

Եւ մարդասիրութեամբ քո յիշեա զմեզ տէր՝ յիշեա զմեզ յորժամ դաս արքայութեամբ քով , և ողորմեա մեզ :



Նախադրութիւնք խրատականք յաղագս աղօթիցն , զոր արարեալ է Տէառն Ներսիսի եղբօրն Գրիգորիսի Հայոց կաթողիկոսի :

Ազօթք հասարակաց քրիստոնէից մեծաց եւ փոքունց , զոր պարտին ուսանիլ ամենեքեան՝ եւ ուսուցանել զմիմեանս . քահանայք՝ զժողովուրդս , հարք՝ զորդիս , մարք՝ զգտերս , եւ ընկեր զընկերն իւր իւ ազօթեսցեն սովաւ յաւուրն հինգ անգամ՝ երկոտասան ծնրադրութեամբ 'ի ժամուն . այսինքն՝ յառաւօտուն , 'ի ճաշուն , 'ի հասարակ աւուրն , յերեկոյին , եւ 'ի հանգստեան : Ապա թէ պղերդ ոք լինիցի եւ ծուլանայ զհինգ ժամ ազօթս կատարել , ազօթեսցէ չորս անգամ , կամ երեք անգամ , կամ երկու անգամ , կամ մի անգամ յաւուրն . որ միայն ճանաչի թէ քրիստոնեայ է , եւ զինքն ծանիցէ թէ արարած եմ աստուծոյ եւ երկիրպագու նորա : Եւ թէ զամենայն բանս ազօթիցն հեղգայ ուսանիլ , (որք եւ զաստանայական երգըս բազումս փութով ուսանին) ուսցի զկէս սորա ,

կամ այլ նուազ . զի թէ տունս երիտ ուսանիցին 'ի սմանէ , եւ ազօթեացեն երիտ ծնրադրութեամբ 'ի ժամուն , ընդունելի է առաջի աստուծոյ : Ապա թէ ոք 'ի քրիստոնէիցն անխոյթ առնէ զսա յուսանելոյ եւ յազօթելոյ , յանդիմանեացի եւ 'ի մոլար ժողովոյն այլազգեաց . որք զազօթսն զոր ուսոյց նոցա , 'ի պատեւրադմունս անգամ ոչ խտրանեն' թող թէ 'ի խաղաղութեան :

Իսկ մեր ժողովուրդք արտաքոյ ազօթից տեղւոյ բնաւ ոչ յիշեն զանուեն Աստուծոյ . զի ոչ ունին փոյթ 'ի կարգս ազօթից որպէս զաստուածապաշտս , այլ սիրեն զգատարկարանութիւն քան զազօթս : Եւ թէ երբեմն զան ոմանք յազօթել առ քահանայն , կամ փակեալ բերանով կանգնին , կամ զբուցատրութիւնս առնեն ընդ միմեանս . զի ոչ ինքեանք զիտեն բանս ազօթից , եւ ոչ քահանայից միտ զնեն ստղծոսաց եւ պաշտամանց : Ասան այսր պատճառի արարաք զազօթս զայս պարզ եւ յստակ բառիւ , վասն տխմարաց զիււաճաս լինելոյ . որ է սակաւ ըստ բանից՝ տունս քսան եւ չորս . ըստ ժամուց տու ընջեան եւ գիշերոյ եւ ըստ տառից սրբոց մարգարէիցն , եւ զօրաւոր ըստ մտաց զի զյոլովագոյն պէտս խնդրուածաց մերոց որ յԱստուծոյ՝ ունի լինքեան , եւ տուաք ժողովրդեան մերուժ յուսումն . զի ամենայն անձն քրիստոնէի ուսցի զսա , եւ ուր հանդիպեցին 'ի ժամ ազօթիցն՝ խօսեցին սովաւ ընդ աստուծոյ , թէ յեկեղեցի՝ թէ 'ի տան՝ թէ յանդի՝ թէ 'ի գործ ինչ՝ թէ 'ի ճանապարհի : Եւ որ ուսանին զսա եւ ազօթեացեն մտադրութեամբ՝ ջերմեռանդ սրտիւ եւ արտասուօք , ամենայն խնդրուածք որ զրեալ են 'ի սմա՝ կատարեցին 'ի կենդանութեան եւ յետ մահու : Իսկ որք արհամարհեն եւ ոչ ուսանին եւ ոչ ազօթեացեն , ինքեանք տեսնեն զվնաս անձանց

իւրեանց . մեք հատաք 'ի մէնջ զօլատճառն առնելով զաղօթս զայս . զի մի այլ եւս սպատճառեսցեն թէ ոչ զիտեմք բանս աղօթից , վասն այնորիկ ոչ կամք յաղօթս : Բայց ծանիցեն այնպիսիքն թէ սատանայ ոչ այնչափ ջանայ զայլ բարեգործութիւնս մեր խափանել , որչափ զաղօթս . զի զիտէ որ յաղօթիցն միայն ինքն հալածի 'ի մէնջ , եւ աստուած ընակէ 'ի մեզ , Արդ՝ մեք աղաչեսցուք զբարերարն աստուած բանալ զաչս մտաց ձերոց , յօժարութեամբ ուսանիլ զսա եւ աղօթել , եւ աստուծոյ սիրելի լինել : Եւ յաղօթելն՝ զԳրիգորիս կաթուղիկոս , եւ զեղբայրն նորին զՆերսէս զաղօթիցս յօրինողն յիշեցէք 'ի քրիստոս : Եւ որք ընդօրինակէք 'ի զիրս զաղօթս , գրեցէք եւ զխրատական բանս զայստսիկ . եւ որք գրեն զսա՝ գրեսցին 'ի զպրութիւն կենացն յաւիտենից : Եւ որ որք ուսանին եւ աղօթեսցեն , ոգորմութիւն ընկալցին 'ի քրիստոսէ . եւ որք ուսանիցեն զընկերս , վարձս աօցեն յաստուծոյ : Եւ որք գրենն , մի՛ առաւել քան զօրինակս՝ բան կամ զիր խառնեսցեն . եւ մի նուազ գրեսցեն , զի մի՛ այլ եւ այլ լինիցին բանքն , այլ հաւասար լիցին ամենեքեան ուր եւ գրեսցին : Եւ տխմարքն 'ի զիրս՝ ուղիղ գրողացն աօցեն գրել . եւ քրիստոսի փառք յաւիտեանս . ամէն :



ԱՂՕԹՔ ԻԻՐԱՔԱՆՉԻԻՐ ԱՆՉԻՆ ՀԱԻԱՏԱՅԵԼՈՑ

Ի ՔՐԻՍՏՈՍ

Զոր արարեալ է սրբոյ տեառն Ներսիսի

Հայոց Կօթուղիկոսի :

Հաւատով խոստովանիմ , և երկիրպագանեմ

քեզ՝ հայր և որդի և սուրբ հոգի, անեղ և անմահ բնութիւն, արարիչ հրեշտակաց և մարդկան և ամենայն եղևրոց, և ողորմեա քո արարածոց և ինձ բաղմամեղիս :

Հաւատով խոստովանիմ, և երկիրպագանեմ քեզ՝ անբաժանելի լոյս, միասնական սուրբ երրորդութիւն և մի աստուածութիւն, արարիչ լուսոյ և հալածիչ խաւարի . հալածեա՛րի հոգւոյ իմիկ զխաւար մեղաց և անդիտութեան, և լուսաւորեա զմիտս իմ՛ի ժամուս յայսմիկ ազօթեւ քեզ՛ի հաճոյս, և ընդունել՛ի քէն ըլինդ բուածս իմ . և ողորմեա քո արարածոց և ինձ բաղմամեղիս :

Հայր երկնաւոր աստուած ճշմարիտ՝ որ առաքեցեր զորդիդ քո սիրելի ՚ի խնդիր մոլորեալ ոչխարին, մեղայ յերկինս և առաջի քո . ընկալ զիս որպէս զանառակ որդին, և զդեցո ինձ զպատմուճանն զառաջին՝ զոր մերկացայ մեզօք . և ողորմեա քո արարածոց և :

Որդի աստուծոյ աստուած ճշմարիտ՝ որ խոնարհեցար ՚ի հոյրական ծոցոյ՝ և առեր մարմին ՚ի սրբոյ կուսէն մարիամայ վասն մերոյ փրկութեան . խաչեցար, թաղեցար և յարեար ՚ի մեռելոց՝ և համբարձար փառօք առ հայր . մեղայ յերկինս և առաջի քո . յիշեա զիս որպէս զաւաղակն՝ յորժամ դաս արքայութեամբ քով . և ողորմեա քո :

Հոգի աստուծոյ աստուած ճշմարիտ՝ որ լիցեր

'ի յորդանանն և 'ի վերնատունն, և լուսաւորեցեր զիս մկրտութեամբ սուրբ աւազանին . մեղայ յերկինս և առաջի քո . մարբեա զիս վերջատին աստուածային հրով քով՝ որպէս հրեղէն լեզուօք սուրբ զառաքեալսն . և ոչոր :

Աննդ բնութիւն՝ մեղայ քեզ մտօք խնովք, հողւով և մարմնով խնով . մի՛ յիշեր զմեզս իմ զառաջինս՝ վասն անուանդ քում սրբոյ . և ո՛ր :

Տեսող ամենայնի՝ մեղայ քեզ խորհրդով բանիւ և գործով . ջնջեա զձեռագիր յանցանաց իմոց, և գրեա զանուն իմ՝ 'ի դպրութեան կենաց . և ոչորմեա քո արարածոց և :

Քննող գաղտնեաց՝ մեղայ քեզ կամաւ և ակամայ, գիտութեամբ և անգիտութեամբ . թողութիւն շնորհեա մեղաւորիս, զի 'ի ծննդենէ սուրբ աւազանին մինչև ցայսօր մեղուցեալ եմ առաջի ստտուածութեանդ քո զգոյարանօք խնովք, և ամենայն անգամօք մարմնոյս . և ո՛ր :

Ամենախնամ աէր՝ դիր պահապան աչաց իմոց . զերկիւղ քո սուրբ ոչ եւս հայիլ յարատ, և ահանջաց իմոց՝ ոչ ախորժել լսել զբանս շարութեան, և բերանոյ իմոյ՝ ոչ խօսիլ զստութիւն, և սրտի իմոյ՝ ոչ խորհիլ զշարութիւն, և ձեռաց իմոց՝ ոչ գործել զանիրաւութիւն, և ոտից իմոց՝ ոչ գնալ 'ի ճանապարհս անօրէնութեան . այլ ուղղեա զշարժումս սոցա լինել միշտ ըստ պատուիրանաց քոց յամենայնի . և ոչորմեա :

Հուր կենդանի քրիստոս՝ զհուր սիրոյ քո՝ զոր

արկեր յերկիր, բորբոքեա անձն իմ. զի այրեացէ զախա հողւոյ իմոյ, և սրբեացէ զխիղճ մտաց իմոց, և մաքրեացէ զմեզս մարմնոյ իմոյ, և վառեացէ զլոյս գիտութեան քո 'ի սրտի իմում. և ողորմեա :

Իմաստութիւն հօր յիսուս՝ տուր ինձ իմաստութիւն, զբարիս խորհիլ և խօսիլ և գործել առաջի քո յամենայն ժամ. 'ի չար խորհրդոց 'ի բանից և 'ի գործոց փրկեա զիս. և ողորմեա : Կամեցող բարեաց տէր կամարար՝ մի՛ թողուր զիս 'ի կամս անձին իմոյ գնալ, այլ առաջնորդեա ինձ լինել միշտ ըստ կամաց քոց բարեսիրաց. և ողորմեա :

Արքայ երկնաւոր՝ տուր ինձ զարքայութիւն քո. զոր խոստացար սիրելեաց քոց՝ և զօրացո զսիրտ իմ՝ ատել զմեզս, և սիրել զքեզ միայն, և առնել զկամս քո. և ողորմեա :

Խնամող արարածոց՝ պահեա նշանաւ խաչի քո զհողի և զմարմին իմ՝ 'ի պատրանաց մեղաց, 'ի փորձութեանց դիւաց, և 'ի մարդոց անիրաւաց. և յամենայն վտանգից հողւոյ և մարմնոյ. և ո : Պահապան ամենայնի քրիստոս՝ աջ քո հովանի լիցի 'ի վերայ իմ՝ 'ի տուէ և 'ի գիշերի. 'ի նըստիլ 'ի տան, 'ի գնալ 'ի ճանապարհ, 'ի ննջել և 'ի յառնել՝ զի՛ մի երբէք սասանեցայց. և ո :

Աստուած իմ՝ որ բանաս զձեռն քո, և ընուս զամենայն արարածս ողորմութեամբ քով, քեզ յանձն առնեմ զանձն իմ. դու հողա և պատ-

բատեա զպէսս հոգւոյ և մարմնոյ իմոյ յայսմ
հետէ մինչև յաւիտեան . և ողորմեա :

Գարձուցիչ մուրեկոց՝ դարձս զիս ՚ի չար սովո-
րութեանց իմոց ՚ի բարի սովորութիւն . և բե-
ւեռեա ՚ի հոգի իմ՝ զսոսկալի օր-մահունն , և զեր-
կիւղ գեհէնին , և զսէր արքայութեանն , զի
զղջացայց ՚ի մեղաց՝ և գործեցից զարդարու-
թիւն . և ողորմեա :

Աղբիւր անմահութեան՝ աղբերացս ՚ի սրտէ իմ-
մէ զարտասուս ապաշխարութեան որպէս պոռ-
նկին . զի լուացից զմեզս անձին իմոյ յառաջ
քան զեւանելն իմ՝ յաշխարհէս . և ողորմեա :

Պարգեւիչ ողորմութեան՝ պարգևեա ինձ ուղ-
ղափառ հաւատով և բարի գործով , և սուրբ
մարմնոյ և արեան քս հաղորդութեամբ գալ
առ քեզ . և ողորմեա :

Բարերար տէր՝ հրեշտակի բարւոյ յանձն ա-
բացես զիս քաղցրութեամբ աւանդել զհոգի
իմ , և անխռով անցուցանել ընդ չարութիւն սյ-
տոցն՝ որ են ՚ի ներքոյ երկնից . և ողորմեա :

Լոյս ճշմարիտ քրիստոս՝ արժանաւորեա զհոգի
իմ ուրախութեամբ տեսանել զլոյս փառաց քոց
՚ի կոչման աւուրն , և հանգչիլ յուսով բարեաց
յօթեանս արդարոց մինչև յօր մեծի գալլս-
տեան քո . և ողորմեա :

Գատաւոր արդար՝ յորժամ գաս փառօք հօր
դասել զկենդանիս և զմեռեալս , մի՛ մոռաներ
՚ի դատաստան ընդ ծառայի քում , այլ փրկեա

զիս 'ի յաւիտենական հրոյն, և լսելի արա ինձ
զերանաւէտ կոչումն արդարոց յերկնից արքա-
յութիւնդ, և ողորմեա :

Ամենողորմաէր՝ ողորմեա ամենայն հաւատացե-
լոց 'ի քեզ, իմոց և օտարաց՝ ծանօթից և ան-
ծանօթից՝ կենդանեաց և մեռելոց՝ շնորհեա և
թշնամեաց իմոց և ատելեաց զթողութիւն որ
առ իս յանցանաց, և դարձս զնոսս 'ի չարեացն
զոր ունին վասն իմ, զի ողորմութեանդ քում
արժանի լինիցին, և ողորմեա :

Փառաւորեալ տէր՝ ընկալ զաղաչանս ծառայիս
քո, կատարեա 'ի բարի զինդ բուածս իմ՝ բա-
րեխօսութեամբ սրբուհւոյ աստուածածնին և
յովհաննու մկրտչին, և սրբոյն ստեփաննոսի նա-
խավկային, և սրբոյն դրիդորի մերոյ լուսաւոր-
չին, և սրբոց առաքելոց՝ մարգարէից՝ վարդա-
պետաց՝ մարտիրոսաց՝ հայրապետաց՝ ճգնաւո-
րաց՝ կուսանաց, և ամենայն սրբոց քոց երկնա-
ւորաց և երկրաւորաց, և քեզ փառք և երկրը-
պագութիւն անբաժանելի սուրբ երրորդութեա-
նրդ յաւիտեանս յաւիտենից. ամէն :



ՄԱՂԹԱՆՔ ԶՕՐԱԽՈՐՔ ԱՐՀԱԽԱՅ ԳԻՇԵՐԱՅՆՈՑ

Սրբոց Գրիգորի Նարեկացւոց ասացեալ :

Բան ժբ :

Ընկալ քաղցրութեամբ, տէր աստուած հզօր,

զգաւնացողիս զաղաչանս . մատիւր գթութեամբ
 առ պատկառեալս դիմօք . փարատեա ամենա-
 պարգեւ , զամօթական տխրութիւնս . բարձ յի-
 նէն ողորմած , զանբերելի ծանրութիւնս . ան-
 ջրպետեա հնարաւոր , զմահացու կրթութիւնս .
 աւարեա միշտ յաղթող , զխաբողին հաճութիւ-
 նքս . բացաղբեա վերնային , զմոլելոյն մառա-
 խուղ . կնքեա կեցուցիչ , զկօրուսչին ընթաց-
 մունս . ցրուեա ծածկատեա , զըմբռնողին չար գլո-
 մունս , խորտակեա անքննին , զմարտողին դիմեց-
 մունս : Տեառնագրեա քո անուամբդ , զլուսան-
 ցոյց երդ . յարկիս . պարփակեա քո ձեռամբդ ,
 զառաստաղ տաճարիս . գծագրեա քո արեամբդ ,
 զմուտ սեմոց սենեկիս . կերպացո զքո նշանդ , 'ի
 հետս ելից մաղթողիս . ամբացո քո աջովդ , ըզ
 հանգստեանս խշտի . մաքրեացես 'ի հաղբից , ըզ
 ծածկարան անկողնոյս . պահեոցես քո կամօքդ ,
 զտառապեալ անձն ողւոյս . անխաշղախ արաս-
 ցես , զքո շնորհեալ շունչ մարմնոյս . կացուս-
 ցես շրջափակ , զպար զօրուդ երկնայնոյ . կար-
 գեացես 'ի դիմի , ընդդէմ գիւացն դասու : Տուր
 հանգիստ բերկրութեան մահահանգոյնս նիրհ-
 ման 'ի խորութեան գիշերիս . բարեխօսութեամբ
 հայցուածոց սրբուհւոյ աստուածածնիդ և ամե-
 նայն ընտրեւոց : Ամիտիւեալ պարուրեա զպատու-
 հան տեսութեանց զգայարանացս իմաստից ան-
 զարհուրելի զետեղմամբ , 'ի ծփական խռովու-
 թեան , կենցաղական դրաղմանց , անբճական երա-

զոց , խօլականաց ցնորից , յիշատակաւ քո յուսոյդ անմիասելի պաշտպանեալ : Եւ սթափեալ վերստին 'ի ննջմանէ ծանրութեան ամենազգաստ արթնութեամբ , հոգենորոզ զուարթութեամբ 'ի քեզ արձանացեալ զայս ձոյն մաղթանաց բուրմամբ հաւատոց քեզ՝ ամենօրհնեալ թագաւոր փառաց անճառից փառարանողաց երկնագումար խմբից երգակցեալ յերկինս առաքել : Զի դու փառաւորեալ ես յամենայն արարածոց յաւիտեանս յաւիտենից . ամէն :



ԱՂՕԹՔ ԵՐԵԿՈՅԵԱՆ ՆՂՐԻՆ ՍՐԲՈՅՆ ԳՐԻԳՈՐԻ

Ընն զգ .

Աստուած յաւիտենական , բարեբար և ամենակալ . ստեղծիչ լուսոյ . և յօրինիչ գիշերոյ . կեանք 'ի մահու , և լոյս 'ի խաւարի . յոյս ակն ունողաց , և երկայնմտութիւն տարակուսելոց : Որ ամենարուեստ իմաստութեամբ քո՝ դարձուցանես յայգ զստուերս մահու , աննուազ ծագումն և անմուտ արեգակն , քանզի ոչ զօրէ ծածկել զփառս տէրութեան քո խաւար գիշերոյ : Որում կրկնի ծունր երկրպագութեան ամենայն եղելոց՝ երկնաւորաց և երկրաւորաց , և սանդարամետականաց . որ լսես զհեծութիւն կապելոց , և հայիս յաղօթս խոնարհաց , և ըն-

դունիս զինդ բուածս նոցա, աստուած իմ և
 թագաւոր իմ. կեանք իմ և սպաւէն իմ. յոյս
 իմ և վստահութիւն իմ. յիսուս քրիստոս աստ-
 ուածդ ամենայնի. սուրբդ հանգուցեալ 'ի հո-
 գիս սրբոց, միտիթարութիւն վշտաց՝ և քաւա-
 րան մեղուցելոց, որ գիտես զամենայն յառաջ
 քան զլինել նոցա. առաքեա զպահպանողական
 զօրութիւն աջոյ քո, և փրկեա զիս յերկիւղէ
 գիշերի և 'ի դիւէ շարէ: Որպէս զի զյիշատակ
 սոսկալի և սուրբ քո անուանդ՝ միշտ համբուր-
 եալ շրթամբք հոգւոյ՝ ըզձութեան շնչոյ, կե-
 ցից պահպանեալ ընդ այնոսիկ՝ որ կարդան ըզ-
 քեզ 'ի բոլոր սրտէ: Եւ 'ի դրօշմէ խաչի քոյոյ
 նշանիդ, զոր աստուածային արեամբդ քո ներ-
 կեալ նորոգեցեր. և 'ի նոյն շնորհ որդեգրու-
 թեան զմեզ մկրտեցեր, և 'ի փառս պատկերի
 քո նկարեալ՝ յօրինեցեր. տյսու պարգեւօք
 աստուածականօք՝ ամաչեսցէ սատանայ. քակ-
 տեսցին մեքենայքն. բարձցին որոգայթքն.
 պարտեսցին մարտուցեալքն. պակասեսցին զէն-
 քըն սայրասուրք. մերժեսցի մէզն. փարատես-
 ցի խաւարն. մեկնեսցի մառախուղն: Բազուկ
 քո հովանասցի, և աջ քո կնքեսցէ. վասն զի
 գթած ես և ձղորմած, և անուն քո կոչեցեալ
 է 'ի վերայ ծառայից քոց: Եւ քեզ ընդ հօր՝
 հոգւովդ սրբով՝ փառք իշխանութիւն յաւիտ-
 եանս, յաւիտենից. ամեն:



ԱՂՕԹՔ ԶՕՐԱԻՈՐ

Ն Ո Ր Ի Ն Ս Ր Բ-Ո Յ Ն Գ Ր Ի Գ Ո Ր Ի

Բան խա :

Որդի աստուծոյ կենդանւոյ օրհնեալ ամենայնի . հօրդ ահաւորի անքննին ծնունդ , որ տկարանայ առ 'ի քէն և ոչինչ . որ 'ի ծագել անբառուեր նշուլից ողորմութեան քո փառաց . հալին մեղք , հալածին դեւք , ջնջին յանցանք , խղին կապանք , խորտակին շղթայք կենդանաճնին մահացեալք , բժշկին հարուածք , ողջանան վէրք , բառնին ապականութիւնք , տեղի տան տխրութիւնք , նահանջին հեծութիւնք , փախնու խաւարն , մեկնի մէզն , մերժի մառախուղն , փարատի մռայլն , սպառի աղջամուղջն , վերանայ մութն , գնայ գիշերն , տարագրի տազնապն , չքանան չարիքն , հալածին յուսահատութիւնքն , և թագաւորէ ձեռն քո ամենակալ , քաւիչդ ամենայնի : Որ ոչ եկիր կորուսանել զմարդկան ոգիս , այլ կեցուցանել . թող ինձ զանթիւ չարիսն իմ՝ բազում՝ ողորմութեամբդ , զի դու միայն ես յերկրի անճառ , և յերկրի անզննին , 'ի տարր գոյի , և յեզրս ծագաց աշխարհի , սկիզբըն ամենայնի և յամենայնի ամենայն լրմամբ ,

օրհնեալ 'ի բարձունս . և քեզ ընդ Հօր և Հոգւոյդ սրբոյ փառք յաւիտեանս . ամէն :

ՀՐԱԺԱՐՈՒՄՆ

Հրաժարիմք 'ի սատանայէ և յամենայն խարէութենէ նորա , 'ի պատրանաց նորա , 'ի խորհրդոց նորա , 'ի դնացից նորա , 'ի չար կամաց նորա , 'ի չար հրեշտակաց նորա , 'ի չար պաշտօնէից նորա , 'ի չար կամարարաց նորա , և յամենայն չար զօրութենէ նորա՝ հրաժարելով հրաժարիմք :

Զայս երէցս կրկնեմ' երէս 'ի յարեմոսոս և յերս 'ի կորսնելի . և սոս քառնայ յարեելի . և սկսնէ զքառնայսնսն սոսգլոսն հասարոյ , բարձրելի և յերեմոսոս կերդիս , և սի :

Խոստովանիմք և հաւատամք ամենակատար սրբախւ զհայրն Աստուած՝ անեղ , անձին , և անսկիզբն . այլ և ծնող Որդւոյ և բղխող Հոգւոյն սրբոյ : Հաւատամք զբանն աստուած՝ անեղ , ծընեալ , և սկսեալ 'ի Հօրէ նախ քան զյաւիտեանս , ոչ յետոյ և ոչ կրտսեր , այլ որքան հայրն հայր՝ ընդ նմին և որդին՝ որդի : Հաւատամք զսուրբ հոգին աստուած անեղ , անժամանակ . ոչ ծնեալ՝ այլ բղխեալ 'ի հօրէ , էակից հօր և փառակից որդւոյ : Հաւատամք զերբորդութիւնն սուրբ՝ մի բնութիւն , մի աստուածութիւն . ոչ երեք աստուածք , այլ մի աստուած . մի կամք , մի թա-

դաւորութիւն , մի իշխանութիւն . արարիչ երեւելեաց և աներեւութից : Հաւատամք յեկեղեցի սուրբ՝ զթողութիւն մեղաց՝ հաղորդութեամբ սրբոց : Հաւատամք զմին յերից անձանց զբոնն աստուած՝ ծնեալ ՚ի հօրէ նախ քան զյաւիտեանս . ՚ի ժամանակի իջեալ յաստուածածին կոյսն մարիամ , առեալ յարենէ նորա՝ միաւորեաց ընդ իւրում աստուածութեանն . իննամեայ ժուկալեալ յարգանդի անարատ կուսին . և եղև աստուածն կատարեալ՝ մարդ կատարեալ , հոգւով և մտօք և մարմնով , մի անձն , մի դէմ , և միաւորեալ մի բնութիւն : Աստուածն մարդացեալ առանց իտիոխման և առանց այլայլութեան . անսերմն յղութիւն և անսպական ծընունդ . որպէս ոչ է սկիզբն աստուածութեան նորա՝ և ոչ վախճան մարդկութեան նորա : (Զի յիսուս քրիստոս երէկ և այսօր՝ նոյն և յաւիտեան) : Հաւատամք զՏէրն մեր յիսուս քրիստոս շրջեալ ՚ի վերայ երկրի . յետ երեսուն ամաց եկեալ ՚ի մկրտութիւն : Հայր ՚ի վերուստ վկայեալ՝ դա՛ է որդի իմ սիրելի . և Հոգին սուրբ աղանակերպ իջեալ ՚ի վերայ նորա : Փորձեալ ՚ի ստանայէ և յաղթեալ նմա : Քարոզեալ մարդկան զփրկութիւն : Աշխատեալ մարմնով , վաստակեալ քաղցեալ՝ և ծարաւեալ : Յետոյ եկեալ կամաւ ՚ի չարչարանս . խաչեալ և մեռեալ մարմնովն , և կենդանի աստուածութեամբն : Մարմինն եղեալ ՚ի գերեզմանի՝ միաւորեալ աստուածու-

թեամբն , և հոգւովն իջեալ 'ի դժոխս՝ անբաժանելի աստուածութեամբն : Քարողեալ հոգւոցն : աւերեալ զդժոխս՝ և ազատեալ զհոգիս : Յետ երկց աւուրց յարուցեալ 'ի մեռելոց և երևեալ տշակերտացն : Հաւատամք զտէրն մեր յիսուս քրիստոս՝ նովին մարմնովն համարձեալ յերկինս և նստեալ ընդ աջմէ հօր : Այլ և գալոց է նովին մարմնովն և վառօք հօր՝ 'ի դատել ըզկենդանիս և զմեռեալս . որ և յարութիւն ամենայն մարդկան : Հաւատամք և զհատուցումն դործոց , արդարոցն կեանք յաւիտենական , և մեղսորացն տանջանք յաւիտենական :

Զ Ղ Ջ Ո Ւ Մ Ն

Մեղայ ամենասուրբ երրորդութեան՝ հօր և որդւոյ և հոգւոյն սրբոյ : Մեղուցեալ եմ՝ աստուծոյ : Խոստովանիմ առաջի աստուծոյ՝ և սրբութեանս աստուածածնին , և առաջի քո հայր սուրբ՝ զամենայն մեղս զոր դործեալ եմ : Քանզի մեղայ խորհրդով բանիւ և դործով , կամայ և ակամայ , դիտութեամբ և անգիտութեամբ , մեղայ աստուծոյ : Մեղայ հոգւովն և զօրութեամբ սորա , մտօքս և շարժմամբ սորա , մարմնովն և զգայութեամբ սորա : Մեղայ զօրութեամբ հոգւոյս , խորամանկութեամբ , անզգամութեամբ , յանդգնութեամբ և երկչոտութեամբ , շուայլութեամբ և ժլատութեամբ , զեղիսութեամբ և ա-

Նիրաւութեամբ, չարահաւանութեամբ, յուսահատութեամբ և թերամտութեամբ. մեղայ աստուծոյ :

Մեղայ չար խորհրդով մտացս. նենգութեամբ, ատելութեամբ, խեթիւ, մախանօք, յաչախանօք, թուլութեամբ, պոռնիկական խորհրդով, արուական, իգական, անտոնական, դրատուական, գաղանական, 'ի դիչերի և 'ի տուրնջեան, երաղական գիծութեամբ, և անըջական գարշաղտեղութեամբ. մեղայ աստուծոյ :

Մեղայ ցանկութեամբ մարմնոյս. հեշտութեամբ, պղերգութեամբ, յօբանջմամբ քնոյ, շարժութեամբ մարմնոյս, զաղբագործութեամբ 'ի պէս պէս ախոս, հեշտալրութեամբ լսելեացս, արատութեամբ աչացս, ցանկութեամբ սրտիս, իգութեամբ ռնգացս, պաղշտութեամբ բերանոյս, անժութկալութեամբ, շուայտութեամբ և արբեցութեամբ. մեղայ աստուծոյ .

Մեղայ չարաբանութեամբ լեզուիս. ստախօսութեամբ, սուտ երդմամբ, երդմնաղանցութեամբ, հակառակութեամբ, վիճարանութեամբ, բանսարկութեամբ, շոգմնգութեամբ, քսու դատարկաբանութեամբ և ծաղու զրախօսութեամբ, հերձախօսութեամբ և անիծաբանութեամբ. տրանջելով, դժգոհելով, բամբասելով և հայհոյելով. մեղայ աստուծոյ :

Մեղայ գողութեամբ ձեռացս. ազահելով, զրկելով, հարկանելով, սպանանելով, և ընդ

գարչս ածելով . մեղայ աստուծոյ :

Մեղայ ամենայն յօգուածովք շինուածոյս և ամենայն անդամօք մարմնոյս . հնդեակ զգայարանօքս , և վեցեկի շարժմամբս . վերամբարձ ոտնահարութեամբ , և վայրաքարչ մեղկութեամբ , յաջ և յահեակ խոտորելով , զառաջնոցն մեղանչելով , և վերջնոցն շար նշաւակ գուլով . մեղայ աստուծոյ :

Ս,յԼ և մեղայ եօթնիցս յանցանօք՝ մահացումեղօք . հպարտութեամբ՝ և մասամբ նորին . նախանձու՝ և մասամբ նորին . բարկութեամբ՝ և մասամբ նորին . ծուլութեամբ՝ և մասամբ նորին . աղահուութեամբ՝ և մասամբ նորին . որկրամնլութեամբ՝ և մասամբ նորին . բղձախոհութեամբ՝ և մասամբ նորին . մեղայ աստուծոյ :

Ս,յԼ և մեղայ ամենայն պատուիրանացն աստուծոյ , յանձնառելեացն և հրաժարելեացն , զի ոչ զյանձնառականն կատարեցի , և ոչ ՚ի հրաժարելեացն հեռացայ : Զօրէնս առ ի՝ և օրինացն հեղգացայ . ՚ի կարգս քրիստոնէութեան հրաւիրեցայ , և գործովս անարժան գտայ . գիտելով զչարն կամաւ կորացայ , և ՚ի բարեաց գործոց ես ինձէն հեռացայ . վա՛յ ինձ , վա՛յ ինձ , վա՛յ ինձ : Զո՞րն ասեմ , կամ՞ զո՞րն խոստովանիմ . զի անթիւ են յանցանք իմ , անասելի են անորէնութիւնք իմ . աններելի են ցաւք իմ . և անբժշկելի են վէրք իմ . մեղայ աստուծոյ :

Հայր սուրբ՝ զքեզ ունիմ միջնորդ հաշտութեան
և բարեխօս առ միածին սրդին աստուծոյ . զի
իշխանութեամբդ որ տուեալ է քեզ, արձակեա-
ցես զիս՝ ի կապից մեղաց իմոց, աղաչեմ զքեզ :



ԱՐՁԱԿՈՒՄՆ

Ողորմեսցի քեզ մարդասէրն աստուած, և թո-
ղութիւն շնորհեսցէ ամենայն յանցանաց քոց,
խոստովանացելոցդ և մտացելոց : Եւ ես կար-
գաւս քահանայական իշխանութեան, և հրա-
մանաւն աստուածային՝ « թէ՛ Զոր արձակիցէք
յերկրի՛ եղիցի արձակեալ յերկինս » : Նովին
բանին արձակեմ զքեզ յամենայն մասնակցու-
թենէ մեղաց քոց . ՚ի խորհրդոց՝ ՚ի բանից՝ և ՚ի
գործոց . յանուն հօր՝ և որդւոյ՝ և հոգւոյն
սրբոյ : Եւ դարձեալ՝ տամ զքեզ ՚ի խորհուրդս
սուրբ եկեղեցւոյ . զի զոր ինչ գործիցես բարիս,
եղիցի քեզ ՚ի բարեգործութիւն և ՚ի վառս
հանդերձեալ կենացն . ամէն :

Օրհնեալ տէր մեր Յիսուս Քրիստոս ամէն :

Հայր մեր որ յերկինս, սուրբ եղիցի անուն քո .
եկեսցէ արքայութիւն քո . եղիցին կամք քո որ-
պէս յերկինս և յերկրի . զհաց մեր հանապա-
ղորդ՝ տուր մեզ այսօր . թող մեզ զպարտիս

մեր՝ որպէս և մեք թողումք մերոց պարտապանաց , և մի՛ տանիր զմեզ 'ի փորձութիւն , այլ փրկեա՛ զմեզ 'ի չարէ , զի քո է արքայութիւն և զօրութիւն և փառք յաւիտեանս յաւիտենից ամէն :



ՀԱՆԳԱՆԱԿ ՆԻԿԻԱԿՈՆ

Հաւատամք 'ի մի աստուած 'ի հայրն ամենակալ՝ յարարին երկնի և երկրի , երեւելեաց և աներեւութից : Եւ 'ի մի տէր յիսուս քրիստոս որդին աստուծոյ՝ ծնեալն յաստուծոյ հօրէ՝ միածին , այսինքն յեութենէ հօր : Աստուած յաստուծոյ , լոյս 'ի լուսոյ , աստուած ճշմարիտ , յաստուծոյ ճշմարտէ՝ ծնունդ և ոչ արարած : Նոյն ինքն 'ի բնութենէ հօր , որով ամենայն ինչ եղեւ յերկինս և 'ի վերոյ երկրի , երեւելիք և աներեւոյթք : Որ յաղազս մեր մարդկան և վասըն մերոյ փրկութեան իջեալ 'ի յերկնից՝ մարմնացաւ , մարդացաւ , ծնաւ կատարելապէս 'ի մարիամայ սրբոյ կուսէն հողւովն սրբով : Որով էառ զմարմին զհողի և զմիտ , և զամենայն որ ինչ է 'ի մարդ , ճշմարտապէս և ոչ կարծեօք : Չարչարեալ , խաչեալ , թաղեալ , յերբորդ աւուր յարուցեալ , ելեալ 'ի յերկինս նովին մարմնովն՝ նստաւ ընդ աջմէ հօր : Գալոց է նովին

մարմնովն և փառօք հօր 'ի դատել զկենդանիս
 և զմեռեալս, որոյ թագաւորութեանն ոչ գոյ
 վախճան: Հաւատամք և 'ի սուրբ հոգին՝ յա-
 նեղն և 'ի կատարեալն, որ խօսեցաւ յօրէնս և
 'ի մարգարէս և յաւետարանս: Որ էջն 'ի յոր-
 դանան, քարոզեաց զառաքեալսն, և բնակե-
 ցաւ 'ի սուրբսն: Հաւատամք և 'ի մի միայն ընդ-
 հանրական և յառաքելական եկեղեցի, 'ի մի
 մկրտութիւն, յապաշխարութիւն, 'ի քառութիւն
 և 'ի թողութիւն մեղաց: Ի յարութիւնն մեռե-
 լոց, 'ի դատաստանն յաւիտենից, հոգւոց և
 մարմնոց, յարքայութիւնն երկնից և 'ի կեանսն
 յաւիտենականս:

Մինչև ցարդ են հաւատոյ բանք

Իսկ որք ասեն՝ էր երբեմն, յորժամ՝ ոչ էր որ-
 դի. կամ էր երբեմն, յորժամ՝ ոչ էր սուրբ
 հոգի, կամ թէ՛ յոչէից եղեն. կամ յայլմէ է-
 ութենէ ասեն լինիլ զորդին աստուծոյ և կամ
 զսուրբ հոգին. և թէ՛ փոփոխելիք են կամ այ-
 լայլելիք, զայնպիսիսն նշովէ կաթողիկէ և ա-
 ռաքելական սուրբ եկեղեցի:

Ի Սուրբ Լուսաւորչէն մերմէ ասացեալ:

Իսկ մեք փառաւորեսցուք՝ որ յառաջ քան
 զյաւիտեանս, երկիրպագանելով սրբոյ երրոր-
 դութեանն՝ և մի աստուածութեանն հօր և

որդւոյ և հոգւոյն սրբոյ . այժմ՝ և միշտ և յա-
ւիտեանս յաւիտենից . ամէն :

ՓԱՌԱԲԱՆՈՒԹԻՒՆ

Փառք 'ի բարձունս աստուծոյ , և յերկիր խա-
ղաղութիւն 'ի մարդիկ հաճութիւն : Եւ օրհնու-
թիւն քեզ 'ի բարձունս օրհնեալ ևս տէր աստ-
ուած մեր . օրհնեմք զքեզ և գովեմք զքեզ :
Խոստովանիմք տէր զքեզ և երկիրպաղանեմք
քեզ . փառաւորեմք զքեզ . գոհանամք տէր ըզ-
քէն վասն մեծի փառաց քոց : Տէր թաղաւոր
սուրբդ երկնային . աստուած և հայր ամենա-
կալ : Տէր և որդի հօր միածին յիսուս քրիստոս
և սուրբ որդի : Տէր աստուած գառն աստուծոյ
և որդի հօր . որ առեր զմերս 'ի կուսէն : Ողոր-
մեցար , բարձեր զմեզս աշխարհի . և արդ ընկալ
ղաղաչանս մեր : Սուրբդ որ նստիս ընդ աջմէ
հօր՝ ողորմեաց մեզ : Զի դու միայն սուրբ . դու
միայն բարձրեալ ես՝ դու միայն տէր մեր Յի-
սուս քրիստոս : Տէր և հոգիդ սուրբ որ 'ի փառս
աստուած ընդ հօր . ամէն : Եւ յամենայն ժամ
օրհնեմք զքեզ . տէր և գովեմք զանուն սուրբ
քո յաւիտեան և յաւիտեանս յաւիտենից : Ար-
ժանի արա տէր զօրս զայս խաղաղութեամբ . և
առանց մեզաց պահեա զմեզ : Օրհնեալ ևս տէր
աստուած հարցն մերոց , գովեալ և փառաւոր-

եալ է անուն սուրբ քո յաւիտեանս ամէն : Օրհնեալ տէր՝ ուսո ինձ զարդարութիւնս քո : Օրհնեալ տէր՝ ուսո ինձ զարդարութիւնս քո : Օրհնեալ տէր՝ ուսո ինձ զարդարութիւնս քո : Տէր ապաւէն եղեր մեր յազգէ յազգ : Ես աղաչեմ տէր ողորմեա ինձ , և բժշկեա զանձն իմ , ես մեղայ քեզ : Յոյց մեզ տէր զողորմութիւնս քո և զփրկութիւնս քո աուր մեզ . տէր ողորմութիւն քո յաւիտեան , զգործս ձառաց քոց մի՛ անտես առներ : Տէր իմ՝ զքեզ ապաւէն ինձ արարի , ուսո ինձ առնել զկամս քո զի դու ես աստուած իմ : Ի քէն է տէր ազբիւր կենդանութեան , և լուսով երեսաց քոց տեսանեմք զլոյս : Մազեա զողորմութիւնս քո՝ ոյք ճանաչեն զքեզ տէր :

Փառք պատիւ և երկրպագութիւն ՚ի բարձունս հօր և որդւոյ և հոգւոյն սրբոյ այժմ՝ և միշտ :

— — — — —

Մ Ա Ղ Թ Ա Ն Ք

Չհանդստեան զաղօթս և զաղաչանս ընկալ մարդասէր աստուած՝ ի հաճոյս բարերար կամաց քոց : Մեր մեղաց և բազում յանցանացն թողութիւն շնորհեա . և քեզ փառք յաւիտեանս ամէն : Փառք քեզ տէր աստուած մեր , որ պարզ եւ եցեր զօրս զայս բարեաւ և խաղաղութեամբ անցուցանել :

Մարդասէր աստուած, զառաջիկայ գիշերս որ 'ի վերայ մեր գալոց է՝ 'ի մեղաց փրկեա , 'ի չարեաց ազատեա , և 'ի գործս բարիս՝ առաջնորդեա : Առաւօտու օրհնութեանցն և փառարանութեանցն արժանի արա զամենայն հաւատացեալս անուանդ քում սրբոյ և պահեա 'ի խաղաղութեան :

Տէր աստուած մեր . տուր զքո խաղաղութիւնդ ամենայն աշխարհի . բարձ ղցասումն և զպատուհանն 'ի յարարածոց քոց :

Ողորմեաց հարց և եղբարց մերոց՝ կենդանեաց և հանգուցելոց :

Ողորմեաց զեկեղեցի շինողաց , երախտաւորաց՝ պաղատուից , սպասաւորաց , և այնոցիկ՝ որք ընդ հովանեաւ սրբոյ եկեղեցւոյ են հանգուցեալ : Տէր աստուած , օգնեա թագաւորաց զրիստոնէից և իշխանացն բարեպաշտից , զօրաց և զաւակաց նոցին՝ պահելով 'ի խաղաղութեան :

Տէր աստուած մեր , պահեա զառաջնորդս և զեղբայրութիւնս մեր ամբողջ և անխուով 'ի կամս ողորմութեան քոյ :

Նշանաւ սուրբ և պատուական խաչիւ քո հաւածեա զերեւելի և զաներեւոյթ թշնամին 'ի սահմանաց մերոց և 'ի բնակութեանէս մերմէ :

Փրկեա զմեզ 'ի հրոյն յաւիտենից :

Եւ քեզ փառք յաւիտեանս ամէն :

Յ Ա Ն Կ Ս Ա Ղ Մ Ո Ս Ա Յ

Ըստ կարգի այբուբենից :

Ազադակեցէք առ աստուած ամենայն երկիր . . .	կե.
Ազադակեցէք առ տէր ամենայն երկիր	դբ.
Ապրեցո զիս տէր , զի նուազեաց սուրբ	ժա.
Ապրեցո զիս տէր 'ի մարդոյ շարէ	ճը.
Առ գետս բարեկացւոց . անդ նստէաք	ճլգ.
Առ քեզ տէր կարգացի աստուած իմ , մի	իե.
Առ քեզ տէր համբարձի զանձն իմ	իդ.
Առ քեզ տէր համբարձի զաչս իմ , որ	ճիբ.
Ասաց անդգամն 'ի սրտի իւրում , թէ ոչ	ժգ.
Ասաց անդգամն 'ի սրտի իւրում , թէ ոչ	ժբ.
Ասաց տէր ցտէր իմ . նիստ ընդ աջմէ իմմէ	ճբ.
Ասացի թէ պահեցից զճանապարհս իմ	լբ.
Ասէ անօրէնն 'ի մեղանշել ընդ միտս	լե.
Աստուած՝ ականջօք մերովք լուաք զոր հարքն . . .	խդ.
Աստուած աստուած իմ , ես առ քեզ առաւօտ . . .	կբ.
Աստուած աստուած իմ նայեաց առ իս	իա.
Աստուած աստուծոց տէր խօսեցաւ եւ կոչեաց . . .	խբ.
Աստուած եկաց 'ի ժողովս աստուծոց	ճա.
Աստուած զիրաւունս քո արքայի սուր	հա.
Աստուած մեր ապաւէն եւ զօրութիւն	իե.
Աստուած մերժեցեր եւ աւերեցեր զմեզ	ժբ.
Աստուած մտին հեթանոսք 'ի ժառանգու	հը.
Աստուած յօդնել ինձ նայեաց , եւ տէր	կբ.
Աստուած յանուան քում կեցո զիս , եւ 'ի զօ	ժգ.
Աստուած ողորմեա մեզ եւ օրհնեա զմեզ	կգ.
Աստուած ո՞ քեզ նմանիցի , մի՛ լսեր . եւ	ժբ.
Աստուած վրէժխնդիր , տէր աստուած	զգ.
Աստուած օրհնութեան իմոյ մի՛ լսեր . զի	ճբ.

- Աստ օրհնեցէք ամենայն ծառայք տեառն ճլգ.
 Բազում անգամ մարտեան ընդ իս ճիբ.
 Բայց միայն աստուծոյ հնազանդ լեր անձն կա.
 Բանից իմոց ունին զիր տէր, եւ 'ի միտ առ ե.
 Բարի է խոստովան լինել տեառն , եւ սաղմոս . դա.
 Բարձր ատնեմ զքեզ աստուած իմ եւ թա ճխդ.
 Բարձր ատնեմ զքեզ տէր , զի ընկալար իբ.
 Բիզխեսցէ սիրտ իմ զպատգամս քո բարի խդ.
 Գոհացայց զքէն տէր բոլորով սրտիւ բ.
 Գովեա երուսաղէմ զտէր ճխե.
 Գատ արա ինձ աստուած , եւ իրաւ արա խբ.
 Գատ արա ինձ տէր զի ես յանբժութեան իե.
 Գատեա տէր զայնոսիկ ոյք զատեն լլ.
 Եթէ ոչ տէր էր առ մեզ , ասասցէ ճիգ.
 Եթէ ոչ տէր չինէ զտունն , 'ի նանիր ճիգ.
 Եկայք ցնծասցուք 'ի տէր , աղաղակեսցուք զդ.
 Երանեալ են անբիժք 'ի ճանապարհի ճծբ.
 Երանեալ է այր որ երկնչի 'ի տեառնէ բժա.
 Երանեալ է այր որ ոչ գնաց 'ի խորհուրդս ա.
 Երանի ամենեցուն՝ ոյք երկնչին 'ի տեառնէ ճիե.
 Երանի որ խորհի զազքատն եւ զանանկն խ.
 Երանի՞ ում թողութիւն եղեւ մեզաց լա.
 Երկինք պատմեն զփառս աստուծոյ եւ ժբ.
 Զի՞ բարի կամ զի՞ վայելուչ , զի բնակին ճլբ.
 Զի՞ պարծի 'ի չարութեան հզօր ծա.
 Զողորմութիւնս քո տէր յաւիտեան օրհ ճբ.
 Ընդէ՞ր խոսիւցան հեթանոսք եւ ժողո բ.
 Ընդէ՞ր մերժեցեր աստուած իսպառ հդ.
 Թէ արդարեւ զարդարութիւն խօսէիք ծե.
 Իբրեւ զի բարի է խորայելի աստուած հբ.
 Ի զարձուցանել տեառն զգերութիւն ճիե.
 Ի խորոց կարգացի առ քեզ տէր , տէր ճիբ.

Ի կարգալ իմում լուար ինձ աստուած	գ.
Ի ներդրութեան իմում ես առ քեզ տէր կարգա	ճԺբ.
Ի տէր յուսացայ . որպէս ասիցէք ցանձն	ժ.
Ի քեզ տէր յուսացայ , մի՛ ամաչեցից յաւիտ	լ.
Ի քեզ տէր յուսացայ , մի՛ ամաչեցից յաւիտ	ն.
Լուարուք զայս ամենայն ազգք . ունկնդիր	խբ.
Լուիցէ քեզ տէր յաւուր անձկութեան	ժբ.
Լուր աստուած աղօթից իմոց յազաչել ինձ	կգ.
Լուր աստուած աղօթից իմոց , եւ նայեա տէր	կ.
Լուր տէր արգարութեան , եւ նայեա	ժգ.
Խոնարհեցո տէր զունկն քո՝ եւ լուր ինձ	ճե.
Խոստովան եղերուք տեառն եւ կարգա	ճդ.
Խոստովան եղերուք տեառն՝ զի բարի է	ճԺե.
Խոստովան եղերուք տեառն՝ զի բարի է	ճլե.
Խոստովան եղերուք տեառն՝ զի քաղցր է	ճե.
Խոստովան եղերուք տեառն՝ զի քաղցր է	ճգ.
Խոստովան եղէց քեզ տէր՝ բոլորով սրտիւ	ճլե.
Խոստովան եղէց քեզ տէր՝ բոլորով սրտիւ	ճԺ.
Խոստովան եղիցուք առ քեզ աստուած	նգ.
Մափս հարէք ամենայն հեթանոսք	խդ.
Կեցո զիս աստուած , զի հասին ջուրք	կը.
Հաճեցար տէր ընդ երկիր քո , եւ դարձու	ճդ.
Համբարձի զաչս իմ՝ ի լերինս , ուստի եկես	ճի.
Համբերելով համբերի տեառն , եւ նայեցաւ	լբ.
Հաւատացի զ՛ր եւ խօսեցայ , եւ ես խո	ճԺե.
Հիմունք նորա ՚ի լեառն սուրբ նորա	ճգ.
Չայնիւ իմով եւ առ տէր կարգացի	նգ.
Չայնիւ իմով եւ առ տէր կարգացի	ճխա.
Մատուցէք տեառն՝ սրդիք աստուծոյ	իբ.
Մեծ է տէր , եւ օրհնեալ է յոյժ	խե.
Մի՛ նախանձիր ընդ շարս , եւ մի՛ ընդ այնոս	լգ.
Մինչեւ յևրք տէր մոռանաս զիս	ժբ.

Յայտնի է 'ի հրէաստանի աստուած եւ	հէ.
Յարիցէ աստուած՝ եւ ցրուեսցին ամենայն	կէ.
Յեղանելն իսրայէլի յեզրիպտոսէ	ճժգ.
Յիշեա տէր զգաւիթ , եւ զամենայն հեղու	ճլա.
Յողորմութիւն եւ յիրաւունս օրհնե	հ.
Նայեցարուք ժողովուրդք յօրէնս իմ	հէ.
Ողորմեա ինձ աստուած՝ զի կոխեաց	ժէ.
Ողորմեա ինձ աստուած՝ ողորմեա ինձ	ժգ.
Ողորմեա ինձ աստուած ըստ մեծի ողոր	ժ.
Ո յուսա 'ի տէր , որպէս լեաոն սիօն	ճիգ.
Որ բնակեայն է յօգնութիւն բարձ	գ.
Որ հովուեսզ իսրայէլի նայեաց , որ	հր.
Որպէս սիրելիք են յարկք քո տէր զօրու	ճդ.
Որպէս փափաքի եզջերու յաղբերս	խա.
Ունկն զիր աստուած ազօթից իմոց , եւ	ժգ.
Ուրախ եղէ ես՝ ոչք ասէին ցիս	ճխա.
Պահեա զիս աստուած իմ , զի ես 'ի քեզ	ժէ.
Պատրաստ է սիրտ իմ աստուած պատ	ճէ.
Սիրեցի զի լուիցէ տէր զձայն	ճժդ.
Սիրեցից զքեզ տէր զօրութիւն իմ	ժէ.
Տեաոն է երկիր լրիւ իւրով	իդ.
Տէր ապաւէն եզեր մեր ազգէ	ճր.
Տէր աստուած իմ 'ի քէզ յուսացայ փրբ	է.
Տէր աստուած փրկութեան իմոյ , 'ի տուէ	ճէ.
Տէր զի բազում եղեն նեզիչք իմ	ճ.
Տէր թագաւորեաց՝ ըսրկացան ժողո	զբ.
Տէր թագաւորեաց՝ վայելչութիւն զգեցաւ	զբ.
Տէր թագաւորեաց՝ ցնծացէ երկիր	զգ.
Տէր 'ի զօրութեան քում ուրախ եզիցի	ի.
Տէր լոյս իմ եւ կեանք իմ ես յումմէ	իգ.
Տէր լուր ազօթից իմոց , ունկնզիր	ճխբ.
Տէր լուր ազօթից իմոց , ազազակ	ճա.

Տէր կարգացի առ քեզ եւ լուր ինձ	ճխ.
Տէր հովուեսցէ զիս եւ ինձ ինչ ոչ	իբ.
Տէր մի՛ սրամտութեամբ քով յանդիմա	գ.
Տէր մի՛ սրամտութեամբ քով յանդիմա	լե.
Տէր ոչ բարձրացաւ սիրա իմ եւ ոչ	ճլ.
Տէր յի՛ կացցէ 'ի խորանի քում	ժղ.
Տէր տէր մեր . զի՞ սքանչելի է անուն քո	բ.
Տէր փորձեցեր զիս եւ ծանեար	ճլբ.
Յնձացէք առ աստուած օգնական է	ճ.
Յնձացէք արդարք 'ի տէր ուղղոց	լբ.
Փրկեա զիս 'ի թշնամեաց իմոց աստուած	ժբ.
Քեզ վայելէ օրհնութիւն աստուած 'ի սիօն	կղ.
Օրհնեա անձն իմ զտէր , տէր աստուած	ճգ.
Օրհնեա անձն իմ զտէր , եւ ամենայն	ճբ.
Օրհնեա անձն իմ զտէր , օրհնեցից զտէր	ճխե.
Օրհնեալ տէր աստուած իմ , որ ուսոյց	ճխղ.
Օրհնեցէք զանուն տեառն , օրհնե	ճլղ.
Օրհնեցէք զաստուած 'ի սրբութեան նորա	ճձ.
Օրհնեցէք զտէր ամենայն աղինք զովե	ճժգ.
Օրհնեցէք զտէր՝ զի բարի է սաղ	ճխգ.
Օրհնեցէք զտէր յերկնից , օրհնե	ճխբ.
Օրհնեցէք զտէր յօրհնութիւն նոր , զի	ղե.
Օրհնեցէք զտէր յօրհնութիւն նոր , օրհ	ղե.
Օրհնեցէք յօրհնութիւն 'ի նոր	ճխբ.
Օրհնեցէք մանկունք զտէր , եւ	ճժբ.
Օրհնեցից զտէր յամենայն ժամ , յամե	լգ.



Արդ՝ արձակեա զծառայս քո տէր	384
Ես ասացի 'ի վերանալ յինէն առուրց	278
Զի հուր բորբոքեցաւ 'ի բարկութենէ	135
'Ի՞ զիչերաց կանխէ հոգի իմ՝ առաւօտ առ	233
'Ի նեղութեան իմում ես առ տէր կարգացի	325
Հաստատեցաւ սիրտ իմ 'ի տէր, եւ	182
Մեծացուցէ անձն իմ զտէր	382
Նայեցարուք երկինք եւ խօսեցայց	85
Տէր զուր քո լուայ եւ երկեայ	368
Տէր ամենակալ աստուած արբահամու	384
Փոքր էի ես յեղբարս իմ, եւ կրտսեր	376
Օրհնեալ ես տէր աստուած հարցն մերոց	378
Օրհնեալ ես տէր աստուած խրայէլի, որ յայց	383
Օրհնեսցուք զտէր զի փառօք է փառա	38
Օրհնեցէք զաստուած յօրհնութիւն նոր	324

ԵԹՐՆ ՍԱՂՄՈՍԻ ԱՊԱՇԽԱՐՈՒԹԵԱՆ

Տէր մի՛ սրտմտութեամբ քով յանդի	դ.
Երանի ում թողութիւն եզեւ մեղաց	լա.
Տէր մի՛ սրտմտութեամբ քով յանդի	լե.
Ողորմեա ինձ աստուած ըստ մեծի ողոր	ծ.
Տէր լուր ազօթից իմոց, աղաղակ	ճա.
Ի խորոց կարգացի առ քեզ տէր, տէր	ճիբ.
Տէր լուր ազօթից իմոց, ունկն զիր խնոր	ճխբ.

